




Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
898/A/2





Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
898/A/2



Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
898/A/2



Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
898/A/2

N. IV. v 898⁽²⁾
16/ A/2

BOAISTUAU (Pierre)

WELLCOME
HIST. MED. MUSEUM

40 349

Colloquium.

C.

898/A/2

40349

HISTOIRE PRODIGIEUSES.

XVI. Century.

Calpato c.

HISTOIRE PRODIGIEUSES.

XVI. Century.

898/A/2

40349

Colloquy.

898/A/2

40.349

TABLE DES MATIERES

contenues au traicté des histoires

Prodigieuses.

40 349



En la premiere histoire sont contenues
quelques Prodiges, & illusions de
Satan. i. ii. iii. iii.

En la deuxiesme, Les ires, foudres &
maledictions de Dieu, enuoyées sur la
miserable Cité de Ierusalem, avec plusieurs aduertisse-
mens pour les attirer à penitence, mesme une predicti-
on, & prophetie d'un paysant. iii. v. & vi.

En la troisieme il est faict mentiõ de plusieurs morts
de Princes & grands Seigneurs, avec la mort prodi-
gieuse d'un Roy de Pologne & d'un Archeuesque
de Maience. vii. viii. ix. x. xi.

En la 4 est descrite l'histoire de Nabuchodonosor,
avec un discours Philosophique par lequel est monstré
en quel peril sont ceux qui cõmencent. xi. xii. & xiii

En la cinquiesme sont declarées succinctement les cau-
ses principales de la generation des maistres, avec plu-
sieurs histoires memorables à ce propos. 14. xv. & xvi

Au chapitre 6. est racontée une histoire notable de
deux filles engendrées de nostre temps, qui estoient col-
lées ensemble par les testés. xvii. x. viii.

Si les diables peuvent concevoir, avec l'histoire d'un
horrible mōstre engendré de nostre temps. 19. 20. 21. 22

Un enfant tiré vis du ventre de sa mere, laquelle es-
toit morte depuis deux iours, avec plusieurs histoires
des foudres & tempestes. xxii. xxiii. xxiiii. xxv

Le tonnerre entrant par la bouche d'une fille qui es-
toit à chenal, l'oy feist sortir la langue par ses parties

ē i;

honteuses.

xxvi

Histoire prodigieuse d'un homme qui de nostre
tēps se lauoit la face & les mains de plōb fō du. xxviii

Enfant crucifié par les iuifs, avec quelques autres hi-
stoires des Ladres, qui empoisonnerent les Fontaines, &
puis avecques eux.

xxxix.

Deluges & cruelles inundations d'eaux aduenues
de nostre temps.

xxxiiij

Prodigieuse mort de Pline, avec les causes des flam-
mes qui sortent des entrailles de la terre.

xxxvi

L'astuce du diable, qui fist precipiter un cheualier
Romain en un gouffre, sous le pretexte de deliurer son
pais de tribulation.

xxxix

L'histoire prodigieuse d'une fille qui auoit deux te-
stes, & n'auoit qu'un corps.

xlii

Histoire prodigieuse d'un homme monstrueux qui
apparut à saint Antoine au desert.

xliiii

Histoires memorables des pierres precieuses.

xlvi

Histoire admirable de deux princesses faulxement ac-
cusées, lesquelles ne peurēt estre endōmagées du feu.

liiii

Prodiges de la mer, où il est faict mention des mon-
stres marins, Nereides, Syrenes, Tritons, poissons vo-
lans & autres monstres aquatiques.

lvii

Pourtraict d'une espece de poisson volant, ou autre
monstre aquatique, figuré sur celui qui est au cabinet du
seigneur Dasserac:

lx

Prodige des chiēs q̄ māgeoiēt les Chresttiēs.

lxvii. lxviii

Pourquoy on voit quelquesfois plusieurs soleils au
ciel, ou plusieurs Lunes, avec la cause & signification
des Cometes.

lxix

Comete prodigieuse, laquelle estoit si horrible que
plusieurs espouantez d'un estrange spectacle tombe-

rent malades & les autres moururent. lxxxi

Flammes qui ont sorty des testes d'aucunes personnes notables, avec grande admiration & erreur. lxxxi

Plusieurs histoires memorables de l'amour avec la vie dissolue des trois plus renommées courtisaines, desquelles les auteurs Grecs & Latins ayent iamais fait mention. lxxvi

Monstre execrable qui sortoit entier du ventre d'un autre homme, reserué la teste. lxxxvi

Les plus memorables histoires que tous les Medecins anciens & modernes ayent escrites des plantes. Avec une histoire prodigieuse de la racine de Barra, laquelle Iosephus auteur hebreu fait mention. lxxxviii

Monstre brutal ayant figure humaine, duquel Gesnerus fait mention en ses histoires Latines des animaux. c.

De l'excessive & despense prodigalité des anciens & modernes en leurs festins & banquets. ci

L'histoire de Denis Heracleot, qui deuint si gras que de peur que la graisse l'estouffast il estoit contrainct par le conseil des Medecins se faire tirer la graisse avec des Sangsues. 109

Diuerses histoires des visions faulses & vrays qui apparoissent la nuit & le iour en veillant & dormant. Avec un traicté des vmbres, figures, fantosmes, spectres, & autres choses semblables, qui se representent souuent à nous. 110

De Catalde Euesque de Tarente, qui apparut à un enfant. 114

D'une femme enchanteresse qui cheut morte. 119

D'un Conseiller qui cuida estre noyé pour adherer à la voix d'un Echo. 125

D'un monstre veu par Cælius Rhodiginus, ayant deux
testes & le demeurant de parfait nature. cxxviii.

Prodige d'un enfant qui fut produit vis sur terre, le-
quel auoit le ventre ouuert, de telle sorte qu'on luy
voyoit toutes les plus secrettes parties du corps, nues &
descouuertes. cx.

Histoire prodigieuse, obseruée par l'auteur d'un chien
engendré d'une Dogue & d'un Ours, avec plusieurs au-
tres histoires sur ce subiect. cxxxii.

L'histoire notable d'une femme qui porta cinq ans son
fruct mort en son corps, laquelle il fallut en fin ouurir
& tirer ceste putrefaction de son corps membre à mem-
bre, avec grand estonnement. cxli.

Enfant produict sur terre avec quatre bras & qua-
tre iambes du temps que les Venitiens & Geneuoys fu-
rent reconciliez. cxliii.

Serpent monstrueux, ayant sept testes, avec quelques au-
tres histoires de ces animaux. cxlvi.

Histoire notable d'une mere qui mangea une partie
de son enfant, & offrit l'autre à quelques soldats qui la
tourmentoient. clv.

Histoire notable d'un oyseau descouuert de nostre
temps lequel n'a point de pieds, & ne vit qu'en l'air, &
iamais ne se trouue prins que mort. clvi.

Prodige de deux filles iumelles ioinctes & collées,
ensemble par les parties posterieures. clxi.

Cruauté prodigieuse, avec une detestation de ceux
qui font si bon marché du sang humain. clxiii.

L'histoire d'Asiages, qui fist manger à Arpalus
son fils. clxvi.

Abomination estrange d'un enfant demy chien & d'
un homme, engendré avec telle forme par l'incontinence

Et brutale lasciuie de la mere.

clxiii

Histoire notable d'un homme monstrueux lequel
forma vne merueilleuse complainte au Senat Romain
contre les abus Et pilleries de quelques Censeurs Et
Magistrats.

clxx

De la monstrueuse auarice de deux hommes, dont
l'un fit manger de la chair humaine, l'autre de la chair
de porc qui auoit este mordu des chiens enragez. clxxvi
Monstre ayant aïles Et les pieas d'oiseau engen-
dré du temps du Pape Iules second, Et du Roy Loys
douzieme,

clxxix.

FIN DE LA TABLE.

PRODIGES DE SATAN.

Chapitre 1.



A

HISTOIRES



O MBIEN que Satan depuis la creation du monde ait exercé son regne & tyrannie par toutes les provinces de la terre, & se soit faict adorer à vne infinité de peuples soubz diuerses especes d'animaux, si est-ce qu'il ne se trouue point en toutes les histoires sacrees & prophanes, que nostre Dieu luy ait plus donné de liberté, ou lasché la bride plus longue pour escumer sa rage contre ses creatures, qu'il a faict en deux lieux: Le premier desquels a esté en l'oracle d'Appollo, tant celebré par les histoires, où il a tenu escolle, & boutique ouuerte de tyrannie, & cruauté l'espace de mille ou douze cens ans. Et auoit cest esprit sanguinaire si bien charmé & enchanté ceux qui le venoient adorer en ce lieu, que s'ils vouloient auoir responce de leurs demandes, il les cotrainoit le plus souuent de luy sacrifier des hommes tous vifs, quelquesfois des vierges, mesmes les peres leurs enfans. Et nō content de ceste boucherie, encore il exerçoit vn magazin d'auarice & rapine, sous le pretexte de religion, de sorte que la pluspart des Roys & monarques de la terre, le venoiēt adorer en ce lieu, enrichissans son temple d'vne infinité de thresors & dons precieux, & d'vn grand nombre de statuës toutes massiues d'or: qui fut cause que le petit nid, & cauerne, où il se logeoit au commencement, fut par quelque interualle de temps enflé en vne grosse & superbe cité. Et sceut si bien cest

*Dionysius
Halicar-
nassens es-
crit Iuppi-
ter &*

*Appollon
auoit affli-
gé l'Italie
de grandes
pertes, &
deffaites
de guerre,
pour tant
que la deci-
me des hom-
mes ne leur
auoit esté
immolee.*

*Aristode-
mus. Mela-
nppus.*

PRODIGIEUSES.

2

esprit maling vëdre ses coquilles, & faire valoir ses offrandes aux pelerins qui l'alloient adorer (comme Diodore escrit) que pour telle foys on a trouuë en ses thresors plus de dix mille talens, qui valent selon nostre computation six milliõs d'or. Le lieu où cest ennemy de lumiere tenoit son siege, & rendoit ses oracles, estoit desert & montueux, situé en la Grece, sur la breche d'un haut Rocher duquel yssoit vn souspiral fort profond, & tenebreux. Et d'iceluy estoit poulsé en-haut vn esprit froid comme vent. Et sur ce trou & conduit infernal, certains prestres & deuins se panchoient comme s'ils eussent voulu couuer. Et apres auoir receu le souffle de ce vent, remplis non pas de l'esprit de Dieu, mais du diable, demeuroient alienez de leurs sens, & estans en cest estat rendoient responce au peuple sur les interrogations qu'on leur faisoit. Mais ce qui rendoit encores plus admirable & monstrueux ce lieu consacré à Satan, c'estoit qu'il estoit si soigneusement gardé par les diables, qu'il ne se trouuoit homme mortel qui l'osast assaillir, non plus que les thresors qui y auoient esté congregez de toutes les parties du monde, de sorte que quand ce grand Roy Xerxes bruslant d'auarice alla pour destruire la Grece avec son armee, & se fut mis en effort de piller ce temple, certaine partie du Rocher où il estoit assis, roulla sur les soldats, & commença le ciel à s'ouurir, & vomir flammes de feu, éclairs & tonnerres si horribles que ceux qui estoient sur la montagne tomberent en bas enragés. Et comme Trogus escrit, il y mourut bien

*Thresors
de Satan.*

*Pausanias
in Phocis.*

*Gasparus
Puerus au
liure de di-
uination.*

A ij

HISTOIRE

Ætius

*Pausanias
lib..10.*

*Mort de
Brenus.*

*Le diable
adoré enco-
re pour le
iour d'huy
en Calicut.*

quatre mille hommes. Ce qui n'aduint pas vne fois seulement: car les Gaulois qui estoient sous la conduite de Brenus experimenterent le semblable, lesquels s'efforçans de monter la montagne pour piller le temple de Delphe, vn violent tremblement de terre, comme vn Torrent débordé estonna si bien ladicte montagne, que la plus grande portion d'icelle tomba sur l'exercite, & suffoqua tout ce qu'elle rencontra: & apres toutes ces playes, le diable iouyssant de sa gloire iusques au dernier periode, esmeut tellement le Ciel avec foudres, tourbillons tempestes, gresles, esclairs & tonnerre, que la pluspart de l'armee fut estouffce, & Brenus leur chef tellement blessé, que ne pouuant supporter la douleur de sa playe fut contrainct par impatience de mal se sacrifier luy-mesme de sa dague. Le second lieu ou Satan a tenu son throne, & s'est faict reuerer avec grand merueille, & magnifier comme Dieu, est encore aujourd'huy en essence, cest en Calicut, l'vne des plus opulentes & fameuses citez des Indes, & bien d'vne façon plus estrange, admirable, & espouuentable, qu'en l'oracle d'Appollo, où il se masquoit de peur d'estre veu: mais il est maintenant plus effronté, car sous la plus hideuse & abominable forme qu'on ait accoustumé de les depindre (ialoux de l'honneur de son Createur) il veult estre contemplé, & reueré de tous. Et si a si bien fillé les yeux, & enseuely les sens de ce miserable populace de Calicut, qu'encore qu'ils croyent en vn Dieu, toutesfois ils adorent & re-

PRODIGIEUSES.

uerent le diable, luy font sacrifices, luy erigent
statuës, le parfument, encensent, & embosment,
comme si c'estoit quelque deité. Tous ceux de
leur prouince, encore qu'elle aye fort longue
estendue, ensemble leur Roy, croyent qu'il y a
vn seul Dieu createur du Ciel & de la terre, &
autres elements, & de tout le monde vniuersel:
mais Satan pere de mensonge a tant gagné
sur eux par son astuce & cautelle, qu'il leur a
persuadé & mis en teste, que Dieu craignant
l'ennuy & fatigue de iuger du tort, du droict,
& autres controuerses qui suruiennent entre
les hommes, luy a donné la charge d'estre iu-
ge en la terre: & par ainsi ce pauvre peuple a-
ueuglé des tenebres d'ignorance, croyt que
Dieu ayt enuoyé le diable sur la terre pour ex-
ercer ceste charge, avec pleine puissance de
faire iustice, & rendre le droict à vn chacun,
& appellent entre eux ce diable Deumo: l'ef-
figie duquel le Roy tient en sa chappelle com-
me quelque sanctuaire, & est la figure de co
faux imposteur, assise en vne chaire de leton,
portant sur sa teste vne couronne faicte com-
me vn tyare, avec trois couronnes, mais el-
le a d'auantage quatre cornes, quatre dents a-
uec vne grand bouche couuerte, le nez & les
yeux de mesme, les mains comme vn singe,
les pieds comme vn coq. Et comme ce diable
est monstrueux, & espouuentable, aussi est tout
le reste de la chappelle où il est enclos, laquelle
n'est enrichie d'autres tableaux, ou peintures
que de petits diableteaux de semblable pareure.

A iij

HISTOIRES

Encores n'est-ce pas tout, car leurs prestres que ils appellent Bramines, ont charge expresse de laver ceste Idole, avec eaux odoriferantes, de la parfumer, & l'ayans ainsi enuironnee plusieurs-fois, l'encensent avec l'encensoir, & apres auoir sonné vne cloche se prosternent deuant elle, & luy font certains sacrifices, & ce qui est plus ridicule, le Roy ne prend iamais son repas, que quatre de ses prestres n'ayent offert à ce diable les viandes apprestees pour le Roy. Et ce prince de ambition n'estant content de s'estre ainsi fait reuerer en l'oratoire du Roy, a bien encores souffert (en l'ignominie de Dieu) qu'on luy ayt edificie vn temple magnifique au milieu d'un estag, basti à l'antique avec deux rangs de coulónnes, comme celuy de saint Iean de Rome. Au dedans duquel y a vn grand autel de pierre, & le vingtiesme de Decẽbre qui est le iour de Noel, tous les Gẽtils-hõmes, & prestres de vingt-cinq iournees à l'enuiron, viennent pour y faire sacrifice, accompagnez du menu peuple venu en ce lieu pour gagner les pardons, & lors ces Bramines leur oignent la teste de certaine huile, puis vont se prosterner deuant ce grand Satan espouuentable, l'effigie duquel est erigee sur l'autel & l'ayans adoré en ceste extreme deuotion, chacun s'en retourne à sa maison, & durât trois iours entiers que telles ceremonies durent, il y a si grande liberte & franchise par toute ceste terre, que tous les meurtriers, malfaicteurs & bannis peuvent venir en assurance à ce pardon, à l'assemblée duquel se trouuent bien pour telle fois, cent

mille personnes, lesquels ce meurtrier du genre humain a si bien emmartelez & deceus, qu'ils pensent faire sacrifice à Dieu, & obtenir remission de leur pechez, honorans le capital ennemy de leur salut. Ce qui doit servir d'exemple & miroit perpetuel à ceux qui sont illustrez de la lumiere de Dieu, à fin qu'ils mettent peine de faire fructifier leur talent, & conseruer le thresor de la grace qui leur est faicte, consideré que le seruiteur sçachât la volonté de son maistre & ne l'exécute point, est beaucoup plus reprehensible deuant Dieu, que celuy qui l'ignore. Et à fin que tu ne penses que soyent discours ou Prodiges faicts en l'air, ou iaumentez à plaisir, lis l'histoire de Paulus Venetus, de Ludouicus Patricius Romanus, de Vartomanus en leurs histoires des Indes, où tu trouueras toutes ces choses amplement descrites, non comme les ayans enteduës des autres, ou leuës en aucuns autheurs, mais comme ceux qui y ont assisté & veu par presence les choses par nous descrites, t'assurant ceste fois pour toutes, que ie ne racompteray aucune histoire en tout ce traicté des Prodiges que ie ne confirme par autorité de quelque fameux autheur, Grec ou Latin, sacré où prophane. Quelques modernes ont escrit que ce peuple auoit esté reduict depuis quelques annees à nostre religion Chrestienne, par les gens & ambassadeurs du Roy de Portugal, lors qu'il les enuoya voyager aux Indes.

Fin de la premiere Histoire.

A iiii j

HISTOIRES
PRODIGES ET ADVERTISSE-
mens de Dieu, envoyez sur la cité de Ierusalem,
pour les induire à penitence.

Chapitre II.



PR O D I G I E V S E S.

5



Considerons vn peu , Chrestiens, combien cest oracle & prodige diuin est different du precedent . L'vn edifie, l'autre ruine : l'vn veut perdre, dissiper & gaster: l'autre conseruer, reparer, & viuifier. En quoy nous experimenterons combien grande & esmerueillable est la bonté & clemence de nostre Dieu , lequel iacoit que l'ayōs offensé par vne infinie multitude d'exécrables pechez, neātmoins il nous tend sa main, nous appelle, admoneste & conuie de retourner à luy, ores par maladies & autres particulieres afflictions , quelquefois par signes & Prodiges, qui sont le plus souuent les heraux trompettes & auantcoureurs de sa iustice, comme il est euidemment monstre sur ceste miserable cité de Ierusalem, laquelle demeura tellement enseuelie en son pechè, que pour aucun estrange aduertisement qui luy fust enuoyé de Dieu , elle ne peut oncques estre retiree de ses vices. Les signes & prodiges par lesquels le Seigneur leur predisoit ruine de leur cité, sont ceux qui suyuent, descrits par Iosephe, liure septiesme de la guerre des Iuifs & par Eusebe, en son histoire Ecclesiastique.

Iosephe, li.

7 cap. 12.

Eusebius

Cæsariensis

lib. 3. chap.

8.

Le premier message qui leur fut enuoyé du ciel , fut vne comete en façon d'vn glaiue, qui continua l'espace d'vn an, dardant ses rayons sur leur cité. Le second aduint le huictiesme iour d'Auril, ainsi que le peuple s'estoit assemblée pour solenniser la feste des azimes, & lors on veit si grande lumiere à l'entour de l'autel & du temple sur la neuuesme heure de la nuict, qu'il sembloit

HISTOIRES

qu'on fust en plein iour: & continua ceste clarté l'espace de demye heure. Le mesme iour de ladicte feste vn beuf (ainfi qu'on le menoit pour le sacrifier) faonna au milieu du temple d'auantage vne porte de cuyure du temple, qui estoit si pesante qu'il falloit vingt hommes à la fermer au soir, estant liee à barres & ferrures de fer s'ouurit d'elle-mesme sur la sixiesme heure de la nuict. Puis ledict Iosephe adioust, Ce que i'ay dit, & racompteray cy apres, sembleroit fable ou mensonge, si ceux qui l'ont veu n'estoient encores au iourd'huy viuans, & que les calamitez ne fussent suruenues, dignes de si malheureux presages. Aduint donc que quelque temps, auant que le soleil se coucheast, on apperceut en l'air des chariots courans par toutes les regions du ciel, des armées qui trauersoient les nuees, & enuironnoient quelques citez. Et le iour de la feste qu'on appelle Pentecouste, les prestres, acheuans le seruice diuin, oyrent quelque bruit: & puis incontinent entendirent vne voix qui disoit, partons d'icy: mais le dernier Prodige est plus espouuentable de tous. C'est qu'un homme rustique des chāps, & de basse condition, fils d'un payfan appellé Nanus, la cité estant en paix, & abondante en tous biens, estant venu à vne feste, commença en vn instant à crier. Voix du costé d'Orient, voix du costé d'Occident, voix de tous les quatre vés: voix contre Ierusalem & le temple, voix contre les nouueaux mariez & nouuelles mariees: voix contre tout ce peuple: & huant & criant ainfi, alloit par toutes les rues de la cité: dequoy quel-

*Le pour-
traict en est
figure cy
dessus.*

ques-vns des plus apparens, ne pouuans endurer ce triste augure & prediſtion de leur cité, le firent fuſtigner, mais il ne rendit oncques vn ſeul mot de reſponſe à ceux qui le flagelloient, ains il continuoit avec vn extreme obſtination ſon meſme cry. Dequoy les Magiſtrats eſtonnez, cognoiſſans au plus pres que cela procedoit de quelque diuine inſpiration, le firent mener à celuy qui auoit le gouuernement pour les Romains, lequel le fiſt tant tourmenter qu'il eſtoit deſchiré iuſques aux oz: mais il demeura ſi conſtant & aſſeuré, qu'il ne rendit oncques vne ſeule larme, & ne requiſt iamais qu'on le laiſſaſt, ains à chacun coup de fouet qu'on luy donnoit, il s'exclamoit de rechef, Malheur! malheur ſur Ieruſalem! Et eſtant interrogé d'Albin qui eſtoit iuge, d'où il eſtoit, & pourquoy il ſe lamentoit ainſi: il ne fiſt aucune reſponſe, & ne ceſſa par ſes cris accouſtumez de plaindre le deſaſtre de ceſte miſerable cité. Qui fut cauſe qu'Albin (le péſant inſenſé) le laiſſa aller. Et ce qui eſt plus eſtrange, il continua l'eſpace de ſept ans cinq moys, iuſques à la deſtruſtiō de la ville de Ieruſalem ſans ceſſer de continuer ſes cris, ſans ſe trouuer enrōué, ne ſans remercier aucun de ceux qui luy dōnoient à boire ou à mâger: mais à to' ceux qui s'adreſſoiēt à luy, il raiſonnoit touſiours ſa triſte chanſon, iuſques à ce que la ville fuſt aſſiegee, & que Titus donna l'aſſault & ſe campa deuant. Et lors derechef tournoyant la muraille, commença à enfler ſon cry, & crier d'une voix horrible. Malheur ſur la cité, ſur le Temple: & ſur le peuple!. Puis il ad-

HISTOIRES

*Voy Iosephe
lib. 7. cha.
7. & 8. de
la guerre
des Iuifs où
tout cecy est
escriit.*

iouste (pour faire fin) ces mots, malheur aussi sur moy mesme. Cela acheué vne pierre poulsee d'un engin par les ennemis, le tua soudainement, & l'Empereur Titus incontinent apres demolit, & embraza la cité, où le carnage fut si grand (comme Iosephe escrit) que durant ce siege ils y moururent vnze cens mille personnes. Et fut la bonte de l'ire de Dieu si bié laschée sur ce pauvre peuple des Iuifs, qu'apres auoir mägé toutes les viandes immundes, ordes, salles, qu'ils pouuoient rencontrer, finalement ils mangerent iusques aux courroyes de leur souliers, & le cuyr de leurs pannois, qu'ils arrachoiert & faisoient detremper, mesmes le vieil foing pourry leur seruoit de viande. Et (ce que nous ne pouuons apprehender sans horreur) les meres n'auoient pas leur saoul de la chair de leurs enfans, tant la fureur de la iustice de Dieu estoit enflammee contre ceste miserable cité.

Fin de la deuxiesme histoire.

PRODIGIEUSES MORTS DE PLV-
sieurs Roys, Princes, Pontifes Empereurs
& Monarques.

Chap. III.



HISTOIRES



COMME entre toutes les dignitez
 du monde il ne s'en trouue aucune
 plus excellente ou admirable que
 celle des Rois, ny en laquelle relui-
 se plus naïfvement quelque rayon
 ou marque de diuinité, aussi n'y en a il point de
 plus perilleuse, plus subiecte à eclipse ou muta-
 tion, ne qui sente plus asprement les fleches &
 iugemens de l'ire de Dieu, qu'ils font lors qu'ils
 degenerent de l'excellent degré d'honneur au-
 quel le Seigneur les auoit appelez. Ce qui se peut
 verifier par vne infinité d'exemples, sacrees, &
 prophanes. Cresus ce grand Roy de Lydie (s'il
 estoit resuscité des morts) en scauroit bien que di-
 re, lequel se publiant par tout estre le plus heu-
 reux Roy du monde, fut en fin par Cyrus vaincu,
 ruiné & bruslé. Policrate ce grand Roy des Sa-
 myens, lequel (ainsi que tesmoigne Valere) n'a-
 uoit oncques senty aguillon de fortune, vaincu
 par Darius, fut par son Preuost crucifié sur la som-
 mité de vne montagne. Valerian Empereur des
 Romains, vaincu par Sapor Roy des Perses, ter-
 mina sa vie en telle seruitude, qu'il luy seruoit de
 marchepied & d'estrieu montant à cheual. Dio-
 cletian aussi Empereur, ayant laissé l'Empire,
 mourut du poison que luy-mesme s'estoit prepa-
 ré. Mais où est maintenant ce grand Roy Xer-
 xes qui faisoit ployer la mer sous la multitude de
 ses nauires? Où est cest inuincible Hannibal, qui
 par son labour indomptable a trenché les montai-
 gnes & rendues accessibles? Où est Paule Emile,
 Iules Cesar, Pompee, & autres infinis Grecs, &

Romains? que leur reste il maintenant de la splendeur de leur gloire & maïesté antique, sinon vne fable & songe entre les hommes, de laquelle encore sont ils redeuables aux historiens qui ont laissé le tesmoignage de leur penible vie à la posterité? Que sont deuenus leurs corps ornez de pourpre, leurs diademes, parfums & autres telles especes de vanitez, finō oz & cédre, & les vers heritiers de leur gloire? laq̃lle en fin s'est mōstree si vaine & caduque, qu'à l'endroit de leur vie où ils pensoient estre plus heureux & auoir touché au comble de toute prosperité, c'est l'heure, où ils ont senty les plus furieux traicts de la fortune. Hercules ne mourut il pas piteusement entre les bras de s'amie, apres auoir eschappé tant de perils par mer & par terre? Alexandre le Grand ne peut mourir guerroyant toute la terre, mais il fut en fin vaincu par poyson. Caius Cesar sortit victorieux de cinquante & deux batailles, & pensant estre en repos, il fut tué au Sena. Zeno douziesme Empereur de Constantinople apres tant de glorieuses victoires ne mourut pas en son lict, mais il fut enterré vis par le commandement de sa femme, sans qu'il peust estre secouru d'aucun. Asclepius frere de Pompee ne perit allant vingt & deux ans coursaire par la mer, mais apres se noya tirant de l'eau d'un puis. Mempricius Roy d'Angleterre ne mourut pas en son lict Royal, mais il fut ensepulturé au ventre des Loups, lesquels le deschirerent & mirent en pieces, estant à la chasse, escarté de ses gens.

Drusus ayant vaincu les Parthes n'y mourut

Mort de Hercules.

Alexandre fut empoisonné.

Mort de Caius Cesar.

Polydore Virgile en son histoie d'Angleterre.

*Munsterus
en sa geo-
graphie.
Baptiste
Fulgose en
l'histoire
memorable
Vn serui-
teur s'ap-
prochant de
luy sans y
peser, ayant
la chandel-
le y mist le
feu.
Polydore.
Virgile.
Platine.
Carion.
Platine en
la vie des
Papes.*

pas, mais receuât son triomphe à Rome dedâs vn chariot, vne tuille luy fendit la teste. Bazille 35. Empereur de Constantinople ne termina pas sa vie aux cruelles guerres qu'il eut contre les Sarrazins, mais pensant faire sa retraicte des vanitez du monde, s'esgayant à la chasse, il fut tué d'un cerf. Charles Roy de Nauarre ne mourut pas en exploitant plusieurs genereux actes, mais il fut fortuitement bruslé vif en vn linceul trempé en eau de vie, par la peruation des medecins qui le pensoient guerir d'une douleur de nerfs qui le tourmentoient. L'empereur Otho troisieme de ce nom, ne mourut pas en la cruelle guerre qu'il eut à Rome contre Crescentius, mais il fina sa vie par vne paire de gands empoisonnez, que luy auoir donnez la femme de Crescence. L'Empereur Henry septiesme ne mourut en vne infinité de perilleux hazards, esquels il s'estoit souuent trouué aux guerres, mais il mourut d'une Hostie empoisonnee par vn moyne, comme il faisoit ses Pasques. Le Pape Iean vnzieme ne mourut pas annonçant la parole de Dieu à son troupeau, mais il fut estouffé en vn oreiller enfermé en vne austere prison. Le Pape Benoist sixiesme ne mourut pas viuant en delices, comme plusieurs Prelats font aujourd'huy, mais il mourut de male rage de faim, enfermé en prison. Le Pape Victor troisieme ne mourut pas de vieillesse, mais il mourut par la poison qu'on auoit mis en son calice, pendant qu'il celebrait sa Messe. Toutes ces especes de morts par lesquelles tant de Monarques ont terminé leur vie, sont estranges & dignes

mes d'estre exactement considerees à ceux qui
ont quelque apprehension des iugemens de Dieu,
& spécialement à ceux qui ensanglantent la ter-
re, & qui suscitent tant de tragedies par le mon-
de, attédu qu'autant leur en pend à l'œil: car com-
me disoit ce genereux Empereur Marc Aurelle.
Quelle infortune apres si bonne fortune? quelle
ignominie apres si grande gloire? A sseurez vous
(disoit-il) que moy estant eux, i'eusse mieux ay-
mè ma vie estre moins glorieuse, & que ma mort
eust esté honorable: car mauuaise mort met en
grand doute la bonne vie, & la bonne mort ex-
cuse la mauuaise vie. Mais si tant d'especes de
morts de Roys & d'Empereurs par nous descri-
tes vous semblent estranges, les sequentes vous
sembleront plus admirables, mesmes plus con-
formes à nostre subiect, car elles sont prodigieu-
ses, par lesquelles nous sommes instruiçts que lors
que la iustice de Dieu s'enflamme contre noz pe-
chez, & qu'il foudroye les fiesches de son ire cõ-
tre noz vices, les pusilles & abieçts animaux sont
les bourreaux, executeurs & ministres de la pei-
ne qui nous est preparee, laquelle ne s'estend pas
seulement sur le vulgaire, mais sur les plus grands:
comme il sera manifesté par la monstrueuse mort
d'un Roy, & d'un Euesque, escrite par plus de
cinquante fidelles historiens, lesquels tous d'un
commun accord les descriuent ainsi. Un Roy
nommé Popiel, Roy de Poulongne (qui regnoit
l'an trois cens quarante six apres l'incarnation de
Iesus Christ) auoit accoustumé entre ses autres
particulieres execratiõs de iurer & affirmer ainsi.

B

Si cela n'est vray, que les rats me puissent manger: qui luy fut vn tresmauuais presage, car à la fin il en fut deuoré, comme vous entendrez cy apres. Le pere de ce Roy Popiel sentant les angoisses de la mort, laissa l'administratiō du Royaume aux deux oncles de son fils, gens reuerrez de tous ceux du pays, pour leur preud'homie & sainctete. Popiel estant paruenue à l'aage requis, le pere decedé, & l'enfant se voyant en pleine liberté, & sans frein, commença à se laisser transporter à ses desirs, de sorte qu'en peu de iours il deuint si effronté, qu'il n'y eut espee de vice qu'il n'experimētast, iusques à machiner la mort de ses oncles, lesquels il feit mourir de poison. Ce faict il commença à se faire couronner de chapeau de fleurs, & parfumer d'vnguēs precieux. Et à fin de mieux solenniser l'entree de son regne, il fit preparer vn somptueux & magnifique banquet, où tous les Princes & Seigneurs de son Royaume estoient congregez. Et comme ils commençoient à banqueter, voicy vne infinie multitude de rats qui sortirent des corps purifiez de ses oncles, lesquels luy & sa femme auoient empoisonnez, qui vindrent assaillir ce cruel tyran entre ces delices, & commencerent à le caresser à belles dens. Ce que les archers de sa garde cuyderent empescher, mais ce fut en vain: car ils l'assaillirent si viuement iour & nuict, que les pauures gens demeurèrent si las, qu'ils n'y pouuoient plus resister. A raison de-quoy il fut aduisé par le conseil d'environner le Prince de feu, ne cognoissant

pas qu'il n'y a puissance humaine qui puisse resister au conseil de Dieu : mais ce fut chose prodigieuse, que les rats passant par les braises & flammes, ne cessoient de ronger cest execrable meurrier de ses oncles: ainsi se voyans frustrer de leur premiere intétion, ils s'aduiferent de le mener par bateau au milieu d'un lac: mais ces animaux ne estant aucunement intimidez de la fureur de cest element, trauersans les vndes penetrerēt iusques au bateau, où ils continuerent leur rage avec telle impetuosité, que les bateliers, & autres deputez pour sa garde, sentans que cela procedoit de fureur diuine, furent contraincts amener le bateau à terre, ensemble d'abandonner leur Prince à la misericorde de ces bestes: lequel se voyant seul despourueu & habadōné de tout humain cōseil, ne scachāt plus que faire, s'enfuirēt luy & sa femme en vne tour, où ils furent en fin deschirez & cōsommez iusques aux os par ces petis animaux. Les Alemans ont vne semblable hystoire par toutes leurs Croniques & Annales de Hato 32. Archeuesque de Magence, durāt lequel il y eut vne cruelle famine en la terre. Ce loup rauissant, voyant que les pauures estoient pressez de male rage de faim, (specialement ceux de sa prouince) s'aduifa par l'instinct du diable d'en faire cōgreger vne grande multitude en vne grange, en laquelle estans enuironnez il y mist le feu, & les brusla tous vifs. Estant quelques iours apres interrogé pourquoy il auoit vsé de telle tyrānie à l'endroit de ces miserables innocens, il respondit qu'il

Tu trouueras ceste hystoire amplemēt descrite au cron-

B ij

niques de
Magence,
& aux an-
nales de
Bruges.

2. Macha.
chap. 19.

les auoit bruslez pource qu'ils ne differoient en rien aux rats, qui mangent le grain, & ne seruent de rien : mais le Seigneur lequel (comme dict le Prophete, a mesme soing du passereau) ne laissa point vne telle tyrannie impunie, car à l'instant mesmes il suscita vne grande troupe de rats, qui le poursuirent iusques à vne tour situee en vn lac où il se pensoit sauuer, & là executerent si promptement le commandement de Dieu, qu'ils ne luy laisserent que les oz, qui sont encore pour le iourd'huy enterrez au monastere de Sainct Aulbin à Magence, & la tour où se mal-heureux pasteur termina ses iours, est encore auourd'huy en essence, qui se nomme la tour des rats : de laquelle Munstere, apres plusieurs autres, a faict mention en sa Cosmographie vniuerselle, mesme que c'est le lieu de sa natiuité. Ce qui ne semblera estrange à ceux qui ont leu aux histoires que les poux (qui sont beaucoup moindres que les rats) ne peurent estre empeschez pour toute la prudence des medecins qu'ils ne consummassent l'Empereur Arnoul, ne luy laissant que les cartillages & les oz tous secs : comme en semblable, ce grand monarque Antiochus, voulant esteindre la memoire de la Synagogue de Dieu, & introduire l'adoration des idoles, veit yssir vn si grand nombre de vers de son corps, & fut tellement plongé en douleur, que de l'odeur qui sortit de sa corruption, son armee en fut infectee. Celuy qui cuidoit par orgueil commander aux vades de la mer, & peser à la balance la hau-

PRODIGIEUSES.

12

leur des montagnes, qui estoit si enflé d'ambition qu'il pensoit toucher les estoilles du Ciel, est tellement rabaislé par l'espouventable iugement de Dieu, qu'aucun ne peut endurer sa puanteur & corruption : voy ceste histoire 2. des Machabees, chapitre 19.

Fin de la troisieme Histoire.

B iij

HISTOIRES

PRODIGE D'VN ROY MON-
strueux par lequel est monstré en quel peril sont
ceux qui commandent, & autres qui ont
administrations de Republiques.

Chapitre

IIII.





Aristote, Xenophon, Platō, & généralement tous ceux qui ont traicté de la police humaine, ont recogneu par leurs escrits qu'il n'est rien plus difficile que de biē regner, ou commander aux Republicques, car l'affluence des biens & honneurs esquels les Princes sont coustumièrement conficts, liberté de mal faire sans estre repris, la corruption du conseil de ceux qui leur assistēt, sont les vrayes allumettes pour les enflammer es vices. Tellement que si nous voulons curieusement rechercher par ordre tous les discours des histoires sacrees & prophanes, nous trouuerons que le nōbre des mauuais Roys, Empereurs & anciēs Monarques, a presque tousiours surpassé celuy des bōs: car depuis qu'ils sont emmiellez de la douceur de ce sceptre, s'ils ne resistent au commencement à leurs affections, ils sont en peril de se veoir precipitez en un eternal Labyrinthe de vices. La bonté de Saul, comment a elle esté celebree par les saintes lettres, iusques à auoir esté esleu Roy, par la bouche du Seigneur? Et toutesfois se sentant erigé en ce degré d'honneur, il fut peruertie & gasté. Le commencement du regne de Salomon, combien fut il admirable? iusques à faire retenir la memoire de sa sagesse par toutes les parties du monde, & toutesfois estant esleué en ce theatre de gloire, il se donna en proye aux femmes, & fut priué de la grace du Seigneur Dieu. Caligula, Mitridates & Neron, quels tesmoignages donnoient ils au commencement, de leur preud'homie & bonté? mais l'issuē

B iiii

en fut telle, que toute la terre fut infectee de leurs tyrannies, & cruautéz. De vingt & deux Roys de Iuda, il ne s'en treuve que cinq ou six qui ayent persisté en leur vertu & bonté. Quand aux Roys d'Israël, si tu veux esplucher leur vie, depuis Iero-boam fils de Nabath, iusques au dernier, qui estoient dixneuf en nombre, tu trouueras qu'ils ont tous en general mal administré le mesnage public. Les Romains qui ont semblablement commandé à l'une des plus florissantes Republiques du monde pour vn petit nombre d'entr'eux, cōme Auguste, Vespasian, & Tite, Antonius Pius, Antonius Verus, Alexander Seuerus, qui se sont assez bien portez : tu en trouueras vne infinité des autres, tous consommez en vices, & cruautéz. Et si tu es curieux de penetrer iusques aux gestes des Grecs, Assyriens, Perses, Medes & Egyptiens, il s'en trouuera plus de mauuais, que de bons. Lesquelles choses estans viuement considerees par ce grand Roy Antiochus, la premiere fois qu'on luy presenta le sceptre Royal, auant que le poser sur son chef (ainsi qu'escrit Valere) il le contempla longuement, puis s'escriant à haute voix il dit: O diademe plus noble qu'heureux ! Si la pluspart des Princes de la terre, qui te poursuiuent par fers & flammes consideroient diligemment les espines & miseres qui t'accompagnent, tant s'en faut qu'ils ne desirassent, que mesmes ils ne te daignent leuer de terre. Et non sans cause: car si quelque ambitieux veult mesurer à droite aulne, & peser à iuste balance les delices & honneurs, avec les anxietez & perils qui accompagnent la cou-

coronne, il y trouuera pour vne liure de miel, dix li-
ures d'absynthe, sans mettre en compte le peril
imminent du pauvre peuple: car s'il aduient que le
Prince soit desbordé, les pauvres membres s'en
resentent, lesquels (ainsi qu'Herodianus escrit) ne
font que les singes des Princes: car ils ne font que
ce qu'ils leut voyent faire. Partant, puis qu'il est
ainsi que les Princes, Roys & Monarques, sont
comme les fontaines publiques où tout le mon-
de boit, les Theatres où tout le monde regarde,
& les torches qui esclairent à tous, & qu'ils ne pe-
chent pas seulemēt (comme disoit Platon) par le
peché qu'ils commettent, mais aussi par le mau-
uais exemple qu'ils donnent à leur peuple: Qu'ils
mettent donc peine & s'esuertuent de si bien mo-
derer leurs actiōs, & si bien reigler l'estat de leur
vie, qu'ils rendent vn iour loyal compte au sei-
gneur de leur troupeau, de peur qu'il ne face
plouuoir la malediction de son ire sur eux, com-
me il fist sur le miserable Roy Nabuchodonosor,
quatriesme Roy des Babyloniēs, lequel (ainsi que
il est escrit en Daniel cinquiesme) sentit la fureur
de la iustice diuine si aspre, qu'il fut l'espace de
sept ans chassé & exilé de son Royaume, vagant
par les deserts avec les bestes brutes, viuant de
semblable pasture, & demeura nud en tel estat,
battu du chauld, du froid, de la gresle & roussee,
iusques à ce que le poil luy creut cōme celuy de
l'Aigle, & ses ongles comme ceux des oyseaux.
Quel miroir! quel exemple! quel spectacle! quel
prodige pour ceux qui commandent, de veoir ce-
luy qui estoit somptueusement seruy de delicates

viandes, oster aux deserts la nourriture aux bestes
& banqueter avec elles. Celuy qui souloit estre
vestu de pourpre, & orné de ioyaux précieux, e-
stre si bien abaissé par la main forte de Dieu, que
il n'est plus couuert que de poil, qui est la parcu-
re des bestes.

Fin de la quatriesme histoire.

DES ENFANTEMENTS
Monstueux & de la cause de
leur generation.

Chap. V.



HISTOIRES



Hieronymus ad Vitallem.

Yant succinctement monstré
és chapitres precedens, les
Roys, Empereurs, Pontifes
& Monarques n'estre exépts
de Prodiges, non plus que le
vulgaire, reste maintenant,
continuant nostre subiect, re-
chercher les matieres de plus pres, & deduire les
Monstres horribles, & prodiges espouventables,
qui se retrouuent au cōmun peuple: mais à fin que
la Philosophie & contemplation de ces choses
soit mieux manifestee, & rendue plus claire, il est
necessaire, auant que passer outre, d'exprimer les
causes dont ils procedent & naissent. Il est tout
certain que le plus souuent ces creatures mon-
strueuses procedent du iugemēt, iustice chastie-
ment, & malediction de Dieu, lequel permet que
les peres & meres produisent telles abomina-
tions, en l'horreur de leur peché, par ce qu'ils se
precipitent indifferemment, comme bestes bru-
tes, où leur appetit les guide, sans respect ou ob-
seruation d'aage, de lieu, de temps, ou autres loix
ordonnees de nature, cōme saint Gregoire en-
seigne en ses dialogues, de l'incontinence d'une
nourrice qui se fist engrossir à son enfant, aagé
seulement de neuf ans. Ce qui est confirmé & at-
testé auec fermēt par saint Hierome, d'un autre
qui n'auoit que dix ans, lequel fut tellement en-
flammé par les gestes lascifs & cōtenances amou-
reuses de sa nourrice, qui le faisoit coucher auec
elle, que aagé seulement de dix ans il l'engrossa.
C'est ce que le prophete Osee crie, chapitre neuf-

iesme, disant: ils ont esté faicts abominables selon
leurs amours, & quand ils aurôt nourry leurs en-
fans, ie les destruyray tellement qu'ils ne deuien-
nent point hōmes, ie leur donneray la matrice
abortiue, & les māmelles tariers, & leur racine se-
ra deseichée, & ne fera plus de fruiēt: & s'ils engē-
drent, ie mettray à mort le fruiēt de leur ventre.
Ce qui est confirmé par le Prophete Esdras cha-
pitre cinquiesme, où entre les autres cruelles ma-
ledictions, desquelles Babylone est menacée par
l'Ange, il est expressement dit que les femmes
souillées de sang menstrual, enfanteront des mō-
stres. Et combien que le plus souuent le fruiēt
monstrueux soit le tesmoing de l'incontinence,
& peché des parens, si est-ce que cela n'est pas
toufiours veritable, & n'a pas toufiours lieu: car
il y a beaucoup de peres & meres chastes & con-
tinens, qui produisent leur fruiēt defectueux, cō-
me il est monsté en Sainct Iean chapitre neufies-
me, de ce pauvre homme qui estoit né aueugle,
lequel ayant recouuert la veuë par la grace de Je-
sus Christ, fut interrogé de ses disciples, si le pe-
ché de luy, ou de ses parens, estoit cause qu'il
eust esté ainsi produit aueugle dès le iour de sa
natiuité: mais le Seigneur voulāt monstrier qu'on
ne doit point accuser les parēs des defaux de leur
fruiēt, leur respondit, que ny luy, ny son pere,
ny sa mere, n'auoient peché: mais c'estoit à fin
que les œuures de Dieu fussent manifestées en
luy. Les anciens Philosophes, & autres qui
ont recherché les secrets de nature, ont assigné
beaucoup d'autres causes des prodiges & enfan-

*Tu en as le
pourtraict
au fueillet
precedent.*

*Tu en as la
figure au
fueillet pre-
cedent.*

temens monstrueux. Aristote, Hippocrate, Empedocle, Galien, & Pline les ont referez à vne ardente, & obssinee imagination que peut auoir la femme pēdant qu'elle conçoit, laquelle à tāt de puissance sur le fruit, que le rayō & caractere en demeure sur la roche enfātee. Et de cecy se trouuent vne infinité d'exēples memorables, lesquelles sembleroiēt ridicules, ou fabuleuses si l'autorité & fidelité de ceux qui les ont escrites, n'en faisoit plaine foy. En cōfirmatiō dequoy, Damascene, autheur graue, assure auoir esté presenté à Charles quatriesme Empereur, & Roy de Bohēme, vne vierge veluē entierement comme vn Ours, laquelle la mere auoit enfantee ainsi de forme, & hideuse. pour auoir trop ententiue-ment regardé l'effigie d'vn Sainct Iean vestu de peau, laquelle estoit attachee aux pieds du liēt pendant qu'elle conceuoit. Par semblable consideration, Hippocrates sauua vne Princesse accusée d'adultere, par ce qu'elle auoit enfanté vn enfant noir comme vn Ethiopien, son mary ayant la couleur blanche, laquelle à la suasion d'Hippocrates fut absoulte, pour le poutraict d'vn more semblable à l'enfant, lequel coustumiērement estoit attaché à son liēt. Lis de cecy Sainct Hierome en ses questions sur Genese. Et sans nous amuser trop curieusement à deduire le tesmoignage des Philosophes, & autres docteurs, cecy mesme est verifié par l'autorité de Moyse grād legislateur de Dieu 30. chap. de Genese, où il monstre cōme Iacob deceut son beau-pere Laban, & s'enrichist de son bestiail ayant faict peler

des verges, & mettre à l'abbreuvoir, à fin que les
cheures & brebis regardans ces verges de cou-
leurs diuerſes, faonnaſſent leurs petis, marquez
de diuerſes taſches. Outre les cauſes precedentes
de la generation des monſtres, les bons ſecretai-
res de nature en ont encore assigné d'autres. Em-
pedocle & Diphile ont attribué cela à la ſupera-
bondance, ou au deſaut & corruption de ſemen-
ce, ou à l'indispoſition de la matrice, ce qu'ils ve-
rifioient eſtre vray, par la ſimilitude des choſes
fuſibles: eſquelles ſi la matiere qu'o veut fondre
n'eſt bien cuitte, purifiée & preparee, ou que le
moule ſoit raboteux, ou autrement mal ordonné,
la medaille qui en ſort, eſt deſfectueuſe, hideuſe,
& difforme. Les aſtologues, cōme Alcabitius, ont
referé les monſtres aux aſtres, iugeās que ſi la Lu-
ne eſt en certains degrez & conionctions, lors
que la femme conçoit, ſon fruit ſera monſtrueux:
ainſi que Iulius Maternus eſcrit, & apres luy do-
ctement le iuriſconſulte Alciat, ſur le tiltre de la
ſignification des paroles, & des choſes. Aucune-
fois les monſtres ſont engendrez de la corruption
des viandes ordes & ſalles, comme charbons ar-
dās, chair humaine, & autres ſemblables choſes,
q̃ les femmes appetent apres qu'elles ont cōceu,
eſq̃lles ſont cōtagieuſes à leur fruit. Et de cecy
nous auōs vn exēple notable en Leuinius Lēnius
en ſon premier liure, *De occultis natura miraculis*,
d'vne certaine matrone de Belges, groſſe de deux
enſans: qui fut enuieuſe de māger de la chair d'vn
beau garſon, ſur lequel au deſpourueu elle auoit
iecté l'œil, & craignāt d'eſtre refuſee ſi elle luy en

HISTOIRES

demandoit, ou peult estre trop excessiue-
ment pres-
see de ce desreiglé appetit, se ruant sur luy, avec
les dents luy deschira la main, & deuora soudain
ce morceau de sa chair, ce que l'enfant endura, eu
égard à son mal, mais ainsi qu'elle cuidoit retour-
ner pour en auoir encore autant, l'enfant ennuyé
de telle cruauté, la repouls: dequoy honteuse &
despitee, apres auoir vescu quelques iours en con-
tinuelle melancolie, elle accoucha de deux iu-
meaux, l'un vif, & l'autre mort: & les medecins
cōgregez pour sçauoir la cause de ceste abortion
n'en trouuerent aucune, que le refus qu'on luy a-
uoit faict de ce second morceau de chair. Voila
en somme les causes les plus frequētes de la pro-
duction des Mōstres, desduites selon l'opinion de
tous les plus sçauans auteurs Grecs & Latins. Je
sçay qu'il y a encore vne espee de Monstres ar-
tificiels, laquelle est fort familiere à ces prestigia-
teurs qui vont par les prouinces, abuser le peuple
pour en tirer argent. Ceux icy soudain que leurs
enfants sont nays: & que la tendre paste de leurs
corps est flexible, leurs rompent & froissent les
bras, & les iambes, leur enflent le ventre par cer-
tain artifice, leur cauent le nez & les yeux pour
les faire sembler prodigieux, ce qui estoit en vsa-
ge, mesme dès le temps d'Hippocrates en l'Asie,
comme il enseigne en son liure de Aëre, & Locis.

LES

LES CAUSES GENERALES
de la generation des Monstres, avec plusieurs hi-
stoires memorables sur ce mesme subiect.

Chap. VI.



C



Gellius lib.
1. cap. 12.

Es anciens ont eu les creatures prodigieuses en si grande horreur, que s'ils en rencontroient fortuitemēt quelque vne en leur chemin, ce leur estoit vn presage ou augure de desastre. Pour ce regard, l'Empereur Adrian pour auoir apperceu vn More au despourueu, l'assura de mourir en brief. Les soldats de Brutus estans prests à se ioindre contre ceux d'Octaue Cesar, ayans rencontré vn Ethiopien en leur voye, prognostiquerent la perte de la bataille, ce qui aduint. Les anciens Romains semblablement les ont euz en tel mespris, qu'ils defendirent estreitement qu'on ne receust entre les vierges Vestalles, celles qui auroient quelque membre difforme, ou qui auroiēt quelque autre vice sur leur corps, comme enseigne Fenestelle en son liure des Magistrats & dignitez de Rome: mais ce qui est encore plus esmerueillable, c'est que nostre Dieu mesme a defendu à son peuple par Moyses, qu'ils ne fussent receuz à offrir les sacrifices. Mala. 1. & au Leui. 21. Ce qu'estant profondement consideré par S. Hierome en son epistre à Demetriade vierge, se complaint des Chrestiens qui dedient à Dieu, & mettent en religion leurs enfans boyteux, bossuz, & contrefaits: mais encore est ce chose plus estrange, que Iules Obsequens, & les autres qui ont escrit les prodiges des Romains tesmoignent & assuret que les anciens Romains auoient ces petites creatures monstrueuses en tel

obomination, qu'incontinent qu'ils estoient
ils les faisoient iecter au Tybre, mais nous qui
sommes nourris à meilleure escole, les traictons
humainement, & cognoissans que sont crea-
tures de Dieu, les souffrons estre incorporez à
l'Eglise par la regeneration, & sacrement du
saint baptisme, comme tu peux voir appertemēt
la figure de ces deux filles colles & ioinctes
semble par vne estrange infirmité de nature,
quelles ont esté veuës viues de nostre aage, de
plusieurs milliers de personnes, en la forme cōme
les voys pourtraictes: mais à fin que l'histoire
leur naissance soit mieux entendue, ie recen-
te ce que Sebastien Munstere en escrit, lequel
eure les auoir veuës & contemplees en la ma-
re qui s'ensuit. L'an dit-il, 1495. au moys de
septembre, vne femme enfanta vn monstre au-
es de Vormes du costé droit du Rhin, en vn
lage, nommà Bristant. C'estoient deux filles,
ans le corps entier: mais leurs frons s'entrete-
ient ensemble, sans que par aucun artifice hu-
in on les peust separer, ils se regardoient inten-
emēt l'une l'autre, moy Munstere les ay veuës
agence, l'an 1501. Et lors elles auoient enui-
six ans, & estoient contrainctes de marcher
semble, mais la chose estoit pitoyable que lors
e l'une marchoit en auant, il falloit que l'autre
culast: se leuoient ensemble, dormoient ensem-
, & s'entreouchoient presque du nez, & ne
uoient tourner les yeux droicts, mais seule-
nt de costé pource que leurs frons s'entrete-
ient vu peu au dessus des yeux: elles vesquirent

HISTOIRES

iusques à dix ans, & lors il en mourut vne, laq^{le}
fut ostee & separee de l'autre, mais celle qui de
meura viue, mourut biē tost apres, pour la playe
q^{ue} elle auoit receüe quand on separa sa seur morte
d'auec elle. Voicy (dit-il) qui fut la cause de ces
enfantement mōstrueux. Deux femmes caquo
toient ensemble, l'vne estoit grosse d'enfant, &
cela vint vne troisiēme qui fit choquer leu
testes, ne sçachant point qu'il y en eust aucunes
grosse: celle qui estoit grosse s'estonna, duqu
estonnement son enfantement depuis a rendu
tesmoignage. Voy semblablement Cardan en ses
liures *De subtilitate*, où il confesse que l'estonni
ment a peu ayder à lier ces deux enfans ense
ble. Mais il dit qu'il faut qu'il y ait eu enco
quelque autre cause.

Fin de la cinquiēme histoire.

PRDIGES D'VN HORRI-
ble Monstre de nostre tēps, sur le discours du-
quel question est decidee si les diables peuvent
engendrer & exercer les œuures de nature.

Chap. VII.



C iij

HISTOIRES



E monstre hideux (duquel tu
voys le pourtraict cy dessus)
nasquit en la basse Polongne
en la noble cité de Cracouie
au mois de Feurier, l'an de gr
ce 1543. ou (selon aucuns
1547. le iour de la conuersion
Saint Paul. Lequel combien qu'il ayt esté enge
dré de parens honorables, si est ce qu'il estoit for
horrible, difforme & espouuentable, ayant le
yeux de couleur de feu, la bouche & le ne
semblable au muffle d'un beuf, avec vne corne ap
prochant d'un promuscide & trompe de l'Ele
phant, tout le derriere du corps estoit velu com
me un chien. Et au lieu où les autres ont accou
stumé d'auoir les tetins situez, il auoit deux teste
de Singes, & au dessus du nombril, le caractere
de deux yeux de chat: aux iointures des genou
& des bras, quatre testes de chien, avec leur min
truculente & furieuse. Les palmes de ses pieds &
de ses mains estoient comme ceux d'un Singe: &
si auoit avec tout cela vne queue trouffée en hau
la hauteur d'une demie aulne: apres auoir vescu
4. heures, il mourut. Aucuns escriuent que auant
que mourir, il dit: Veillez, le Seigneur vient. En
core que ceste creature fust hideuse, si est-ce qu'elle
elle a esté anoblie & decoree de beacoup de de
ctes plumes, comme de Gasparus Pucerus en son
liures de Teratoscopia, de Hieronim' Cardanus
de Munsterus, & entre tous les autres fort elega
ment en vers Latins par Gasparus Bruchius. Ma
parce que Egidius Facius faisant mention de ce

Mōstre en son liure de *Comets*, dit qu'il ne se peut persuader qu'une creature si horrible ait esté engendree de semence humaine, mais plustost de quelque esprit maling. Il me semble bon d'esplucher ceste matiere, mesmes que les plus excellens Philosophes qui ayent regné depuis la creation du monde, iusques à nostre siecle, se sont grandement tourmentez sur la recherche de ceste question, si les diables peuvent engendrer, concevoir: & exercer les œuvres de nature, comme font les autres creatures. Aucuns ont pensé que si, & ont asseuré par leurs escrits, que Platon auoit esté engendré d'une vierge, & du phantome d'Apollo. Les anciens Annalistes & Croniqueurs, qui ont redigé par escrit les memorables actes d'Allemagne, ont escrit que les femmes des Gots, comme elles erroient par les deserts de Scithie, furent engrossies des diables, & de tels attouchemens, les vns auoient esté procreez: les autres comme Psellus, n'ont pas esté contents de dire que les diables engendroient, & que ils auoient semence, mais mesmes que d'icelle plusieurs animaux de la terre en estoient produicts & engendrez. Lactance Firmian, autheur graue, & lequel saint Hierome a tant exalté, a creu que les Demōs estoient capables de generation, mesmes qu'ils auoient engendré, comme il enseigne au chapitre quinzieme du second liure de ses diuines institutiōs. Agrippe en quelques vns de ses liures, & Hieronymus Cardanus en son traicté de *rebus contranaturam*, semble auoir suiuy ceste opinion. Et pour cōfirmation de son dire, il cite vne

C iijj

HISTOIRES

histoire, de certaine ieune damoiselle d'Escoffe, qui fut engrossie d'un diable incube, pensant que ce fust quelque beau iouuenceau qui fut couché aupres d'elle, dōt elle enfāta vn mōstre si hideux, qu'il espouuenta tous ceux qui assisterent à l'enfantement, de sorte que les obstetrices, & sages femmes furent contrainctes incontinant de le precipite, en vn feu. Ledit Cardanus cite encore vn semblable exemple, recitee par Thomas Liermont, de quelque autre femme qui fut engrossie d'un esprit maling: mesmes pour confirmation de ces choses precedentes, toute l'Angleterre, ensemble tous les historiens qui ont escrit leurs gestes, ne resonnent autre chose que l'estrange natiuité de leur Prophete Merlin, lequel ils croient obstinément auoit esté engēdré d'un diable. Cōbien que plusieurs personnes notables ayent asseuré les choses susdites comme veritables, si est-ce qu'elles sont faulses, absurdes, & non seulement repugnantes à nature, mais mesmes à nostre religion, laquelle croit qu'il n'y eut oncques homme engendré sans semence humaine, reserué le fils de Dieu: mesmes, comme disoit Cassianus, Quelle absurdité, repugnance & confusion seroit-ce à nature, s'il estoit licite aux diables succubes & incubes de conceuoir d'hommes, & les hommes d'eux? Et combien que depuis la creation du monde iusques à nostre temps, les diables eussent produict des monstres par tout le genre humain, ie-tans leurs semences par les vaisseaux des bestes, creans ainsi par les perturbations de semences, vne infinité de monstres & prodiges. Nous con-

fessons bien (ce que mesmes sainct Augustin n'a pas nié) que les diables quelquefois transformez en formes d'hommes ou de femmes , puissent exercer les œuures de nature, & auoir affaire avec les femmes & hommes, pour les allescher à luxure, tromper & deceuoir. Ce que les anciens n'ont point seulement experimenté, mais mesmes de nostre temps cecy est arriué en plusieurs prouinces, à diuerses personnes, avec lesquels les diables ont eu affaire, transfigurez en hommes & en femmes. Iacobus Ruoffus en ses liures *De conceptu & generatione hominis*, tesmoigne que de son temps vne femme perduë eut affaire à vn esprit maling la nuit, ayant forme d'homme, & que soudain apres le ventre luy enfla, & pensant estre grosse, elle tomba en vne si estrange maladie, que toutes ses entrailles tomberēt, sans que par aucun artifice des medecins, elle peut estre guarie. Il escrit le semblable du seruiteur d'vn boucher, lequel estat profondement plongé en vaines cogitations de luxure, fust estonné qu'il apparut incontinant deuant luy vn diable en figure de belle femme, avec lequel ayāt eu affaire, les genitoires & autres parties honteuses commencerent à s'enflammer de telle sorte, qui luy sembloit auoir le feu ardent dedans le corps. Et comme i'ay produit ces deux exemples, i'en pourrois produire vne infinité de autres semblables, recitees non seulement par les Philosophes, mais aussi par les Ecclesiastiques, lesquels confessent que les diables, par la permission de Dieu, ou pour punition de noz pechez, peuuent ainsi abuser des hommes & des femmes

Chap. dernier du 5. liure.

mais que de telle conionction il se puisse engendrer quelque chose, comme nous auons predict, cela n'est pas seulement faux, mais contraire à nostre loy. Et en ce qui concerne le prophete Merlin, & plusieurs autres semblables, en la natiuité duquel tant de monde a esté abusé, qu'on a creu (comme vn oracle) qu'il ait esté engendré du diable, nous cōfessons comme nous auons ia deduit, que sa mere peut auoir eu la compagnie d'un diable, mais qu'il ait peu engendrer, cela est absurd: & s'ils alleguent qu'elle fut veuë grosse, & qu'elle enfanta, il n'est point impertinant: & ceux qui ont leu aux bons auteurs les prestiges, ruses & cautelles du diable, ne'estonnerōt point de cecy: car il est possible que le diable par sa subtilité luy peut enfler le ventre, troublant & corrompant les humeurs de son corps, luy fist sentir les douleurs que sentent les femmes quand elles accouchent, puis quand ce vint à l'enfantement, ayant quelque enfant supposé qu'il auoit desrobbe ailleurs, troublant la veuë des sages femmes, il le supposa, à fin de faindre que le diable l'auoit engendré: & en ceste sorte il peut mesmes tromper la mere, laquelle auoit occasion de penser que le diable l'eust engrossie. Et à fin que tu ne penses que cest artifice du diable soit ancien, il l'a encore pratiqué de nostre temps en semblable sorte, comme plusieurs ont veu, & beaucoup d'hommes doctes l'ont escrit, d'une fort belle ieune fille à Constāce, laquelle auoit nom Magdaleine, & estoit seruante d'un riche citoyen de la ville, laquelle publioit par tout que le diable vne nuict

l'auoit engrossie, & pour ce regard les potestats de la ville la feirent mettre en prison pour attendre l'issue de cest enfantement: l'heure venuë de ses couches elle sentir les trenchees & douleurs accoustumees des femmes: & quand les sages femmes furent prestes de receuoir le fruct & qu'ils pensoient que la matrice se deust ouurir, il commença à sortir du corps de ceste fille des clous de fer, de petits tronçons de boys, du voirre, des oz, des pierres, des cheueux, des estoupes, & plusieurs autres telles choses fantastiques & estranges: lesquelles le diable par son artifice maling y auoit appliquees, pour deceuoit & embabouynner le vulgaire, qui adiouste legierement foy à ses prestiges & tromperies. Licoftenes Amberbachius, & Iacobus Ruof, excellent medecin de Zurich, a escrit cecy en ses liures *de hominis generatione*: ce qui ne semblera incredible ou estrange de verité à ceux qui ont leu en saint Paul, qu'il se transfigure en ange de lumiere, pour deceuoir: mesmes qu'il a esté si effrôté quelquesfois qu'il s'est adressé à Iesus Christ, le pensant seduire. Mais par ce que nous auons à traicter plus amplement de ses machines en quelque endroit de cest œuure, où nous traicterons s'ils ont corps, nous ferons fin à ceste matiere, & nous resouldrons en ce que combien que les malins esprits puissent coïr, que toutesfois ils n'ont point de semence, ne peuuent engendrer, car il n'ya point de diuision de sexe entre eux, de sorte qu'ils ne peuuent estre diuisez en hommes ou femmes.

Fin de la sixiesme Histoire.

HISTOIRES
PRODIGES MERVEILLEUX
des fouldres, Tonnerres, & tempestes, avec les
exemples de ce qui est aduenü de no-
stre temps.

Chap. tre V III.





Si ie me voulois amuser à de-
 duire par le menu les ancien-
 nes & superbes Citez, Thea-
 tres, Amphitheatres, colizees,
 colōnes & autres edifices ma-
 gnifiques qui ont esté ruinez
 par la violence des foudres &
 tempestes, il me seroit requis pour le regard de ce
 seul subiect, de bastir vn gros œuure: mais sans em-
 prunter le tesmoignage de l'antiquité, ie descri-
 ray seulement en ce chapitre ce qui est adueni
 de nostre siecle, à fin que les choses que nous a-
 uons experimentees de noz ans touchent de plus
 pres au marteau de nostre conscience, & nous
 rendent plus diligens à contempler les merueil-
 leux effects de l'espouuentable iustice de Dieu.
 L'an 1521. la populeuse cité de Milan fut telle-
 ment combatue de la fureur de la foudre, que
 tous les citoyens pensoient finer les derniers
 iours de leur vie par ce genre de tourment. Les
 François estans en garnison à Milan, la foudre
 tomba sur vne tour du chasteau fort excellente-
 ment elabouree, qui seruoit d'ornement, & de
 deffence, en laquelle on gardoit la munition de
 la poudre pour l'artillerie, & la foudre rencon-
 trant ceste matiere qui estoit propre à brusler, de-
 molit & renuersa non seulement la tour iusques
 à ses fondemens, mais continuant son cours elle
 abbatit les chambres prochaines, & autres mem-
 bres du chasteau, esleuant plusieurs grosses pier-
 res en l'air, desquelles les vnes tomberent sur les
 deux Preuosts du chasteau, qui se pourmenoienn

HISTOIRES

en la place, & les briserent aussi menu que cendre. Les autres rompoient les bras, les iambes, les testes, à tout ce qu'elles rencontroient: de sorte que de deux cens soldats qui y estoient, à peine en demeura il douze en vie, & estoit chose esmerueillable à veoir la grande multitude de pierres qui auoient esté iectées à plus de cinq cens pas loing, dont les vnes estoient si grosses & massiuës que vingt beufs ne les eussent sceu leuer de terre. Ces choses sont terribles, mais encores semblent elles legieres, eu esgard à celles qui suyuent, & desquelles beaucoup d'autres citez ont esté affligees, comme Malynes, ville situee en la duché de Brabant, seigneuriee par le Roy Catholique, laquelle le septiesme iour d'Aoust 1527. enuiron vnze heures de nuict, endura vne si grande & horrible calamité, qu'à peine iamais a on leu la semblable: car le tonnerre esbranla tellement ceste miserable cité, que les citoyens pensoient en vn instant estre engloutis aux entrailles de la terre: car apres ce grand esclat, & bruit horrible de nuees, commença à se manifester vn esclair comme vne lampe ardente, duquel sortoit vne puanteur intolerable, comme de souffre: sans qu'on peust scauoir dont cela procedoit, sinon ceux sur lesquels ceste fouldre estoit tombee, iusques à ce que finalement le bruit courut par la ville, que le feu du ciel estoit tombé sur la porte d'Arene, en laquelle on auoit mis plus de huit cens caques de poudre à canon. Cest embrasement si soudain engendra vne si horrible confusion dedans ceste desolee cité, qu'on ne voit

nonques vn plus miserable spectacle. Car en moins d'un cil d'œil, la susdite porte fut demolie & brisee en dix mille pieces, & non seulement les fondemens furent arrachez, mais aussi les murailles prochaines iusques aux fondemens, & les pierres d'icelles espanchees par toute la ville: & qui plus est, les eaues des fossez furent en vn moment taries par la violence de la chaleur du feu. Le lendemain on trouua (comme lon dit) tout à l'entour de ceste tour desmolie, des corps morts iusques au nombre de trois cens, & bien cent cinquante deschirez & blessez. Et entre autres choses memorables & prodigieuses, on y trouua vne femme morte, qui estoit enceinte, du ventre de laquelle on tira l'enfant encores tout vif, comme tu vois en ce pourtrait, lequel fut porté au baptême. Il y en eut encores vne autre, de laquelle vn tourbillon de ce feu, ainsi qu'elle voulut fermer son huis, emporta la teste aussi net, que si elle eust esté decapitee d'un glaiue. Il y en eut aussi d'autres qui iouâs aux cartes furent tous bruslez & ars de ce feu, hors mis l'hostesse où ils estoient logez, qui estoit allee à la caue querir de la ceruoise. On trouua semblablement vn homme caché en vne cauerne, lequel sortant trois iours apres hors de là, demandoit avec vne grande frayeur, si le monde estoit encores en estre. Brief, c'estoit vn spectacle horrible de contempler ainsi ceste pauvre cité gastee, & defiguree, n'y ayant temple en la ville qui ne se resentiſt de ceste esclandre: mesmes les rues toutes entieres estoient renuersees & brisees. Ce n'est pas assez ce me semble pour con-

HISTOIRES

tenter le lecteur, auoir recensé tant de piteux & estranges exemples des foudres & tempestes, si nous n'assignons les causes dont ils naissent, & sont engendrez. Aristote en ses Metheores, & en ses liures du monde, nous enseigne comme il y a deux sortes de vapeurs qui montent incessamment en l'air: dont les vnes sont chaudes & humides, & d'autant qu'elles sont les plus pesantes, demeurent en la mediane region de l'air & là sont condensees & espoissies, & en fin se resouldent & conuertissent en pluyes, gresles, neiges, & autres choses semblables. Les autres exhalatiōs qui sont esleuees de la terre en l'air, sont chaudes & seiches, & par leur chaleur & siccité elles sont esleuees plus haut que les precedētes, de sorte que elles paruiennent iusques à la supreme region, & là s'echauffent & s'enflamment de telle sorte, que d'icelles se procreent & engendrent les feux & flammes, les comettes ardentes, dragons & autres choses semblables, lesquelles le plus souuent engendrent terreur au peuple, qui ignore les causes d'icelles. Or s'il aduient que ces vapeurs seiches viennent quelquefois à penetrer & s'engouffrer dedans quelque nuee, elles la fendēt par la partie la plus subtile, & lors l'esclair apparoit, & le ciel tremble, puis de l'ardeur de ce cōflict qui sort de la nuee, naissent les foudres: de sorte que nous pouuons dire que le tonnerre est au ciel, & que le tremblement est à la terre. Combien que ceste raison soit naturelle, & bien industrieusement recherchee par ce grand Philosophe Aristote, si est-ce que les tempestes ne sont pas tousiours referees

ferées és causes naturelles, mais quelquefois les diables, desquels la principale puissance est en l'air (comme saint Paul tesmoigne) les suscitēt & engendrent, quand il plaist au Seigneur de leur lâcher la bride. Ce qui est verifié par vne infinité d'exemples és lettres saintes, mesmes en Iob premier, où Satan ayant obtenu son saufconduit du Seigneur, brüla par tempeste de feu les seruiteurs & le bestiail du Prophete. Ce qui n'est pas seulement acertainé par le tesmoignage des lettres saintes, mais mesmes les Ethniques l'ont recogneu & confessé par leurs escripts: Car lors que le temple de Hamon tant célébré en Libie exterieure, estoit en essence, & que Satā par prodiges, & faux miracles se faisoit adorer sous la figure d'un berlier, & qu'il eut cōgregé (des pelerins qui venoiēt en ce lieu) vne infinité de thresors, & que Cambises Roy de Perse eut enuoyé son exercite pour piller ce temple consacré à Satan, cest esprit malign esmeut incontinent le ciel de tourbillons, eclairs, tempestes & tonnerres, de sorte qu'il y demeura bien cinquante mille hommes estouffez, & bruslez. Les anciens, comme Plinē & autres, enseignēt que les Hetruriens ont esté si curieux obseruateurs de ces mouuemens, & autres euene mens des fouldres, que mesmes ils osoient bien par telle obseruation predire & annoncer les suc ces des choses, iusques à determiner le iour de la mort & de la vie des hommes: de sorte que quel que temps avant qu'Auguste Cesar mourut, & la foudre eust effacé la premiere lettre de son nom

D

HISTOIRES

grauée en certaine muraille, les Augures interroguez respondirent que l'Empereur n'auoit plus que cent iours de vie, par ce que C. effacé, il ne demeueroit qu'Esar, qui signifie en langue Hetrusque, Dieu, & les Romains par le C. exprimoient le nombre de cent. Et partant ce prodige de tonnerre qui auoit effacé le C. donnoit à entendre que dedans le centiesme iour il seroit avec les dieux: ce qui aduint, car il mourut, comme ils auoient predict: chose certainement esmerueillable, & en laquelle est manifestee vne estrange puissance & astuce du diable, lequel peut par son artifice predire la mort d'un si grand Empereur. Aristote entre autres a fort diuinement philosophé sur les effects des foudres & tempestes, & les diuise en trois manieres, l'un qui brusle, l'autre qui noircit, le troisieme duquel la nature est admirable, & presque du tout incogneuë des Philosophes: car il desèche les vaisseaux pleins de vin, sans les endommager, ou leur faire ouuerture, il penetre tout par sa subtilité, il fond l'or & l'argent sans endommager la bourse, il brusle l'accoustrement duquel on est vestu, sans endommager ou apporter aucune nuissâce au corps: il éteint & suffoque l'enfant dedans le ventre de la mere, sans luy faire aucun tort. Si tu veux entēdre comme ces choses se peuuent faire, lis le deuxiesme liure *De subtilitate*, & le quatorzieme *De varietate rerum*, de Cardanus: lequel, apres plusieurs autres, assigne les causes de ces choses. Les histoires par nous descrites des merueilleux effects des tēpestes, semblent estranges, ils sont neantmoins veri-

tables. Et mesmes beaucoup d'excellens & notables personnages ont esté les vns fort intimidéz, les autres rompus, meurtris & tuez par ce genre de mort. Le pape Alexandre celebrât la messe vn iour de Pasques à Sienne, & le diacre prononçant la passion, fut paruenü à la clausule de *Consummatum est*, vn soudain esclair de tonnerre commença à pénétrer le temple avec telle impetuolité que le Pape fut contrainct d'abandonner la messe & le réple, le diacre le liure: & mesmes tous les assistés furent tellement effrayez, qu'il n'en demeura vn seul qui ne se sauuaist à la fuitte. Zoroastes Roy des Braçtiens mourut de tempeste: Capanus semblablement à la guerre de Thebes: Anastasius Empereur fut semblablement tué du tonnerre, apres l'an 27. de son Empire. Carius aussi, & quelques autres Empereurs. A Terracine Marcus Claudius Preteur fut brulé dedás sa Nauire, par la fouldre qui tomba dessus. Iulius Obséqués recite vn prodige memorable, duquel tu vois le pourtrait en la page suyuant, de Pompeius Liuius cheualier Romain, lequel s'en retournant avec sa fille de quelques ieux qu'on auoit exhibez à Rome, fut estonné qu'il veid sa fille ieune pucelle estant à cheual saisie de fouldre, laquelle ainsi suffoquee & esteincte, & l'ayant apperceue sans vie la fist despouiller nue, & fut sa langue trouuee sortir par les parties honteuses, comme si le feu l'eut attaincte droict par la bouche, prenât son issue par le bas. Ce n'est pas assez d'auoir memoré les causes & memorables exéples des tonnerres, mais encores nous cōuient-il enseigner le moyē de nous

Hommes
notables
morts par
tonnerres.
Marcus
Fritchius
in metheo-
ris.

HISTOIRES



deliurer de leur fureur. Les anciens entre leurs secrets, ont experimenté certaines choses qui resistent aux tonnerres & foudres, lesquelles mesmes en peuuent estre en domagees. Entre les oyseaux

l'Aigle, me
empelchem
tuer. Mais
me que l'on
leurs billon
aucuns au
porté des
entre les
nettes. Si
leur plan
de leur Pa
Cela en p
ous en fin
puelle cre
re. Si est
puis quel
belle d'au
me d'une
fou d'ou
vigie d'u
regions
jours m
en'on a
deus p
foudres
proum
au d'au
en'on a
Le me
me
me

l'Aigle, mesme ses plumes portees en panache, empeschent que ceux qui les ont n'en soient at-
taincts. Entre les poissons, le veau de mer, com-
me quelques modernes escriuent apres Plin en
leurs histoires des poissons. Mesmes affirment
aucuns auoir esté sauuez des foudres, pour auoir
porté des ceinctures de veau marin. Le Laurier
entre les arbres est immune de l'assault des ton-
nerres, & pour ce regard, les anciens l'ont tou-
iours planté comme vn portier asseuré à l'entree
de leur Palais, Et pour ceste occasion, Auguste
Cesar en portoit souuēt des branches en la main,
ou s'en faisoit couronner le chef, pour la conti-
nuelle craincte qu'il auoit d'estre saisi de tonner-
re. Si est-ce qu'aucuns Latins escriuent que de- *Si tu veux*
puis quelques ans en ça, vn Laurier à Rome a esté *sauoir pour*
blessé du tonnerre, mais ils en font mētion com- *quoy le*
me d'une chose rare ou prodigieuse, Tarcō Etru- *Laurier ne*
scus esciit que, par certaine propriété occulte, la *est endom-*
vigne blanche resiste aux tonnerres, & dit qu'aux *magé de*
regions où ils y sont subiects, ils environnent *fouldre, lis*
leurs maisons des rameaux d'icelles. Combien *Francfor-*
qu'on ait experimenté toutes les choses prece- *tius en son*
dentes prouffitables & vtils pour empescher les *liure de*
fouldres, si est-ce qu'il ne se trouue rien plus ex- *simpathia*
pedient ou prouffitable pour empescher cest in- *et antipa-*
iure du Ciel, que la vraye Hyacinthe: car il ne se *thia rerū.*
lit point en aucun autheur, que celuy qui l'ait por-
tee sur luy, ait iamais esté offensé de tonnerre.
Les anciens medecins, comme Serapio, n'ont pas
seulement asseuré les hommes estre hors du peril
de tonnerre qui portent la pierre d'Hyacinthe,

HISTOIRES

mais mesmes ont escrit que la cité, portée sous la graueure d'iceluy, reiecte le tonnerre, & dit on que cecy a esté expérimenté és regions, esquelles plusieurs perissent par tonnerres, veu qu'aucune personne n'en a esté touché qui ait porté le Hyacinthe. Je ne veux oublier pour mettre le dernier seau aux prodiges des foudres & tonnerres, d'escire qu'avec les esclairs & tourbillons de foudre, il tombe quelque fois du Ciel certaines pierres de monstrueuse grosseur, qui sont de couleur de fer adustees & bruslees, comme celle que les anciens celebrent par toutes leurs histoires, qui tomba en Thace, qui egaloit presque vn chariot en grosseur: laquelle Anaxagoras Philosophe excellent auoit quelques anneés deuant predict deuoit tomber. Et mesmes de noz ans, au Sugolie situee sur les confins de Hôgrie, il tomba vne pierre du ciel avec vn horrible esclattemēt le septiesme iour de Septébre 1514. de la pesanteur de deux cens cinquāte liures: laquelle les citoiens ont fait enclauer en vne grosse chaine de fer au milieu de leur temple, & se montre avec grand merueille à ceux qui voyagent par leur prouince. Cardan en son quatorziesme liure *De varietate rerum*, assure auoir veu vn grand nombre de pierres dures de couleur de fer, ayās odeur de soulfhre, lesquelles estoient tombees du Ciel en certain chāp d'Italie, dont l'vne d'icelles pesoit cent vingt liures, l'autre soixante, lesquelles furent monstrees comme chose miraculeuse, à la seigneurie Francoise, au voyage de Naples: où il dit qu'il est grandement estonné, comme le Ciel peut soustenir la

pesanteur de ces pierres l'espace de deux heures,
attendu que depuis trois heures iusques à cinq,
on ne cessa d'ouïr le tonnerre, & de veoir les
flammes au ciel, & sur la cinquiesme heure on en-
tendit le bruit, & croulement des pierres.

Fin de la septiesme histoire.

D iiij

HISTOIRES

HISTOIRE PRODIGIEUSE

d'un homme de nostre temps, qui se lavoit la
face & les mains de plomb fondu.

Chap. VIII.



L Ieronimus Cardanus liure
sixiesme *De subtilitate*, escrit
vne histoire prodigieuse, &
quasi repugnante à nature,
mais par ce qu'en la presen-
ce de tous les citoyens d'une
cité l'experience en a esté
veuë, cela la rend & probable, & croyable. Lors
(dit-il) que i'escrivois mon œuvre des subtiles
inventions, ie vey vn quidam à Milan, lequel l'a-
uoit ses mains & sa face de plomb fondu, s'estant
premierement lauë de quelque autre eue. Car-
dan (comme il a accoustumé avec grande curio-
sité) s'efforce de recercher ce secret en nature, &
dit que par necessité, il falloit que l'eue de la-
quelle il se lauoit premierement, fust extreme-
ment froide, & qu'elle eust vne vertu obscure
& crasse, laquelle reiectoit la chaleur du plomb,
mesmes empeschoit qu'il n'adherast au corps.
Aucuns dit-il, asseurent l'eue de laquelle il se la-
uoit, estre faicte de suc de pourpié, & de mercu-
riale, pour cause de la glutinosité & lenteur, ce
qui ne me semble estre veritable, par ce qu'il
vsoit fort auarement de ceste eue, & n'en met-
toit que bien peu sur la partie où il vouloit met-
tre le plomb fondu, mesme qu'il prenoit vn escu
de chacun des spectateurs. Si l'eue doncques
eust esté faicte des deux herbes, qui sont à si
vil pris, il en eust fait meilleur marché, & en eust
iecté plus grande quantité qu'il ne faisoit, sur
son corps: puis il conclud qu'il croit que l'eue de
laquelle il vsoit, fust metalique, cōme du Stybiū.

HISTOIRES

Gellius li.
15. cap. 1.

*Il est plus
probable
que cela
fust fait de
alume plu-
me, duquel*

Conferât dōcques en mon particulier ce que dit Cardan, & ce que i'ay leu en autres auteurs, i'ay trouué que le temps passé cela n'estoit point en si grāde admiration comme il est aujourd'huy, veu que nous voyons par experience ordinaire plusieurs choses, lesquelles par vne secrette propriété de nature, resistent au feu, mesmes ne peuuent estre cōsommées d'iceluy. Le poulce de Pirrus, quand son corps fut brulé, ne peut estre consommé par le feu. Les dents humaines & le diamant ne peuuent estre macerées par feu. Il y a certaine gomme qui sort du pin masse, de laquelle les tables & autres boys qui en sont frotées, ne peuuent estre endommagées par feu, comme Theophraste enseigne. Silla avec son armee, ainsi qu'il batailloit contre Archelaus, ne sceut oncques endommager vne tour de boys, encores qu'il l'eust environnée de tous costez de flammes ardentes: parce qu'elle estoit frottee de certain alun par dedās: ce qui engendra grand espouuamment à Silla. Isydor⁹ & plusieurs autres ont escrit qu'il fut fait vn present au Pape Alexandre, d'une chemise de laine blanche, laquelle pour plaisir & admiration, il iectoit au feu, quand les ambassadeurs estrangers le venoient veoir. Et toutesfois il la y laissoit vn iour naturel sans qu'elle fust endommagée, mesmes elle deuenoit plus belle au feu. Aucuns asseuerent que la laine de ceste chemise estoit faicte de ver qu'on nomme Salemandre, lequel vit dans le feu (cōme Aristote enseigne) mais si cela est vray, i'en laisse à iuger à ceux qui ont faict plus longue experience des secrets de nature, que moy. Si

ay-ie bien que saint Augustin fait mention en
 cité de Dieu, liur. 21. chap. 5. d'une lampe qui
 toit au temple de Venus, laquelle cōbien qu'elle
 fust exposée aux vents, aux pluyes & autres in-
 res du ciel, elle ardoit tousiours sans estre con-
 mme, ne sans y adiouster ne huile ne meche.
 t apres que ledit saint Augustin a recherché fort
 urieusement la cause emerueillable de ce feu
 ui ne se consommoit point, il se resoult en fin
 nsi. Ou il falloit (dit-il) qu'il y eust en ceste lam-
 e quelque chose d'une pierre qu'on nomme
 abseste qui croist en Arcardie, laquelle allumee
 e s'esteint point: ou bien (dit-il) failloit que la
 mpe fust forgee par art magicque, ou bien que
 quelque diable sous le nom de Venus, fist appa-
 oistre ce prodige, à fin de s'y faire adorer, & d'en-
 retenir le peuple en telle erreur. Ludouicus Vi-
 es sur l'exposition de ce mesme chapitre, lequel
 doctement commenté & illustré les liures de la
 cité de Dieu de saint Augustin, assure auoir veu
 Paris du temps de ses estudes, des meches qui
 n'estoient point cōsommees de feu. Et pour con-
 firmation de ce, il raconte comme du temps de
 noz peres il fut ouuert vn sepulchre enclos en la
 erre, auquel il fut trouué une lampe ardente qui
 auoit demeuré allumee, & sans estre esteinte
 quatorze ou quinze cens ans, comme il apparut
 par l'inscription du temps qui estoit escrit dessus,
 laquelle incontinent qu'on commença à la ma-
 nier & toucher, elle fut conuertie en pouldre.
 Si ie voulois dilater ceste matiere, ie te pourrois
 produire beaucoup de semblables exemples des

(ainsi que
 Dioscoride
 tesmoigne
 liu. 5. chap.
 99) les in-
 diens font
 du linge qui
 ne peut
 brusler,
 mais il blā-
 chist au
 feu. Voy
 Volateran
 liu. 22.

Plin e scrit
 aussi de son
 temps en
 auoir veu
 de sembla-
 bles li. 19.


HISTOIRES

anciens auteurs, qui font mention de plusieurs choses qui resistent au feu, & qui n'en peuuent estre endommagees, mesmes qu'il y a quelques modernes qui ont escrit auoir experimenté qu'on le petit muguet dit Aster Samius, ou Atticus, & chaux esteincte au suc de Mauue ou de Mercatiale, peuuent faire que le feu ne nuit, & ne blese les mains qui en sont frottees.

Fin de la huitiesme histoire.

PRODIGIEUSES. 31
HISTOIRES PRODIGIEV-
ses des Juifs.

Chap IX.



HISTOIRES



Este malheureuse vermine de
 Juifs a tant de fois inquieté
 nostre republique Chrestien-
 ne, qu'il n'y a historien de no-
 stre temps qui ne leur ait don-
 né quelque atainte par ses es-
 crits. Qui aura leu ces cruels
 blasphemes & abominables execrations qu'ils
 ont publiè contre Iesus Christ sauueur de tout le
 monde, en vn certain liure (vulgaire en leurs sy-
 nagogues) qu'ils appellent Talmud, il iugera ay-
 sément que ceste seule cause est suffisante pour
 les exiler, & bannir de toutes les prouinces où
 Iesus Christ est adoré. Ce pauvre peuple aueu-
 glé, n'a pas esté content de diffamer le nom de
 nostre sauueur par ses escrits, mais qui plus est,
 il a esté si effronté de l'oser assaillir par effect. L'an
 cent quatre vingts, du regne du Roy Philippe,
 ce peuple maudit en l'ignominie de la passion de
 Iesus Christ, le iour du grand Vendredy, pen-
 dant que les Chrestiens vacquoient à leurs ce-
 remonies, ils enfermoient en vne caue tous les
 ans, à semblable iour vn ieune enfant qu'ils a-
 uoient desrobé, le flagelloient, le couronnoient
 d'Espines, l'abreuuoient de fiel, finalement le
 faisoient mourir, en vne Croix: & tant conti-
 nuerent ceste cruelle tragedie, que le Seigneur
 ennuyé de la mort de tant de pauvres innocens,
 permit qu'ils fussent apprehendez comme le lar-
 ron sur le faict, & apres auoir esté mis aux
 questions & tourmens, ils confesserent que par
 diuerses anneés ils auoient faict mourir grand

nombre d'enfans en ceste sorte. Dequoy le Roy
Philippe acertené, non seulement les chassa de
son Royaume, mais encores en fit-il brusler
environ octante, en vn brasier de feu ardent.
Depuis le Roy Philippe : se voyant opprimé
de guerres, & bas d'argent, leur permit retour-
ner, & traffiquer en France, moyennant quel-
que somme de deniers qui luy furent liurez
contens. Mais ainsi que les vices sont enchaî-
nez, & que les vns attirent les autres, ces mal-
heureux se resentans de la premiere iniure qu'ils
auoient receüe, delibererent & resolurent en-
tr'eux d'esteindre entierement le nom des Chre-
tiens, & de les faire tous mourir par poison : &
pour mieux executer leurs desseins, ils s'allie-
rent de quelques ladres, par le secours des-
quels ils firent vn vnguent, & quelque confe-
ction composee de sang, d'urine d'homme, &
de quelques herbes venimeuses, & enueloppoiet
cela dedans de petits drapeaux avec vne pier-
re, pour le faire aller au fond, puis iectoient
cela de nuict aux profonds des puits & fontai-
nes, & de ceste corruption d'eaues s'engendra
vne telle cōtagion en l'Europe, qu'il y perit pres-
que la tierce partie du genre humain : car cest
air infecté voloit comme vn soubdain embrase-
ment d'vne ville en l'autre, & suffoquoit ce qu'il
récontroit ayant vie. Mais apres que le Seigneur
eut permis que la tyrannie de ces malheureux
eust regné quelque temps, ainsi borna-il leur
mauuaise volonté, & empescha qu'elle ne passast
outre Car par succession de réps, quelques puits

HISTOIRES

& fontaines se tarirent, & furent trouuer leurs
sacs au fons de l'eau, & par coniectures aucuns
furent apprehendez, lesquels vaincus de tour-
mens, confesserent la debte, & fut faict vne telle
boucherie de ceux qui furent trouuez coupables
par toutes les prouinces de l'Europe, tant de Iuifs
que de Ladres, qu'il ne sera iour de leur vie que
toutes leur posterité ne s'en resente. Car on leur
fist experimenter tant de sortes de tourmens &
martyres, qu'incontinent qu'ils estoient prison-
niers, ils auoient plus cher se tuer, ou se bruler les
vns les autres, que de demeurer exposez à la mise-
ricordes des Chrestiens. Conradus de Memdem-
ber Mattheus, & Philosophe excellent, es-
crit qu'on fit bien mourir en Allemagne seule-
ment douze mille Iuifs. Et comme le spectacle de
les veoir ainsi affligez estoit estrange, aussi la de-
solatiō estoit extreme de veoir les pauures Chre-
stiens auoir en telle horreur & abomination les
eues des puy & fontaines, que s'ils eussent deu
mourir de soif, si n'en eussent ils pas mis vne seu-
le goutte en leurs corps: mais ils auoient recours
aux eues de pluyes ou de riuieres, desquelles ils
auoient grāde necessitē & disette, par-ce qu'il ne
s'en retrouve pas par tout: & tout ainsi que ces
faux imposteurs de Iuifs se sont renduz odieux à
toutes les autres nations, ainsi ont-ils souuent
experimētē diuerses especes de calamitez (cōme
les historiens tesmoignent) mesmes Conradus Li-
costhenes entre autres, en recite vne estrange, ad-
uenue l'an 434. Environ lequel temps il se trou-
ua fortuitement en l'isle de Crete vn seducteur
faux

x Prophete, ou plustost esprit maling, comme
 peult coniecturer par l'issuë de son entrepri-
 Ce Prophete ayant circuit en vn an toute l'is-
 preschoit publiquement, qu'il estoit le mesme
 oyse, qui auoit retiré les Israélites de la serui-
 de de Pharaon, & qui estoit de rechef enuoyé
 Dieu pour deliurer les Iuifs de la persecution
 seruitude des Chrestiens. Et apres auoir plan-
 les premiers tiges de sa pestilente doctrine, il
 signa tant sur ce peuple par faux miracles & au-
 s illusions diaboliques, qu'il commencerent à
 abandonner maisons, terres, possessions, & tout
 qu'ils auoient de bien, pour le suiure, de sorte
 on ne trouuoit autre chose par le païs, qu'une
 ande troupe de Iuifs, accompagnez de leurs
 mmes & petis enfans, qui suiuoient ce saint
 comme comme leur chef. Et apres qu'ils eurent
 en erré en telle misere, il les fait monter à la fin
 r la sommité d'un rocher ioignant la mer, &
 mmença à leur dōner à entendre qu'il les vou-
 it faire passer la mer à pied sec, comme il auoit
 trefois faict au peuple esleu de Dieu, le fleuue
 Tourdain, & sceut si bien desployer son artifi-
 , qu'il leur persuada aisément, de telle sorte que
 pauvre peuple tout congregé en vn monceau,
 precipita dedans les vndes, dont la plus grande
 rtie furent submergez, les autres se sauuerent
 r le secours de quelques pescheurs Chrestiens
 ui estoient lors en la mer. Ces Iuifs apres auoir
 escouuert la fraude qui leur auoit esté faicte, ne
 eurent oncques par aucun artifice humain sça-
 dir nouuelles, ny descouurir qu'estoit deuenue

E


HISTOIRES

leur prophete. Ce qui à donné occasion à plusieurs de penser, mesme d'escrire que c'estoit vñ diable, lequel sous figure d'homme les auoit ainsi deceus. Sebastian Munstere escrit en sa Cosmographie vniuerselle vne autre histoire d'eue mais executee d'vne façon plus gaye. Il dit qu'en l'an de salut 270. pendant que le Comte de Sternemberg estoit Euesque de Mandebourg, vn des plus apparens Rabis de toute la Synagogue des Iuifs, tomba fortuitemment le iour du Sabbath en vn profond retraits, duquel ne se pouuant retirer, force luy fut appeller ses compagnons à son ayde, lesquels arriuez luy dirēt avec grosses complaints que c'estoit le iour du Sabbath, & que ne leur estoit licite ouurer de leurs mains ce iour là, & qu'il eust patience iusques au dimanche qui estoit le iour suiuant. L'Euesque de Mandebourg aduertie de cecy, qui estoit hōme fort ingenieur fit incontinent publier à son de trompe, sur peine de la teste, que les Iuifs eussent desormais sanctifier & solenniser le dimanche, comme propre iour de leur Sabbath : partant ce pauvre martyr demeura ainsi parfumé iusques au lundy au matin.

Fin de la neuuesme histoire.

DELUGES ET INUNDATIONS
prodigieuses.

Chap. X.



E ij

HISTOIRES



Antiquité à tāt experimenté de cha-
stimens de l'eau, que si ie les voulois
ous recenser par ordre, la parole me
defaudroit plustost que le subiect.
Le premier, & le plus memorable
est amplement descrit par Moyse, en Genese 7.
quand nostre Dieu feit ouurir les veines du ciel,
& enuoya vne si grande lexiue d'eaux sur la ter-
re, pour la purifier & nettoyer des pechez des hō
mes, qu'elles surpassoiēt quinze couldees la som-
mité des plus hautes mōtaignes. Du regne de Hé-
ry 4. les eaux se desborderent par telle impetuo-
sité en Italie, que non seulement plusieurs milliers
d'hommes furent noyez, mais qui plus est, les hi-
storians racontent que mesme les animaux do-
mestiques, & priuez, comme poules, oyes, paons,
& autres semblables, furent si bien intimidez de
la fureur des eaux qu'ils deuindrent sauvages, &
errerēt par les desers & forests, sās qu'ils peussent
estre appriuoisez par apres. Ce que mesme saint
Augustin confirme, liure troisieme de la Cité de
Dieu. L'an de salut 1446. le 17. iour d'Auril, du
temps de l'Empereur Federic troisieme (qui fut
l'an que l'Imprimerie fut trouuee) il y eut en Ho-
lande vne si grande inundation d'eaux, & la mer
se desborda de telle fureur, qu'elle rōpit les chauf-
fees, regorgea derriere Dordrech, couurit toute
la terre, réuersa les villes & villages, de sorte que
il y eut lors seize parroisses noyees, & bien cent
mil hommes perduz avec leurs femmes, enfans,
& bestiail. L'an 1530. en Holāde, Flandres & Bra-
bant, la mer se desuoya de telle sorte, q̄ les chauf-

sees & rempars ne furent pas seulement rompus, mais les villes, villages & toutes creatures animees furent rauies & emportees par la violente irruption de l'eau, & toutes les villes maritimes furent rendues nauigables comme la pleine mer. Ce qui n'aduint pas seulement en Flandres, mais la mesme annee, le Tibre s'enfla à Rome, & s'esmeut de telle sorte, qu'il monta par dessus les plus hautes tours & estages de leur cité. Et sans le dommage des ponts rompus, des biës, or, argent, bled, vin, draps de soye, farines, huilles, laines, & autres meubles, iusques à la cōcurrence de trois millions d'or, il y eut plus de trois mille personnes, tāt hōmes, femmes, que petis enfans, qui furent suffoquez & esteincts. Toutes ces choses sont esmerueillables, mais les anciens & modernes, n'ont point encores experimenté, ny leu depuis le Deluge vniuersel de Noë, le semblable de celuy qui aduint en Phrize, l'an de grace 1230. Car ainsi que ils se donnoient du bon tēps, qu'ils banquetoient, crapuloient & s'adonnoient à toutes especes de voluptez, voicy toutes les terres prochaines de la mer de Phrize & Haldric qui furēt en vn moment si couuertes d'eau, que la mer estoit si peuplee d'hommes & de bestes, qui bramoient & crioient si fort, qu'il sembloit que Dieu eust oublié la promesse qu'il auoit faicte à Noë, de ne plus ruiner le genre humain par eau. Car les hōmes se branchoient sur les arbres comme les oyseaux, les autres rampoient aux montagnes, les meres mesmes iectoient leurs enfans contre terre, pour estre plus legieres à la fuite, & euter la

E iij

HISTOIRES

fureur de cest element. Brief la desolation fut telle, que non seulement il y eut vne infinie multitude d'hommes, femmes, enfans & bestes noyez, mesmes de l'exhalation qui sortit des corps putreschiez, apres que les eaues furent retirees en leur canal, il s'esleua vne corruption d'air, comme vn soudain embrasement qui fit mourir le reste de ce que l'eau auoit laisse, de sorte que ceste miserable & affligee prouince demeura presque deserte & inhabitee. Si tu veux veoir les autres deluges plus recens, & desquels les autres citez ont este tourmentees lis Carion en l'abregé de ses Chroniques, & sur tous, Gaspard Côtarenius, en l'œuvre docte & plein de Philosophie, qu'il a faict de *quatuor elementis*.

Fin de la dixiesme Histoire.

PRODIGIEUSES.
PRODIGIEUSE MORT DE PLI-
ne, avec une briefue description de la cause
des flammes qui sortent de certains
endroits de la terre.

36

Chapitre XI.



E iij

HISTOIRES



L n'est point estrange que l
feu tombant du ciel , brul
les lieux qu'il attainct , mais
est monstrueux de le veoir
yssir de la terre , sans sçauoir
d'où il prent sa nourriture , or
gine & nayssance , comme ce

*Calene est
ville de
châpaigne,
dite pour
le iour-
d'huy Cari-
gnole, à
quinze mil
le de Ca-
pue.*

luy duquel fait mention Tite Liue & Orose, qu
fortit des entrailles de la terre au territoire de Ca
lene , qui ne cessa d'ardre par l'espace de trois
iours & trois nuicts , iusques à ce qu'il eust mis e
cendre enuiron 5 arpens de terre , desséchant
bien tout le suc & humeur de la terre , que non
seulement les bleds & autres fruiçts , mais aussi le
arbres avec toutes leurs racines furent bruslees &
consommees . Pour vne semblable violente irru
ption de feu , qui sortit de quelque souspirail in
cogneau : & cauerne de terre la pluspart du Roy
aume d'Escoffe fut anciennement bruslee , com
me les historiens escriuent . Les philosophes , on
cherché la cause de ces flammes avec grande dil
gence , puis ont trouué en fin , que le soulfre
alun , le bitumen & l'eau , sont cause d'entrete
nir ce feu , mesmes aux lieux où la terre est fo
grasse : & ce feu ne pouuant longuement viure
sans souspirail , lors qu'il trouue yssuë , il com
mence à se produire avec violence . Ces flamm
ont esté veuës quelquesfois avec grand merueille
& terreur du peuple à l'entour des sepulchres
cimetieres , & autres lieux gras & humides , qu
estoit engendrees de la gresse & humidité d
corps morts , qui y estoient enterrez . Or qu

*Le peuple
pense estre
chose mira-
culeuse de
voir le feu
à l'entour
des sepul-
chres.*

l'homme entre tous animaux soit de substance tressubtile, & mesmement sa gresse, il est euidement monstré par ce qui a esté descouuert de nostre temps au sepulchre d'Alexandre Duc de Flo-
rence, lequel, combien qu'il fust construit d'un marbre blanc fort espois & solide, si est-ce neantmoins que ledict sepulchre estoit tout maculé de la gresse du corps qui auoit passé outre, mesmement les gouttes de gresse auoient penetré le fons des coulomnes. Semblablement la gresse du corps d'Alphonse Aualus, combien que son corps eust esté deseché par medicamens, sel & sable, il gasta neantmoins & macula les pierres de dessus le tombeau, trauersant le plomb de part en part. Il y a vne montagne en l'isle d'Islande, nommee Hecla, de laquelle Georgius Agricola, homme de nostre temps digne de memoire, faict mention, & plusieurs autres. Ceste montagne iette de telles flammeches, & faict si grand bruit, qu'il semble qu'elle soit enragee, elle iette & darde de fort grosses pierres, elle vomist le soulfhre. Ceux qui desirēt en approcher pour contempler la nature de ce feu, sont incontinent engloutis, comme dans vn gouffre: le vulgaire du païs est en cest erreur, qu'il croit que ce lieu soit la prison des damnez, ioinct que plusieurs historiens escriuent, qu'il se trouue là des Phātosmes qui se mōstrent visibles, & font du seruice aux hommes, & principalemēt apparoissent en figure de ceux qui ont esté tuez ou noyez par quelque violēte aduēture, & quand ceux qui les cognoissent, les priēt de retourner à leurs maisons, il respondent avec

*Merueille
de sepul-
chre.*

*Islande est
vne isle qui
est en Sueue
bien a-
uand en la
mer Ocea-
ne.*

HISTOIRES

plainctes & merueilleux gemissemens, qu'ils s'en retournent à la montagne d'Hecla, & tout soudain disparoissent & s'euanoüissent. Quât à mon regard, i'ay tousiours pensé que soyent quelques diables disciples de Satan, qui ayent voué leur obedience en ce lieu, pour deceuoir ce peuple, qui est de nature grossier & barbare. Et quant aux flammes hideuses & perpetuelles qui sortent de la montagne, la cause comme nous auons ia dit, est naturelle. C'est la gresse de la terre, & le soulfre duquel les marchans emportent aux païs estranges grand nōbre de Nauires chagees. Quât à la gresse de la terre d'Islande, les anciens & modernes historiens escriuent que les pasturages sont si gras (mesmes au plat païs) qu'on est contrainct chasser le bestiail des prez, autrement il auorteroit, & ne viuroit point, & feroit incontinent suffoqué de gresse, comme ils experimētent tous les iours. Et sans nous amuser trop curieusement à rechercher la cause des flammes des montagnes qui sont esloignees de nous, nous auons le mont Vesue pres de Naples, duquel Martial, Strabo, & Xiphilinus en la vie de Seuer l'Empereur, font souuent mētion en leurs escrits, laquelle a esté autrefois tant fertile, & toutesfois le feu qui y est naturel, a tout embrasé, gasté & ruiné: mesmes du temps de Tite Cesar, elle ietta tant de feu, que deux villes en furent embrasees, & sortit du sommet d'icelle des fumees si espoisses, que la lumiere du soleil en estoit obscurcie, & les iours sembloient nuicts, & tout à l'entour, les champs estoient si pleins de cendres, qu'ils esgalloient la

l'auteur des arbres. Et comme Pline (qui regnoit
en temps de Vaspasian l'Empereur) desirant de
connoître la cause du continuel embrasement de ce-
tte montagne là, fust allé voir, & se fust approché
de trop pres, il fut estonné qu'il sentit inconti-
nemment surpris de flammes, & que son corps fut mis
en cendres cōme tu vois icy dessus en pourtraict.
Ce qui s'est encore renouuellé de nostre temps,
en l'an 1538. où elle fit de rechef vne si grāde eru-
ption, quelle estonna tout le peuple circonuoï-
n. Nous pouuons semblablement mettre au
rang de ces prodigieuses montagnes, le mont
Ætna, autrement dit le mont Gibel en Sicile
duquel saint Augustin faict si souuent mention
en ses œuures, & lequel Strabo atteste auoir veu,
mesmes auoir monté iusques à la sommité pour
considerer ses merueilleux effects. Suetone tes-
moigne que Caius Cesar, Caligula Empereur des
Romains, ayant contemplé ce grand Torrent de
feu, que ce mont vomissoit, il fut tellement espou-
uanté, qu'il s'enfuit de nuit à Messane, & non
sans cause: car depuis que l'impetuosité des vents
s'entonne dedans les soupiraux de ceste monta-
gne, elle darde de grosses pierres, & de grands
tourbillons de feu embrasé, qui consomment
tout ce qu'ils rencontrent. Thucidide faict men-
tion de trois memorables embrasemens du mont
d'Ætna, depuis que les Grecs eurent tenu la Sicile.
Orose recite que du temps que M. Æmil-
le & L. Oreste estoient consuls, elle desgorgea
vne telle quantité de flammes sulphurees, que
tout le pais circonuoisin fut gasté: & pour ceste

HISTOIRES

cause les Romains remirent le tribut ordinaire qu'ils receuoient de ceux de Casine, pour l'espace de dix ans. On auoit pensé de noz ans que la matiere, dont ce feu auoit accoustumé se nourrir, fut consommée, par-ce qu'il cessa pour vint ans, mais l'an mil cinq cens dixsept, on experimentera bien le contraire. Car on fut estonné qu'une grande masse de feu, avec vne lumiere obscure, ainsi que de soulfhre allumé, tūba du haut du sommet en bas, laquelle par aucune froideur ne peut estre si bien temperee, que courant ça & là, elle ne bruslast champs, pierres, forests, mesmes deux villages, & tout ce qu'elle rencontra. Ce feu pour le iourd'huy a cessé, à raison dequoy la terre a commencé à produire plusieurs bons fruits, & à deuenir fertile.

Fin de l'vnziesme histoire.

RODIGIEUSES.
PRDIGES DE QUELQUES
horribles tremblemens de terre, aduenuz en di-
uerses prouinces, avec vn prestige de Satan,
lequel par son astuce fest precipitier vn
Cheualier Romain en vn gouffre.

Chap. XII.

39



HISTOIRES.



Es histoires & Annalles de Romains, Grecs, Parthes Medes, Perfes & autres semblables, font si souuent mention des ruines aduenues plusieurs citez & prouinces par tremblemens de terre que i'en pourrois memorer iusques au nōbre de cinq cēs, bien renōmees, qui toutes sōt peries, & desmolies par ce gēre de tourment cōme Ephese, Magnese, Sardos, Cefaree Philadelphie, Mirinne, Apolonie, Nicomedie Antioche & plusieurs autres: de sorte q̄ pour vn nuict du temps de l'Empereur Tybere, sous lequel le sauueur du mōde fut crucifiē douze de plus superbes villes de l'Asie furent ruinees d'unuict, par vn soudain tremblemēt de terre, cōmme Pline & Cornelius escriuent. Du temps que Flaminio batailloit cōtre Hannibal, cōme leurs deux exercites estoient prests à se ioindre, la terre commença si fort à soupirer, & à trēbler par telle impetuositē, que beaucoup de fiers mēbres de citez & plusieurs sommets de mōtagnes furēt moulus & brisez, & toutesfois (dit Tite Liue) les deux camps estoient si biē acharnez les vns cōtre les autres qu'ils continuerent leur rage, & n'eurent aucun sentiment de ces prodiges. Qui voudra lire Dion Niceus, & Xiphilinus en la vie d'Antonin l'Empereur, il y trouuera de si estrāges trēblemēts de terres aduenuz en l'Hellespōt, & en Bythinie qu'il sembloit propremēt que toutes ces prouinces deussent estre deuorées & ēglouties. Rhode

2. liure de
ses histoires
Romaines.

Liuius l. 6.
2. Deca. 3.
Plutarchus
in vita Fabij Maxi-
mi Florus
liure 2.

isle tant celebree par les escrits, a souuent esté
ruinee par tremblement de terre, mesmes la gran-
de Idole & statuë du soleil, qui decoroit tant
Rhodes, que Chares Lindius disciple de Lisip-
pus, auoit faicte en douze ans de son aage, la-
quelle estoit de haulteur de soixante seize cou-
dees, fut ruinee & abbatuë par tremblement de
terre, cinquante & cinq ans apres qu'elle eust
esté erigee, laquelle estoit encores couchee par
terre, du temps de Pline, avec grand esbahisse-
ment de ceux qui l'alloient veoir, de sorte que
le poulce seulement de ceste statuë estoit plus
grand que les plus grandes statuës qui se peussent
trouuer: & estoit la richesse de ceste statuë si
esmerueillable, que lors que le Soudan d'Egypte
enuahit Rhodes, il emporta la charge de neuf
cens chameaux de quelques fragmens & reli-
ques de l'airain de ceste statuë, qu'il trouua aba-
tuë & l'enuoya par terre en Alexandrie. Iosephe
en son liure premier de la guerre des Iuifs, faict
mention d'un tremblement de terre qui aduint
en Iudee, par la violence duquel trente mille hō-
mes furent tuez. Les anciens sous la conduite
d'Eudoxius, voulant celebrer vn second Concile
à Nice, pour oppugner les articles arrestez par le
Concile general, furent estonnez qu'ainsi que
leurs Eueques & Prelats estoient assemblez, la
cité de Nice fut tellement esmeuë par tremble-
ment de terre, qu'il y eut plusieurs edifices abis-
mez, & plusieurs milliers d'hōmes suffoquez: &
cognoissans que Dieu resistoit à leurs desseins, ils
furent contraincts d'abandonner leurs sieges,

HISTOIRES

& retourner en leurs provinces, comme Fuctius escrit. L'an mil trois cens quarante cinq, le iour de la Conuerſion ſainct Paul, il y eut vn ſi horrible tremblement de terre en Veniſe (comme Sabel-lique eſcrit) qui par l'eſpace de quinze iours aſſi-
 dus, on ne voyoit autre choſe, que maiſons, & edi-
 fices ruinez, & qui plus eſt, toutes les femmes qui
 eſtoient groſſes, pendant qu'il dura, auorterent,
 & perdirent leur fruit. Mais à fin que nous ne
 conſommions trop de temps à commemorer les
 playes que l'antiquité a receües par les eſclate-
 mens de la terre, nous auons meſmes de noz ans
 experimenté le ſemblable, en l'an de noſtre ſau-
 ueur, mil cinq cens trente huit, le vingtſixieſme
 iour de Ianuier, où le royaume de Portugal fut
 tellement eſbranlé, par le croulement de la ter-
 re, qu'il tomba à Liſbone (comme les modernes
 eſcriuent) bien mille ou douze cens edifices, &
 plus de deux cens autres qui tendoient à ruine, &
 dura ce tourment huit iours, reiterant les aſſaux
 cinq ou ſix fois le iour. Dequoy tous les pauures
 habitans furent ſi bien intimidez, qu'abandonnâs
 leurs maiſons, ils erroient par les champs, & lo-
 geoient ſoubs le ciel. Tite Liue, liure ſeptieſme,
 Decade premiere, Oroſe liure troiſieſme chap. 5.
 Iules Obſequens, Polidore Virgile, & pluſieurs
 autres font mention d'vn ſi eſtrange tremblement
 de terre aduenü à Rome, qu'il m'a ſemblé digne
 d'eſtre memoré en ce lieu, pour la nouveauté de
 vn acte ſi eſtrangement aduenü. Ils eſcriuent que
 du tēps que Seruilius Hala, & L. Genutius eſtoiēt
 Conſuls, la cité de Rome fut agitée de quelque
 ſoudain

oudain tremblement de terre, lequel cessé, laissa
 certaine cauerne ou abisme au milieu de la place
 de la ville, lequel pour quelque grande quantité
 de terre ou autre matiere qu'on y peut iecter, ne
 peut estre cōblé: mesme de ce trou ord & infect
 sortoient quelques vapeurs si pestilentes, que la
 pluspart des citoyens de la ville en estoient infe-
 rmez. Et apres auoir cherché tous les moyens de re-
 medier à leur mal, s'aduiserent (pour dernier re-
 mède) de demander conseil à leurs Deuins & Au-
 gures. Et apres qu'ils eurent vsé de leurs cerimo-
 nies accoustumées, ils respondirent que ce trou
 par aucun artifice humain ne pouuoit estre bou-
 ché, ce qui estoit le plus precieux en toute la ci-
 uité n'estoit iecté dedās. Et apres que les dames, &
 autres citoyens Romains eurent liberallemēt ie-
 cté dedans les plus precieux ioyaux qu'ils eussent
 en leurs cabinets, sans y profiter ou pouuoir ap-
 paaiser la fureur de ce gouffre, Marcus Curtius ex-
 cellent & magnanime cheualier Romain, armé
 de toutes pieces, & monté sur le meilleur cheual
 de son escuirie se precipita en ceste abisme, lequel
 l'instant mesme fut bouché. Tāt les prestiges du
 diable estoient grands en ce siecle, auquel les hō-
 mes pensans faire sacrifice à leurs dieux, & libe-
 rer leur patrie de captiuité, faisoient vn volontai-
 re sacrifice aux diables de leurs ames. Ayant mis
 fin à ces tremblemens de terre, reste seulement de
 deduire les causes dont ils nayssent, Aristote, Pli-
 ne, & en general tous ceux qui ont traicté de l'e-
 motion de la terre, attribuēt les causes de ce mal-
 heur, aux vapeurs & exhalatiōs qui sont encloses

*Le pour-
 trait de
 M. Curtius
 est figuré
 cy dessus, au
 commence-
 ment de ce
 present cha-
 pitre.*

HISTOIRES

aux entrailles de la terre, lesquelles cerchās à sortir, & à s'euaporer, là se couuent, mouuent, & agitent, & estans ainsi esbranlees en aucuns lieux les murailles tōbent, aux autres se font des abyfmes, cōme en celuy de Rome, duquel nous auons fait mention: aucunes fois il en sort des feux, mais deuant que l'assaut se dōne, ou quelquefois à l'heure mesme, on oyt vn horrible son & murmure, semblable à des muglemens, ou à vne clameur d'hommes, selon la quantité de la matiere qui est esbranlee, ou la forme de la cauerne, par laquelle passe la vapeur: il y demeure quelquefois vne catterne qui monstre ce qui est englouty, aucunes fois la terre se referme si soudain, qu'on n'y voit nulle trace, deuorant quelques fois des villes toutes entieres, mesmes engloutit toute vne contree de païs. Et est à noter, que les tremblemens de terre, aduiennent plustost au Printemps & de Autonne, qu'en autre temps ou saison.

Fin de la douzieme histoire.

PRODIGIEUSES.
RODIGE DE DEUX CORPS

42

enteez ensemble, comme deux greffes en un
tronc d'arbre, duquel saint Augustin
faict mention en sa Cité de Dieu.

Chap. XIII.



F ij

HISTOIRES



Eux là ne s'estonneront point de la figure de ce Monstre qui ont leu en saint Augustin chap, 8. liu. 16. de la cité de Dieu, que peu deuant temps il nasquist vn enfant par parties d'Orient, qui estoit double par dessus, & simple par dessous, ayant deux testes, deux poitrines, quatre mains & le reste du corps n'estoit qu'un. Sçauoir est deux chasses, deux pieds, vn ventre, & au reste depuis le nombril embas, n'auoit que la figure d'un homme, lequel (comme il tesmoigne au lieu preallegué) vint tant, que plusieurs l'allerent veoir, pour la nommée qui en estoit. Ce que j'ay bien voulu mettre en auant, par ce que celui duquel tu vois le pourtrait, est tout semblable à celui, qui est décrit par saint Augustin, reserué que celui auoit figure d'homme, & cestuy-cy de femme, lequel fut engendré sur les confins de Normandie & d'Angleterre, du temps de l'Empire de Henri 3. & si tu le consideres bien, tu trouueras que c'est vn estrange spectacle en nature, attendu que deux corps estoient entez ensemble depuis le nombril iusques au nombril, comme deux greffes en un tronc d'arbre, ayant deux testes, deux boucs, deux nez, avec leurs belles faces, bien formées, accouplées de tout ce qui est requis en nature, jusques au nombril, & depuis le nombril en bas n'y auoit que la figure d'une seule, sçauoir deux iambes, deux cuisses, vne nature, & vn conduit, par où ils rendoient leurs excréments.

ce qui estoit plus pitoiable, toutes leurs actiōs
 aient le plus souuent diuerſes, car quelquefois
 l'une plouroit l'autre rioit: l'une parloit, l'au-
 tre taisoit: l'une mangeoit, l'autre beuuoit: &
 eurent ainsi longuement, iusques à ce que
 l'une mourut, & l'autre fut contraincte de trai-
 ce corps mort apres elle iusques à quelques
 heures d'apres, où par la puanteur & corruption
 l'autre elle mourut infectee. Les autheurs de
 y, sont Cuylerinus, Matthæus Palmerius, Vin-
 cius liure 26. chapitre 38. Hierosme Cardan
 excellent medecin Millannois, grand rechercheur
 secrets de nature, lequel est encore pour le
 d'huy viuāt, liure quatorzieme de ses liures
diuersa historia, afferme que l'an mil cinq cens
 tante quatre, au mois de Ianuier, vn sembla-
 Monstre fut engendré en Italie, lequel il de-
 par les parties tout semblable à cestuy-cy, &
 mere le produict sur terre au terme de neuf
 s, bien formé au reste, & corpulent. Neant-
 ns il mourut incontinent apres que la mere
 eut accouché, par ce que les sages femmes
 ient vsé de trop grand effort & violence à le
 hors du corps de la mere. Et si descript apres
 chose digne d'estre notee, c'est qu'un Chi-
 sien nommé Gabriel Cuneus, homme fort ex-
 en son art, qui auoit esté autresfois son disci-
 anatomisa ceste fille monstrueuse, & la mist
 pieces, & apres auoir faict ouuerture des par-
 interieures, il y trouua double ventricule,
 les intestins doubles, reserué celuy qu'on
 appelle *rectum*: Luy trouua deux poulmons, &


HISTOIRES

ainsi presque de toutes les autres parties, reser-
le cœur qui estoit simple. Ce qui nous induit
penfer (dict Cardan) que nature en vouloit
creer deux, mais que par quelque defectuosité
elle demoura ainsi manque.

Fin de la treziesme Histoire.

HISTOIRE D'VN MONSTRE, DV-
quel saint Hierosme fait mention lequel ap-
parut à saint Antoine au desert.

Chap. XIII.



F iiij



Ainct Hierosme, Licoſthenes, & Iſidorus, font mētion d'un Monſtre lequel fortuitement apparut à ſainct Antoine, pendant qu'il faiſoit ſa penitence au deſert, lequel (ainſi que ils deſcriuent) auoit forme d'hōme, le nez hideux & crochu, deux cornes en la teſte, & les pieds ſemblables à vne cheure, comme tu le peux veoir figuré en ce pourtraict. Ce ſainct homme eſpouuanté de veoir vne creature ſi prodigieuſe en ſon deſert, l'adiura au nom de Dieu, de luy dire qui il eſtoit, lequel luy reſpondit, Ie ſuis homme mortel comme toy, qui habite en ce deſert, l'un de ceux que le vulgaire (deceu) appelle Satyres ou Incubes. Sainct Auguſtin liure premier de ſes queſtiōs ſur Genēſe, queſtion troiſieſme faiſant mention des diables Incubes, eſcrit ainſi: Il ſe dit tāt de diuerſes choſes de quelques diables qui ſont mauvais aux femmes, qu'il n'eſt aiſé ne facile d'en donner reſolution. Mais au quinziēſme liure de la cité de Dieu, chap. 23. il enſle vn peu ſon ſtile, & en parle plus hardiment, & dit ce qu'il ſ'enſuit. Que les Anges ayent apparu aux hommes avec les corps, leſquels nō ſeulement ſe pouuoient veoir, mais auſſi toucher, l'eſcriture l'aſſerme. Et par-ce qu'il eſt grand bruit, & que beaucoup diſent auoir experimenté, & ouy d'autres qui l'auoient auſſi eſprouué, qu'il y a des Faunes & des Siluains, que le vulgaire appelle Incubes, qui n'ont pas ſeulement deſire les femmes, mais ont eu affaire à elles, & meſmes

qu'il y a quelques Demons, que les Gaulois appellent Dusiens, lesquels ayment ceste immundité, il y a tant de gens qui l'asseurent qu'il est quasi honteux de l'oser nier. Toutesfois quant à moy, ie n'oserois asseurer, si ces esprits qui ont vn corps d'air, peuuent exercer ou souffrir ceste volupté. Si tu veux veoir vne bien ample dispute de ceste matiere, lis Gulielmus Parisiensis, au chapitre, *De succubis & incubis*, en sa partie troisieme, où il a recueilly les opinions de tous les Theologiens sur ceste matiere: mais beaucoup plus doctemēt Ludouicus Vives sur le 23. chapitre du 15. liure de la cité de Dieu de saint Augustin, où il se mocque des Huns, & de ceux de l'Isle de Cypre, qui se glorifient par leurs escrits d'auoir prins leur origine des diables succubes & incubes, desquels i'ay plus amplement traicté cy dessus.

Fin de la quatorzieme histoire.

HISTOIRES
HISTOIRES PRODIGIEUSES. DES
pierres precieuses & plusieurs autres choses
esmerueillables, qui se retrouuent és en-
trailles de la terre.

Chapitre XV.





L ne se trouue aucune chose plus
 admirable en nature, ny plus digne
 de cotelation philosophique,
 que l'excellence & propriete des
 pierres precieuses. Lesquelles de-
 puis qu'elles sont tirees des entrailles & matrice
 de leur mere nourrice la terre, elles rauissent noz
 sens, & esblouissent nostre veüe de telle sorte,
 qu'il semble que ce soit quelque charme ou nou-
 uveau spectacle, que nature enuoye à noz yeux.
 Ludouicus Vartomanus Romain escrit auoir veu
 au Roy de Pege(qui est vne fameuse cité en l'In-
 de) des Escarboucles dictes en Grec, pyropi, si
 grandes & lucides, que si quelqu'un les regardoit
 en lieu tenebreux, il sembloit que son corps fust
 diaphane, car il estoit tellement illuminé de ces
 pierres qui reluy soient d'une claire lumiere, com-
 me s'il y eust eu les plus clairs & lucides rayons
 du Soleil, La pluspart presques des Philosophes
 Grecs & Latins, comme Theophraste, Mutia-
 nus, Pline, Ruoffus & plusieurs autres ont tant
 deferé aux pierres precieuses, qu'ils n'ont pas
 seulement escrit qu'elles engendroient, mais
 mesmes qu'elles souffroient maladie, la vieillesse
 & la mort. Les pierres precieuses sont engen- *Generation*
 drees entre les rochers, quand le suc distille des *des pierres*
 pierres dedans les lieux creux, ainsi qu'est engen- *precieuses.*
 dré l'enfant du sang maternel. Quelquesfois elles
 sont engendrees par le suc des metaulx precieux,
 comme on les trouue aux mines d'Or & d'Ar-
 gent. Et disent ces grands secretares de nature
 que leur naissance vient comme les neuds aux

bois, comme les glandules aux hommes, ou comme les semences aux herbes. Il y a encore eu d'autres Philosophes beaucoup plus effrontez, car ils ont asseuré que les pierres auoient sentiment & mouuement. Ils prouuoient le sentiment par l'Aymant qui sent le fer, & l'attire, duquel nous traiterons cy apres plus amplement. Quant au mouuement, l'experience le montre en vne petite pierre precieuse, nommee Astroïtes fort vulgaire en France, & en Italie, laquelle se mouue de soy-mesme dans le vinaigre, ou dedans le vin, & imite & ensuit le cheminer des animaux allans tantost d'un costé, tantost de l'autre. I'ay bien voulu proposer toutes ces opinions, pour mieux authoriser l'excellence des pierres, desquelles nous traiterons cy apres, non pas que ie croye que les pierres ayent mouuement. Et quant à la pierre dicte Astroïtes, il est certain qu'elle se mouue toute seule en du vin, comme i'en ay veu souuent l'experience, mais cela ne prouient pas qu'elle ait mouuement naturel d'elle-mesme: Toutesfois qui voudra bien exactement considerer le naturel de ceste pierre, il trouuera aisément en nature la cause de ce mouuement: car ceste petite pierre qui n'est point lucide, & qui est couuerte ça & là de taches grises & cendrees (dont elle a prins son nom) est composee d'un humeur fort subtil, lequel peult estre conuertit en vapeur, par la force du vin, pourtant ceste vapeur, cherchant voye pour sortir, & ne trouuant issue, elle pousse facilement ceste pierre ça & là, qui est legiere, & le vray in-

*Ceste pierre
est à vil
pris, & se
trouue par
tout, à qui
en veut
voir l'ex-
perience.*

dice, & argument de la subtile vapeur, est, que ceste pierre a de petites bossés: dont il faut croire qu'elle est poreuse, & qu'il y a de grands meats & cōduicts. Nous sommes (peut estre) trop amusez à rechercher la cause du mouuement de ceste pierre, si croi-ie que ceste philosophie n'est inutile: car elle donne estonnement à ceux qui la voyent se mouuoir ainsi seule, sans en sçauoir la cause. Si ie me voulois employer à rechercher des prodiges plus estranges aux pierres, que n'est le mouuement de la pierre dessus nōmee d'Astroïtes, ie le pourrois faire aisément, avec grand esbahissement des lecteurs, mais encores avec plus grand espouuamment de ceux qui l'ont expérimenté. Hector Boethius faict mention d'une pierre spōgieuse, qui est en Escosse, laquelle rend l'eau de la mer douce quand elle est passée par dedans. Les historiens font mention d'une espece de pierre perce, qui est vn peu passe, qui s'appelle Nicolaus, qui rend celuy qui la porte triste & melancholique, & contrainct les esprits tant fort qu'elle excite de merueilleuses perturbations en l'ame. Je croy que la pluspart de ceux qui ont pénétré aux secrets des histoires anciennes, ont leu la memorable & prodigieuse vertu de la bague pendue au col de Hermion, laquelle faisoit perir malheureusement tous ceux qui la portoient. Il est tout certain qu'il y a en Argadie, region de Escosse, vne espece de pierre, laquelle ayant demeuré quelque temps sur la paille, ou serment bien sec, elle l'allume & enflamme sans estre aydee du feu. Je pourrois produire beaucoup de

HISTOIRES

tels exemples des estranges & presques incroyables proprieté des pierres, mais ie ne veux ennuyer le lecteur à la contemplation des choses qui sont si rares, & tant esloignées de noz sens. Il nous faut doncques récercher l'essence & propriété de celles qui se representent ordinairement à noz sens, & qui sont plus communes. Entre les plus riches thresors que la terre ait iamais couué en ses entrailles, ou enuoyé à l'homme, le Dyamant tient le premier lieu, lequel outre le violent escler, par lequel il esblouist la veüe, comme s'il partoit d'un soudain tonnerre, encore a-il vne dureté inuincible, laquelle ne resiste pas seulement à la lime, ny aux metaux, mais qui plus est, elle ne peut estre vaincue des flammes. Plin au dernier liure de ses histoires naturelles escrit, que de son temps le Dyamant ne se trouuoit qu'aux cabinets des princes, encores bien rarement, mais nature, qui est deuenue prodigue depuis son siecle, l'a si bien prophané, qu'il n'y a si petite bourgeoisie pour le iourd'huy, qui n'è orné ses doigts. Deux des plus grands prophetes de l'Eglise de Dieu, Zacharie & Ezechiel, ont honoré ceste pierre par leurs escrits, & non sans cause: car outre les communes proprieté qu'elle a de resister aux venins, poisons, charmes, songes & visions nocturnes, encores a elle vne vertu presque prodigieuse, de resister au feu, de sorte que les philosophes ont experimenté qu'elle peut durer neuf iours assidus dans les brasiers ardens, sans en estre offensée. Je ne veux obmettre en cest endroit d'aduertir les lecteurs des deux enormes

e dyamant.

Ezechiel
chapitre 3.
proprieté
du Dyamant.

fautes esquelles les anciens & modernes se sont enuoloppez, pour auoir mal obserué la propriété de ceste pierre. Pline entre les anciens, avec tous ceux qui l'ont precedé, & entre les modernes, François Ruel medecin, en son traicté des pierres, & Marbodeus Poète Latin, au mesme subiect, ont grandement erré en ce qu'ils ont escrit, que l'Aymant n'attire iamais le fer, le Dyamant present: car le contraire se veoit à l'œil, par l'expérience qui est aisée. Aussi ont-ils erré en ce qu'ils ont asseuré que le Dyamant ne peult estre vaincu par fer, ny par autre moyen, que par le sang de bouc: car il est tout certain que le coup du marteau le met en pieces, quand il est assommé par quelque forte main. Je n'ignore point qu'il n'excede toutes les autres pierres en durescé, mesmes qu'il diuise les autres pierres precieuses, par sa solidité, & qu'il n'est presque poly ne limé d'autre chose que de sa limeure, & qui plus est, i'adiouste vn plus grand argument de la subtilité & durescé du Dyamant, que les anciens ont practiqué avec grād merueille. C'est que si la poincte d'vn dard, d'vne dague, ou de quelque autre instrument trenchant, est trempe en la forgeant en la poul-dre de Dyamant, facilement elle pourra pene-trer les armeures: car le fer & l'acier eschauffé par le coup, avec la durescé de la trempe, pene-trent aysément. Nature a encores doué le Dya-mant d'vne autre secrette propriété, qui n'est pas moins esmerueillable que la precedéte. C'est qu'il attire le festu eschauffé, ainsi que l'Ambre, mais non pas avec telle vigueur.

*Prodige du
Dyamant.*

HISTOIRES

*Le Dyamant
est vene-
neux.*

Les anciens & modernes ont attribué plusieurs autres proprietéz estranges au Dyamant, mais par-ce qu'elles sont suspectes ou fabuleuses, ie n'en feray pour le present aucune mention en mes escrits. Encore faut-il noter qu'entre tant de riches ornemens, desquels nature a decoré ceste pierre, pour contrepoix de ses graces, elle l'a infectée d'un vice, car elle est venimeuse, & est mise au rang des poisons violentes, qui soudain estouffent quand elles sont beües en pouldre. Aucuns disent que c'est par extreme frigidité, les autres disent que c'est par violente erosion qu'elle faict aux boyaux: mais la premiere opinion me semble plus probable. Et est à noter que le plus grand Dyamant qu'on ait oncques veu, n'excede point la grosseur d'une amande, lequel est pour le iourd'huy entre les mains de Solymã, Empereur des Turcs. Les modernes ont tousiours presque donné le second lieu d'honneur à l'Emeraude, par-ce que par sa vive verdeur, elle ne recrée pas seulement la veüe plus que toutes les pierres, mais elle surmonte en grace & gayeté les forests, les arbres & les plantes: de sorte qu'il semble que nature ait eu contention avec la terre, à qui remporterait le pris en verdeur, ou l'Emeraude, ou les plantes. Tous ceux qui ont escrit de la nature & propriété des pierres, escriuent entre autres choses, que l'Emeraude est amye de chasteté, & qu'elle abhorre les immundes & paillards: & pour confirmation de leur dire, ils citent l'histoire vulgaire du Roy de Hongrie, lequel estant couché avec sa femme, ayant une Emeraude en son

son doigt, fut estonné qu'elle se brisa en plusieurs pieces. Je ne veux affermer que ces choses soient vrayes, ou faulces, sinon que cela fust advenu par cas fortuit. Car l'Emeraude est la plus fragile & tendre de toutes les pierres. Les proprietiez les plus vrayes, qui luy sont attribuees par les doctes, sont celles qui s'ensuiuent. Aristotele made qu'on l'attache à la teste de ceux qui ont mal caduc. Raby commande qu'on en boiue la defanteur de neuf grains, & qu'elle desseche lesumeurs. Sanauorola escrit, que si on l'applique sur la cuiſſe de la femme qui sent les angoisses de son fruit, qu'elle soulage l'enfantement. Rasis & Dioscoride ordonnēt aux Lepreux de boire l'Emeraude puluerisee. Je ſçay qu'on luy attribue beaucoup d'autres proprietiez, mais par ce qu'elles ne sortent point de bonnes boutiques, i'ayme mieux les taire que les recēser. Je ne veux obmettre entre mes plus rares & monstrueux prodiges, de celebrer le Roy d'Angleterre Edouart, lequel ayant receu vn liure qu'Erasme luy presenta, luy feist don d'une Emeraude, qui fut apreciee apres sa mort, trois mil escus: laquelle ce philosophe auoit si chere, qu'il l'auoit encores en son doigt à l'heure de sa mort. Suetone escrit que Nero auoit accoustumē de contempler les ieux des gladiateurs dedans vne Emeraude. Les bonnes Emeraudes s'esprouent à la pierre de touche, dicte Lidia, & si elles sont naifues & vrayes, elles y delaissent vne macule d'airan. Saint Iean en son Apocalypſe, a tant honorē ceste pierre, qu'il en a voulu faire mention. L'Escarboucle

*Present du
Roy d'An-
gleterre,
fait à Eras-
me.*

*Comme se
cognoissent
les bonnes
Emeraudes*

*De l'Escar-
boucle.*

G

HISTOIRES

*Vertu du
Ruby.*

Le Saphy.

*Le Saphy
desaltere.*

Du saphy.

des anciens n'est autre chose, que ce que nous ap-
pellons en nostre vulgaire le Ruby, laquelle est
ainsi nommee pour la similitude qu'elle a en splen-
deur, avec le charbon ardent : icelle iettée au mi-
lieu des flammes, les surmonte en lueur, & ne
peut estre vaincue ny maculee d'icelles. Les plus
communes excellences, & proprieté que les
Philosophes attribuent au Ruby, sont de chasser
la melancholie, empescher les songes & illusions
nocturnes, & de servir d'antidote contre l'air
pestilent & corrompu. Je n'ignore point qu'il
n'y en ait plusieurs especes, comme le Grenat,
le Balays, & autres semblables, mais ie me reserve
à en parler ailleurs. Le Saphy ne cede en rien au
Ruby, car si l'un nous represente le feu, lors qu'il
est en sa plus vive & penetrante ardeur, aussi l'autre
nous represente le ciel azuré, lors qu'il est en
sa plus grande serenité. Il n'y a pierre plus cele-
bree des auteurs, pour les vsages, de medecine,
que le vray Saphy. Auicenne tesmoigne qu'il est
de vertu si astringente pour sa frigidité, qu'il estâ-
che promptement le flux de sang qui decoule du
nez. Galien & Dioscoride, assurent qu'il reprime
les excrescences & pustules, qui offensent les
yeux. Les medecins modernes avec grand effect
l'ont mis sous la langue de ceux qui sont affligez
des fiebres chaudes & ardentes, & ont trouué
que par sa grande frigidité, il desaltere & rafres-
chit. Il sert d'antidote contre tous venins & poi-
sons, & repereute le mauvais air de celui qui le
porte en temps pestilentiéux, cōme Isidore, & An-
glicus Marbodeus & Ruoffus escriuent. Aucuns

l'effeurent auoir leu en Dioscoride, q̄ le Saphy en-
 clos en vne boiste avec l'Araignee, la rue subite-
 ment, tant sa puissance est violente contre le ve-
 nin: mais ie croy qu'ils luy imposent, car ie ne
 ne recorde point auoir leu en Dioscoride, qu'il
 ait faict mentiō de ces choses. L'Amatiste du tēps
 l'Aristote, ainsi qu'il escrit, n'estoit point recom-
 mandee d'autre chose, que de resister à l'ebriété.
 Le Hyacinthe resiste aux tonnerres, comme nous
 auons monstré au chapitre des tonnerres, de for-
 me que Serapio a affirmé qu'oncques homme ne
 fut offensé du tonnerre, qui portast le Hyacinthe
 sur luy, La Turquoise, selon les philosophes, n'a
 rien de propre ou excellent en elle, que de chas-
 ser les espouuantemens & troubles du cerueau.
 Les meilleures viennent de Perse, d'une ville nom-
 mee Balascha, où il y en a en abondance. En ce
 qu'est de l'Agathe, ie n'ay rien trouué de plus es-
 merueillable entre toutes ses vertus, que ce que
 les Arabes escriuent des anciē, qui la donnoient
 puluerisee en breuage à leurs fēmes, pour expé-
 rimēter si elles estoient pucelles, mais par-ce que
 ces choses me semblent vaines, ie les passe legie-
 remēt. Je pourrois semblablement traicter des Per-
 tes, du Chrysolite, de la pierre Aquilin, d'Alectre
 obsynthe, Abseste, Achathe, Opale & plusieurs
 autres, mais ie m'en deporteray pour le present,
 car ce q̄ Dieu ay dāt, ie feray voir en brief à nostre
 grāce, la descriptiō vniuerselle de toutes les pier-
 res precieuses, desquelles les Arabes, Hebreux,
 Egyptiens, Grecs & Latins ont faict mention en
 leurs escrits: mesmes descouuriray les secrets des-

Voy Galien

li. 9. simpl.

chap. 19.

Dioscoride

lib 8.

chap. 100.

De l'Amatiste.

tiste.

Lisez Plin-

ne li. 7. ch.

9. Isidorus

lin. 10.

Des vertus

de Hyacin-

the, Lisez

Auicenne,

De viribus

cordis. Pli.

37. cha. 9.

Sera. agre.

cap. 39.

Solin. 4.

Les anciens

experimen-

toient si

leurs fem-

mes estoient

pucelles a-

uecl' Aga-

the.

HISTOIRES

quels les imposteurs vsent en leurs pierres artificielles, ce qui apportera grand profit au public, car par tel moyen on trenchera la voye aux Italiens, & aux autres qui ne s'estudient à autre chose qu'à corrompre, contrefaire, sophistiquer & adulterer ce qui nous est enuoyé de nature, sincere, pur & net: ioinct aussi que les seigneurs & autres qui demeurét reclus à leurs maisons, pourront auoir le plaisir des pierres artificielles, & imiter la nature, si bon leur semble, à peu de frais, par le moyen de mon œuure, & sans l'ayde d'aucun, de sorte que ce que i'ay obserué par longues nuyctes avec grád coust & labeur, mesmes avec l'interruption de mes plus graues estudes, leur sera communiqué gratuitement, avec telle facilité, que les plus grossiers pourront comprendre l'art, & s'en donner plaisir, comme i'ay faict cognoistre par experience, à ceux qui me frequentent: lesquels scauent que par le long vsage & exercice quotidian que i'en ay faict, i'ay si bien trouué la perfection, que les plus excellens Lapidaires trauaillent bien à discerner mon œuure artificiel d'avec le naturel, sans l'espreuue du feu ou de la lime. Laissons donc les pierres en repos, iusques à ce que la saison soit venue de les produire en lumiere, & ce pēdant par maniere d'antidote nous traicterōs de leurs vices, & des moyens de discerner les vrayes d'avec les fauses. Les plus communs vices qui se retrouuent és pierres, sont certaines fumees, vmbres ou nubecules, qui les obscurcissent si bien, qu'elles diminuent de leurs graces. Les autres sont cassidonieuses, & ont vne asperi-

té, vn cheueu, vn point, vne apostume, qui rabais-
sent leur pris & valeur. Les vrayes sont dis-
cernees, d'auec les faulſes, par la veuë, par la lime,
par la substâce & attouchement. Par la veuë, d'au-
tant que la splendeur de la vraye pierre est plus
nitide, plus constante, plus contentante les yeux,
& n'est tant hebetee par la lumiere de la chandel-
le, que celle qui est faicte par artifice, de sorte que
si ie voulois bien experimenter vne pierre de
grand pris, ie la voudrois contempler à la chan-
delle: par la lime semblablement se cognoissent
les pierres, quād elles ne resistent furieusement à sa
viue trempe, car ceste durescé ne se peut imiter
par aucun artifice humain. Les pierres se iugent
semblablement par leur substâce & attouchemēt,
d'autāt qu'elles sont plus legieres, & plus froides
que les faulſes, de sorte que les Indiens, qui sont
les plus excellens Lapidaires du mōde, les approu-
uent par l'attouchemēt de la langue, & celles que
ils trouuent tresfroides, ils y employēt hardimēt
leur argent. Il s'engendre semblablement quel-
ques pierres precieuses au ventre des animaux,
comme celle que Georgius Agricola a obseruee
aux entrailles des vieux chappons, dicte Alecto-
rius: de laquelle Pline faict aussi mention parlant
des victoires de Milo Crotoniates. Il y a aussi vne
autre pierre qui s'appelle Borax ou Stelon par au-
cuns Chelonites, qui se trouue (comme ils escri-
uent) en la teste des vieux & grands crapaux, ce
que Brasauolus refere auoir trouué en la teste du
Crapault, mais il dit qu'il luy semble plustost que
ce soit vn os, qu'une pierre. On escrit qu'elle resi-

*Comme les
Indiens ex-
perimentēt
leurs pier-
res.*

*pour la ma-
ladie de la
pierre.*

HISTOIRES

ste aux venins, & qu'elle est souveraine pour le calcul. Il se trouue des pierres dedans les fiels des bœufs, qui sont en trescommû vſage de medecine pour le iourd'huy, en Turquie: ils se trouuent semblablement en France en noz bœufs, mais non pas en tous, de sorte qu'être vne douzaine de vessies de fiels de bœufs s'en pourra trouuer quelque vne. Quelque medecin moderne escrit que depuis quelque peu de tēps en ça, il s'est trouué vne pierre en la vessie du fiel d'un homme Lepreux. J'ay veu anatomiser vn corps mort en ceste ville de Paris, qui estoit mort de la maladie de pierre, qui en auoit vne en la vessie aussi grosse qu'un œuf de Pigeon. Il s'en engēdre quelquesfois aussi en la teste des poissons, comme Aristote escrit de la Maigre, & de plusieurs autres: mais ie me reserve (cōme j'ay promis cy dessus) à traicter ailleurs copieusement toutes ces choses. L'Aymant doncques mettra fin à noz pierres, la vertu duquel a rayuy en sa grande admiration quelques philosophes de nostre tēps, qu'ils l'ont estimé auoir sentiment, & quelque esprit vital. Les anciens par default d'auoir eu cognoissance de ceste pierre, ont esté si empeschez en leurs nauigations, que ils ne perdoient presque point la terre de veüe, ou ne se guidoient seulement ny en paix, ny en guerre, que par l'adresse ou coniecture de l'Oriēt du Soleil, & couchant: ou par quelques autres estoilles: Mais depuis que Dieu nous a eslargi ses graces, par le benefice de ceste pierre d'Aymant, la nauigatiō est si facile & ouuerte, que deux hommes s'oseroient aduenturer de trauerser la mer en

une petite barquerotte, mesmes s'exposeront
aux plus furieux abbays & tempestes de la mer: ce
que les anciens n'eussent osé faire, ny entrepren-
dre, par ce qu'ils n'auoient l'eguille & Cadrá frot-
tee avec la pierre d'Aymant. On trouue en ceste
pierre deux vertus bien contraires: car l'un des
bouts, faict que l'eguille regarde en tout temps la
partie de Septentrion, & l'autre bout le Midy.
Celuy qui fut le premier inuenteur de l'vsage de
cette pierre d'Aymant, auoit nom Flavius: mais le
premier qui en a escrit la vertu, est Albert le
Grád. Aristote auoit bien cogneu qu'elle attiroit
le fer, mais le bon homme n'auoit oncques sceu
comprendre qu'elle seruist aux nauigations: car
s'il eust eu ceste intelligence, il eust beaucoup sou-
lagé les anciens, lesquels sont tombez en vn mil-
lion de extremes miseres & naufrages, en leurs
guerres naualles, par defect d'auoir cogneu la
propriété de ceste pierre. Ce n'est doncques point
sans cause, que Plinea tant exalté ceste pierre
d'Aymant, & qu'il a formé ses cruelles cōplainctes
contre nature de ce qu'elle n'estoit pas contente
d'auoir donné la voix aux rochers, pour respon-
dre aux hommes comme à l'Echo, mais encores a
elle voulu donner le sentiment, & les mains aux
pierres, comme à l'Aymant, avec lesquelles il re-
tient & embrasse le fer, & semble estre touché
de quelque ialousie, quād on le luy rauist. La plus
vulgaire dignité & excellence de l'Aymant, est
d'attirer le fer, mesme de transferer sa vertu aux
choses qui luy ont touché. Ce qui n'a pas seu-
lement esté experimenté des prophanes, mais

G iiij

HISTOIRES

*De ciuitat.
Dei, lib 21* ^e saint Augustin mesme confesse auoir veu & manié de l'Aymant qui attiroit vn anneau de fer. Cest anneau frotté à l'Aymant, en tiroit vn autre. Le tiers tiroit le quart, & ainsi consequemment des autres, de sorte qu'il se faisoit vne liaison d'anneaux ayant forme de chaine, par l'attouchement de ceste pierre. On a de nostre temps experimenté vne chose presque miraculeuse en ceste pierre d'Aymant, qui est telle: qu'on mette vn cousteau sur la table, & qu'on ait vne grâde piece du meilleur Aymant, & qu'on la mette soubs la table, sa vertu penetre la table interposée, de sorte que vous verrez le cousteau tourner tout seul, avec grand' merueille & admiration des assistans. Ces proprietes de l'Aymant sont vulgaires, mais il nous faut chercher ie ne scay quoy de plus prodigieux en este pierre, à fin que le lecteur avec le profit recoiue quelque plaisir. Il s'est retrouué de noz ans vne autre espee d'Aymant qui attire la chair, de sorte que quand on l'approche de la bouche, il se prent & lye avec les leures, mesme a vne eutre vertu, encore plus prodigieuse, car si vne aiguille en est frottée, elle penetre toutes les parties du corps sans faire mal, ce qui sembleroit incredible si l'experience n'en auoit esté faite avec grand' merueille & espouuatement. Hierosme Cardan escrit qu'un medecin empirique de Tours, appelle Laurentius Crascus, auoit de ceste pierre, & promettoit par le moyen d'icelle de penetrer toute la chair sans douleur, ce que ledict Cardan pensoit estre fabuleux, iusques à ce qu'il en eust faict l'experience, car il frotta vn eguille

de c'est Aymant, puis la meit au trauers de son bras, sans sentir aucune douleur, & la y laissa par plusieurs iours. Encore est-ce vne chose plus estrange, que celuy qui auoit cest Aymant n'obseruoit point le lieu des veines ou des nerfs, quand il mettoit indifferemment les fers ou eguilles en ses bras, à fin qu'on cogneust par cela la grande vertu de son Aymant. Ceste pierre d'Aymant qu'auoit ce medecin de Tours, n'estoit point plus grosse qu'une febue, & estoit de couleur de fer, distincte de veines, & legiere, & ne pesoit que douze grains de bled. Cest Aymant a donné occasion de decevoir beaucoup de peuples, & d'entretenir beaucoup de personnes en erreur, comme j'ay veu par experience depuis quinze ou seize ans que i'estois à Poictiers aux estudes, où il arriua vn quida qui se disoit Grec naturel, monté de cinq ou six piece de cheuaux, & bien accôpagné de seruiteurs, lequel se donnoit de grâds coups de dagues, & de cousteaux, par les cuisses, par les bras, & presque par toutes les parties du corps, puis s'estant frotté de certaine huile, qu'il appelloit huile balsamin, il consolidoit ses playes, comme si le fer n'y eust point touché. Il y a encores pour le iourd'huy en Italie (s'il n'est mort depuis quatre ou cinq ans que i'y estois) vn nommé Alexandre le Veronois, qui vsoit de semblable artifice: car il auoit force seruiteurs, qu'il bleffoit en presence de tout le peuple, à grands coups de dague, poinçons, cousteaux, & autres ferremens, avec telle horreur, que les yeux humains abhorroient presque ce sanglant spectacle, puis leur ayant frotté leurs playes de

HISTOIRES

certaine huile, il les rendoit tous saincts en presen-
ce des spectateurs, & le peuple ainsi abusé & de-
ceu, achetoit son huile ce qu'il vouloit, laquelle il
asseuroit n'estre seulement profitable aux vlce-
res & playes faictes par ferrement, mais à toutes
autres especes de maladies, & si sçauoit si bien
conduire son affaire, qu'il n'estoit iour qu'il ne
gaignast dix ou douze escus, sans ses pratiques
qu'il receuoit de medeciner les malades, car il
estoit en opinion d'estre le plus sçauant medcin
du monde, & alloit ordinairement par les villes,
vestu de pourpre, monté sur la haquenee de sem-
blable pareure, de sort: qu'il estoit plus reueré,
qu'un Hipocrates resuscité. Cardan lequel l'a veu
plusieurs fois blesser ainsi ses gens, recherche fort
curieusement, comme il a de coustume, la cause
de cecy, & apres qu'il s'est profondement intrin-
qué en vn grand labyrinthe de philosophie, il cō-
fesse qu'il ne sçauoit assigner la cause de cecy,
sinon qu'il enchantoit le peuple: & dit pour resō-
lution qu'il faut laisser quelque chose à decider
à ceux qui viendrōt apres nous, & que quāt à luy,
il ignore la cause de cecy. En ce qu'est de l'huile
qu'il vendoit, & avec laquelle il feignoit guarir
ses seruiteurs blessez, il confesse qu'elle ne val-
loit rien, & que ce n'estoit que fiction, attendu
que ceux qui en achetoient de luy, ne receuoient
aucune guarison au par apres. Pour tirer certaine
resolution de toutes ces choses, il est vray sem-
blable que le Grec, duquel nous auons parlé cy
dessus, & Alexandre le Verronnis, & tous les au-
tres semblables qu'on a veu se decoupper, & lace-

*Puissance
emeruilla-
ble de
l'Asymat.*

ter ainsi leur chair par les prouinces, ne se guarissent par leurs huiles ou pharmaques, comme ils feignent, mais ils frottent les couteaux, dagues & poinçons avec lesquels ils se blessent, de ceste seconde espece d'Aymant, laquelle a ceste vertu occulte de consolider la partie offensee, & de resister à la douleur. Et à fin que tu ne penses que ie sois autheur de cecy, lis Plaudanus en son second liure, *De secretis orbis, & rerum miraculis,*

Fin de la quinzieme histoire.

HISTOIRES
PRODIGES DE CERTAINES

Princesses iniquement accusées, lesquelles ont
eschappé viues, la fureur des flammes.

Chap. XVI.





E n'est point chose nouuelle, & qui ne soit souuent aduenue, que les creatures innocètes n'ayent peu estre endommagees des flammes, comme il est verifié en plusieurs personnes illustres, qui se retrouuent és saintes lettres: mais il est estrange qu'en noz siecles, esquels le peché a plus abondé, & esquels nous auons moins veu de miracles, cela soit aduenu. Polidore Virgile liure huictiesme de son histoire d'Angleterre, comme aussi attestent les autres qui ont escrit deuant luy, faict mention comme Godouin, Prince d'Angleterre accusa iniquement de plusieurs vices Emnia mere d'Edouard Roy d'Angleterre, second de ce nom, lequel fit tant par ses menees, & faulses accusations, que le Roy son fils la spolia de tous ses biens: mais par interualle de temps, ainsi qu'un peché attire l'autre, continuant sa mauuaise volonté, apres luy auoir osté les biens, encores luy voulut-il rauir l'honneur: car il l'accusa de rechef d'auoir commis adultere avec l'Euesque de Vincestre: dequoy le Roy Edouart indigné outre mesure, de veoir celle qui l'auoit porté en ses flancs, accusée de tant d'execrables vices, resolut de la faire mourir, & ce pendant que toute la court estoit empeschée sur les enquestes du faict, il la fit mettre en vne estroicte prison, l'Euesque en vne autre: mais elle impatiente en son mal, vn iour entre autres, demanda à parler au Roy son fils, en presence duquel elle se precipita en vn brasier ardent, disant à haute voix, Ainsi ces viues flammes puis-

HISTOIRES

sent ardre mō corps, comme ie suis coupable des faits dōt on m'accuse. Et ces propos finis, le Roy fut estonné qu'il l'a veit yssir du feu entiere, sans que il apparust aucune lesiō à son corps. Crautius en ses Annalles d'Allemagne, & plusieurs autres qui ont escriit les histoires des Allemans, escriuent vne hilstoire semblable, de Henry le Boyteux, quinzième Empereur des Romains, hōme fort religieux, lequel fut marié avec la fille de Sigefroy Palatin du Rhein, appelée Gunegōde femme chaste, & de bonne vie, s'il en fut oncques, avec laquelle l'Empereur vivoit en merueilleuse continence & chasteté, l'aymant vniquement. Toutesfois quelque gentil homme de leurs domestiques persuadé de l'esprit maling, s'aduisa pour voir leur continence, de semer quelque ialousie entr'eux, & trouuāt l'Empereur à propos, luy raporta qu'il auoit veu l'Imperatrix regarder vn cheualier impudiquement: de quoy la Roynes aduertie, commanda en secret, qu'on feist ardre six gros fers de chaüe, & qu'on les apportast en la presence de l'Empereur, lequel ne scachant l'ocasiō, fut incōtinent esmerueillé qu'il veit son espouse nue pieds marcher hardimēt, & sans aucune crainte par dessus, & ainsi qu'elle se maintenoit de bout sur les fers ardans, le regardant attentiuement, luy dit: Voyez (dit-elle) Empereur que le feu ne m'a pas blessé, aussi suis ie nette de toute immundicité. De quoy l'Empereur estonné, commença à penser à la vaine superstition qu'il auoit eüe, & soudain se prosternant en terre, requist pardō à dieu. Ceste preuue d'in-

innocence faicte par les flammes, semble estrange,
 mais ce que les historiens escriuent de ces deux
 personnes, ne me semble pas moins prodigieux.
 C'est qu'ils vescurent ensemble en societ  virgi-
 nale, sans se cognoistre toute leur vie, de sorte
 que cest Empereur estant proche de la mort, feit
 congreguer les parens de sa femme, & leur dit: Le
 premier iour que vous me donnastes vostre fille
 pour espouse, elle estoit pucelle: aussi ie la vous
 rends pucelle, & vous commande fidelement de
 la garder. Et fut enseuely l'Empereur, avec sa fem-
 me vierge, en l'Eglise Cathedralle de Bamberg,
 qui a autrefois est  subiette   l'Archeuesque de
 Maience. Je puis   bon droit mettre au nombre
 de ces deux vertueuses princeesses l'histoire que
 recite Eusebius C sari sis en son histoire Eccle-
 siastique, de Policarpe, lequel durant la grande
 pers cution & persecution des Chrestiens, qui se
 faisoit sous l'Empereur Ver , feut c duit au feu
 pour estre brusl  vif, & apres qu'il eut leu  les
 yeux au ciel, & fait sa pri re   Dieu, ils le precipi-
 terent en vn grand feu ardent, mais au lieu que la
 flamme le deuoit consommer, & mettre en cen-
 dre, elle commen a (avec grand merueille) de se
 movouter, en maniere de chambre, c me eust faict
 vn voile en pleine mer, agit  des vents, s' loin-
 gnant du corps du martyr, lequel apparut resplen-
 dissant, c me l'Or, ou l'Argent qu'on fond en la
 fournaise. Et quand les ministres de pech  vei-
 rent que le corps ne se consommoit point, com-
 manderent au bourreau qu'il le per ast du glaive.
 Et voicy lors (dit-il) vn grand torrent de sang


*Volateran
 a esrit vn
 semblable
 exemple en
 sa Geogra-
 phie.*

HISTOIRES

qui sortoit de son corps, en si grande abondance,
que le feu fut estinct: dont les spectateurs sentans
vn grief remors de conscience en leurs ames, s'en-
fuirent tous confus. Voy plus amplement ceste
histoire au quart liure de l'histoire Ecclesiastique
d'Eusebe, chapitre 41.

Fin de la seziesme Histoire.

57
PRODIGIEUSES.
HISTOIRES PRODIGIEUSES
de plusieurs poissons estranges, Monstres marins,
Nereides, Syrenes, Tritons, &
autres Monstres aquatiques,
qui se trouuent en la mer.
Chap. XVII.



HISTOIRES



'Il y a quelque chose digne de contemplation philosophique en l'vniuersel subiect des animaux irraisonnables, certainement sont ceux, desquels la nature est plus esloignée de nostre sens, comme des poissons, & autres Monstres aquatiques: lesquels cachés aux profonditez des mers, & quasi enterrez & enseuelis aux tenebreux abyssmes des lacs & fleuues, deçoient le plus souuent les plus curieux chercheurs de leurs meurs & facultez. Et croy qu'il n'y a aucun tant stupide ou grossier, qu'il veult contempler de bon œil les gestes de ces petis animaux, lors qu'ils sont agitez de l'impetuosité des vndes, ou qu'ils exercent leurs autres naturelles actions, qu'ils ne desirast volontiers pour quelque espace de temps estre transformé en leur espece, ou se precipiteroit volontiers en l'element, où ils font leur demeure, à fin d'en recevoir quelque plus libre & parfaicte cognoissance. Ce qu'estant viuement apprehendé par l'Empereur Antonin, ayant receu quelque œuvre d'Oppian, de traictât la nature des poissons, & de la pelcherie, luy donna autant d'escus que son œuvre contenoit de vers. Et pour rendre encore sa liberalité plus accomplie, il reuoqua son pere d'exil. Conradus Celtis, & apres luy, Gesnerus, montrant le desir & affection que les Empereurs anciens auoient de cognoistre la propriété, l'aage, les meurs & facultez des poissans, escriuent que l'an de salut 1497. il fut pris vn Brochet en

*Gesnerus
cite ceste hi-
stoire.*

vn estang pres de Hyalprum , Cité imperialle
de Sueue, lequel auoit vn anneau de cuyure at-
taché à ses branches & oreilles , auquel estoit
escriit en caracteres Grecs, ce qui s'ensuit. Ie
suis le premier poisson qui fut mis en cest estang
par les mains de Federic second gouuerneur
du monde, le 5. d'Octobre, 1230. De sorte qu'il
apparoist par le tesmoignage de ces caracteres
Grecs, que ce brochet auoit vescu en cest estang
267. ans. Et semble que ce bon Empereur Fede-
ric second, eust ensuiui aux poissons, ce que le
grand Alexandre auoit faict aux cerfs : lequel,
ainsi que Pline tesmoigne, leur faisoit quelque-
fois attacher des chaines d'or à l'entour du col,
puis les laissoit aller à la campagne avec ces chain-
es, & leurs inscriptions : & cent ou deux cens
ans apres on les trouuoit avec leurs chaines. Mais
qui ne s'esmerueilleroit de la diligence des Ro-
mains, à construire leurs viuiers, & reseruois de
poisson, lesquels (ainsi que Varro tesmoigne)
coustent tant à edifier, tant à peupler, & tant à
nourrir ce qui est dedans, & toutesfois ils ne par-
donoient à aucune despense pour en auoir le plai-
sir. Quelquefois ils ont ietté les hommes condam-
nez, tous vifs dedans, afin que ces petits animaux
fussent les bourreaux de leurs vices: les autresfois
ils les domestiquoient & appriuoisoient si bien,
qu'au son de leur sifflet ils venoient manger en
leur main au bort de leurs viuiers : quelquesfois
ils leurs attachoient de petits affiquets, & lames
d'or, ou d'argét aux aureilles, & les auoiét en tel-
les delices, qu'on lit que Lucius Crassus Censeur

*Prodige de
vn Brochet
qui auoit
vescu 267.
ans.*

*Romains
amateurs
des poissons.*

*Pollio che-
ualier Ro-
main fut
inuenteur
de ce suppli-
ce.*

Macrobe.

*Pline dict
toutesfois
que ce fut
Hortense.
Plutarque.*

pleura & lamenta la mort d'une Murene qu'il auoit en ses viuiers, tout ainsi qu'il eust faict celle de l'une de ses filles: ce qui luy fut reproché par son competitor Domitius, comme quelque vice insigne & notable, luy disant: Pusillanime & effeminé, tu as pleuré la mort de ton poisson appelé Murene. Et l'autre luy respōdit: Et toy qui as eu trois femmes, tu n'en as iamais pleuré vne. Je pourrois adiouster, pour plus grand ornement & decoratiō des poissons, que les Empereurs Romains en leurs banquets ont tousiours plus estimé les poissons que les volatilles, mesmes en ont eu quelques vns en si grande obseruation & reuerence, comme l'Accipenser (qu'aucuns nomment nostre Esturgeon) qui vouloient que ceux qui le presentoient sur leur table, fussent couronnez de chapeaux de fleurs, & que les Trompettes & Clairs feissent raisonner la maison de fanfares durāt qu'on le mägeoit: & encores pour le iourd'huy en tout le país de Grece, & de Turquie ils sont plus frians de poissons, que de chair: comme aussi estoient les anciens, qui est la cause pour laquelle les Grecs & Latins Medecins ont tousiours plus traicté en leurs liures des alimens des poissons, que de chair, par ce que la chair a tousiours esté inferieure au poisson. Et encores pour le iourd'huy les religieux d'Egypte s'abstiēnent toute leur vie de manger du poisson, pensans se priuer d'aussi grādes delices comme font noz moynes, qui s'abstiēnent de manger de la chair. C'est doncques ce me semble assez philosopché sur la dignité & recommandation des pois-

sons. Reste maintenant monstrier comme la mer
a ses prodiges beaucoup plus esmerueillables,
que la terre, desquels ie deduiray seulement les
principaux, & ceux qui ont engendré plus d'e-
stonnement & d'admiration aux plus excellens
Philosophes du monde. Entre les prodiges de la
mer, il semble miraculeux & presque incroyable
que les poissons volent, & que ces animaux stu-
pides, s'esleuent de leur element humide pour
s'endredre & penetrer l'air, & imiter les oyseaux: &
neantmoins il est tout certain (côme on voit par
experiée en plusieurs endroicts de la mer) qu'il
y a plusieurs especes de poissons volans: mais ie
ne t'ay icy figuré au commencement de ce chapi-
tre que de la seule Arondelle de mer, ainsi que
Gesnerus & Rondelet en leurs histoires des pois-
sons l'ont depeincte. Si tu en veux veoir vne bien
ample description, lis ledit Rondelet au chapitre
premier de son dixiesme liure, où il escrit qu'au-
cuns disent que ce poisson volant nommé Aron-
delle de mer, est appellé d'autres Rate-penade,
par-ce que de la couleur, de la grandeur, des ta-
ches, & des ailles il ressemble à vne Chauue-sou-
ris. Toutesfois (dit-il) si vous considerez bien en-
tierement ce poisson, & sa façon de voler, il res-
semble beaucoup mieux à vne Arondelle qu'à v-
ne Chauue-souris. Aristote fait mention de ce
poisson, liu. 4. cha. 9. *De historia animalium*. Op-
pianus escrit que ce poisson vole hors de l'eau
de peur que les grands poissons le deuorēt. Plinē
escrit qu'il y a vn poisson qui vole qu'on nom-
me Arondelle, qui ressemble bien fort l'oyseau

*Prodiges
de la mer.*

*Le pour-
trait de ce
poisson est
au commē-
cemēt de ce
chapitre.*

*Aristote.
Oppian.*

HISTOIRES

qu'on appelle Arôdelle, lequel est rare, & se montre par miracle avec ses grandes ailles, lequel on desseché, puis on le pēd aux maisons. Je croy qu'il estoit plus rare du temps de Pline, qu'il n'est pour le iourd'huy : car il s'en trouue en plusieurs cabinets de France, d'Espagne, d'Italie & d'Allemagne. l'en ay quelquefois veu deux à Rome dessechez, en la maison d'un medecin, nommé monsieur Grispus, mais ils estoient tous deux dissemblables. Claudius Campenius medecin de monsieur le Marquis de Trās, m'a asseuré que depuis trois ou quatre mois l'Admiral d'Angleterre fit quelque festin, où il fut présenté un poisson volant. Ceux qui ont nauigé aux colonnes d'Hercules de nostre temps, disent, qu'il y a si grande quantité de ces poissons volans qu'ils ne ressemblent pas que soient poissons, mais oyseaux de mer. Au reste, lecteur, ie ne veux obmettre de te monstrier icy le pourtraict d'un poisson volant, ou bien de quelque autre Mōstre aquatique, lequel est cause que i'ay basti tout ce traicté des merueilles des poissons, duquel tu scauras gré au seigneur d'Asserac, lequel ie nōme par hōneur, d'autāt qu'outre le cōtinuel exercice & dexterité qu'il a des armes (cōme il en a faict preuue par tous endroicts, où de son tēps on a exposé la vie & le sang pour le seruice du Prince) encores a il vne singuliere affectiō aux lettres, ayme, cherist, honore & fauorise ceux qui en font profession. Et nō cōtent de tant de bonnes parties, & autres excellens ornemens de vertu, encores est il fort curieux de recouurer plusieurs choses antiques & estranges, desquel-

es il a peuplé son cabinet, qui apportent vn meruei-
eux contentement à ceux qui les cōtemplent. Entre
esquelles i'ay obserué & cōsideré de point en point



ce poisson, ou Monstre aquatique, & l'ay faict pour-
raire sur le naturel, comme plus de deux cens per-

H iiii

HISTOIRES

Especie de poisson volant pour traict sur le naturel de celuy qui est au cabinet du seigneur de Asserac.

Autres prodiges de mer.

sonnes notables qui l'ont veu avec moy en ceste ville de Paris, le pourront attester. Entre les choses esmerueillables qui se peuvent contempler en cest animal, il a la teste fort hideuse, qui ressemble mieux en figure à quelque Serpent hideux, qu'à aucun poisson. Et si a deux grands aislerons, qui ressemblent aux cartilages ou aisles de la souris chauue, mais ils sont beaucoup plus espois & solides. Il a enuiron pied & demy de longueur, & si n'est point encores si bien desfeché, que vous n'y sentiez quelque odeur de poisson, le reste se peult veoir en la figure. Plusieurs hommes doctes de cest vniuers qui l'ont visité & manié à loysir, m'ont asseuré que c'estoit vne especie de poisson volant: mais ils ne cōuient en rien aux descriptions qu'ont faict les anciens & modernes de l'Arondelle de mer, ne du Mugil alatus, ny des autres poissons qui volent: qui me faict penser que soit quelque sorte de poisson Monstrueux incogneu des anciens. Je n'ignore point qu'on ne contreface par artifice diuerfes formes de poissons, Dragons & Serpens, & autres choses semblables, esquelles on est deceu, comme mesmes monsieur Gesnerus a recogneu par ses escrits y auoit esté quelquefois circonuenue. Si est-ce que de tous ceux qui ont contemplé ce poisson, & philosophé sur son naturel, il ne s'en est encore trouué vn seul qui y ait recogneu aucune artifice, ains tesmoignent tous qu'il est tel que nature l'a produict. La mer a encores quelques autres prodiges qui ne sont pas moins espouuâtables que les precedens: Au rang desquels

nous pouvons mettre le poisson qu'on nomme Torpille, fort vulgaire à Bordeaux & en plusieurs autres ports & haures. La Torpille est nombree *Torpedo en Latin.* entre les poissons plats & cartilagineux. Elle a vne propriété occulte, qui est fort estrange: car estant cachee dedans le limon ou sable, elle endort par vne vertu secrette, & rend du tout immobiles & estourdis les poissons qui sont aupres d'elle, puis elle s'en paist, & les deuore, & non seulement sa vertu d'endormir s'estend contre les poissons, mais mesme cōtre les hommes: car si vn hōme luy touche de la verge, elle luy endormira le bras, & s'il aduient qu'elle se sente prise à la ligne, elle a bien ceste ruse & astuce d'embrasser la ligne, avec ses ailles, & le venin de ce poisson monte du long de la ligne, & de la perche, & endort le bras du pescheur, tellement q̄ le plus souvent il est contrainct d'abandonner sa prise. Les auteurs de cecy, sont Aristote, lib. 9. *De historia animalium*, cap. 37. Pline, lib. 32. cha. 2. Theophrastus in libro, *De his quæ hyeme latent*, Atheneus. Galien, lib. 1. *De caus. Sympro.* Oppianus in *Haliut.* Plutarch. in libro *Utrum anima*, &c. *Ælianus* Platon aussi en faict mention In *Memno*. Socrates est comparé à la Torpille, lequel, par la violence & subtilité de ses argumens, estonnoit si bien ceux contre lesquels il disputoit, qu'ils demouroient stupides, estonnez, & endormis comme la Torpille endort ce qu'elle attouche. Et quand bien tous ces fameux auteurs n'en eussent faict mention par leurs escrits, cela est si vulgaire, qu'il n'y a presque pescheur qui ne l'ait experimenté. Ils

Plato l'a aussi escrit. Aristote. Athenens. Ælian.

HISTOIRES

defendent à Venise de vendre la Torpille au marché à cause de son venin. En Languedoc aussi on n'en tient conte. La pluspart des medecins modernes escriuent qu'elle est de chair humide, mole & mal plaisante au goust. Si est-ce que Galien, lib.3. *De alimentorum facultatibus*, & au liure *De attenuante victu*, & au huitiesme de sa Methode, la louë. Je sçay qu'il y a grande controuerse entre les auteurs, à sçauoir en quelle partie du corps de la Torpille est ce venin, qui a puissance d'endormir les poissons, & les membres des hommes. Quelques vns ont escrit que ce venin consistoit en certaine partie de son corps, les autres que non, & qu'il estoit diffus par tout, mesme iusques au fiel, ce qu'ils confirmēt par le tesmoignage de Pline qui dit que le fiel de la Torpille viue, apposé aux genitoires, reprime le desir de la chair: mais par ce que le discours de ceste matiere seroit vn peu trop esloigné de nostre subiect, nous ferons fin, & poursuiurons les autres prodiges, qui se retrouuent és poissons. Combien que l'eau soit le propre element, manoir, & domicile des poissons, où ils se nourrissent, viuent, s'esgayent, croissent & exercent toutes leurs autres fonctions, si est-ce qu'il y en a qui laissent souuent la mer, les fleues & riuieres, saillēt en terre, paissent & magent des herbes, s'ebattent par les chāps, y dorment quelquesfois, y font leurs petis, comme la Poulpe, la Murene, l'Exocet d'Arcadie. Theophraste afferme en ses escrits, que pres Babylone, quand les riuieres se retirent, qu'il y a certains poissons qui demeurent dans les cauernes, sortent pour se pai-

stre, & s'aydent à marcher de leurs aillérons, ou du frequent mouuement de leur queuë, & fuyent dans les cauernes quād on les chasse, & se defendent contre les chasseurs. Les anciens Philosophes ont escrit qu'on trouue des poissons sous terre, lesquels pour ceste cause ils appellent Focilles, desquels Aristote entre autres fait mention, comme aussi faict Theophraste parlant de Paphlagonie, où on tire des poissons terrestres (fort bons à manger) des fosses profondes, & autres lieux, esquels aucune eau ne seiourne, & s'esbahissent les hommes doctes comme ils se sont engédrez en ces lieux sans frayer. Polybe escrit semblablement que pres de Narbonne on a trouué des poissons sous terre. Nous pouuons nombrer entre les prodiges de la mer, vne certaine espeece de poisson, qu'on appelle Stella, ou estoille de mer, par-ce que cest animal a la figure d'une estoille peincte, laquelle Aristote nōbre entre les Testacees. Ce poisson est de nature si chaude que il digere tout ainsi que fait l'Autruche. Ce qu'Aristote lib. 5. cap. 15. *De historia anima.* escrit, qu'elle est de nature si chaude, qu'elle cuist ce qu'elle prend. Pline, semblablement Plutar. in lib. *Vtrum anima.* &c. dict que l'Estoille de son seul attouchement fond, brusle, & liquefie tout ce qui luy touche, & que cognoissant sa vertu, elle se laisse toucher aux poissons, à fin de les brusler. Monsieur Rondelet qui est encores viuant, hōme digne d'estre celebré de tous ceux qui escriuēt, escrit en son histoire, *De piscibus*, qu'il a veu plusieurs estoilles de mer, mais qu'il en a veu entre au

HISTOIRES

tres vne sur la plage pres Maguelonne, qui estoit
longue presque d'un pied, laquelle il ouurit &
l'ayant anatomisee, il trouua en son ventre trois
coquilles entieres & deux remollies & à demy
digerees, tant la chaleur de ce petit animal est grã-
de & furieuse. Nous auons ce me semble propo-
sé cy dessus grand nombre d'exemples memora-
bles des prodiges de la mer, mais si n'y a-il rien
qui se puisse egaller à ce que nous dirõs cy apres,
ne qui ait engendré plus grande terreur ou estõ-
nement à ceux qui ont recerché les plus inti-
mes secrets de la mer. Ce petit animal qui a ainsi
espouuanté tout le monde, est appellé des Grecs
Echineis, & des Latins Remora, & ont ainsi
imposé ce nom par-ce qu'il arreste les Nauies
comme nous dirons plus amplement cy apres. La
rarité de ce poisson est cause que les descriptions
qu'en font les auteurs ne conuiennent. Oppian
& Ælian escriuent qu'il ayme la haute mer, qu'il
est long d'une couldee de couleur brune: sembla-
ble à vne eguille. Pline le fait semblable à vne
Limace grande, & le prouue par le tesmoigna-
ge de ceux qui veirent celuy qui arresta la Ga-
lere du Prince Caius Cesar, au neufiesme liure,
il recite plusieurs opinions de diuers auteurs
touchant ce poisson, combien que les Philoso-
phes discordent en la description, si est-ce qu'ils
cõuiennēt tous qu'il est, & qu'il a puissance d'ar-
rester les Nauies, Aristote, Pline, Ælia, Oppian,
Plutarque, & presque tous ceux qui ont traicté
de la nature des animaux. Encores y a-il quelques
Philosophes modernes qui ont voyagé & pere-

griné en plusieurs ports & haures del'Asie, & de l'Afrique, qui attestent l'auoir veu anatomisé & considéré ses merueilleux effects. C'est doncques vne chose miraculeuse ou monstrueuse de trouver en nature vn animal aquatique de la grandeur d'une Limace, qui ait puissance par vne secrète propriété de nature d'arrester tout court la plus pesante Nauire ou Galere qui se retrouve en la mer, s'attachant contre elle. Dequoy Plinerauy en admiration s'escrie, O chose estrange & esmerueillable, q̄ tous les vents de toutes les parties du monde soufflent, que toutes les plus furieuses tempestes de la mer s'esleuent, qu'elles déploient, redoublent & renforcent leurs abbays contre vn Nauire, vn petit poisson de la grandeur d'un Limaçon, leur commande, reprime leur fureur, bride leur rage, & maugré tous leurs efforts, contrainct le Nauire de demourer court, & immobile: ce que toute la rage du monde, avec leurs ancres, cordages & machines ne scauroient faire! Qu'il ne soit vray, ce petit poisson retint le Nauire d'Antoine en la guerre Actiaque. Adamus Louicerus lib. *De aquatilibus*, confirmant ce que Plinauoit dit, esmeruillé & quasi rauy d'un si estrange naturel de poisson, sue, travaille & s'employe à toute extremité d'en rechercher la cause en nature, puis à la fin succombant aux faix, & ne pouvant s'extriquer de ce Labyrinthe confesse librement qu'on ne peut rendre aucune raison de cecy, disât: Qui est celuy tât stupide, ou hebeté qui ne soit espris d'une grande admiration, quand il contemple à loisir les puissances de ce petit pois-

*Les autres
lisent en la
mer Actia
que.*

HISTOIRES

son? Je sçay biẽ (dit-il) que l'Aymãt à la puissance d'attirer le fer, que le Dyamant sue approché des venins & poisons, que la Turquoise se tache quãd quelque peril est preparé à celuy qui la porte. Je sçay que la Torpille infecte & endort la main du pescheur. Je sçay que le Basilic est si venimeux, que de son seul regard il infecte l'homme, neantmoins de toutes ces choses estrãges on peut rendre quelque raison, mais nous n'auons rien que nous puissions produire de la merueilleuse & estrange puissance de ce petit poisson : car il vit en l'eau, prent sa nourriture en l'eau cõme les autres poissons, n'exerce ses facultez qu'en l'eau. Sa petite stature tesmoigne qu'il ne peut faire grãde violẽce, & toutesfois il n'y a puissance qui se puisse egaller à la sienne, ny force qui luy resiste. Il n'y a impetuosité ou machine qui puisse mouuoir le Nauire depuis qu'il s'y est vne fois attaché, encores que tous les vents de la mer assemblez en vn, soufflassent à la voile, neantmoins dès qu'il est arraché du Nauire, elle commence à voguer comme deuant. Il est doncques force aux hommes de confesser qu'on ne peut assigner aucune raison naturelle de cecy, & toutesfois on cognoist en ce petit poisson quelque presage fatal, & semble qu'il nous vueille annoncer les maux & perils qui nous doiuent aduenir. Ne retint-il pas la Nauire des Ambassadeurs de Periandre? ne retint-il pas le Nauire de Caius Cesar, qui fut tué bien tost apres à Rome, de sorte qu'il sembloit qu'il eust pitié du malheur qui luy estoit destiné? Voila en somme ce qu'en escrit Adamus Lo-

uicerus. Je sçay qu'Aristote, Pline & autres, luy *il dit plus-
tost cela*
ont encores attribué d'autres proprietéz outre *des opin'õs*
les precedentes, cõme de seruir aux amours, d'at- *des autres,*
tirer les enfans des corps des femmes & autres *que de la*
semblables choses, lesquelles ie delaisse de peur *sienne.*
d'ennuyer le lecteur. Plutarc. *In symphosiacis 2. pro.*
ble. 7. cherche la raison pourquoy ce poisson arre-
ste les nauires. Quelques modernes ont escrit
plusieurs autres choses merueilleuses de ce poif-
son, lesquelles (ce me semble) sont indignes de
ce lieu. Ayât mis fin aux prodiges des eaues, ie ne
penserois auoir entierement satisfaiet au lecteur, si
ie n'expediois encores vn mēbre qui en despend,
lequel depuis la Creation du monde iusques à no-
stre siecle a tourmenté beaucoup d'excellens phi-
losophes pour la curiosité de sçauoir s'il y a des
hōmes Marins, Tritons, Nereïdes, & autres sem-
blables Monstres ayās figure humaine, que les an-
ciens tesmoignent auoir veu és fleuues, mers, ri-
uières, rochers, & fontaines. Ceux qui ont creu
qu'il n'en est aucun, se fortifient des passages de
l'escriture sainte, laquelle n'en faiet aucune men-
tion, mesmes disent que la terre est le propre do-
micile & tabernacle de l'hōme, en laquelle il faut
qu'il demeure, & face sa residence, iusques à ce
qu'il plaira au seigneur le rappeler, cõme vn prin-
ce ou Empereur faiet celuy qu'il a mis en sa garni-
son. Ceux qui defendent le contraire, mettent en
auant l'experience, & le tesmoignage de tant de
doctes personnes qui n'eussent voulu laisser à la
posterité leurs escrits pleins de telles fripperies
& mensonges, pour entretenir les enfans, parens,

HISTOIRES

amis, & generallement ceux qui viendront apres eux en erreur. Ioinct (disent-ils) qu'il n'est non plus absurd ou impertinent de croire qu'il y ait des hommes Marins, que d'adiouster foy à ceux qui escriuent qu'il y a des Faunes Syluains, Satyres, & autres especes d'hommes Monstrueux, & Sauvages, que les Ecclesiastiques mesmes assurent auoir veu par leurs escrits, & ce qui presse encore d'auantage, c'est que de noz ans, ces hommes Marins ont esté veus de plusieurs personnes dignes de foy. Pausanias entre les anciens assure auoir veu à Rome vn Triton. Ceux qui ont escrit les Annalles de Constantinople, desquelles vne partie est attribuee à Eutrope, escriuent qu'au dixneufiesme an de l'Empire de Maurice l'Empereur, le Preuost d'une place nommee Delta en Egypte, se pourmenant au soleil leuant avec le peuple, fut estonné qu'il apperceut sur la riuie du fleuue du Nil deux animaux de figure humaine, dont celuy qui representoit l'homme, estoit robuste, ayant vne mine furieuse, & truculente, avec le poil roux & herissé, lequel s'esleuoit quelquefois de l'eau iusques aux parties hôteuses, puis s'estât ainsi manifesté au peuple, il se precipitoit en l'eau iusques au nombril, donnant quasi à cognoistre que pour vne reuerence de nature, il vouloit cacher le reste. Ce Preuost ensemble le peuple estonné d'un si estrange spectacle, commença à l'adiurer au nom de Dieu, que s'il estoit quelque maling esprit, qu'il eust à se retirer au lieu qui luy estoit ordonné du Createur : mais au contraire que s'il estoit du nombre de ceux qui estoient crees

*Pource que
elle estoit
bastie selon
la figure de
la lettre
qu'ils escri-
uoient par
Delta.*

crées pour la gloire de son nom, qu'il eust à faire
à quelque seiour, pour contenter ce pauvre peu-
ble affamé du desir de ce nouveau spectacle. Cest
animal quasi & lié astrainct par la vertu de ceste
coniuuration, demeura là longuement en ce lieu.
Quelque peu de temps au par-apres, suruint vn
autre spectacle, non moins estrange que le prece-
dent: c'estoit vn autre animal, ayât figure de fem-
me, lequel commença à fendre les vndes & s'ap-
procher de la riue du fleuve, ayât vne grâde tref-
se de cheveux noirs, espars, vne face blanche, &
l'air du visage fort doux, les doigts & les bras de-
centement ordōnez, les mammelles quelque peu
enflées, & prominentes, & se monstroït ainsi nud
iusques au nōbril, le reste (par vne certaine reue-
rence de nature) estoit caché & enseuely dedans
les vndes. Et apres que ces deux animaux eurent
seïourné là longuement, & contenté le peuple de
leur veüe, les tenebres de la nuict suruenues, ils se
resuanouïrent, & disparurent de telle sorte, qu'ils
ne furēt onques veus depuis. Et apres que le Pre-
uost Memna eut prins attestation de tout le peu-
ple, de ces deux Monstres marins, il despecha en
diligēce des ambassadeurs, pour aduertir l'Empe-
reur Maurice, de ce qui estoit suruenü. Baptiste
Fulgose escrit vne semblable histoire d'un Mon-
stre mari, qui fut veu de plusieurs milliers de per-
sonnes du temps d'Eugene, quart Pape, en quel-
que port de mer. Ce Monstre (dit-il) estoit hom-
me marin, lequel ayant abandonné la mer, auoit
faict vne course en terre, & rait vn enfans qui se

iouoit le long du riuage, lequel il emportoit avec
 luy en la mer, mais le peuple à grandes coups de
 pierres le pourfuiuit si viuement, qu'il fut con-
 trainct de laisser sa proye, & demeura si fort blef-
 sé, qu'il ne peut gagner la mer. Sa figure (dit-il) e-
 stoit presque humaine, reserué qu'il auoit sō cuir
 cōme la peau d'une anguille, & si auoit deux pe-
 tites cornes en la teste. Il n'auoit que deux doigts
 en chacune main, & ses pieds se finissoiēt en deux
 petites queües, & si auoit aux bras de petis aille-
 rons cōme vne Souris chauue. Conradus Gesne-
 rus escrit qu'il fut veu à Rome vn homme marin
 à la grand riue, le troisieme iour de Novembre,
 l'an de salut mil cinq cēs vingt & trois. Theodo-
 rus Gaza homme docte, & bien versé en plu-
 sieurs sciences, qui a regné de nostre temps, du-
 quel Alexander ab Alexádro escrit, qu'estant le-
 dict Theodore en Grece, sur la coste de la mer,
 après qu'une furieuse tempeste eust ietté sur la
 riue vne grande quantité de poissons, il veit en-
 tre autres choses memorables, vne Nereïde, ou
 poisson ayant face de femme, bien accomplie de
 ce qui estoit requis en nature, iusques à la ceintu-
 re: & quant au reste par embas elle estoit de for-
 me de poisson, finissant en queüe comme vne
 anguille, tout en la sorte que nous les voyons
 coustumierement depeinctes. Ceste Nereïde,
 ou Syrene (ainsi qu'il est escrit) estoit sur le gra-
 uier, & monstroït par ses gestes & contenance,
 qu'elle souffroit quelque grande passion, qui
 fut cause, que ledit Theodore Gaze esmeu de

pitie (considerant au plus pres qu'elle desiroit retourner à la mer) la print, & au mieux qu'il peut, la guinda en la mer. Pline semblablement escrit, que du temps de l'Empereur Tybere, les habitas de Lisbonne, ville de Portugal, enuoyerent ambassadeurs à l'Empereur, pour le certifier qu'ils auoient veu plusieurs fois vn Triton, ou homme marin, se cacher, & se retirer en vne cauerne, pres la mer, & qu'il faisoit resonner certain chant dedans vne coquille de mer, & assure ledict Pline qu'on aduertit Octauian Auguste Empereur, aussi qu'on auoit trouué à la coste de la France, plusieurs femmes marines, ou Nereïdes mortes au riuage de la mer, ce qu'Ælian escrit: semblablement Georgius Trapezuntius, homme fort celebré, entre les lettrez, atteste auoir veu, passant sur la riuie de la mer, vn poisson s'esleuer sur l'eau, duquel tout ce qui apparoissoit, estoit femme iusques au nombril, dont il se trouua fort espouuanté, & ce monstre (voyant qu'il le regardoit attentiuement) se remist en l'eau. Alexander ab Alexandro grand iurisqueconsulte, & Philosophe, chap. 8. de son troisieme liure, escrit auoir certaine assurance, qu'en Epire maintenant nommée la Romanie, y a certaine fontaine pres de la mer, en laquelle les enfans alloient puiser l'eau, pour l'usage de leurs maisōs, & que de là aupres sortoit vn Triton, ou homme marin qui se tenoit caché dedans vne cauerne, & espia tant que il veit vne fillette seule, laquelle il emporta à la mer par plusieurs fois, puis la rendoit en ter-

HISTOIRES

re, dequoy les habitans aduertis y pourueurent si bien, qu'il fut surprins, & conduit deuant la iustice du lieu, où on luy trouua ses membres semblables à l'homme, & pour ceste cause le mirent entre les mains de quelques gardes, luy offrans à manger, mais ce pauvre animal ne faisoit que se plaindre & lamenter, & oncques ne voulut goûter de viande qui luy fust presentee, & mourut tant de faim, que pour se veoir absenté de l'Element, où il auoit accoustumé de faire sa demeure. Petrus Gilius, auther moderne, raconte & décrit ceste mesme histoire en ses liures des animaux. Plusieurs modernes adioustent en leurs escrits, encores vne chose plus estrange, & qui confirme entierement toutes les histoires precedentes, si elle est vraye. C'est que l'Archeduc d'Austriche troisieme fils de l'Empereur Ferdinand, fist apporter à Gennes avec luy, l'an 1548. vne Syrene morte, de laquelle on luy auoit fait present, qui engendroit si grand esbahissement aux spectateurs, que la pluspart des hommes doctes d'Italie, vindrent visiter, & contempler cest estrange spectacle. Je pourrois encore faire mention de plusieurs Monstres aquatiques estranges, qui ont esté veus de noz ans, comme de celuy qui auoit figure d'un moyne, l'autre d'un Euesque, & quelques autres semblables, par ce que ie sçay que les trois plus grands pescheurs de l'Europe, les ont figurez, & décrits par leurs liures, comme aussi ont ils fait l'histoire vniuerselle des poissons, ie me deporteray de t'en faire

plus long discours, car ils ont tant doctement recherché, & descouvert tout ce que la mer auoit (iusques à nostre siecle) tenu caché en ses entrailles, qu'ils ont presque du tout retranché l'esperance, à ceux qui viendront apres eux, d'y pouoir rien adiouster.

Fin de la dixseptiesme histoire.

I iij

HISTOIRES
PRODIGES DES CHIENS
qui mangeoient les Chrestiens.

Chapitre XVIII.





Si les os & cendres, de tous ceux qui ont esté persecutez pour le nom de Iesus Christ, estoient pour le iourd'huy en telle essence qu'ils se peussent veoir des yeux corporels, nous confesserions nous mesmes qu'il s'en pourroit bastir vne grosse & superbe Cité: & si tout le *Damassus* sang qui a esté respandu pour le tesmoignage *escrit que* de son nom, estoit congrege en certain lieu il *du tēps de* s'en pourroit former vn gros fleuve: Car qui *Maximi-* voudra lire en Eusebe, & saint Augustin, les *nien, il fut* persecutions, bruslemens, boucheries, & carna- *occis &* ges, qui ont esté faictes des pauvres brebis de *martirise* Iesus Christ, sous l'Empereur Domitian, *en trente* Traian, Antonin, Seuer, Maximian, Déce, *iours, dix-* Valerien, Aurelien, Diocletien, & Maximian, *sept milles* nien & plusieurs autres, il trouuera tant de mil- *Chrestiens,* liers d'hommes morts, qu'à peine se lit il qu'en *tant hom-* toutes les plus cruelles guerres des anciens Ty- *mes que* rans, il a esté tant de sang humain respandu. *femmes,* Tous ces sacrifices de tant de martyrs & gens *Voy de ce-* de bien, qui sont amplement dilatez par saint cy *Platine* Augustin en sa Cité de Dieu, liure dixhuiet cha- *en la vie* pitre 52. & par Eusebe en son histoire Ecclesiasti- *du Pape* que, & Orose, sont estranges & admirables: mais *Marcellin.* celuy qu'escrit Corneli^{us} Tacitus, est prodigieux, *Cornelius* & digne d'estre mis entre les plus celebres portē- *Tacitus,* tes, & Mōstres du mōde: Car ce bourreau infame *lib. 15.* Neron ne fut pas content de faire ardre les corps des pauvres Chrestiens la nuit, & de les faire seruir

HISTOIRES

de torches & flambeaux aux citoyens de Rome, mais mesmes faisoit enuelopper leurs corps tous vifs de peaux de bestes sauvages, à fin que les chiens deceus, par la similitude des bestes, les deschirassent & meüssent en pieces. Voila doncques les furieux assaux que Satan & ses complices ont machiné contre les membres de Iesus Christ: car il n'y a religion, qui l'ait persecuté si furieusement, depuis le commencement du monde, que la nostre: mais cōbien qu'il eust desployé toutes ses cautelles, astuces, malices & inuentiōs pour luy courir sus, toutesfois elle demeure en son entier par la vertu & ayde du fils de Dieu, lequel bride & reprime la rage enuenimee de son ennemy, & combien qu'il ait procuré la mort d'aucuns membres de l'eglise, cōme Abel, Esaie, Ieremie, Zacharie, Policarpe, Ignace, & plusieurs autres milliers d'Apostres, & de martyrs: toutesfois il ne la peut demolir: Car il est escrit mesmes, que les portes d'enfer ne pourrons rien à l'encontre d'icelle. Et combien que pour quelque intervalle de temps elle soit exposée en peril, & qu'elle soit esbranlee, & agitee, comme vne nef par les orages & tempestes: toutesfois Iesus Christ n'abandonne iamais son espouse, mais il luy assiste tousiours, comme le chef à son corps: Il veille pour elle, & la garde & maintient, comme tesmoignent les promesses par luy faictes, quand il dit: Je ne vo⁹ laisseray point orphelins, ie feray avec vous iusques à la consommation du siecle. Et en Esaie: J'ay mis mes paroles en ta bouche, & ie te defenderay de l'ombre de ma main, & les pa-

rolles que i'ay mis en ta bouche, ne sortirōt hors de ta semence, ne maintenant, n'à iamais. Puis doncques que nostre seule religion est vraye, & pure, & qu'elle a esté signee par le sang de tant de Prophetes, Apostres & martyrs, mesmes seellée par le seau de Iesus Christ, duquel il nous a laissé le vray caractere, & tesmoignage en sa mort, & que toutes les autres sont illegitimes, bastardes, & inventees par les diables, & les hommes, leurs ministres, à la confusion de la nostre, mettons peine de la cōseruer si purement & saintement, que nous puissions vn iour dire à nostre Dieu, que ce bon Roy Dauid disoit: Seigneur i'ay hay ceux qui tē hayoient, i'ay esté marry contre ceux qui s'esleuoient contre toy, ie les haïois de haine parfaicte, & tenois pour mes ennemis.

Fin de la dixhuitiesme histoire.

HISTOIRES
HISTOIRES PRODIGIEUSES DE
diuerſes figures, Cometes, Dragons, Flambeaux,
qui ſont apparus au ciel, avec la terreur
du peuple, où les cauſes & raiſons
d'icelles ſont aſſignées.

Chap. XIX.





A face du Ciel a esté tant de fois defiguree par Cometes barbuës, cheuelües, torches, flambeaux, colonnes, lances, boucliers, dragons, duplications de Lunes, de Soleils, & autres choses semblables, que qui voudroit raconter par ordre celles seulement qui ont apparü depuis la Natiuité de Iesus Christ, & rechercher les causes de leurs origines & naissances, la vie d'un seul homme n'y pourroit satisfaire. La plus memorable & plus digne d'être celebree de toutes, est celle qui conduit les sages Roys de Perse au lieu de la Natiuité de Iesus Christ, laquelle n'espouuenta pas seulement le vulgaire, mais elle rait en admiration les plus doctes hommes du monde, parce que contre le naturel de tous les autres astres (qui tirent de l'Orient en l'Occident) elle dressa son cours en la Palestine, qui est sitüee vers le Midy: qui a faict penser à S. Iean Chrysosto. que ceste estoille n'estoit point vne de celles que nous voyõs au Ciel, mais plustost quelque vertu inuisible, figuree sous la forme d'un astre. Mais laissons le discours de cest astre, & venons aux autres choses estranges qui ont apparü au ciel. Gaguin liure 6. des gestes des Roys de France, faict mention d'une Comete fort esmerueillable, qui apparut en Septentrion du temps de Charles 6. l'an 597. qui estoit l'annee de le Natiuité de ce faulx imposteur Mahomet, fut veüe en Con-

*Homelie
6. sur S.
Matthien.
Fulgentius
& autres
ont escrit
de ceste o-
pinion.*

HISTOIRES

Muraille
faicte de
testes de
morts.

En ses li-
ures de no-
bilitate.

Estoilles
venës de
iour.

stantinople vne Comete cheuelüe, si hidieuse & espouuentable, qu'on pensoit que la fin du môde s'approchast. Vne autre semblable à la precedëte fut veüe quelque peu de temps auant la mort de Constantin, de laquelle Orose libr. 7. chap. 19. Et Eutrope lib. 2. font mention. L'an que Mitridates fut produit sur terre, & l'annee qu'il receut le Sceptre Royal, il apparut vne Comete au ciel, cõme Iustin & Vincëtius escriuët, laquelle par l'espace de quatre vingts iours, occupa biẽ la quatre partie du ciel, & si iettoit vne telle splendeur que la clarté du soleil en estoit obscurcie. L'an que Taburlan Tyran tua tant d'hõmes & de femmes en vne defaicte de Turcs, que de leurs testes seulement il en fist vne muraille, (cõme Matheolus escrit) il apparut vne merueilleuse Comete en Occidët, laquelle Pontanus & Ioachimus Camerarius en son liure *De Ostentis*, a doctement escrit. Herodiã autheur Grec en la vie des Empereurs, escrit que du regne de l'Empereur Commode, on veit par l'espace d'un iour naturel vne infinité de Estoilles au ciel, aussi apparentes comme la nuit. L'annee que Loys le Begue Roy de France mourut, on veit semblablement sur les neuf heures du matin grand nõbre d'Estoilles au Ciel. Hierosme Cardan liure 14. *De varietate rerum*, assure auoir veu, l'an 1532. l'vnziesme iour d'Auril estant à Venise, trois Soleils ensemble, clairs, lucides & splendides. L'an que François Sforce mourut (pour le deces duquel il fesment tãt de guerres en Italie) il fut veu semblablement à Romme trois Soleils, qui espouenterent tellement le peuple, qu'ils

frēt prieres & oraisons, pensant que l'ire de Dieu fut enflammee contre leurs pechez. Le Pape Pie, second du nom, qui fut nommé au parauant sa dignité, Æneas Syluius, lequel mourut l'an quatre cens soixāte, esciit en sa description de l'Europe, cha. 54. que l'an sixiesme apres le Iubilé, qu'il fut veu entre Sienn & Florēce vingt nuees en l'air, lesquelles agitees des vents batailloient les vnes contre les autres, chacune en son rang, reculant & s'approchāt, comme si elles eussent esté ordōnees en batailles, & pendant ce conflict de nuees, les vêts faisoient aussi leur deuoir d'autre costé de mesmolir, abbatre, briser, froisser, & rōpre arbres, maisons, rochers, mesmes iusques à enleuer les hommes & les bestes en l'air. L'antiquité n'a rien experimenté de plus prodigieux en l'air que la Comete horrible, de couleur de s'āg qui apparut en Vvestrie l'vnziesme iour d'Octobre, mil cinq cens vingt & sept. Ceste Comete estoit si horrible & espouuātāble, qu'elle engēdroit si grād terreur au vulgaire, qu'il en mourut aucuns de peur, les autres tōberent malades. Ceste estrāge Comete fut veüe de plusieurs milliers de personnes, & dura vne heure & vn quart. Elle commenā à se produire du costé du Soleil leuant, puis tira vers le Midy, l'Occidēt & le Septentrion. Elle apparoissoit estre de longueur excessiue, & si estoit de couleur de s'āg. A la sommité de la Comete on voyoit le caractere & figure d'un bras courbé tenāt vne grande espee en sa main, cōme s'il eust voulu frapper. Au bout de la poincte de ce cousteau, il y auoit trois estoilles, mais celle qui estoit

*Æneas
Syluius.*

*Bataille
des nuees.*

*Figure ad-
mirable
veüe en
l'air.*

*Conradus
Licostenes
a escrit &
figuré ceste
Comete a-
uant moy*

HISTOIRES

droictemēt sur la poincte, estoit pl^e claire & lucide
que les autres. Aux deux costez des rayons de ceste



Comete il se voyoit grand nombre de haches, cou-
teaux, espees coulourees de s^ag, parmy lesquelles il

y avoit gran
les, avec les
la voisie
prodigeu
tus de l'En
human, ca
tres playe
Bourbon
mesme y
Liehtber
par esen
nere. Esp
tutio de no
gines des
cercins la
question
dernes ph
me d'agon
bles de di
au ciel, si
cent quel
taeus, Pau
Aoma, T
berangen
Greco, H
qui en o
influence
cions hu
lletes. C
vontier b
que ceux
meux

y auoit grand nombre de faces humaines hideu-
ses, avec les barbes & cheveux herissez, cōme tu
la vois icy figurée. Quelque tēps apres que ceste
prodigieuse planete fut apparue, toutes les par-
ties de l'Europe furent presque baignees de sang
humain, tant de l'incursion des Turcs, que des au-
tres playes que receut l'Italie par le seigneur de
Bourbon, lors qu'il mit Rome à sac, & que luy-
mesme y laissa la vie. Petrus Creuserus, & Ioānes
Lichtber excellens Astrologiens interpreterent
par escrit la signification de ceste prodigieuse pla-
nete. Et par ce que nous auons promis en l'insti-
tutiō de nostre œuure d'assigner les causes & ori-
gines des prodiges, il est maintenant requis de re-
chercher la matiere de plus loing, & de decider la
question si souvent agitee par les anciens & mo-
dernes philosophes. Ces figures fantastiques, cō-
me dragons, flammes, Cometes & autres sembla-
bles de diuerses formes, qui se voyēt quelquefois
au ciel, si elles portent, predisent, ou annon-
cent quelque chose à venir, Albumazar, Doro-
theus, Paulus Alexādrinus, Ephestion, Maternus,
Aomar, Thebith, Alkindus, Paulus Manlius, Al-
beranger, & generalemēt la plus part des anciens
Greco, Hebreux, Caldees, Arabes, & Egyptiens
qui en ont escrit, deferēt tāt aux astres, & à leurs
influences, qu'ils ont asseuré la pluspart des a-
ctiōs humaines dependre des constellations ce-
lestes. Cicero premier liu. De fato, sēble leur fa-
uoriser beaucoup, quād il escrit assez obscuremēt
que ceux qui naissent sous la planete de Canis
ne meurent point par eue. Faber Stapulensis en

planete hi-
dense qui
appartut l'a-
que Bour-
bon mit Ro-
me à sac.
planete in-
interpretee.

L'opinion
de ceux qui
ont pensē
que les fi-
gures cele-
stes denon-
cent quel-
ques futurs
evenement

HISTOIRES

sa paraphrase des Metheores, escrit que les Cometes qui apparoissent au ciel, signifient sterilité de biens, abondance de grâds vents, guerres, effusion de sang, & mort de princes. Hierosime Cardan, philosophe moderne, libr. 4. *De subtilitate*, & libr. 14. *De varietate rerum*, escrit que les Cometes cheueluës, barbuës, & autres semblables figures monstrueuses qui apparoissent au ciel, sont comme indices & auancoueurs de famines, pestes, guerres, de mutations de royaume, & autres semblables playes qui suruiennent au genre humain. Encore adioust-il, que tant plus que leurs figures sont estranges & hideuses, elle portent & annoncent de plus grands maux. Proclus l'un des plus excellens Astrologues qu'ait produit la Grece, poursuit l'interpretation de telles predictions par tous les signes du ciel, où il raconte par ordre les merueilleuses puissances qu'ont les astres sur les actiōs humaines. Il y en a eu d'autres, cōme Ptolomee, qui ont escrit, que si quelque enfant à sa natiuité se rencontroit sous certaines constellations, il auroit puissance sur les Demons. Il y en a encores d'autres, mais biē plus effrontez & pleins de blasphemés, qui ont tant deferé aux astres, qu'ils ont osé escrire, que si aucuns à leur natiuité se rencōtroiēt sous l'aspect de certains astres, qu'ils auroient le don de prophetie, & qu'ils prediroient les choses à aduenir: mesmes que Iesus Christ sauueur de tout le monde, pour s'estre rencontré sous certaines heureuses constellations, auoit esté orné de tant de perfectiōs, & faisoit les miracles. Voila les cruels & horri-

Blasphemes des Astrologues.

& horribles blasphemes, qu'a enfanté ceste detestable & infame Astrologie iudiciaire. C'est pourquoy S. Augustin les bannist de sa cité de Dieu: saint Hierosme les appelle idolatres. Basille & S. Cyprian les detestent: Chrysostome, Eusebe, Lactance, & saint Ambroise les abhorrent. Le concile de Tolette les reiette: les Loix ciuiles les punissent de mort: les Ethniques mesmes, comme Varro, Cornelius Celsus, & plusieurs autres les diffament: mais beaucoup plus diuinemēt que les autres se monstre entre les princes Picus Mirandula, lequel les a si bien rembarrez, & descouuert le Labyrinthe de leurs mensonges en vn œuure Latin qu'il a faict contre eux, qu'ils n'osent plus leuer les cornes. Reste doncques maintenant retourner à nostre propos, & rechercher de plus pres si telles figures estranges, & Cometes que nous voyons au ciel, annoncent quelque chose, ou si elles se font naturellemēt. Aristote liure premier de ses Meteores, traictant copieusement de la nature des Cometes, & de ses autres impressions, caracteres & figures qui se font au ciel, dit seulement qu'elles se font par nature, sans faire aucune mētion qu'elles predisent ou dusignēt quelque chose pour l'aduenir: & est à presumer que si Aristote, qui est le premier & le plus excellent de tous ceux qui escriuirent oncques en son art, eust peu trouuer quelque coniecture ou raison en nature, qu'elles eussent deu designer quelque chose, il ne l'eust non plus supprimé ou teu, qu'il a faict les autres secrets de philosophie qu'il nous a laissé par ses escrits. Il est dōcques certain que ces

*Docte traité
de Picus
Mirandula
contre les
Astrologues.*

flammes fantastiques, & autres figures que nous voyons au ciel, sont naturelles, & se forment en maniere qui s'ensuit. Il y a trois regions au ciel, l'une qui est treshaute, qui recoit en soy vne merueilleuse chaleur, pource qu'elle est prochaine & voisine de l'Element du feu. L'autre qui est basse, recoit les rayons du soleil, reuerberer de la terre, de laquelle i'ay faict mention en ma description de la cause des tonnerres. La troisieme est au milieu de ces deux, à laquelle la force de la chaleur qui vient de la partie superieure, ensemble l'ardeur des rayons du soleil, reuerberer de la region inferieure, paruiennent. Et pource que selon le tesmoignage de Plin, les astres sont continuellement nourris de l'humeur terrestre, de là procede premierement la cause des flammes celestes. Car la terre (comme Aristote enseigne en son liure premier des Meteores) estant eschauffee du soleil, rend double aërieuse substance : l'une, que nous pouuons proprement nommer exhalation chaude & seche, l'autre vapeur, est chaude & humide. Et d'autant que la premiere vapeur est plus legere, elle paruient à la supreme region de l'air où elle s'enflamme, si que d'icelle sont faits feux, & flammes au ciel, qui en formes diuerfes & estranges, resplendissent entre les nuees de diuerfes figures, cōme de torches allumees, de nauires, testes, lances, boucliers, espees, Cometes barbues, & cheuelues, & autres choses semblables, desquelles nous auons faict mention cy dessus : lesquelles engendrent grāde terreur & estonnement à ceux qui en ignorent les causes. Ce qui est quelquefois

*Les astres
sont nour-
ris d'hu-
meur.*

aduenu aux Romains en la guerre de Macedone, lesquels furent tellement effrayez & espouuâtez, *En quel tēps les Romains entrēt cognoissance de l'eclipse.* que le cuer leur commença à faillir, pour vne soudaine eclipse de Lune qui apparut: & peristerent en ceste craincte iusques à ce que Cneus Sulpitius (par vne admirable eloquēce) cōmença à leur deduire par viues raisons que telle mutatiō en l'air estoit naturelle, & que l'eclipse ne procedoit d'autre chose, que d'une interposition de la Lune entre le Soleil & nous, & de la terre entre nous & la Lune: & par ce moyē ils furēt deliurez de leur erreur, la cause de l'eclipse leur ayāt esté iusques à ceste heure là incogneuē. Le semblable se peut dire de la pluye de sang, laquelle à tant intimidé de peuples les ans passez, par l'ignorance de la cause dont elle procede, cōme celle qui tomba du Ciel, l'an de salut 570. du tēps que les Lombars sous la conduicte d'Albuin, s'espancherent par l'Italie: mesmes celle qui de recēte memoire tomba pres Fribourg, l'an 1555. Laquelle tachoit les robes & les arbres qu'elle ataignoit, de couleur rouge: & neantmoins combiē que cela semble prodigieux, si est-ce toutesfois que cela est naturel; car tout ainsi que la terre dōne diuersité de couleurs à plusieurs corps, aussi semblablement elle couloure l'eau de la pluye, car si la terre est rougeastre, elle rendra ses vapeurs & exhalations rouges, lesquelles estans conuerties en pluies, le Ciel nous les rend ainsi rouges & coulourees cōme elles auoient esté attirees & esleuees en haur, & tombant sur quelque habit, elles le peuuent coulurer & tacher de rouge. Voila pourquoy

K ij

HISTOIRES

plusieurs historiens Grecs & Latins entre leurs grâds merueilles & rares prodiges du Ciel, ils ont fait mention des pluyes sanguinolentes. Reste donc seulement pour mettre le dernier seau à ce chapitre, d'assigner les causes de la pluralité des Soleils, & des Lunes qui apparoissent quelque fois au Ciel, comme les trois Soleils que Cardan dit auoir veuz de nostre temps, estant à Venise. Et tout ainsi que nous auons dit les figures qui apparoissent au Ciel estre naturelles, autât en pourrôs nous dire de la multitude des Lunes & des Soleils, lesquels apparoissent, par ce que toutesfois & quâtes que quelque espoisse nuee est prest à iecter pluyes, & qu'elle se treuve à costé du Soleil, si celuy par vne precedente refraction de ses rayons, imprime son image en icelle, comme nous voyons qu'il fait en vn acier bien bruny, & poly, lors il apparoistra en diuers endroicts, double ou triple, & autant en pourrons nous dire de la Lune. Voila dōc la vraye cause pourquoy sont veus quelquefois deux ou trois Soleils ou Lunes. Cherchōs doncques desormais en nature les causes & essences des choses, sans nous arrester aux fripperies, prestiges & mensonges des Astrologues iudiciaires, lesquels nous ont tant de fois deceus & trompez, qu'ils deuroient estre bannis & exilez de toutes Republiques biē constituees, mais quel trouble, perplexité & terreur engēdrerent-ils en vne infinité de consciences de paaures creatures? L'an mil cinq cēs vingt quatre, lors qu'ils publierent par tout avec obstination, qu'il y auoit au moys de Feburier vn deluge presque vniuersel

pour la conionction de toutes les planettes au
 signe de Pisces, & neantmoins le iour auquel se
 deuoiēt produire ces eaux, fut l'vn des plus beaux
 & plus tempetez de l'annee: Combien que plu-
 sieurs grāds personages intimidez de leurs pro-
 pheties, eussent faict prouisiō de biscuits, farines,
 de Nauires & autres choses semblables, propres
 pour la marine, craignans estre surprins & sub-
 mergez de ceste grande inundation d'eauē qu'ils
 auoient predicte. Apprenons donc desormais a-
 uec Henry septiesme Roy d'Angleterre, qui a re-
 gné de nostre temps, à ne faire conte de leurs
 bourdes, mesmes à les chastier de leurs mēsonges,
 lequel soudain qu'il eut entendu qu'vn des plus
 fameux Astrologue d'Angleterre eust publié par
 tout, qu'il auoit trouué estre ses plus reclus secrets
 d'Astrologie, qu'il deuoit mourir dedans la pro-
 chaine feste de Noel, cōmanda soudain qu'on le
 fist venir deuāt luy. Et apres l'auoir interrogué si
 tels propos estoient veritables, & que le prono-
 stiqueur luy eut respondu qu'il estoit certain, &
 qu'il auoit trouué cela infallible en sa constella-
 tiō & natiuité: mais dy moy ie te prie, dit le Roy,
 où te predisent les astres que tu feras tō Noel ce-
 ste annee? & que l'autre luy eust respōdu, que ce
 seroit en sa maison avec sa famille. Or cognois-ie
 bien dit le Roy que tes astres sont mēteuses, car
 tu ne verras, ny Lune ny Soleil, ny astres, ny Ciel
 ny famille de Noël, & espousseras tout maintenāt
 la plus estroicte prison qui soit en la grād Tour de
 Lōdres, & ne bougeras de là, q̄ la feste ne soit pas-
 see. Voila comme fut traicté ce venerable Astro-

H I O I R E S

logue, demourant prisonnier en extreme miserie, iusques apres la feste dediee à la natiuité de Iesus Christ.


Fin de la dixneuuesme histoire.

PRODIGIEUSES.

74

HISTOIRE ADMIRABLE DES
flammes de feu, qui ont sorty des testes
d'aucuns hommes.

Chap. XX.



K iij

S'Il n'y auoit qu'un seul au-
 theur qui eust faict mention
 de l'histoire qui s'ensuit, com-
 bien que sa fidelité fust assez
 prouuee, ie ne l'eusse toute-
 fois inseree en mes prodiges,
 par ce que nous n'auons aucun
 argument ou coniecture en nature, sur lequel on
 la puisse fonder: neantmoins puis que tant de do-
 ctes plumes se sont empeschées à la descrire, &
 si grand nombre d'autheurs fideles l'attestent en
 leurs œuvres, nous deuons sous leur foy croi-
 re ce qu'ils en disent. Tite Liue, li. 3. Decade 3. Ci-
 ceron, liure 2. *De diuinatione*. Valere le Grand, li-
 ure 1. chapitre 6. Frontius, libr. 2. chapitre 10.
Stratagemat. escriuent qu'apres que les Scipions,
 surprins par leurs ennemis, eurent esté de faicts &
 tuez en Espagne, & que Lucius Martius cheua-
 lier Romain faisoit vne harangue à ses soldats
 pour les exhorter à vengeance, ils furent eston-
 nez qu'ils veirent vne grande flamme de feu, qui
 sortoit de sa teste, sans qu'il en fust aucunement
 endommagé, qui fut cause que les gens-d'armes
 esmeuz de la vision de ceste flamme prodigieuse,
 reprindrent cœur, & se ruerent si furieusement
 sur leurs ennemis, qu'ils en deffirent trentesept
 mille, sans le grand nombre de captifs, & inesti-
 mables richesses qu'ils rauirent aux Carthaginiés.
 Ces feux fantastiques qui ont sorty de certains
 corps d'hommes, ne sont pas apparus en vn seul,
 mais en plusieurs. Car le mesme autheur Tite Li-
 ue escrit (en son premier liure des choses memo-

rables depuis la fondation de Rome) le semblable estre aduenü à Serue Tulle qui succeda en la dignité Royale à Tarquinius Priscus. Du chef duquel(estant encore ieune enfant) ainsi qu'il dormoit, on veit vne flamme de feu sortir, dont la Royne Tanaquil femme dudit Priscus, afferma à son mary que ceste flamme luy promettoit quel que grand heur & prosperité. Ce qui aduint, car non seulement espousa sa fille, mais il fut Roy des Romains apres son mary. Plutarche & les autres escriuent le semblable d'Alexandre, lors qu'il tomba contre les Barbares, estant au plus aspre de conflict, on le veit tout en feu, ce qui causa vne merueilleuse terreur à ses ennemis. Le scay qu'il y a quelq medecin moderne qui escrit en ses diuerfes histoires le semblable estre adue-
Cardanus De varietate rerum.
 nu de nostre tēps à vn sien amy en Italie, non pas vne seule fois, mais plusieurs. Pline au lieu où il faict mention du Lac Trasimene, qui fut veü tout en feu, faict aussi quelque discours de ces flâmes admirables qui sont veües autour des corps humains. Aristote au premier liure de ses Meteores en traicte aussi: mais pour confesser ce qui en est, ny de l'vn ny de l'autre, ie n'ay sceu colliger sur quoy elles sont fondees, encores que i'eusse promis d'assigner les causes & raisons des aduenemens de noz prodiges. Si nous ne voulōs dire que cela fust fait part art, attendu que nous auons veü souuēt de nostre temps certains basteleurs vomir & ietter de leurs bouches flâmes de feu ardentes, desquelles Atheneus liure premier de ses Dipnosophistes, chapitre quatorze faict aussi mention.

HISTOIRES

Ce qui ne peut estre aduenü (ce me semble) aux histoires métionées cy dessus, par ce que c'estoient de grands seigneurs, sur lesquels ces choses ont esté experimentees, mesmes entre si grande multitude de personnes, que la fraude eust esté decouuerte. Le pluss expedient doncques est de croire que c'estoient prestiges de satan, lesquels luy estoient si familiers en ces siecles là, qu'il en inuëtoit tous les iours de nouueaux, comme il est tesmoigné en l'Exode, des Magiciens de Pharaon, qui conuertirent les verges en serps, & les eaues des fleuves en sang, qui sont choses aussi difficiles, que faire sortir des flammes du corps humain.

Fin de la vingtiesme histoire.

AMOURS PRODIGIEUX.

Chap XXI.





Ay honte, & suis presque cō-
fus en moy-mesme, de ce qu'il
faut que ie donne commen-
cemēt à ces amours prodigieu-
ses, par les trois plus excellens
Philosophes qui furent onc-
ques renommez en la terre:

*Platon, A-
ristote &
Socrates a-
mouroux
Platon.*

Dont l'un a tant diuinemēt Philosophé & discou-
ru de l'ame, & de nature diuine, & de la structu-
re admirable de l'univers, que saint Augustin
docteur tres-excellent de l'Eglise a osé escrire &
affirmer de luy, que peu de choses changees, il
seroit Chrestien.

Aristote.

Socrates.

Le second a tāt biē voltigé par les elemēs, tant
methodiquement traicté les secrects de nature,
& autres choses sensibles, qu'il reluit entre le re-
ste des Philosophes, comme faict le Soleil en-
tre les astres. Le tiers, outre la doctrine qui luy
a esté commune avec les deux autres, encore a-il
eu vne telle sanctimonie & ornement de meurs,
qu'il a esté nombré entre les sept sages de Grece.
Et neantmoins cōbien qu'ils ayent curieusement
recherché les secrets des cieux, la nature, essence
& ressort de toutes les choses contenues au
pourpris de la terre: si est qu'ils n'ont point
encore esté si rusez, ne si bien armez des secrets
de leurs sciences, qu'ils ayent peu cognoistre la
nature d'un si pusille, & delicat animal comme
est la femme, ny mesmes se garder de ses furieux
assaux. Tout ce grand tourbillon de philosophie,
auquel Aristote s'est plōgé depuis le berceau ius-
ques au sepulchre, ne l'a peu si bien mortifier, que

*Isocrates.
Demoste-
nes.*

il n'ait esté amoureux d'une femme publique,
 nommée Hermie: l'amour de laquelle l'enflamma
 si biē, que non seulemēt il se consommoit à veüe
 d'œil, mais ce qui est plus aliene d'un Philosophe,
 & qui merite d'estre conté entre les prodiges, il
 l'adoroit & luy faisoit des sacrifices, comme Ori-
 gene escrit: de quoy accusé par Demophil^s, il fut
 cōtrainct d'abandonner Athenes, où il auoit en-
 seigné trente ans, & se sauuer à la fuitte. Platon
 (leq^l seul entre les philosophes a meritē le nom
 (de diuin) n'a point esté si superstitieux, qu'il n'ait
 voulu sçauoir que c'estoit que l'humanité & ne
 s'est point tant arresté à rechercher les Idees, qu'il
 n'ait quelquefois voulu aussi contempler & ma-
 nier les corps solides, cōme il est notoire en Ar-
 chenassa, laquelle combiē qu'elle se feust prosti-
 tuee à vne infinité d'autres en sa ieunesse, si est-
 ce que lors qu'elle fut abādonnée des autres, Pla-
 ton en fut heritier, & demeura si biē ambabouy-
 né ce pauvre Philosophe, qu'il ne l'aimoit pas seu-
 lement, mais resonnoit souuent certain vers à sa
 louenge, & se lamentoit de ce qu'amour le tenoit
 intrinqué aux rides d'une vieille, comme Athe-
 neus autheur Grec enseigne au liure premier, de
 ses Dipnosophistes. Sacrates duquel la maiesté &
 grauité a tāt esté celebree par les anciens, qu'on
 a escrit de luy ce prodige, qu'il estoit tousiours de
 mesme face, sans que pour aucune eclipse de for-
 tune, prospere ou aduerse, on ait trouué mutatiō
 en luy, si est ce qu'il n'a point esté si refroigné,
 tetricque, ou seuer en ses actions, qu'il ne se soit
 quelquesfois adoucy aupres de sa fauorite Aspa-

*Hermia a-
mie d'A-
ristote.*

*Archenas-
sa amie de
Platon.*

*Aspasie
amie de So-
crates.*

HISTOIRES

sie, comme Clearchus nous a laissé par escrit, liure
 I. de ses amours. Et cōme i'ay mis. en ieu ces trois,
 encores en pourrois- ie recenser grand nombre
 d'autres, comme Demosthene, Isocrate, Pericle,
 & plusieurs autres : les amours lasciuies desquels
 sont si souuent descouverts, par les historiens
 Grecs, qu'en les lisans, ie me suis esmerueillé cō-
 me ce grand torrent de science & sagesse n'a peu
 si bien moderer leurs flammes, que la fumee n'en
 soit paruenue à la posterité. C'est pourquoy Laïs
 tant renommee entre les femmes perdues, se mist
 vn iour en cholere cōtre qlqu'vn qui louoit fort
 affectueusement la vie, les meurs, & sur tout, la do-
 ctrine & sagesse des Philosophes d'Athenes, &
 luy dit, ie ne sçay (dist-elle) quel est leur sçauoir,
 ne en quelle sciēce, ne en quels liures estudiēt voz
 philosophes que vous celebrez tant, mais bien
 sçay- ie que moy estant femme & sans auoir esté
 à Athenes, ie les voy souuent venir icy à mon es-
 colle, & de Philosophes deuiennent amoureux.
 Laissons doncques les Philosophes en repos, &
 recerchons les autres: car qui voudroit faire vn
 Catalogue de tous ceux qui se sont laissez trans-
 porter à l'amour, il n'en faudroit pas seulement
 faire vn chapitre, mais vn liure entier. Menetor
 (cōme Athenee recite.) faict mention d'vne hi-
 stoire amoureuse digne de noz prodiges, par ce
 qu'il n'est rien plus rare en nature, que de veoir
 celle qui ayme biē, vouloir faire part à vne autre
 de ce qui luy est si cher: ce qui est toutesfois ad-
 uenu en la notable histoire que nous allōs descri-
 re. Athenee doncques fait mention d'vne dame,

impudique fort renommée en beauté, qui se nommoit Plagon Milesienne, laquelle ainsi qu'elle estoit extreme en beauté, aussi estoit-elle souvent requise de plusieurs grands seigneurs : mais entre autres elle auoit pour ses ordinaires delices vn ieune enfant Colophonien, de beauté fort exquis, lequel auoit meilleure part en elle que les autres. Neantmoins comme ces amours lasciuues ont le plus souvent vn si leger fondement, que tout l'edifice s'en va à la fin en ruine. Ainsi survint-il vne ecclipsé entre Plagon & son amy, par ce qu'elle entendit qu'il auoit quelquefois esté aymé d'une autre qui s'appelloit Bachide Samienne, qui ne luy estoit en rien inferieure en beauté ou bonne grace. Assaillie doncques de ceste nouvelle ialousie, elle delibera de faire trefues d'amours, & donner congé à ce ieune gentilhomme. Ce ieune enfant qui eust mieux aymé mourir mille fois, que de se veoir estranger de celle qui estoit le siege de sa vie, commença à la cuider chérir & caresser comme de coustume, mais elle, ia refroidie comme vn glaçon de montagne, ne tenoit conte de toutes ses plainctes, souspirs, & lamentations : ains elle le pria de ne se trouuer iamais en part où elle le peust veoir, sans luy faire autrement entendre la cause de sa hayne : l'enfant touché au plus vif de son cœur de ce nouveau refus, se prosternant à ses pieds tout baigné de larmes, luy dit qu'il se defferoit promptement luy-mesme, si elle ne soulageoit son martyre, par l'influence de quelque gracieux rayō de pieté. Plagon combattuë de rage, de pieté & d'amour, luy

HISTOIRES

dit, ne te trouue de ta vie deuant moy, si tu ne me
 faits present de la chaine d'Or tant celebree
 qu'a Bachide Samienne. L'enfant sans autre re-
 plique s'en part en diligence pour rencontrer Ba-
 chide, à laquelle ayant fait entendre de point en
 point la fureur de ses flammes, & l'ardante ami-
 tié qu'il portoit à Plangon, vaincue de pitié &
 d'amour luy donna sa chaine, avec la charge qu'il
 en feroit vn present soudain à celle qui le tour-
 mentoit ainsi: en quoy elle se monstra fort libe-
 rale & magnifique, veu que les historiens escri-
 uent que tous les thresors qu'elle auoit peu espui-
 ser toute sa vie de ceux qui l'auoient aymee, e-
 stoient fondus pour mettre en ceste chaine qui
 estoit de monstrueuse grosseur: mesmes qu'elle la
 gardoit avec grande curiosité pour se soulager en
 vieillesse, si la fortune eust permis qu'elle eust
 esté surprise de pauvreté. L'enfant se voyât pos-
 seder ce qu'il auoit tant souuent desiré, s'en vint
 trouuer Plangon, & luy offrant la chaine, luy fait
 entendre la liberalité de son ancienne amoureu-
 se, de laquelle ny le temps, ny la distâce des lieux
 n'auoit peu esteindre l'amitié. Plangon espou-
 uantee de l'amitié & liberalité, de sa compagne
 en amours, qui auoit bien osé donner en vn coup
 ce qu'elle auoit amassé toute sa vie, & mesme à
 son ennemie & compagne en amours, ayant le
 cœur genereux, & ne luy voulant ceder, ny en
 amitié ny en liberalité, luy renuoya sa chaine, ay-
 ma l'enfant plus ardemment qu'elle n'auoit onc-
 ques fait, mesme ce qui est plus prodigieux, fist
 part à Bachide de ses amours, & voulut que l'en-
 fant

fiant fust commun à elles deux. Dôt les Grecs en admiration la nommerent depuis Pasiphile. Puis que nous sommes si auât entrez en la matiere des amours prodigieuses, il nous faut recercher les histoires les plus rares & emerueillables, entre lesquelles, ie ne me recorde point qu'il y ait eu dames en tout le monde qui ayent demené l'amour avec plus grand merueille, ne qui ayēt laissé vn plus eternal tesmoignage à la posterité de leurs vies dissoluës & lasciues, que Lamie, Flore, Laïs, desquelles ie descriray la vie selon que Pausanias Grec & Manilius Latin en leurs liures ont escrit, des illustres femmes amoureuses. Mais sur to^r i'êsiuray Antonius de Gueuare, Euesque de Monodemo, en vn docte traicté qu'il a faict de ceste matiere. Ces trois dames ont esté les trois plus belles, & plus fameuses femmes mondaines qui furent iamais nees en l'Asie, & nourries en l'Europe, & desquelles les historiographes ont plus parlé, & par qui plus de princes sont venuz à perdition. Il est escrit de ces trois quasi par prodige, qu'elles charmoient si bien ceux qui les aymoient, qu'elles ne furent oncques laissees d'aucun prince qui les ait aymees, & si ne feirent oncques requeste de chose qui leur fust refusee. Et si est encores escrit de ces trois femmes, qu'elles ne se mocquerēt iamais d'homme, n'aussi oncques homme ne se moqua d'elles. Les historiés escriuent ces trois Courtisannes durant leur vie, auoir esté les trois plus riches Courtisannes du monde, & apres leur decès auoir laissé plus grâde memo-

L

re d'elles: car chacune eut statue de peuples où elles moururent. Chacune de ces trois outre le don de beaué, auoit encore quelque chose de particulier pour alecher à les aymer. La pãthiere, où Lamie prenoit ses amoureux, procedoit du regard, car par les traicts de ses yeulx elle enflammoit les hõmes. Flore, par son eloquence admirable. Laïs, par sa douceur, & par l'harmonie de son chât plaisant. Le roy Demetri⁹ soudain qu'il eut receu vn traict d'œil de Lamie, il fut pris au filé, & ce nouveau feu, par interualle de temps gaigna tant sur son ame, qu'il ne viuoit plus qu'en elle: & nõ seulement luy dõnoit tout ce qu'il auoit, mais d'auãtage abãdonna sa femme Euxonie pour suiure sa Lamie. Plutarque recite en la vie de Demetrie, que luy ayãs les Atheniẽs dõné douze cens talẽs d'argẽt pour ayder à payer sa gendarmerie, il fit present de toute la somme à Lamie: dequoy les Atheniens furẽt fort indignez de veoir leur argẽt si malemployé. Ce miserable roy Demetrie estoit si extremement passionné de Lamie, qu'il la reueroit cõme quelque deité, iuroit par elle, cõme il eust fait par ses dieux: mais la fortune qui tremche le fillet aux delices, & qui met fin à toutes entreprinſes, permit que Lamie mourut, dequoy ce pauvre roy se sentit tellemẽt outré, qu'aucuns ont escrit de luy qu'il la baissa & embrassa apres sa mort, & nõ cõtent de ceste idolatrie, il la fit enseuelir au deuãt d'vne fenestre de sa maisõ, & quãd quelqu'vn de ses fauoris l'interrogea pour quelle occasion il auoit faict inhumer en ce lieu, il luy

respondit en soupirât profondement. Le lieu d'amitié de Lamie me serre si fort le cœur, que ie ne sçay en quoy satisfaire à l'amour qu'elle m'a porté, & à l'obligatiō que i'auois à l'aymer, sinō de la mettre en tel lieu que mes pauures yeux s'exercent tous les iours à la plorer, & mon triste cœur à la penser. Le dueil & regret qu'eut Demetrie pour la mort de Lamie fut si grand & si extreme, que tous les Philosophes d'Athenes furēt empeschés à disputer, laquelle des deux choses estoit plus à estimer, ou les pleurs & dueil qu'il menoit, ou les richesses qu'il auoit despendu en ses obseques & pompes funebres. Vn an & deux mois mourut le roy Demetrie apres la mort de Lamie. La seconde amoureuse dont auons faict mention cy dessus, se nommoit Laïs, qui estoit fille du grād sacrificateur du temple d'Apollon, homme si expérimenté en l'art de Magie, qu'il prophetisa la perdition de sa fille, incontinent apres sa natiuité. Ceste Laïs (comme sa compagne) eut vn Roy pour amy, ce fut le renommé Pyrrhus, avec lequel elle alla en Italie, lors qu'il y alla pour faire la guerre aux Romains, & demeura lōg tēps à son camp, puis s'en retourna avec luy de la guerre. Toutes-fois il est escrit d'elle, que i'amaïs ne se voulut abandonner à vn homme seul. Ceste Laïs estoit tant bien accomplie de toute perfection de beauté, & autres dons de grace, que si elle eust voulu se contenir, & n'en aymer qu'un seul, il n'y eust eu si constant prince au monde qui ne se fust perdu apres elle, & qui ne luy eust octroyé ce qu'elle luy eust demadé. Estât de retour de l'Ita-

HISTOIRES

lie, en la Grece, elle se tetira à Corinthe, cōme es-
crit Aulugele, & la fut pourfuy uie de maïts Roys
& Seigneurs, qu'elle pluma si bien, qu'elle ne leur
laissoit que la parole pour raconter leurs passions,
car elle a esté celebree pour l'vne des femmes du
monde qui scauroit aussi bien faire profiter ses
amours. Il se lit vn prodige d'elle qui ne fut onc-
ques leu ny entendu d'autre que d'elle: c'est que
elle ne se monstra oncques affectionnee à hom-
me, ny ne fut iamais haie d'homme qui l'eust co-
gneüe. Ceste Laïs mourut en la ville de Corin-
the, aagée de soixâte & douze ans. La mort de la-
quelle fut par beaucoup de matrones desirée, &
de beaucoup d'amoureux plaincte. La troisieme
dame mondaine se nomma Flora, qui estoit Ita-
lienne, qui surmonta en extracïon, & generosi-
té, les deux autres: Car elle estoit yssue d'un cer-
tain cheualier Romain, fort renommé en faict de
guerre, lequel deceda avec sa femme, & laisserent
ceste fille aagée de quinze ans, chargée de richesses,
douce de grande beauté & orpheline de tous
parens. En sorte que comme la ieune dame Flore,
eust ieunesse, richesses, liberté & beauté, lesquels
sont les plus grands maquereaux du monde pour
faire glisser vne femme, le voyant avec tous ces
moyens, determiner s'en alla à la guerre d'Afi-
que, où elle mist à l'enquant sa personne & son
honneur. Ceste Flora florissoit, & triompha du
temps de la premiere guerre Punique, lors que
le Consul Manile fut enuoyé à Carthage, lequel
despendit plus d'argent à faire l'amour à Flora,
qu'avec ses ennemis. Et comme Flore estoit yssue

de race plus genereuse que les deux autres, aussi voulut-elle voler plus haut, & se ressentir de sa grandeur: car il ne se lit point qu'elle se soit prostituée à petis compagnons: comme Laïs, ou Lammie, & partant, elle mit vn escriteau à sa porte, qui disoit: Roy, Prince, Dictateur, Consul, Censeur, Pontife & Questeur pourront heurter & entrer ceans, & n'y mit point Empereur ny Cesar: car ces deux noms illustres, ne furent de long tēps creez apres, par les Romains: de sorte qu'elle ne se voulut oncques abandonner qu'à personnes de haute lignee, de grande dignité, & de grandes richesses, & disoit ordinairement que la femme de grande beauté, sera autant estimee qu'elle se prise & estime. Laïs & Flore estoient de contraire façon de faire: car Laïs premier se faisoit payer qu'on eust sa iouissance: mais Flore sans faire semblât d'Or ny d'Argēt, se laissoit gouverner. Et estât vn iour interroguée de cela, respondit, Je donne ma personne aux princes, & barons illustres, à fin qu'ils facent avec moy comme illustres, car ie vous iure par tous noz dieux, qu'oncques homme ne me donna si peu que ie n'eusse plus que ie ne pretendois, & au double de ce que i'eusse demandé. Et disoit que la sage femme ne deuoit demãder pris à son amoureux pour le gracieux plaisir qu'elle luy faiēt, mais plustost pour l'amour qu'elle luy porte, par ce que toutes choses du monde ont certain pris, excepté l'amour, lequel ne se peut payer qu'avec amour. Tous les ambassadeurs du monde qui venoient en Italie apportoint autant de contes de la beauté & ge-

nerosité de Flora, que de la Republique Romaine, pource qu'il sembloit chose monstrueuse de veoir la richesse en sa maison, sa beauté, les Princes & Seigneurs dont elle estoit requise, & les presents qu'on luy faisoit: le iour qu'elle se pourmenoit à Rome à cheval, elle donnoit assez d'occasion de parler d'elle, pour vn mois entier. Elle mourut aagée de soixante ans, & laissa le peuple Romain son heritier, & auoit tant de ioyaux, de richesses, que lon estimoit la valeur de ses meubles, suffisans pour refaire les murs de Rome, & encores pour desengager la Republique. Faisant fin à ces fêmes, il nous faut rechercher quelque chose de plus estrange en noz amours prodigieuses. Mais que dirons nous des amours môstrueuses de ce Taureau banier Nero, qui ne se contentoit pas d'auoir diffamé vne infinité de filles, femmes, & vierges Vestales, mais encores fist il chastrier vn beau ieune enfant, qui se nommoit Sporus, le pensant transformer en femme, lequel il espousa publiquement avec grande solénité, luy assigna douaire, & le retint pour femme, comme Corneille, & Suetone escriuent. Ie ne scay si ie dois appeller amour prodigieuse, ou folie prodigieuse, celle qu'escriit Herodote, de la fille de Cheopes Roy d'Egypte. Ledit Cheopes ayant espuyté tous ses thresors, mesme employé cent mille ouuriers pour faire construire vne Pyramide, se voyant desnüé de finances, cōmanda à sa fille qu'elle prostituast, & qu'elle exposast son honneur au plus offrant: ce qu'elle executa, requerāt à chacun qui venoit deuers elle, luy donner vne

pierre, & du gaing qui sortit de son impudicité, fut bastie la Piramide qui est au milieu des trois, vis à vis de la grâde, portant en chacun front cēt cinquāte pieds : laquelle a esté celebree entre les merueilles du mōde. Ludouicus Vartomanus es- crit vne autre façon de faire l'amour, qui est pour le iourd'huy en vsage, en certaine prouince de l'Indie nommee Tarnassary, laquelle n'est pas moins prodigieuse que la precedente, & si en a veu l'experience. Il escrit que quād quelque ieune hōme est amoureux de quelque dame, & qu'il desire luy faire entendre le feu de ses amours, il prend vne piece de drap trempee dans l'huile, y mettant le feu, puis la couche sur son bras tout nud, & endure ceste flamme iusques à ce que la piece soit toute consommee, sans monstrier aucun signe ou indice de douleur, testifiāt par cela qu'il est si fort embrasé des amours de sa dame, qu'il n'y a espee de tourmēt ou martyre soubs le ciel, qu'il ne vouldist patir pour elle. Mais à fin de no^s desgouster des amours sales & ordes, ie veux mō- strer qu'il se trouue des prodiges aux amours cha- stes & vertueux, combien que i'en aye assez pro- posé d'exemples en mes histoires tragiques. Que se peult-il produire de plus prodigieux en natu- re, que de se vouloir sacrifier soy mesme pour ac- compagner à la mort la personne qu'on ayme? Et neantmoins il se trouue vne infinité d'exēples de femmes, lesquelles sont plus tēdres, apprehen- siues, & timides que les hommes. La chaste Por- cia fille de Caton fut si feruente en l'amitié qu'el- le portoit à son mary Brutus, qu'apres qu'elle eut

Valere, li.

4.

entendu qu'il auoit esté tué en Thessalie aux champs Philippiques, ne pouuant promptement recouurer de cousteau pour se sacrifier, elle deuora des charbons vifs & ardens. Cleopatra derniere Royne d'Egypte, ne ceda en rien en amitié à la precedente: car ayant entendu la mort de son mary Antoine, encores qu'elle fust curieusement gardee par Octaue Cesar, qui auoit peur qu'elle ne se tuast, si est-ce qu'on ne la peut empescher qu'elle ne luy fist bien tost compagnie apres sa mort, & par vn genre de tourment bien cruel: car elle se fit deuorer aux serpens, comme Apianus Alexandrinus escrit. Mettrōs nous en oubly Arthemise Royne de Carie en Grece? laquelle apres qu'elle eut entendu la mort du Roy Mausolus son mary, elle espuisā presque toute l'humidité de son corps par larmes, & apres l'auoir bien lamenté, elle fit faire vn monument si excellemment eslabouré, qu'il a esté mis entre les merueilles du monde: mais encores non contente de cela, estimant que le corps de celuy qui auoit esté l'organe de sa vie, n'estoit assez honoré d'une tant superbe sepulture, elle voulut luy seruir de sepulture, & fit rediger tous les os de son mary en pouldre bien subtile, & ne cessa d'en vser ordinairement en son breuuage, tant qu'elle les eust tous consommez. Qui ne sera doncques esmerueillé de ces flammes prodigieuses d'amour? lesquelles enchantent & charment si bien les sens humains, que non seulement elles cheminent incurables par toutes les plus sensibles parties de noz ames: mais qui plus est, le plus souuent elles

Valere, li.

4.

nous font deuenir insenséz, frenetiques, & brutaux, comme il est monsté en ce ieune enfant de l'vne des meilleures maisons d'Athenes, lequel mourut de dueil, pource qu'on ne luy vouloit permettre cherir vne statuë de Venus, de laquelle il estoit furieusement enamouré. Encore est-il bien plus estrange que l'aiguillon contagieux de cest amoureux venin, qui ne touche pas seulement les creatures raisonnables, mais mesmes le sentiment en paruiet & penetre iusques aux bestes brutes, comme Plutarque tesmoigne, d'un Elefant qui fut corriual d'Aristophanes le Gramairien d'Alexandrie: car tous deux aymoyent vne chapeliere, mais l'Elefant ne faisoit pas moins son deuoir de luy exprimer & monstrier par signes & gestes amoureux l'amour qu'il luy portoit, que faisoit le Gramairien avec son eloquence. C'est vne chose estrange que les bestes brutes n'ayment pas seulement les creatures raisonnables, mais elles se sentent quelquefois si pressées de leurs passions, qu'elles vsent de violéce à l'endroit des filles & femmes. Edouart en ses liures de l'histoire des animaux, escrit qu'il y a certains genres de Singes roux, aux regions d'Indie, desquels ils sont contraincts de se prédre garde que ils n'approchent des villages, par-ce que quand il sont eschauffez de leurs fureurs naturelles, ils ne pardonnét ny à fille ny à femme: de sorte qu'il s'en trouue souuent de violees, principalement celles que ces meschantes bestes peuuent apprehender au despourueu. Il n'est rien plus certain ny vulgaire en Allemagne, que ce que descrit

*Voy de cecy
un exemple
pareil en
Athenee,
lib. 13. cap.
29.*


*Plutarque
au dialo-
gue où il
dispute si
les bestes
brutes vs-
sent de rai-
son.*

Saxo, liure 10. de son histoire des Dannois, qu'un
 Ours en Sueue cherchant sa proye par les monta-
 gnes, rencontra de fortune vne bergere, laquelle
 il emporta en sa cauerne, & au lieu dela deuorer,
 il conuertit sa faim en plaisir: laquelle eschappee
 de ses mains suruescut tant de temps apres, qu'elle
 a depuis esté veüe viue de plusieurs milliers de
 personnes. Encore est il plus esmerueillable, que
 la fureur & violence de l'amour est si grande, que
 les bestes brutes, farouches & cruelles, ne s'en res-
 sentent pas seulement, mais (qui plus est) les ar-
 bres & plantes vegetables, esquelles nous reco-
 gnoissons certains simulachres & rayons d'a-
 mour: de sorte qu'ainsi que Theophraste & Pli-
 ne ont escrit, il y a quelques arbres & plantes, es-
 quelles si vous tollissez les masses, & les esloi-
 gnez des femelles, elles flaittriront, & demeure-
 ront en perpetuelle sterilité, comme nous voyons
 à l'œil de la vigne qui embrasse l'ormeau, s'es-
 gaye, & s'esioiust de sa presence: mesmes le Liarre
 qui est si amoureux de certains arbres, qu'il leur
 faict compagnie apres leur mort. Ce qui a donné
 occasiō aux anciens, lors qu'ils vouloient depein-
 dre vne parfaicte amitié, de l'exprimer par vn
 tronc d'arbre mort, enuironné d'un Liarre. Enco-
 re adioustera-y-ie (pour faire fin) vne chose plus
 prodigieuse, que les bons secretaires de nature
 ont recogneu quelque rayon de secrette amitié
 entre les metaux & les pierres. Pour ce regard,
 l'Aymant ayme le fer, l'attire, l'ayant attiré le re-
 tient, de sorte qu'il semble estre touché de quel-
 que ialousie ou regret quand on le luy tollit.

*Alciat en
 ses Emble-
 mes.*

Puissance merueilleuse d'amitié, qui s'estend mesmes iusques aux metaux, esquels on descouure de prodigieux effects d'amitié: ce qui se peut experiméter en l'Or, lequel nous voyons si manifestement affecté au Mercure, qu'il se plonge incontinent dedans, comme quasi rauy, & forcé par quelque furieux amour.

Fin de la vingtyunesme histoire.



83
HISTOIRES
HISTOIRE PRODIGIEUSE

d'un Monstre, du ventre duquel il sortoit
un autre homme tout entier, re-
servé la teste.

Chapitre XXII.





Celus Lucanus Philosophe
Grec, en certain opusculé qu'il
a fait de la nature de l'univers,
traictant de la generation, nous
enseigne que nous n'allions pas
au sacré mariage pour la volu-
pté & plaisir (lequel toutes-
fois n'en peut estre absent) mais que nostre prin-
cipale intention doit estre de procreer lignee:
car les desirs que la diuine prouidence à don-
né aux hommes pour la congression, n'ont pas
esté ordonnez pour le plaisir seulement, mais
pour la perpetuelle conseruation & permanen-
ce de l'espece. Et pour ce qu'il estoit impossi-
ble que l'homme nay mortel, vescuist perpe-
tuellement, Dieu a supplee ce defaut, par con-
tinue & perpetuelle generation, à fin que la
terre fust multipliee, les Republiques peuplées,
de societez humaines conseruees. En confi-
deration dequoy, il faut retrancher toutes ge-
nerations qu se font contre l'ordonnance de na-
ture, par ce que le plus souuent le fruiet qui
en sort est immode, miserable, monstrueux, vi-
cieux, odieux & detestable aux esprits, aux
Demons, aux hommes & familles. Et de tels
attouchemens illicites nayssent quelquefois plu-
sieurs enfantemens monstrueux: comme celuy
lequel nous voyons figuré cy dessus, du ventre
duquel il sortoit vn autre homme, bien formé
de tous ses membres, reserué la teste. Et cest hom-
me estoit aagé de quarante ans, lors qu'il fust veu
en la France, l'an mil cinq cens trente. Et portoit

ainsi ce corps entre ses bras, avec si grand mer-
 ueille, que tout le monde s'assembloit à grandes
 troupes pour le veoir. Et dit on qu'il auoit esté
 engendré de quelque femme perdue, qui se pro-
 fituoit à tout le monde indifferemment. Le me
 recorde de l'auoir veu à Valence, ainsi que ie te
 l'ay faict portraire icy, du temps que monsieur
 de Coras y enseignoit les Loix Ciuiles. Depuis
 on l'a veu pres Paris, en vn bourg appelé Mont-
 lehery, comme plusieurs m'ont attesté, mesmes
 le bon homme Jean Longis, Libraire en ceste
 Vniuersité, lequel m'a assuré qu'on l'auoit prins
 audit Montlehery pour celuy qui portoit ce
 Monstre, de sorte qu'on l'interrogeoit, qu'estoit
 deuenu ce monstre qu'on auoit veu le temps pas-
 sé sortir de son corps.

Fin de la vintdeuxiesme histoire.

HISTOIRES MEMORABLES DE
plusieurs Plantes, avec les propriétés & Ver-
tus d'icelles, ensemble de la prodigieuse ra-
cine de Baara descrite par Iosephus.

authenr Hebreu.

Chap. XXIII.



L'hi-
stoire
de
L'her-
be à
laquel-
le ce
chien
est at-
taché,
n'est
descri-
te que
à la
fin de
ce cha-
pitre.



*L'antiquité
des herbes.*

*Les anciens
Poëtes
Grecs ont
traicté des
plantes.*

Il y a quelque chose digne
d'estre consideree en toutes
les principales parties de me-
decine, certainement c'est cel-
le qui verse en cognoissance &
recherche de la nature & pro-
prieté des plantes : car outre la
commune vtilité qu'elles apportent au genre
humain, encores y descourirons nous vne anti-
quité si grande, que nous ne la pourrons appre-
hender, sans vne extreme admiration: Car estans
presque tous les arts inuentez si tost que l'hom-
me fut créé de Dieu, & par apres augmentez par
l'industrie de plusieurs, les seules herbes, & plan-
tes soudain apres la creation des Elements, & lors
qu'il n'y auoit encores homme vivant sur terre,
fortirent (suiuant le commandement du Sei-
gneur) des cauernes & entrailles de la terre,
garnies de leurs propres & diuines vertus. Car
outre l'assurance que ce grand legislateur de no-
stre Dieu, Moyse, nous donne de cecy en l'Exo-
de, encores y pourrons bien adiouster le tesmoi-
gnage des anciens Poëtes Grecs, comme d'Or-
phee, Musée, & Hesiodé, qui ont traicté la lou-
ange du Pouliot, comme aussi a faict Homere
celle de l'Allisier & autres, comme en semblable
Pithagoras a loué l'Eschallote, Cryssippus le
Chou, Zeno le Caprier. Encore est-ce chose plus
estrange que Salomon roy des Iuifs, Euax roy des
Arabes, Iuba Roy de Mauritanie ont esté fort cu-
rieux, non seulement de cognoistre les plâtes, ains
la

la plus part d'eux en ont diligemment escrit. Autres ont entretenu de grās Philosophes & Arboristes en plusieurs deserts de l'Asie, Europe & Afrique, pour descouvrir les secrets des herbes & plantes. Encores est-ce chose plus esmerueillable, que grand nombre de plantes bien renommées, ont prins leurs noms de plusieurs Roys, Princes, Empereurs & Monarques, comme la Gétiane a prins son nom de Gentius Roy des Illiriens, la Ly-machie de Lyzimachus Roy des Macedoniens. Teucrium a esté inuentee par Teucer, l'Achilea d'Achiles, l'Arthemisia d'Arthemise Royne de Carie. Mais nous nous arrestōs ce me semble, par trop à recercher l'antiquité & louange des plantes. Reste doncques, suiuant nostre coustume, d'aduiser, si no^r pourrōs trouuer és herbes, quelque chose de mōstrueux, prodigieux, ou estrāge, comme nous auōs faict en la plus part des autres choses cōtenues sous la concauité des cieux.

Les anciens ont recogneu ie ne sçay quoy d'esmerueillable en vne plante qu'ils appellent l'Ag-nus cast⁹, qui a les fueilles semblables à celle de l'Oliuier: car presque tous ceux qui ont escrit de la nature & propriété de ceste plante, disent que elle resiste au peché de la chair. Et que ceux qui la portēt sur eux, ou qui en boiuet le suc, ne sont ianais tentez d'incontinence: & pour ceste occasion les filles anciennement portoient des branches & rameaux de ceste herbe en leur main, ou en couronnoient leur chef, pēsans par ce moyen amortir & esteindre les ardeurs de la chair. Dioscoride, chap. 15. de son premer liure de l'histoire

Herbes qui ont prins leurs noms des Roys.

En Grec Agnos & ligos. Ceste plante croist en arbre.

Il y a deux sortes d'Ag-n⁹ Castus, l'un blanc & l'autre noir, le noir croist à la grandeur des saulx.

M

des plantes, dit que les Grecs ont nommé cest arbre Agnos, c'est à dire chaste, par ce que les dames qui iadis en la cité d'Athenes gardoient chastetéés sacrifices de Ceres, faisoient leurs couches d'agnus castus. Tout ainsi que nous auons décrit la singularité de l'Agnus castus, qui rend les personnes chastes, aussi nous faut-il maintenant faire mention d'une autre herbe, du tout contraire à la precedente, & quasi son ennemie capitale, car elle rend ceux qui en vsent, lascifs, prôpts & desfreiglez aux actes veneriens.

Herbes propres pour les filles & femmes lascives.

Le Satyriū vient en abondance en Allemagne, & se trouve communement en jardins, prez & lieux sablonneux.

On l'appelle en France couillon de chien.

Herbe propre pour les hommes, qui ne peuvent satisfaire à leurs femmes.

Les anciens ont nommé ceste herbe Satyriū, par ce que ce furent les Satyres & dieux sauvages qui furent inuenteurs de ceste plante, pour mieux satisfaire à leurs lascivetez & concupiscences, lors qu'ils alloient iouer par les forêts & cavernes avec les Nymphes.

Les Grecs l'ont nommée Orchis, ou Cynosorchis, pource qu'elle a sa racine semblable à deux couillons de chien, de sorte qu'il semble que nature ait voulu laisser quelque marque & enseigner en ceste plante, pour mōstrer ses merueilleux effets aux œuvres naturelles. Ceux doncques dict Dioscoride au 22. cha. de son troisieme liure des plantes, qui desirerent avoir la compagnie des femmes, doiuent vser de certaine racine, pour autant qu'elle rend les hōmes plus prompts à l'exercice de Venus, mesme à ce qu'on dit, sa racine tenuë en la main, prouoque à desirer le plaisir de la femme. Encore y a-il vne chose digne de consideration en ceste plāte, & quasi prodigieuse, c'est que l'une de ses deux racines, qui ressemblent (com-

me nous auons dict) aux genitoires d'un chien, excite desmesuremēt aux actes veneriques. L'autre racine qui est vn peu plus petite, esteinct & empesche le desir de la chair, de sorte q'une mesme plāte, apporte le mal & le remede. Pline, Dioscoride & Galien sont auteurs de cecy, mesmes Dioscoride escrit que les femmes en Thessalie donnent à boire de la racine de celle q'est la plus charneuse aux hōmes, pour les induire aux actes de Venus. Aussi, lecteur, ne veux-je oublier a t'aduerter que tu n'esperes point de moy en tout ce traicté de prodiges des plātes, les descriptiōs, facultez, temperamens, & diuisiōs d'icelles, par ce que cest ceuvre seroit excessif, & excederait les limites de mon subiect: mesmes que Dioscoride, Theophraste, Galien, Pline, Matheolus, Fusché, Ruel & plusieurs autres t'ont tant bien satisfait en cela, qui ne se peut rien desirer qu'ils n'ayent descrit: ce que j'ay bien voulu mettre en auant, pour ceux qui penseroient que j'eusse icy confondu les diuerses especes de Satyrium, comme celuy que les Grecs ont appellé Orchis Serapias duquel Paulus Aegineta, & Aëtius font mētion, lequel aucuns disent auoir receu ce nom, de Serapius Dieu des Alexandrins, pour raison de la grande & impudēte lasciueté, pour laquelle on l'adoroit en vn lieu dit Canope, là où il auoit son temple de grande reuerēce, & religion, comme Strabo recite au 17. liure de sa Geographie. Il me suffira donc en ce chapitre, de descrire simplement ce qu'il y a de plus esmerueillable, & prodigieux en chacune plante, en particulier.

HISTOIRES

*Les Grecs
l'ont nom-
mé Ocymon,
& les La-
tins Ocimū.*

Les anciens, comme Chrysippus, ont trouué ie ne sçay quoy de prodigieux en la plâte que nous appellons vulgairement le Basilic: ils ont eu opi- nion qu'il faisoit venir l'homme insensé, & lithar- gique, que les cheures n'en vouloient point mā- ger, à ceste occasion que l'homme le deuoit fuir. Ils ont adiousté, que le broyât, & le mettât soubs vne pierre, il engendroit vn scorpion, & si on le masche, & qu'on le mette au soleil, il procree des vers: qui plus est, aucuns disent que si quelqu'un est picqué du scorpion le iour qu'il aura mangé du basilic, il n'en pourra guerir: mesmes assurent que broyant vne poignée de Basilic avec des Cá- cres marins ou de riuere, que tous les Scorpions de là au-pres viennēt à luy. Je n'ignore point que ceux qui sont venus apres Chrysippus, n'ont pas ainsi abhorré le Basilic, & en ont vsé plus hardi- ment.

*De l'herbe
à puces qui
empesche
que l'eau
ne bouille.
L'herbe qui
tue les be-
stes & sau-
ue l'homme.
Herbe qui
deliure des
enchante-
mens.*

L'herbe à puces appelée des Latins Herba pu- licaris, a vne si grande vertu refrigeratiue, que si vous la iettez dedans l'eau bouillante (ainsi que Dioscoride escrit) sa chaleur s'amortira.

La Carline, que les Latins appellent *Chamaleon*, *albus* sert à l'homme de theriaque & d'antidote contre les poisons & venins, comme Dioscoride & Plin eſcriuent, & toutesfois elle tue les rats & les chiens.

L'herbe nommée Scilla, en François Squille, pēdue à l'entree d'une maison, empesche les char- mes, forcelleries, & enchantemens, comme Dio- scoride, Plin & Pythagoras eſcriuent.

Les bons chercheurs des secrets des plantes

ont trouué par experience, que nostre Persil, que les Latins appellent *Apium hortense*, & les Grecs Selinon, par vne secrette propriété, engēdre l'Epilepsie, que nous appellons mal caduc: de sorte que Symeon Sethi escrit qu'il faut que ceux qui sont subiects à ceste maladie, se gardent entiere-ment d'en vser: car il est souuent aduenü qu'aucuns qui estoient presque venus à conualescence de ceste maladie, vſant de Persil, sont retombez du haut mal. Pline escrit que les nourrices se doiuent garder d'vser de Persil, par ce que les enfans qui tetent le laiſt d'une femme qui en aura mangé, seront persecutez de mal caduc.

*Persil dā ge-
reux aux
nourrices.*

La Conſyre, que les apothicaires (friars de mors barbares,) ont appellee *Consolida maior*, a si grande vertu de reünir, rassembler & reioindre les playes fresches faictes ensemble, que mesme mise avec les pieces de chair, quand elles cuisent au pot, elles les reioinct, comme tesmoigne Pline & Dioscoride: c'est pourquoy les Grecs l'ont nommee Symphyton, pour la grāde vertu qu'elle a de reioindre & reünir.

Les anciens Grecs & Romains ont tousiours celebré entre leurs plantes excellentes, celles qui est dicte en Grec Peristereon, en latin *Verbenaca*, & en François Veruaine. Elle a esté nommee anciennement Hierabotane, & *sacra herba*, c'est à dire herbe sacree, par ce qu'à Rome, le tēps passé, elle seruoit à purifier les maisons, & tous les domestiques estoient ceincts de ceste herbe, & en ballioit-on l'Autel de la table du Iupiter, auant que luy faire sacrifices. Les ambassadeurs aux le-

*Histoire no-
table de
l'herbe ap-
pellee Ver-
uaine.*

HISTOIRES

*Herbe qui
chasse la
melancholie.*

gations saintes en estoient couronnez, ou (comme dit Dioscoride) par- ce qu'elle estoit fort propre pour chasser les malings esprits, & purger les maisons, pendue ou attachee à icelles. Les anciēns ont tousiours esté en ceste opinion qu'elle chassoit la melancholie. Dioscoride & Plinē escriuēt que la salle arrousee d'eau ou la veruaine aura trépé, tēd les personnes ioyeuses, & que ceux qui assisteront au banquet, seront gays & resiouys.

*N nuphar
propre pour
ceux qui se
sentēt pres-
sez des a-
guillons de
la chair.*

La plante que les apoticairez appellent Nenuphar, & les Grecs & Latins *Nymphaea*, qui croit és Estangs, & Riuieres, qui a de grādes fucilles verdes, a si grande vertu cōtre ces ardeurs furieuses qui bouillōnēt en la ieunesse, q̄ prise en breuuege vne fois le iour, par l'espace de quarāte iours elle esteint du tout entierement l'appetit de paillardise, & la prenant à ieu avec les viandes, elle chasse tous songes impudiques, & veneriēs: mais il faut entēdre cecy de la premiere espeece de Nenuphar, qui a la fleur iaune, semblable au Lys. Plinē & Dioscoride sont autheurs de cecy, mesme l'experience en fait foy: car on en ordōne coustumieremēt pour refrigerer les religieuses, moyennes, & autres gēs de deuotiō, qui veulēt mortifier leur chair. Les anciēns la nōmerēt *Nymphaea*, par- ce que la pucelle Nympha (d'ou ceste herbe a prins son nom) estāt ialouse d'Hercules, deuint si maigre, passe, deffaicte & lāgoureuse, que la mort s'en ensuyuit. Et apres, ainsi qu'ils croyēt, elle fut muee en ceste herbe marescageuse & aquatique pour luy refroidir ses chaleurs: ceste plāte est vulgaire par tout: nous l'appellons en François blanc

d'eau, ou iaune d'eau, ou Lys d'estang, & y en a de deux sortes: l'une qui a la fleur blanche, l'autre iaune. Combien que le Liarre, dit en Latin *Hedera*, en Grec *Cissos*, soit vulgaire par tout, si est ce qu'il contient en soy beaucoup de choses, dignes de consideration En premier lieu, il trouble l'esprit, si on en prend par trop: il produict vne larme & comme, laquelle (ce dit Galiën) brusle occultement comme vn cautere, sans s'en apercevoir: mesme sert de depilatoire, pour faire tomber les cheueux, & tout autre poil qui est sur le corps de l'homme ou de la femme.

Les petis raisins ou grains de Liarre, que les arboristes appellët Corymbes, prins en breuuage, font deuenir les hommes steriles.

Les grains des Corymbes qui ont le ius safran- né, prins en bruuage deuant toute autre viande, engardent qu'on ne s'en yure.

Le trouue d'auantage, dit Pline, que les gens melancholiques, & subiects aux maladies de la rate, se guerissent s'ils boient es tasses & gobelets faicts de bois de Liarre.

Toutes les especes de Pauots ont vertu de refrigerer, de prouoquer le sommeil, & principalement le Pauot noir faict dormir, & si on prend par trop de son ius, ou liqueur, il faict venir les gës lithargiques, & les tuë. Pline, Dioscoride & Simeon Sethy, s'ont autheurs de cecy. Le Pauot est pour le iourd'huy en si grand vsage en Perse, Iudee, & toute la Turquie, que si vn homme n'auoit vaillant qu'un aspre, il en employera la moytié en Pauot: ce qui faict qu'il est en si frequët vsage, & qu'en

Du Liarre,

Pline &

Dioscoride.

Le Liarre

trouble l'es-

prit.

Gomme de

Liarre brus-

le comme le

feu.

Les grains

du Liarre

rendent l'ho-

me sterile.

traissent à

boire, pro-

pre pour

les melan-

chologiques.

Papauer

en Latin.

Lithargie

est vne ma-

ladie mor-

telle, en la-

quelle on

dort tous-

iours.

Merueilleu- se supersti- tion des Turcs en l'usage du Pauot. plusieurs lieux on en seme les champs comme de bled, c'est pource que les Turcs ont vne certaine opinion, qu'ayans mangé du Pauot, ils sont plus furieux, adroicts, vaillâs & desesperez en la guerre, de sorte qu'ayans prins de ceste herbe, ils s'exposent temerairement à tous les perils, & hazards de la guerre. Et s'il aduiét q. le Turc dresse quelque armee, ils deuorent tant de ce Pauot, & en font si grande dissipation, qu'ils en desgarnissent tout le païs, & en portent tousiours avec eux, du temps de guerre, ou de paix: ils en tirent le ius, qu'ils appellent Opium: voy ce qu'en escrit Pierre Belon, au liure de ses Peregrinations de Leuât, où il en a veu l'experience deuant ses yeux.

Des mer- ueilles de la Mandragore.

La Mandragore a apporté grands esbahissements à ceux qui ont descrit ses proprietéz, facultez, & puissance. Pithagoras l'a nommee Antropomorphon, pour raisen qu'il semble que sa racine représente la forme humaine, Autres l'ont nommee Circea, & luy ont baillé le nom de Circe, pource qu'ils auoient opinion que sa racine estoit bonne pour faire aymer, & qu'il y auoit quelque charme amatoire en ceste plâte. Je vey dernièrement à la foire saint Germain en ceste ville de Paris, vne racine de Mandragore, qu'un Sophistiqueur auoit contrefaict par art, qui auoit certaines racines si bien entassées l'une dedans l'autre, qu'elle representoit proprement la forme de l'homme, & asseuroit ce donneur de bons iours, que c'estoit la vraye Mandragore, & demandoit vingt escus de ceste racine: mais sa fraude fut incontinent descouuerte, & croy qu'il fut contrainct en

fin d'emporter sa racine en Italie, dont il disoit qu'elle estoit venue. Laissons doncques les fraudes, & retournons aux singularitez qui se retrouuent en ceste plante. Dioscoride parlant des merueilles de ceste herbe, escrit qu'elle a le bruiet d'amolir l'Yuoire, & la rendre aysee à tourner, & mettre en œuvre en quelque forme qu'on voudra, faisant cuire ladite racine avec l'Yuoire par l'espace de six heures. Il est tout certain qu'elle à vne merueilleuse efficace d'endormir, & d'ensevelir si bien les sens à ceux qu'on veut cauteriser, ou couper quelque membre, qu'ils ne sentent aucune douleur, s'ils ont premierement prins du jus de Mandragore. Les autres l'ordonnēt en parfum, pour ce mesme effect. Il y a deux especes de Mandragore, qui naissent en plusieurs lieux es montagnes d'Italie, & principalement en Pouille, au mont saint Ange, dont les arboristes en apportent les pommes & racines.

C'est vne chose estrange de ce que les Philosophes attribuent à la plante, que les Latins appellent Nerion, & les Grecs Rhododendros, en François Rosage. Ceste plante a les fleurs de Rose, & feuilles de Laurier, mais c'est chose merueilleuse que les feuilles de ceste plante tuent chiēs, asnes, mulets, & plusieurs autres bestes à quatre pieds: mais aux hommes, prinſes en breuvage avec du vin, elle seruent de contrepoison, & remede souverain contre morsures de toutes bestes venimeuses. Et neantmoins si les cheures, brebis, & autres bestes debiles, boient seulement de l'eau, en laquelle les feuilles de ceste

Yuoire amolie par vertu de la Mandragore.

Plante qui rend l'homme insensible.

Plante salutaire aux hommes, & mortelle aux bestes.

Plin. ex D.

plante ayent trempé, elles sont incōtinent estouffées, & meurent soudainement.

Plante qui
faict son-
ger songes
espouuantables.

Plante qui
faict deuenir les hō-
mes Le-
preux.

La lentille, que les Latins nomment *Lens*, ou *Lenticula*, faict songer songes espouuantables, & terribles, spécialement sa premiere decoction, selon Pline & Dioscoride. Et ceux qui ne tiennēt moyen à manger de ceste viande, deuiennent lardres, selon Galien & Pline. C'est assez doncques (ce me semble) curieusement recherché les proprietez estranges de plusieurs plantes. Reste maintenant de monstrier les vertus admirables de celles qui ont puissance de defaire l'homme, pour l'usage duquel nō seulement les plantes, mais tout ce qui est contenu au pourpris de ce monde visible, est, & a esté créé. Et neantmoins à fin de le tenir en bride, & qu'il ne dressast ses cornes trop haut, ou qu'il ne fust par trop enflé d'orgueil & d'ambition, le Seigneur a voulu creer de petites plantes & racines, qui ont pouuoir à tous les momens du iour, de rabbatre & brider son audace, mesme de luy auancer sa mort.

Ciceron en
ses questios
Tusculanes,
& P'utar-
que en la vie
de Socrates,

La Ciguë, appelée *Cicuta* des Latins, assez cōgneue par tout, est du genre de ceux qui tuēt: laquelle suffoque & esteinct la personne, qui en prend en breuuage. Et pource, les Atheniēs voulās faire mourir le tressage Philosophe Socrates, lequel auoit esté faussemēt accusé par Anytus & Melitus d'auoir mal parlé des dieux, vferent de ceste herbe, comme de supplice public, luy faisant faire l'office de bourreau. Dioscoride au traité qu'il faict des venins & poisons, & de leurs remedes, exaggere avec vn merueilleux artifice

les accidens & symptomes de celuy qui a beu ou
mâgé la Ciguë. Celuy (dit-il) qui en a beu ou mâ-
gé, il a la vertu visive des yeux offusquee, & a si
bien l'esprit trouble, qu'il ne peut discerner aucu-
ne chose, il sanglotte à toute heure, & a toute les
extremitez du corps froides. Et finalement le ve-
nin de ceste plante restrainct si bien l'alaine &
le soufflet en la canne du poulmon, que les pa-
tiens meurent estranglez, & spasmez: Et pour au-
tant (dit il) ce venin se doit au commencement ti-
rer hors du corps avec vomissemens, & par apres,
avec clystere, à fin que ce qui est descendu aux
boyaux, sorte pareillemēt. Plinē escrit que à ceux
à qui on auoit baillé à manger de la Cigue, estans
ainsi tuez, certaines taches & pustules apparoi-
sent sur leurs corps.

L'If, qu'aucuns appellent Thymio, & les Latins *L'if mortif-*
Taxo, prins par la bouche, est venimeux, & en- *fere.*
froidist si bien tout le corps, qu'il estranglé & tué
en peu de temps.

L'herbe de Sardeigne mangée, faict deuenir
l'homme insensé, & engendre vn certain spasme
és leures, en sorte qu'il semble que ceux qui l'ont
mâgée, rient tousiours, & de là, est né le malheu-
reux prouerbe, Le ris de Sardeigne. Voy de cecy
Solin, Dioscoride, & sur tous Erasme en ses Chi-
liades, en l'explication du Prouerbe, *Risus Sardo-*
nus.

*Herbe qui
fait rire en
mourant.*

La plante semblablement que les Latins ap-
pellent *Hiosciamus*, & les Grecs *Hiosciamos*, les
François Iusquiane, principalement celle qui

HISTOIRES

*Inſquiane
mortelle.*

a la graine noire, rēd l'homme inſenſé, endormy, & luy faiſt perdre le ſens ſelon Pline, & Galiē: & ſelon Dioſcoride, beu ou mangé, il faiſt faire les meſmes folies que l'yurongnerie de vin. Ælian recite en ſon hiſtoire, que les porcs ſangliers ſe paſſans de ceſte herbe, viennent à ſe paſmer, & ſont en danger de mort, ſils ne ſe lauent incontinent en de l'eau.

*De l'Aco-
nit le plus
cruel de
to^s venins.*

Il y a vne eſpece de plante appellee en Latin *Aconitum*, en François Aconit, qui mettra fin a noz herbes venimeuſes: par ce que c'eſt la plus prompte & plus ſubite à faire mourir, de toutes les plantes, ſpecialemēt celle qu'on appelle Pardalianches, qui tuē les Pards, & a les fueilles ſemblables aux concombres ſauuages: mais elles ſont plus petites & aucunement aſpres & rudes. La ſeconde eſpece d'Aconit ſe nomme *Lycothonon*, par ce que les loups en ayans mangé, meūrēt incontinent. La premiere eſpece, croit par tout, la ſeconde eſpece és profondes valles d'entre les montaignes. Leonarthus Fuſchius dit qu'il y en a grande quantité en la montagne pres Tubinge. Toutes eſpeces d'Aconit tuent promptemēt par eroſion d'entrailles, & putrefaction de bonnes humeurs. La premiere eſpece tue les pards, porcs ſangliers, & toutes beſtes ſauuages, miſe dedans de la chair: Et ceux qui chaffent aux loups ſouuent en yſent pour les faire mourir. Pline ſuiuant ſa couſtume, depeindt l'Aconit de toutes ſes couleurs, & n'a rien laiſſé entierement de ce qui appartient à la deſcription & vertu de ceſte cruelle plante. Il eſt tout certain(dict il) que l'Aconit

*Galien &
Dioſcoride.*

est le plus soudain de tous les poisons & venins, & que mesmes les femelles de quelques bestes que ce soient, meurēt le iour que leurs membres genitaux ou honteux ont esté touchez de ceste herbe. Puis il adioust vn autre prodige merueilleux de ceste plante. L'Aconit (dit-il) donné à l'homme en du vin chaud, est de ceste nature qu'il le tuë promptement, s'il ne trouue quelque chose au corps de l'homme qui le puisse tuer: car lors il lui cte & combat là dedans, ayant trouué son pareil, comme s'il rencontroit quelque autre poison dedans les parties interieures, & la chose est emerueillable, que deux mortelles poisons estans en l'homme, se tuent & defont l'vne l'autre, & l'homme demeure sain & sauue.

Le Nappellus produit ses fueilles, non trop dissemblables à la grand Armoise, les fleurs purpures, quand elles ne sont ouuertes, semblables à testes de morts, & ouuertes, semblables à celle de l'ortie morte: la graine petite & noire, recluse en de petis cornets.

Ce Nappellus icy est le plus cōtagieux de tous les venins: mesmes a vne propriété, par laquelle il excède les autres, car les cousteaux, dagues, & autres armes trenchantes qui sont trempées en son suc, rendent les playes mortelles où elles atouchent, & font promptement mourir ceux qui en sont blesez.

Laiſſons les herbes veneneuses, & venons aux autres qui sont plus familiares & amies de l'homme, entre lesquelles les anciens ont tousiours celebré le Baulme entre les plus rares prodiges des *Baulme.*

HISTOIRES

plantes. Aucuns escriuent que ceste herbe excellente du Baulme, a creu autresfois seulement en la seule ville de Ierico, d'où elle a prins son nom: car Ierico en Hebreu, signifie bõne odeur. Pline escrit que le Baulme est preferé à toutes odeurs, & qu'il n'y a q̃ la Iudee qui en ait. Il ne croissoit le temps passé qu'en deux Iardins qui estoient tous deux Royaux. Il croit hastiuement, & ne se peut soustenir s'il n'est appuyé, & le faut lyer comme la vigne. La fueille du Baulme ressemble à la Rue, & tousiours est verde. Il ne souffre poit qu'on le coupe, ou blesse avec le fer. Cornelius Tacitus escrit, que quãd on met du fer aupres, il s'effraye de peur, qu'il en a, & partant il le faut entamer avec instrumens d'os ou de verre: car si on l'attouche avec le fer, pour en auoir sa liqueur, ou huyle, il semeurt incontinent apres, quand il est couppé il rend vn suc qu'on appelle Opobalsamum, qui est d'une merueilleuse douceur, mais la goutte qu'il rend est bien petite. Cependant qu'Alexandre le grand estoit en ce lieu, on n'en pouuoit remplir qu'une coque d'escaille d'huistre tout au long d'un iour d'Esté. La principale vertu de ceste plante, est en la larme, la seconde en la semence, la tierce en l'escorce, la moindre est au bois. Apres que Titus prince Romain eust destruit Ierusalem, vengeance la mort de Iesus Christ, l'herbe & plante du Baulme fut transporté en Egypte. Pierre Belon fort diligent rechercheur de plusieurs choses rares, escrit que du temps de sa peregrination de Leuant, il alla veoir le iardin où croissent les baulmes, qui n'est

qu'à vne bonne lieuë du Caire, il dit n'en auoir
veu que neuf ou dix plantes, lesquelles estoient
enfermees de murailles, & fort curieusement
gardees. Il escrit amplement de ceste matiere,
voy ce qu'il en dict en ses obseruations. Plusieurs
en ont escrit, comme Dioscoride, Pline, Dio-
dore Sicilien, Cornelius Tacitus, Strabo, Pausa-
nias, mais ils discordent presque tous en la descri-
ption de ceste plante. Ce precieux baulme à vne
merueilleuse efficace de preseruer de corruption
(par longue espace de temps) la chair qui en sera
frottee.

Il y a vne herbe qui a esté autrefois rare, qui
cōmence à deuenir vulgaire, qu'on appelle Pied
de Lion, qui naist és montaignes, & à ses fueilles
ressemblantes à celles de Maulue, mais elles sont
plus dures, plus nerueuses & plus crespes. Elle
naist en May, & florist en Iuin: elle est admira-
ble pour cōsolider les playes interieures & exte-
rieures, & fort familiere aux Chirurgiës d'Alle-
magne pour cest effect. Les Medecins modernes
mettent ceste plante au rang des prodigieuses,
pour la merueilleuse puissance qu'elle a de con-
solider. Ils escriuēt qui si les filles & femmes cor-
rompuës en vsent, elle les faict apparoir vierges,
principalement quand elles continuent aucuns
iours en sa decoctiō. Les pieces de toille baignées
dans son caue, appliquees sur les mammelles, les
faict retirer, de maniere qu'elles deuiennent ron-
des & dures. Elles commence pour le iourd'huy
d'estre cogneuë en Italie, specialement des fem-
mes qui l'ont en particulieres delices.

*Plante qui
se cōuertist
en pierre,
tirée hors
de la mer.*

Le Corail qui est appellé Lithodendron, c'est à dire arbre de pierre, merite bien d'estre mis au rang des plâtes qui ont ie ne sçay quoy d'esmerueillable, veu que c'est vne plâte qui croist en la mer (ainsi que tesmoigne Dioscoride) qui s'endurcist quand on la tire du profond de la mer, de l'air qui l'environne, & deuient pierre: cest arbrisseau de Corail est verd & mol estant en la mer, & porte du fruit semblable à des cornes, tant en grandeur qu'en figure. Quand on tire ceste plâte de l'eau, elle est toute moussueuse, & n'est point rouge, mais venant par apres es mains des ouuriers, ils la polissent artificiellement sur le tour, ou par force de lime, & la brunissent avec la poudre de tripoly, pour luy donner le lustre. Toutes les especes de Corail sont tres-cogneuës & vulgaires en Italie, par ce que lon en pesche en diuers lieux de la mer Thirrene. Les corails ont vne vertu occulte contre l'Epilepsie, ils conseruent les maisons de foudre, & restraignent le flux menstruel, ils valent aux corrosions des genciues, aux vlcères de la bouche, à la dissenterie, au flux de semence. Auicenne le nombre entre les medecines cordiales, pour engendrer ioye & gayeté de cœur. Dioscoride ne fait que deux especes de Corail, des rouges & des noirs, si est-ce qu'il s'en trouue aussi es mers de l'Europe de fort blancs, mais ils sont plus spongieux, & plus legers.

*Propriete
de Corail
aux vsages
de medecine.*

*Prodige
merueilleux
d'une
plante en-
seignée en*

Dioscoride Sicilien en son 17. liure, raconte vne histoire admirable, d'une plâte qui fut enseignée à Alexandre en vision, dont il guarit ses gens qui estoient blesez de ferremens enuenimez, laquelle

le

le m'a semblé digne d'estre recensée en ce lieu *Alexandre*
par ce q'l'effect de ceste plante fut prodigieux. *le Grand.*

Après (dit-il) qu'Alexandre eut eu la victoire cō-
tre les Brachmanes, & qu'il les eut to^r tuez ou
pris prisonniers, il fut estonné quād il trouua
plusieurs Macedoniēs blesez, & qui estoiet en
tres-grand dāger de leur vie, pour-ce que le fer
des Barbares estoit enuenimé, & sur ceste cōfiā
ce, auoiet pris la hardiesse de venir à la bataille.
Le venī estoit faict de quelques serps que ces
Barbares prenoient, & les mettoient to^r morts
secher au soleil, la chaleur duq'l en faisoit sortir
vne sueur, & parmy celle sueur sortoit aussi le ve
nin du serpent, lequel estoit si violent, que l'hō-
me blessé du ferrement qui en estoit enuenimé
perdoit incontinent tout sentiment, & tātost a-
pres venoit à sētir les douleurs tresāgoisseuses,
auec retractiō de nerfs, & tremblemēt de toute
la personne: la chair en deuenoit noire & plom-
bée, & luy prenoit vn tremblement de tous les
membres, & par vomissement rendoit grande
quātité de cholere. Outre tout cela, il sortoit de
la playe vne escume noire, & s'y engēdroit vne
putrefaction, laquelle si tost qu'elle estoit for-
mée, gaignoit incontinent les parties nobles, &
faisoit ainsi mourir le patient en grand martyre,
& aussi bien mouroient ceux qui n'auoiet que
vne legere esgratigneure, cōme ceux qui auoiet
esté bien fort blesez. Et quant aux autres qui
mouroient de ce venin, il n'en faisoit pas si grād
mal au Roy: mais il estoit dolēt à l'extremité de
Ptolomée, qui estoit pour lors l'yn de ses plus

N

HISTOIRES

fauoris, qui depuis la mort d'Alexandre fut Roy bien voulu, & aymé de tous, tant pour sa vaillance, que pour sa liberalité & beneficence, de laquelle il vsoit enuers tous. Côme chacun estoit dolét pour le martyre de Ptolomee, il aduînt vn cas rare, & digne de grâde merueille, de maniere (dit Diodore) q̄ plusieurs le referent à vne expresse prouoyance des dieux: Car le roy Alexandre en dormant eut vne visio, en laquelle il luy sembla voir vn dragon, qui tenoit vne herbe en sa gueule, de laquelle il luy esueilloit la vertu, & le lieu où elle croissoit. Alexandre s'esueillant là dessus, alla incontinent chercher ceste herbe: & l'ayant trouuee, la pilla, & en emplastra tout le corps de Ptolomee, & luy en dōna du ius à boire. Ceste herbe eut telle efficace, que dedās peu de iours il retourna en cōualescēce, & fut rēdu sain & net. Le remede estant ainsi esprouuē, les autres malades qui en furēt medecinez puis apres, guarirēt tous, Diodore racontant ceste histoire n'exprime point le nom de ceste herbe: mais Plinē racōtant vne histoire semblable à la precedente, exprime le nom de certaine herbe, qui guarist aussi vn soldat, disāt ainsi: Quelquefois l'vsage, & l'expertiēce de certaines plātes se trouue fortuitemēt, ou, pour en parler à la verité, par certain oracle des dieux, cōme est celle de la plāte dite Cynorrhodon, qui est, vne espeece de rose sauuage, qui guarit de la morsure des chiens éragēs. La vertu de ceste plante fut trouuee par fortune: Car quelque femme ayāt vn sien fils qui estoit à la guerre en Espagne,

de quel auoit esté mordu d'un chien enragé, & estoit desia en tel peril, qu'il comēçoit à craindre les eaux, & autres choses liquides, q est vn indice de mort. Ceste femme songeāt de nuict en ceste maladie, luy fut aduis qu'elle enuoyoit à sō fils ceste herbe, appelée Cynorhodō, pour boire en du laiēt, laquelle le iour precedēt elle auoit veüe en quelque lieu aux champs: & dōnā foy à ce songe, elle enuoya à son fils vne lettre, par laquelle elle l'acertenoit de ce qu'elle auoit songé. Le fils obeyssant au contenu de la lettre fut guarý par le moyen de ceste herbe, & depuis, les autres qui ont esté persecutez de sēbiables maladies, ont vſé du mesme remede de ceste herbe. Voyla cōme sa propriété & vertu nous a esté manifestée: chose certainement esmerueillable, que la bonté de Dieu est si grāde, qu'en dormāt mesmes il nous aduertist des remedes qui nous sont salutaires. Nous trouuons encores de plus grāds & esmerueillables prodiges en certaines plantes, desquelles les anciens philosophes ont faict mention par leurs escrits mais parce qu'il s'n'ont point exprimé les noms de leurs plātes pdigieuses, plusieurs modernes avec grande curiosité se tourmentent à les chercher. Theophraste a faict mention de certaine herbe Indique, laquelle esmouue tellement le corps humaī, qu'elle espuiſe tout ce qu'il y a de semēce en nature. Ce qui a dōné occasiō à aucū d'escire, qu'Hercules auoit depuccelé en vne nuict grād nombre de vierges, par le secours de ceste plāte. Les Scythes semblablement ont

Nij

HISTOIRES

vne herbe frequente en leurs pays, qu'on ne nō
me point autrement que l'herbe Scyrique, la-
quelle retenuë en la bouche, reprime la faim &
la loif, dix ou douze iours. Elian historien Grec
faict mentiō d'une herbe, qu'il appelle l'herbe à
la huppe, qui enseigne les tresors cachez. Pline
faict mention de l'herbe au Piuert, qui ouure
les conduïts fermées.

Nous auons raconté cy dessus les vertus &
essences de plusieurs plâtes admirables, si est-ce
qu'il n'y a rien qui se puisse esgaller en dignité,
en merueille, miracle ou prodige, à la racine de
Baara, tant celebrée par Iosephe auteur He-
breu: & parce que sō histoire sort d'une bouti-
que qui n'est point suspecte, & d'un auteur qui
tient le premier lieu entre tous les historiēs ec-
clesiastiques, elle no^r a semblé digne de ce lieu.
Au temps passé (dit Iosephe) il croissoit vne ra-
cine en Iudée, nommée Baara, ayant couleur &
splendeur de flamme, & esclairoit de nuict cō-
me vne lampe, laquelle estoit de nature si esmer-
ueillable, qu'elle faisoit mourir promptement
ceux qui la pensoient atoucher pour la recueil-
lir, si premierement elle n'estoit arrousée de sâg
ou d'vrine de femme: encores pour cela n'estoit
on pas en seureté, car elle tuoit celuy qui la tou-
choit: de sorte qu'on fut contrainct, apres auoir
experimenté le venin de ceste herbe, d'attacher
à la fin vn chiē à la plante, lequel voulant suivre
son maistre, l'arrachoit en se secouant. Ceste ra-
cine auoit vne propriété esmerueillable & mō-
strueuse, car depuis qu'elle estoit arrachée on la

pouruoit manier sans peril, & si auoit encores
avec cela, vne autre proprieté & vertu: car pé-
due au col des forcenez, demoniacles & autres
qui estoient possédez des diables, elles les guaris-
soir. Hierosme Cardan Medecin Milanois, tra-
uaille (comme il a de coustume) à rechercher en
nature la cause de ceste plante, & dit, qu'il ne
trouue pas estrange qu'elle fist mourir celuy qui
l'arrachoit, & que le petit nauet dit Nappellus
(duquel i'ay parlé cy dessus) ne se peut arracher
sans peril: puis se plongeant en vn grād abisme
de Philosophie, il adiouste ce qui s'esuit: Baarā,
dont ceste racine est dicte: Baara, est vne vallée
en Iudée, region treschaude, & abondante en
Bitumen, duquel Bitumē la portion trop cultte
& tressubtile, distilloit des montagnes, de laq-
le (comme il est vray semblable) ceste racine e-
stoit engendrée: & par ce que ceste racine (peut
estre) croissoit en l'ombre perpetuelle, le venin
ne s'expiroit en rien, & estoit de substāce chau-
de comme feu, laquelle quand elle estoit arra-
chée, la vapeur ardēte, & putride receuē au cer-
ueau de celuy qui l'arrachoit, incōtinēt le faisoit
mourir. Il adiouste encores quelques autres rai-
sons de l'vrine & du sang de la fēme, par lequel
la fureur de ceste racine estoit adoucie: mais
pour dire la verité, combien que le bon hom-
me face l'office d'un bon bracquē, & qu'il tra-
ce, qu'il fleure, & qu'il sente s'il pourra trou-
uer le sentiet & secret de ceste plante, si est-ce
que ie croy infalliblement que tous les Philo-
sophes du monde congregez ensemble, n'en

HISTOIRES

sçauroient assigner autre raison, que celle du prophete, où il dit: Le seigneur est esmerueillable en toutes ses œuures. Qui est-ce qui a cogné ses secrets, ou qui a esté son conseiller? Je t'ay monstre le pourtraict de ceste plante au commencement de ce chapitre, où tu vois le chien attaché.

Fin de la vingtroisiesme histoire.

HISTOIRE PRODIGEUSE D'VN

Monstre ayant figure humaine, qui fut prins l'an
1531. en la forest de Hauberg: Duquel Geor-
gius Fabricius enuoya le pourtraict à Ges-
nerus, tiré au naturel, comme il est icy
figuré. Chapi. XXIIII.



N iij

HISTOIRES



Eux qui mesurent la grandeur
des œuvres de Dieu selon la ca-
pacité de leurs entendemens, à
peine se pourront persuader
que ce Monstre qui est icy figu-
ré, aiesté en nature: mais quant à mon regard,
j'ay protesté plusieurs fois que ie ne r'empliray
mes escrits d'aucune chose fabuleuse, ny d'his-
toire aucune, laquelle ie ne verifie par auctori-
té de quelque fameux aucteur Grec, ou Latin,
Sacré ou Prophane. Gesnerus en son histoire,
De quacrupedibus viviparis, escrit qu'en la forest
de Saxonie du costé de Dace, il fut pris quel-
ques animaux monstrueux, ayans figure humai-
ne, dont la femelle fut tuée des chiens des ve-
neurs, le male fut prins & amené vif, lequel fut
domestiqué & apprivoisé, de telle sorte qu'il ap-
print à parler quelque peu, mais sa parole estoit
imparfaicte, & rauque, cōme celle d'une cheu-
re: au reste, quant à ses actions, elles estoient plus
brutales qu'humaines, & lors que ses ardeurs
naturelles le pressoient, les femmes n'estoient
point en secreté avec luy, car il se mettoit en ef-
fort de les violer publiquement. Vn semblable
à cestuy fut prins l'an mil cinq cent trēte & vn,
en vne forest de la seigneurie de Salcebourg
en Allemagne, lequel ne peut oncques estre ap-
privoisé, ny mesme endurer le regard des hom-
mes, de sorte qu'apres avoir vescu quelques
iours, il se laissa mourir de faim, sans vouloir
recevoir pasture de creature vivante. Du temps
que Iacques le quart Roy d'Escoffe regnoit

Tu en as la
figure pour
traicte selō
le naturel,
au cōmen-
cement de
ce chapitre
enuoyée à
Gesnerus,
Par Geor-
gius Fabri-
cius.

qui fut l'an mil quatre cens & neuf, & qu'il en-
uoya Iacob^e Egilinus en ambassade vers le Roy
de France, ledit ambassadeur par tempeste de
mer fut reiecté en quelque isle en Noruagie, où
il veit de semblables Monstres à ceux-cy, com-
me il a attesté à son retour, & s'estant enquis des
gens du pays quelles especes d'animaux c'es-
toient, ils luy respondirent, que c'estoient quel-
ques bestes de figure humaine, lesquelles de
nuit venoient quelquefois iusques à leurs mai-
sons, & s'as qu'elles estoient repoussées des chiés,
elles eussent mangé & deuoré les hommes, & les
enfans. I e me recorde que saint Augustin en sa
Cité de Dieu, faisant mention de certains Mō-
stres de formes estranges, qui se retrouuent és
deserts & ailleurs, suscite la question s'ils sont
descendus du premier homme Adam, & s'il ont
ame raisonnable ou non, & s'il ressusciteront au
iour de la generale resurrection, comme les au-
tres: mais par-ce que la decision de ceste matie-
re est vn peu trop proluxe, pour la briefueté de
ce chapitre, ie me reserueray en autre lieu plus
commode, à la dissouldre.

Fin de la vintquatriesme histoire.

HISTOIRES
BANQUETS PRODIGIEUX.

Chap. XXV.





Si ie n'auois assez amplement traité au premier liure de mô Theatre du monde, les infirmités & maledictions que le malheureux vice de Gloutonnie apporte au genre humain, i'auois maintenant vn subiect assez ample pour m'esgay er & dilater le vol de ma plume : mais sans raisonner si souuent vne mesme chanson, il me suffira pour le present de descrire en ce lieu non pas seulement les prodigalitez, mais mesmes les prodiges & monstrueux appasts de gueule, desquels les anciens & modernes ont vsé en leurs festins & banquets. Les Perses & les Grecs (comme Herodote tesmoigne) ont esté si dissolus en leurs festins, qu'ils proposoient vn pris public par le cry d'un Herault, à ceux qui inuenteroient nouueaux delices, & qui mieux boiroient, ou mangeroient à outrance. Encores se reprochoient-ils les vns aux autres par maniere de moquerie & gayeté, qu'ils ne partoient iamais de leurs festes qu'affamez, & leur raison estoit telle, parce qu'ils farcissoient si bien leurs corps de toutes especes de viandes & breuuages, qu'ils estoient contraincts rendre conte à nature, & faire inuentaie de ce qu'ils auoient prins auant partir de table.

Abominable infamie des Perses, & des Grecs.

*En ses Di-
gnosphi.
liu. 4.*

Et ainsi ayans l'estomach vuyde, la faim les reprenoit. Athenée faisant mention de l'excessiue prodigalité de Xerxes Roy des Perses, assure que depuis qu'il demeuroit vn

HISTOIRES

*Incroyable
prodigali-
té de Da-
rius.*

iour en vne cité, & qu'il y souppoit & disnoit, le vulgaire appoury s'en resentoit vn an ou deux par apres, cōme s'il y eust eu quelque famine ou sterilité de biēs en leur prouince. Puis cōtinuāt son propos, il faict mētiō de la superflue & sūptueuse depēse de Daire Roy des Perles, lequel (dit-il) auoit quelquefois pour tel soupper quinze mille hommes pour l'accōpagner, & despēdoit pour les festoyer quatre cens talēs: le quels si vous les diuisez eu quinze mille, vous trouuez q̄ chacū de ses hostes, despēdoit seize escus pour son soupper. Ce grād gourmād Alexādre n'a en riē esté inferieur à Daire, ou Xerxes, en crapules, ou excessiues despēses, car depuis qu'il eut penetré aux Indes, il cōmença à se dōner en proye aux delices, & proposa vne bataille publique de biē boire avec pris ordōné pour celuy qui reporreroit la victoire, qui se montoit quelques fois iusques à la concurrence de trēte mines, sont trois cens escus: ou d'vn talēt, sont six cens escus. Et combien que ce cōbat ne fut ordōné qu'à coups de verres, si est-ce qu'il se trouuoit à la fin si tragique & sanglāt, que pour telle fois il y est mort iusques au nōbre de trentesix: lesquels noyez, & suffoquez du vin, terminoiet ainsi miserablemēt leur vie, cōme Chares Mityleneus escrit aux gestes d'Alexādre. Combien qu'Esopē n'egalast ny en biēs ny en dignités les precedēs, si est-ce que Plinē recite au dixiesme des ses liures, qu'entre les plus renōmées friandises & prodigalités, le plat d'Esopē a esté en grāde admiration. Ce plat estoit d'vne inuētiō

Athenus.

estrâge, & prodigieuse: car il recercha avec grâ-
de curiosité en vn bâquet qu'il feit, ce qu'il peut
trouuer en toute la Cité de Rome de petits oy-
seaux enclos en cages, qui sçauoient mieux imi-
ter la voix humaine: comme lynottes, alouettes
estourneaux, merles, calendres, & autres sembla-
bles, lesquels se vëdoiët plus cher q̃ l'Or, à cause
de leurs chât's harmonieux & du plaisir qu'ô re-
çoit en les escoutant. Puis en ayant assemblé iuf-
ques au nôbre d'vn cët, il les feist deuorer en vn
repas à certains Citoyens qu'il auoit cōuiez: les-
quels (si nous voulons receuoir Pline pour tes-
moing) auoiët cousté six mille sesterces la piece
qui se peuuent apprecier (selon Budée) à quinze
mille escus. Ce qui sera trouué estrâge ou aliene
de verité, de ceux qui ont leu aux auteurs, q̃ nō
seulemēt ce tragiq̃ Esope estoit fort riche: mais
encores apres tant d'exces & despenses, il l'aissa
son fils si riche qu'il exerçoit la mesme, ou plus
grande prodigalité que son pere. Ces choses sōt
admirables, mais il ne se list rien de si mōstrueux
en nature, que la richesse & magnificence de Pi-
thius, lequel n'estoit ny Roy ny Prince, ny auoit
aucun tiltre de dignite: & neātmoins, il receut &
traicta par l'espace d'vn iour naturel l'exercite
de Xerxes fils du grand Roy Darius, leq̃l se mō-
toit iusques au nombre de sept cens ostante &
huiët mil hōmes. Encore te sēblera il plus estrā-
ge, ce qu'Herodote, Pline, & Budée escriuent
qu'il offrit à Xerxes (partāt de sa maison) de luy
soudoyer son camp cinq mois, & le fournir de
blé. Mais sās nous escarter ou desuoyer par trop

*Pithius le
plus riche
homme de
l'Asie.*

*Liure de
Asie.*

HISTOIRES

de nostre premier sctier, reprenons les erres de nos magnificēces & bāquetz. Il nous faut mettre Cleopatra Royne d'Egpyte sur les rangs, laquelle (comme dit Plutarque) auoit la parolle si douce & harmonieuse, q̄ lors q̄lle vouloit desployer sa langue pour entretenir quelque grād seigneur, elle la faisoit raisonner cōme vn instrument harmonieux de plusieurs cordes, qui fut la premiere pentiere & filé où ce pigeon de Marc Antoine se l'aissa prēdre. Car depuis qu'il fut émiellé de la douceur de ceste diuine eloquence assaisōnee d'vne rare & pdigieuse beauté, avec vne incroyable magnificence de festins & bāquets, au lieu de poursuyure le proces de grāde consequence qu'il auoit intenté cōtre elle, il demeura si biē captiué des bonnes graces, qu'il auoit plus besoing de pitié que de proces. Et cōbiē qu'il fust au cōmencemēt acteur, il demeura neantmoins vaincu. Pour donner doncques cōmēcemēt à la magnificēce de Cleopatra, il faut entēdre, aīsi que descript Plutarque, qu'Antoine allant contre les Parthes, l'enuoya adiourner à comparoistre en persōne deuant luy, quād il seroit en cilicie, pour respōdre aux crimes & charges dont elle estoit accusée, sçauoir est d'auoir donné confort & ayde à ses ennemis cōtre luy mais celle qui auoit le cœur haut aī, ne peut oncques estre abaissée, n'autremēt intimidée, & tāt s'en faut qu'elle eut arconstremēt de personne accusée (comme estoit la coustume des anciēs) qu'elle s'orna des plus sūptueux habits qu'elle eust encōre porté. Et pour ne laisser riē deriere

de ce qui appartenoit à l'entier ornemēt & decoration d'une grāde princesse, elle fit équiper vn Galiō, pour venir vers luy, par le fleuve Cydnus, dont la poupe estoit d'or, les auirons d'argent, & le voile de pourpre, estāt assise sous vne tête dorée, enuironnée de chātres & d'autres instrumēs harmonieux, & de toutes autres choses qui peuent apporter plaisir ou contentemēt à l'hōme. Antoine sçachāt sa venuē l'euoya prier de venir souper avec luy, mais celle qui auoit le cœur haut, se sētāt esguillonée de telle requeste, luy mādā que s'il luy plaisoit de venir vers elle, il seroit le tresbien venu, tant elle se cōfioit en sa beauté & facōdité, & à bō droict: Car outre la perfection de beauté, dōt nature l'auoit douée, encores auoit elle vne parfaicte intelligēce de la diuersité des lāgues, tellement qu'elle respōdoit aux Arabes, à ceux de Syrie, aux Hebreux, aux Medes aux Parthes, aux Ethiopes & Troglotides sans interprete ou truchement, qui fut cause qu'Antoine (voyāt ce torrēt de perfection en cest admirable suiet) fut incontinēt surprins, ce qu'il nous a fallu deduire vn peu de plus loing, d'autāt que la magnificence du bāquet que fit puis apres Clopatra à Antoine, en depend. Antoine dōcques assailly de ceste nouuelle beauté, cōmença à mettre en oubly Octauiē seur d'Octaue Cesar, son espouse legitime, pour se dōner en proye & depēdre du tout des mignotises, blādices & pompes de sa nouuelle amie, laquelle par trait de temps sceut si bien gagner & confire en delices, que si ie racontois

par ordre la prodigalité de laquelle elle vſa en la receptiō d'Antoine (comme Athenæus autheur Grec l'a d'eſcrit) i'aurois peur de n'en eſtre pas creu, tant elle ſe monſtra prodigeuſe en deſpenſe: mais ie feray ſeulement mention de ce que preſque to^s ceux qui ont traicté les geſtes d'Antonius & de Cleopatra racōtent. Cleopatra dōques apres auoir deſployé tout l'artifice que nature luy auoit donné à inuenter nouuelles diſſolutions en deſpence, pour mieux entretenir ſon Antoine en delices, elle ſe voulut monſtrer extreme en vne choſe, car aĩſi que propos s'eſtoiēt meuz entr'eux de leurs d'eſpences & magnificēces ordinaires, elle dit à Antoine: Ie feray plus, car vous ne me ſçauriez ſi biē ſurprēdre au deſpourueu, que ie ne deſpende cent fois ſeſterces, pour vous traicter en vn ſeul feſti. Antoine, qui eſtoit vn vray formulaire de prodigalité, deſirāt voir l'experience de ſon dire, luy contredit: en ſorte qu'il y eut iuges eſleus de to^s coſtez, & gages mis en ſequeſtre pour l'eſprouue de leur cōtention. Quelque temps apres, Antoine la voulant ſurprendre, vint ſoupper avec elle, & combien qu'il trouua ſa table bien peuplée d'vne infinité de viandes exquisés, ſi ne peut-il oncques imaginer que telle deſpenſe ſceuſt reſpondre à la ſōme qu'elle auoit promiſe, iuſques à ce que il apperceut Cleopatra tirer deux groſſes perles qu'elle portoit pendantes à ſes oreilles, dont elle en feit promptement diſſouldre l'vne en ſa preſence, & la beut: Et voulant faire le ſēblable de l'autre, les iuges l'ayant aſſeurée de ſa victoire

l'em-

*Sont deux
cēs cinquā-
ze mille eſ-
cus.*

*Il y en a des
autres qui
appreient
ceſte ſōm-
me à deux
cens trente
quatre mil
le trois cēs
ſoixante
cinq ducats.*

l'empescherēt. Ceste perle estoit de si monstrueuse grosseur (ainsi que Pline tesmoigne) qu'elle pesoit demie once, qui sont quatre vingts quarats, & la plus grosse qui se puisse aujourd'huy retrouver, à peine poise-elle vn quart d'once. C'est pourquoy Pline parlant de l'excellence de ceste perle, l'appelle l'vnique, & le singulier chef d'œuvre de nature en son espece, & non sans cause: car par la plus commune appreciation qu'en font les historiens, ils la prisent deux cens cinquante mille escus. L'Empereur Gecta, a vsé d'une si estrange & curieuse magnificence en la solennité de ses bāquets, que ie ne me recorde point iamais auoir leu en aucun historien le semblable. Car il se mōstroit si honorable & magnifique en ses festins publics, qu'il se faisoit seruir de diuersité de viandes, de chair & de poisson, par ordre alphabetique, car toutes les volatiles, quadrupedes & poissons qu'il pouuoit recouurer, qui cōmençoient par A, il en faisoit couvrir sa table pour le premier seruice, comme Alloüettes, Autruches, Anchois, Alofes, & autres semblables. Puis quand ce venoit au second seruice, il pratiquoit le semblable: car il auoit des cuisiniers expressement deputez pour luy acheter toutes especes d'animaux & de poissons qui se commençoient par B, comme Becasses, Butors, Brochets, & autres: lesquels ne faisoient faute incōtinent que le premier seruice estoit leué, de presenter le second en pareil ordre. Autant en faisoient-ils au tiers, qui se commençoit par C, auquel on ne failloit à presenter ce qui s'estoit peu retrouver, qui se commeçoit

O

HISTOIRES

*Prodigali-
té d'un Pre-
lat Italien.*

par C, comme Connils, Canes, Colombbs, Cail-
les, Carpes, & ainsi consequemment de toutes
autres viandes, iusques à ce que toutes les lettres
contenuës en l'alphabet fussent accomplies &
parfaictes. Mais sans nous amuser si curieusement
à chercher la magnificence des anciens banquets,
ie veux descrire ce qui est aduenü de nostre tēps
en Auignō, lors que i'y estudiois en droict, sous
feu de bonne memoire Æmilius Ferrētus, Iurif-
consulte excellent, du temps duquel, il y eut vn
Prelat estrāger, duquel ie tairay le nom, tant pour
sa dignité, que pour sa trop grande superstition,
ce magnifique Prelat, pour laisser quelque tes-
moignage à la posterité de sa magnificence, con-
uia vn iour entre les autres, les plus illustres &
notables citoyēs d'Auignon & leurs femmes. Et
pour le commencement de sa magnificence, en-
trant en la salle où le banquet estoit appareille,
vous voyez vn grand bœuf escorché, & purgé
d'entrailles, lequel auoit vn cerf entier, accoustré
de semblable pareure dedans le ventre, & tout
farcy de petis oyseaux entiers, cōme Cailles, Per-
drix, Alloüettes, Faisans, Esgrettes, Pales, He-
rons, & autres semblables irritemens de gueu-
le, qui estoient tous enclos au ventre du second
animal, le tout si bien agencé par ordre, & pro-
portionné l'vn avec l'autre, qu'il sembloit que
quelque bon Mathematicien en eust fait l'ordō-
nance. Et ce qui rendoit encores ce spectacle plus
celebre, c'estoit que tous animaux ainsi assem-
blez, se cuysoient & tournoient tous seuls en vne
broche par certains compas, mouuemens & con-

duits, sans que personne y mist la main. Pour l'entree de table de ce banquet (combien que cela soit vulgaire, ie n'obmettray toutesfois de l'escrire) il fut presenté force patisserie, en laquelle il y auoit plusieurs petits oyseaux vifs, enclos, lesquels incontinent que la crouste fut ostee, commencerent à voleter (avec grand merueille) par la salle. Et, ce que ie ne veux obmettre digne de admiration, c'est que parmy les autres seruices, il fut presenté de grands plats d'argent, pleins de gelee, si industrieusement elabouree, qu'on voyoit au fons des plats grand nombre de petits poissons vifs, qui nageoient, & sautoient en l'eau sucee & musquee, avec grand merueille & plaisir des spectateurs, Encores n'est il moins estrange, que toutes les volatilles qui furent seruies sur table, estoient lardees de Lamprayon, combien que ce fust en saison qu'il coustoit demy escu la piece. Ce que i'ay dit est admirable, mais ce qui s'ensuit est quasi prodigieux : c'est qu'il fit presenter autant de volaille viue, qu'il en fut seruy de morte sur table, de sorte que si on seruoit vn Faisant cuit sur table, il y auoit quelques gentils-hommes deputez qui en presentoient vn autre vif, qu'ils tenoient en leur main pour monstrer la magnificence de la maison, puis le remportoient à la cuisine. Que restoit-il plus à monseigneur le Prelat, pour la consommation de ses delices, sinon de se faire seruir le visage couuert d'un crespé, de peur que l'aleine des gentils-hommes (qui le seruoient) ne touchast à son boire, ou à ses viandes, comme Paul Venitien escrit du

Le grand
Cam se fait
servir le vi
sage cou-
uert, de
peur que
l'a'eine ne
attouche
les viâdes.

grand Cam? I'ay bien voulu descrire, & mettre au rang des autres, le banquet prodigieux de ce Prelat, non pas pour l'imiter, mais pour le detester, car peut-estre, que ce pendât qu'il auoit les reins au feu, & qu'il iouïssoit ainsi à pleine voile de ces delices, le pauvre Lazare estoit à sa porte, qui tráfissoit de froid, de faim & de soif: mais bon Dieu! qu'eussent peu dire, ou penser Sainct Iean & S. Pierre, qui n'auoient pas vn denier pour donner l'aumosne au pauvre boy teux, qui la leur demandoit à la porte du temple, & les autres Apostres qui estoient contraincts par faim de manger les espics de blé tous cruds, s'ils eussent veu leur successeur (mais non pas imitateur) en vne cuisine si chaude, & tant peuplee de viures? Mais ce que mauuais garçon Iudas eust eu bonne occasion, s'il se fust trouué en ceste assemblée, de crier haut sur eux: *Vt quid perditio hac? potuisset hoc multum vendi & dari pauperibus.* Si tu veux veoir quelques autres prodigieuses despenses d'autres Prelats, lis Platine au traicté qu'il a faict, *De honesta Voluptate.* Encoress si tu veux penetrer les autres monumēs des anciens historiens, tu trouueras vne autre histoire de quelque Cardinal du temps du Pape Sixte, lequel despendit en deux ans en banquets, festins, dissolutions & autres telles especes de vanitez, la somme de trois cens mille escus, desquels plusieurs pauvres membres de Iesus Christ (qui peut estre sont morts de faim, & de pauvreté) depuis eussent peu estre longuement sustantez, & beaucoup de pauvres escoliers maintenus & entretenus aux estudes. Laissons donc les no-

tres en repos, & retournons aux ancestres: car
ant plus leurs vices sont esuentez, le scandalle
en est plus grand, & la tragedie de leur vie moins
honorable. Tout ce que nous auons donc dit cy
dessus, n'est qu'un vmbre ou figure de magnifi-
cence, eu esgard aux monstrueux & diaboliques
festins de ce grand gouffre de viandes Helioga-
balus Empereur des Romains, lequel a esté si des-
bordé en ses delices, qu'il a faict employer toute
la vie d'un excellent historiographe à les descri-
re. Ce malheureux organe de Satan, & ceste cloa-
que insatiable de viandes, ne fit oncques repas,
depuis qu'il fut créé Empereur, qui ne coustast
du moins soixante marcs d'or, lesquels (selon no-
stre computation) reuiennent à la somme de deux
mille cinq cens ducats. Encores estoit-il si fanta-
stique & dereiglé en ses appetits, qu'il n'vsoit
point de viandes vulgaires en ses repas, mais il se
faisoit faire des pastez de crestes de Coq, de lan-
gues de Paon, de Rossignols, d'œufs de Perdrix,
de testes de Papegaulx, de Faisans, de Paons, &
mesmes par-ce qu'il auoit entendu ou leu quel-
que chose de la rarité du Phenix (que lon dit estre
seul au monde) il estoit enuieux d'en manger, &
promettoit ie ne sçay quants mille marcs d'or, à
qui luy en pourroit fournir, & disoit en commun
prouerbe qu'il n'estoit saulce q' cherté: & ne luy
suffisoit de se paistre de telles viandes rares & ex-
quises, si d'abondant il ne conuioit ses satrapes
& gentils hommes à faire le semblable: mesmes
iusques à ses chiens & Lyons qu'il faisoit nourrir

*Aelius La-
pridius.*

HISTOIRES

de chairs de Faifans, de Paons & d'Oyes, encores n'exerçoit-il pas la prodigalité seulement en despenfe de bouche, mais (qui plus est) il estoit extreme en tous autres appareils de seruice, car il se faisoit seruir à table à quatre filles nues, & quelquesfois trainer en vn chariot par la cité de Rome en tel estat. Il ne beuuoit ny ne mangeoit iamais en vn vase qu'vnefois, & si tous les vtenfilles de sa maison, estoient d'or ou d'argent tout pur, mesmes iusques au pot où il rendoit ses excremens. Au lieu de feu de cire pour luy donner clarté, il faisoit mettre en ses lampes, du baulme fort excellent, qu'il faisoit apporter de Iudee & d'Arabie. Ce malheureux Empereur estoit si frenetique en toutes ses actions, qu'il inuentoit des choses dont les diables ne s'en fussent oncques peu aduiser: car il faisoit cōtrefaire des viandes artificielles de marbre, de bois & d'autres choses, puis faisoit affamer des gens, & les contraignoit asscoir à table, regardans ces viandes en pitié. Il faisoit quelques fois des festins où il conuioit huiet chauues, huiet bossus, huiet boiteux, huiet gouteux, huiet sourds, huiet noirs, huiet blâcs, huiet maigres, huiet gras, à fin d'accoustre à rire à ceux qui assistoient à ses bāquets: il faisoit qlquesfois yurer ses hostes, puis leur faisoit fermer les portes des lieux où ils estoient endormis, & y faisoit enclorre avec eux des Ours, des Lyōs sās ongles ny dērs, à fin que quād ils seroiēt esucillez, ils mourussent de peur de se trouuer entre ces bestes cruelles & hildeuses. Encores en faisoit-il boire d'autres iusques au cre-

uer, puis quand ils auoient bien beu, il leur faisoit
 lier les pieds, les mains & tous les cōduicts de l'v-
 rine: de sorte qu'ils ne pouuoient pissier, & les lais-
 soit ainsi mourir. Puis quand on le reprenoit de
 ses folies, & qu'on luy remonstroit que l'exces de
 ses despenses le pourroient vn iour faire tomber
 en pauureté, il ne respondoit autre chose, sinon
 qu'il n'estoit que de se faire heritier de soy-mes-
 me & de sa femme, & qu'il ne desiroit aucuns en-
 fans, de peur qu'ils ne conspirassent contre luy.
 Voila doncques les charitez, voila les prodigieux
 bâquets, esquels ce venerable Empereur despen-
 doit le reuenu de son Empire. Mais parce que tel-
 les prodigalitez te sembleront (peut estre) in-
 croyables, lis *Ælius Lāpridius* en sa vie, *Sextus*
Aureli^o Victor, *Eutrope*, *Iule*, *Capitolin*, & *Spar-*
tian en la vie de *Septime Seuer*, & tu trouueras
 que ie n'ay pas seulement commemoré la moytié
 de ses profusions, & despenses. Que nous reste
 plus maintenant, sinon que monstrier qu'elle a esté
 la fin de toutes ces delices, & quelles confictures
 a appresté nature à ces gloutons pour le dessert
 de leurs banquets? Quelle a esté la fin de *Daire*,
 & de *Xerxes*, lesquels nous auons au commence-
 ment mis sur les rangs? Ces canaux & gosiers par
 lesquels ils auoient tant faict passer les viandes,
 ne furent-ils pas à la fin miserablement tranchez?
 Mais qu'elle fut l'issue de ce grād crapulaire *Ale-*
xandre? Vn petit scrupule de poison luy fist di-
 gerer en vn coup, ce qu'il auoit deuoré toute sa
 vie. Succeda il point mieux à ce prodigue *Marc*
Antoine, ou à sa friande *Cleopatra*? quel miroir!

*Aucuns attribuent cecy à l'Empereur Tyl-
 cie.*

*Lāpridius en a escrit plus copieu-
 sement que les autres.*

*Xerxes oc-
 cis par son
 Preuost.*

*Daire par
 Alexādre
 Alexādre
 empoisonné
 Marc An-
 toine se tua
 soy-mesme.*

*Paulus O-
rosius.*

*Cleopatra
se fist mor-
dre à vn
aspic. Ap-
pianus A-
lexandri-
nus.*

*Andebout
mourut
jure.*

quel spectacle pour ceux qui vivent en ce monde, comme en vn eternal paradis de delices? Mais quelle punition pouuoit-il receuoir de sa vie Epicuriene, que de se seruir luy-mesme de bourreau? Sa compagne en delices Cleopatra, receut elle meilleur traictement? laquelle ainsi qu'elle auoit esté desfreiglée & dissoluë en appareil de viandes, elle fut en fin deuoree d'un aspic, qui est presque le plus venimeux de tous les animaux. Que deuint semblablement ceste grande fournaise de biens? Heliogabale eschappa-il la fureur de la iustice de Dieu non plus que les autres? Nô certainement: car ainsi qu'il auoit englouty vne infinité de diuerses especes d'animaux aussi fut il en fin deuoré d'iceux: car apres que ses subiects furent ennuyez de ses tyrannies & dissolutions ils coniurerent en fin contre luy, & le tuerent: puis l'ayās trainé comme vn chien mort par les carrefours de Rome, ils le precipiterent au Tibre, où il fut faict proye des poissons, auxquels durant sa vie sa gueulle auoit faict la guerre. l'ay honte encores qu'il faut que ie passe outre, & que ie die qu'il y en a eu qui n'ont pas esté contents de faire boire ou manger les autres à outrance, comme les precedens, mais aux-mesmes en ont tant prins que nature se trouuant vaincue & accablée, ils sont en fin demourez suffoquez, cōme cest infame Roy d'Angleterre Andebout, lequel farcit si bien son corps de liqueurs & viandes à vn soupper, que faisant cession à nature, il fut incontinent estouffé. L'Empereur Iouian, & Septimus Seuerus (comme Baptiste Ignace tes-

moigne) moururent de semblable maladie. Il y a en-
cores eu vne autre espece de banqueteurs, qui ne
font point morts pour auoir trop beu ou mangé: mais

pour-
traict
de De-
nis He-
racleos
qui de-
uint si
gras
qu'il e-
stoit cō-
trainct
se faire
tirer la
graisse
avec les
Sang-
sues.
Voy u-
ne sem-
blable
histoire
en Ga-
lien, de
Nico-
mach^s
Smyr-
neus, le
quel de-
uint si
gras
qu'il ne
se pou-
uoit re-
muer.



ils engraissoient si bien leur pance, qu'il n'en valoient
gueres mieux. Entre lesquels Maximin l'Empereur

Atheneus
lib. 12.

aesté le premier patriarche, lequel apres ses festins & banquets, se trouua tellement chargé de cuisine, qu'il eust bien faict tourner vn moulin à vent de force de souffler, & si auoit coustumierement deux hommes deuant luy à luy porter le vêtre, & deuindrent ses membres par succession de temps si chargez de graisse, que les bracelets de sa femme luy seruoient d'anneaux à ses doigts, comme les historiens escriuent. Comme en semblable, ce grād tyran Denis Heracleot se laissa si bien transporter à ses delices, qu'il s'habituua en fin de ne faire autre chose que boire, māger & dormir tout le iour, & fist en sorte que la graisse gaigna tant sur luy & ses mēbres, qu'ils deuindrent si gros & monstrueux, qu'il n'osoit se manifester au peuple, de peur d'estre mocqué, & demeurāt ainsi reclus il s'enfla si bien de graisse, qu'il estoit contrainct iour & nuict se faire appliquer grande quantité de Sangsues sus les membres, pour luy tirer l'humour qui le rendoit si gras, autrement il eust estouffé, comme tu vois en ce precedent pourtrait.

Fin de la vingtcinquiesme histoire.

PRODIGIEUSES. 110
VISIONS PRODIGIEUSES,
avec plusieurs histoires memorables des Spe-
ctres, Fantomes, figures & illusions qui ap-
paroissent de nuict, de iour, en veillant
& en dormant.

Chap. XXVI.





E ne me veux point icy pro-
longer en ce labyrinthe dou-
teux de recercher si les vm-
bres des morts retournent, ou
si les esprits ayans eschappé le
naufage de ceste vie mortel-
le, nous visitent quelquefois.

Je sçay comme ces deux bons Prelats saint Au-
gustin & saint Hierome, & presque tous Ec-
clesiastiques se sont tourmentez à dessoudre le
doubte de Samuel, pour sçauoir si c'estoit le vray
esprit du Prophete qui retourna par l'euocation
de la femme enchanteresse, ou si ce fut vn presti-
ge que Satan laisse à la posterité. Il me suffira seu-
lement en ce chapitre de raconter fidelement &
en termes de Philosophe, ce que les auteurs
plus fameux en ont escrit : donnons doncques
commencement à noz visions prodigieuses. Les
anciens ont tousiours eu entre les plus grands
merueilles, l'histoire des deux Arcades, laquel-
le est si souuent recensée en leurs histoires, qu'ils
l'ont tousiours tenue pour vn vray & infallible
oracle de verité. Entre les modernes, le Pape
Pie second du nom en fait souuent mention com-
me de chose veritable : entre les anciens, Valere,
& plusieurs autres qui ont traicté les gestes des
Grecs & des Romains, escriuent qu'il y auoit
deux Arcades qui s'aymoient vniquement, &
symbolisoient si bien en humeurs & actions,
que ce n'estoit presque qu'un mesme cœur. Vn
iour ils prindrent complot de venir à Megare,
ville de Grece pour certains affaires, à laquel-

le arriuez, l'un se retire en quelque maison de sa cognoissance, l'autre suivant la coustume, va loger en vne hostellerie: celuy qui s'estoit retiré chez son familier, ayant souppé, pressé du sommeil & ennuié du chemin, se coucha, & incontinent qu'il fust au liét, il commença à entrer en vn profond sommeil, qu'il continua l'espace d'une heure ou deux. Ce repos ne fut point tranquille, mais il fut inquieté d'un terrible & espouuantable songe. Car il luy sembloit aduis qu'il voyoit son compagnon palle & hideux deuant luy, qui imploroit son ayde pour le deliurer des mains de son hoste qui l'auoit assailly. Donnant foy à la vision, & sollicité par la seruente amitié qu'il portoit à son compagnon, il se leue, & se mit en voye pour l'aller trouuer, mais il ne continua gueres en ce vouloir qu'il ne se persuadast q ce n'estoit que resuerie, & changeant propos s'en retourna coucher: mais il ne tarda gueres au liét, qu'il ne fust de rechef assailly de fantosme, & bien d'une façon plus estrange. Car il auoit figure d'un mort, & si estoit couuert de sang en plusieurs endroicts, lequel il luy dict. Puis que tu as tenu si peu de conte de me secourir en la vie, au moins venge ma mort: car ce mesme corps que tu vois ainsi meurtry & mutilé deuant toy, est à la porte de la ville, couuert de fiens en vne charette, par la cruauté de mon hoste. Ce ieune homme se sentant importuné de la seconde requeste de son amy, pria quelques-vns de l'accompagner iusques à la porte de la ville, où ils trouuerent le corps mort de l'Arcade, ca-

HISTOIRES

Autre histoire.

ché en du fiens, comme il l'auoit veu figuré en dormant: & soudain que ce malefice fut descouvert, il fit prendre l'hoste, & ayant faict entendre tout le succes des choses aux Potestats de la ville, le meurtrier auoiant le faict, eut la teste trenchée. Alexar der ab Alexandro, chapitre 9. du second liure de ses iours Geniaux, raconte vne histoire admirable, & bien conforme à la precedente de ces Spectres, Fantosmes & figures, qui apparoiſſent quelquesfois, laquelle il disoit auoir entendue d'un sien familier & intime amy, homme graue, docte, & duquel la vertu & integrité de vie estoit tant cogneuë de tous, que pour mourir il n'eust voulu mentir. Cest homme estant à Rome fut prié de quelque sien amy, de luy faire cōpagnie iusques aux bains de Cumes, pensant trouuer allegeance d'une maladie incurable qui l'auoit vexé par plusieurs annees, ce qu'il luy accorda volōtiers. Et apres auoir cheminé quelques iournees ce malade attenué du labeur non accoustumé, ne peut passer outre, ains fut arresté par la violence du mal, & vaincu de douleur, rendit l'esprit à Dieu en certaine hostellerie. Les funeraillies faictes, & ce corps rendu à la terre, l'autre voyāt qu'il ne luy estoit besoing passer outre, reprist la route de Rome: mais surprins de la nuit, il fut cōtrainct de demeurer en quelque hostellerie champestre: soudain qu'il fut au lict, veillant encores, voicy l'image & figure de son compagnon qu'il auoit enterré le iour precedent pale, maigre & deffaict, qui se vint presenter à luy en l'estat qu'il estoit durant sa maladie, le regar-

dant ententiuement. L'autre presque tranſſi de peur, l'interrogea qui il eſtoit: mais ſans luy rēdre aucune reſpōſe, deſpouilla ſes veſtemens, ſe vint coucher aupres de luy, & s'approchant cōmença à l'embraffer, cōme s'il luy euſt voulu faire feſte. Ce pauvre hōme demy mort de craincte, s'eſſançant hors du liēt, ſe ſauua promptemēt à la fuitte, ſans que depuis ceſte viſion luy ait apparu: mais ſi ne ſe peut-il ſi biē aſſeurer au par-apres, que de la craincte & apprehenſion de ceſte viſion, il ne tombaſt en vne groſſe maladie, laquelle le mina ſi bien à la lōgue, qu'il cuida rendre l'ame. Retourné à conualeſcence, entre les choſes eſmerueillables qu'il racontoit de ce fantoſme, il aſſeuroit n'auoir oncques ſenty glace qui ſe peuſt egaller en froideur, au froid qu'il auoit ſenty lors que ce mort le touchoit de ſes pieds, s'eſtant mis en ſon liēt. Le meſme auteur, chapitre vnzieſme du premier liure de ſon œuvre cy deſſus allegué, raconte vne ſemblable hiſtoire, laquelle il n'a point leuē ny entēdue d'aucun, mais luy-meſme l'a experimentee en vn ſien fidele ſeruiteur, hōme ſincere, vertueux & entier: leq̃l couché en ſon liēt, & dormant profondement, commença à ſe plaindre, ſouſpirer & lamenter ſi fort, qu'il éueilla tous ceux de la maiſon: ſon maiſtre (lequel le fiſt eueiller) l'interrogea de la cauſe de ſon cry. Le ſeruiteur luy reſpondit, helas (dit-il) ces plainctes que vous auez entēdues ne ſont point vaines, car lors que ie me tempeſtois ainſi, il me ſembloit aduis que ie vois le corps mort de ma mere, paſſer par deuant mes yeux que lon portoit en terre, l'ob-

HISTOIRES

seruay (dit Alexádre) l'heure, le iour & la saison, en laquelle cecy estoit aduenu, pour sçauoir si ceste vision annonçeroit point quelque defastre au garçon. Et ie fus, dit-il estonné que quelques iours apres ie vey venir à ma maison vn seruiteur de sa defuncte mere, qui nous annonça sa mort, combien qu'aucun de nous n'eust encores entendu nouuelles de sa maladie: & m'estant enq̃esté du iour & heure de sa mort, & l'ayant conféré avec ce que i'en auois escrit, ie trouuay infalliblement qu'elle estoit morte le mesme iour, & la mesme heure qu'elle s'estoit representee morte à son fils. Ce qui ne pourra (dit-il) sembler fabuleux ou esloigné de verité à ceux qui sçauent que pour le iourd'huy il y a encore des maisons à Rome si infames & odieuses, qu'il n'y a aucun qui y ose habiter, pour les esprits qui y frequentēt. Ce que Plutarque escrit de Damon au commencement de la vie de Cimon. Semblablement ce qu'on escrit de Pausanias, de Cleonice & Bizantia vierge, confirme toutes les histoires precedentes: mesmes ce que Pline escrit au septiesme des Epistres, du phantosme & vision qui estoit en vne maison d'Athenes. Encores plus, ce que Suetone escrit quand Calicula fut occis, duquel la maison estoit agitee & inquietee de monstres & visions prodigieuses par plusieurs ans, tant qu'elle fut bruslee. Ce qui encores mieux est confirmé par Marcus Paulus Venicien, qui escrit que pour le iourd'huy les Tartares sont tant puissans par les enchantemens des esprits, qu'ils font venir les tenebres quand ils veulent, & là où leur plaist:

plaist: & qu'une fois circonvenu par tel art, à peine il eschappa. Hayton^e est tesmoing de cecy, en son histoire des Sarmates, qui a escrit que l'armée des Tartares presque deffaicte, fut restituée, & demeura victorieuse par l'enchantement d'un port-en-seigne, qui fit venir les tenebres si obscures, que toute l'armée de sa partie aduerse en fut enveloppée. Mais nous nous arrestons trop (ce me semble) à commemorer les exemples des prophanes: confirmons maintenant les histoires précédentes par l'autorité des Ecclesiastiques. Sainct Augustin, liur. 12. cha. 17. sur Genese, raconte une semblable histoire, d'un frenetique qui prédit la mort d'une femme. Quelques-uns estans à la maison de ce frenetique, ainsi qu'ils entrèrent en propos de certaine femme qu'ils cognoissoient, laquelle estoit viue, faisant bonnes chere: & sans aucune apprehension de mal, le frenetique leur dit, Comment parlez vous de ceste femme? elle est morte, ie l'ay veüe passer par icy deuant avecques ceux qui portoiēt son corps en terre. Un iour ou deux apres elle mourut, & ceux qui portoient le corps en terre passoient deuant la porte du frenetique, comme il auoit predit, combien qu'elle ne sentist aucun mal à l'heure de sa prediction. Le mesme sainct Augustin, au lieu dessus allegué, raconte une histoire si estrange de ces visions prodigieuses, que ie n'en eusse voulu faire mention en cest œuvre sans l'autorité, fidelité & sainteté de celui qui l'a descrit. Il y auoit (dit-il) un ieune enfant en nostre cité, qui fut si asprement vexé d'une douleur des genitoires, qu'il crioit cōme un de-

P

*Histoire
admirable.*

moniacle, lors q̄ la fureur de son mal le pressoit; ayant toutesfois l'entendement sain: lequel entre les grāds cōbats de ses douleurs demouroit quelquesfois immobile comme vn trōc, ayāt les yeux ouuerts, ne recognoissoit aucuns des assistants, & estoit si bien abstraict & rauy de ses sens, qu'il ne se mouuoit pour aucune poincture ou agitation. Sa douleur quelque peu sedee, il retournoit à son bon sens, & racontoit ce qu'il auoit veu pendant son extase. Entre autres choses il asseuroit que par toutes ses visions, se presentoient à luy deux hommes, dont l'vn estoit de figure d'enfant, l'autre estoit d'aage plus parfaict: au commencement du Carefme cex deux hommes se presenterent encores de rechef à luy, & luy dirent qu'il se fist couper le prepuce, & que de quarāre iours il ne sentiroit aucune douleur: ce qu'il feit, & de quarante iours apres il ne sentit douleur. Ce tēps expiré, ses douleurs se renouuellerent, & ces deux hommes commencerēt encores à se représenter deuant luy, lesquels luy conseillerēt qu'il se precipitast en la mer iusques au nombril, & qu'il y demeurast quelque temps, & que sa grande douleur cesseroit, toutesfois qu'il resteroit tousiours quelque humeur visqueux qui decouleroit: ce qu'il feit, & luy aduint comme ces deux hommes luy auoient predict. Qui ne fera esmerueillé de ceste Philosophie de saint Augustin, ensemble de la vision? mais qui pouuoient estre ces fantomes, ou qui leur auoit enseigné ces secrets de médecine? Ces choses sont estranges, & engendrent terreur à ceux qui les lisent. Mais encore n'ay ie

rié leu ny aux prophanes, ny Ecclesiastiques plus es-
merueillable que la visiõ de Catalde Euesque de Ta-
rente, laquelle est apparue de noz ans, & nõ sans en-



gendrer de grands scrupules aux consciences humai-
nes: car par sa visiõ il a laissé assez de matiere à empes-

P ij

*Tarente est
Euesché si-
tué en Po-
uille tirant
en Sicille.*

cher tous les Theologiés & Philosophes du mô-
de. Catalde homme de saincte vie auoit esté erigé
depuis mille ans, en la dignité episcopale de Ta-
rente, lequel neantmoins apres tant d'annees, ex-
pirees, se representa vne nuit en vision à vn ieune
enfant, qui estoit du tout dedié à Dieu, & luy
enchargea expressement, qu'il eust à cauer certain
lieu de la terre qu'il luy enseigna, auquel il auoit
caché & enterré vn liure escrit de sa main, pen-
dant qu'il estoit au monde, & qu'incontinét que
il auroit recouuert le liure, il ne faillist à le faire
tenir à Ferdinand premier Roy d'Arragon, & de
Naples, qui regnoit de ce temps. Ce ieune enfant
n'adioustant point de foy à ceste vision, n'en te-
noit conte: laquelle neantmoins ne delassa à le
soliciter par diuerses fois de ce faire. Mais l'en-
fant ne peut estre persuadé d'y entendre, iusques
à ce qu'un matin auant iour, ainsi qu'il faisoit sa
priere en l'Eglise, il aduisa Catalde en son habit
Episcopal, lequel se presentant deuant luy avec
vne contenâce seuer, luy dit: Tu n'as tenu con-
te par cy deuant de chercher le liure que ie t'auois
enseigné, & de l'enuoyer au Roy Ferdinand: sois
asseuré ceste fois pour toutes, que si tu n'excutes
ce que ie t'ay commandé, que mal t'en aduiédra.
L'enfant intimidé de ces menaces, publia le ma-
tin le contenu de sa vision à tout le monde. Le
peuple esmeu de ce nouueau message, s'assembla
avec grâde curiosité, pour accompagner l'enfant
au lieu designé pour ce liure: auquel arriuez, &
ayans fouy & caué la terre, ils trouuerent vn pe-
tit coffre de plomb si bié clos & cimété, que l'air

n'y eust sceu entrer, & au fond du coffre trouuerent le liure où toutes les miseres, playes, & maledictions, qui deuoyēt aduenir au Royaume de Naples, au Roy Ferdinand, & à ses enfans, estoiet descriptes en forme de Prophetie: lesquelles ont depuis si bien succedé par ordre, qu'il ne s'en est pas trouué vne seule syllabe faulse. Mais quelle a esté l'infortune de ce miserable Roy Ferdinād, lequel fut tellemēt pressé de la fureur de l'ire de Dieu, qu'il fut tué au premier cōflict? Quelle infortune aduint-il apres à son fils aisné Alfonse, lequel n'eut pas à peine loisir de s'emparer de son Royaume, qu'il ne fut mis en route par ses ennemis, & cōtrainct de mourir en vn miserable exil? Mais que deuint apres Ferdinand son fils puisné? lequel ainsi qu'il pensoit heriter au Royaume de Naples, mourut miserablement en la fleur de son aage, si enuelopé de guerres, qu'à peine pouuoit-il respirer. Et que deuint apres Federic fils du fils du defunct Ferdinād? ne vid-il pas deuāt luy sacager, brusler & ruiner son païs, & presque baigner toute sa terre de sang? Puis vint à la fin se rendre entre les mains de son ennemy. Or ça aduifons maintenāt, quelle a esté la fortune du Royaume de Naples: & si nous voulōs estre iuges equitables, & adiouster foy à ce qu'en escriuent les historiens, nous trouuerōs qu'entre tous les royaumes du monde, à peine s'en trouue-il aucū qui ait enduré de plus furieux traicts de fortune, ne qui ait esté plus subiet à mutation, ne pour lequel il y ait eu plus de sang respandu, que ce petit Royaume de Naples: de sorte qu'il semble proprement

HISTOIRES

à le bien cōsiderer, que ce fust la butte & le blâc où la fortune a descoché toutes les fleches de ses maledictiōs, & vn vray esgout & cloaque où toutes les miseres de tout le corps de l'Italie se sont venues espurer & vuyder. Voila ce qu'ânõça ceste visiō prophetique de ce bon Prelat Catalde, comme Alexander ab Alexandro (apres plusieurs autres) a fidelement raconté au liure de ses iours Geniaux. Nous auons (ce me semble) deduiçt assez grand nombre d'exemples de ces visions, spectres, ombres & fantosmes qui apparoissent aux hommes de nuict, de iour, dormans, veillans, en maladie & santé. Reste maintenant (suyuant l'ordre que nous auons commēcé en tous les precedens discours de noz histoires) de rechercher les causes dont toutes ces illusions fantastiques procedent & naissent: & par ce que ceste matiere est vn peu chatouilleuse, nous ensuiurōs Sainct Augustin, lequel me semble auoir volé plus haut que les autres, & mieux espluché ce subiect, Il est dōcques necessaire auant que passer outre, pour mieux esclaircir les choses que nous dirons cy apres, d'en faire vne generale partition en la deduction de laquelle nous suyurōs ce qu'il a escrit chap. 28. *Contra Adimantum*, où il procede ainsi: Il y a (dit-il) plusieurs especes de visions qui se retrouuent aux sainctes lettres, dont les vnes se font selon les yeux du corps, cōme celle des trois hommes qui apparurent à Abraham. Et celle de

Gene 18.

Exode 3.

Matth. 7.

Moyse quand il veit ardre le buisson: & celle de Moyse & d'Elie aux Apostres, lors que Iesus Christ fut transfiguré sur la montagne. Au se-

cond genre des visions se doiuent mettre celles qui se font par imagination, comme quand nous imaginons les choses que nous sentons par le corps: car lors que nostre pensée est rauie & esleuee au ciel, & que les rayons de diuinité penetrēt en nostre ame, plusieurs choses estrāges luy sont manifestees, nō par les yeux du corps, oreilles ou autres membres charnels, mais par diuine influēce, & celeste inspiration: comme quand saint Pierre rauy d'entendēmēt, veit en vision cē grād vaisseau descendāt du ciel en vn linceul qui paruenoit iusques à luy, auquel estoient contenus toutes sortes d'animaux, puis il entēdit vne voix qui luy dit: Pierre, leue toy, tue & mange, & ce qui s'ensuit au texte du cha. 11. des Actes des Apostres. Et par-ce que i'ay traicté assez amplement en mon liure de l'excellence de l'homme, de ces extases, visions & raiuissēmēs, il me suffira d'auoir proposé ces deux exemples. Le troisiēme genre de visiō se peut nommer intellectuel, par-ce que il se faict en la pensée, comme quand le Roy Balthasar veit vne main qui escriuoit en la muraille: & plusieurs autres visions semblables de Nabuchodonosor, qui sont amplement descrites en Daniel. Ayāt doncques basty ce premier fondement de noz visions, il nous reste maintenant de recenser par ordre, quel a esté l'aduis de S. Augustin en ce qui concerne ces apparitions & visions estranges. Ce bon Prelat au chapitre dixhuietiēme de son liure, *De cura pro mortuis agenda*, escrit ce qui s'ensuit: On raconte (dit-il) tant de diuerses choses de ces visiōs nocturnes. que la disputa-

HISTOIRES

tion n'en doit estre mesprisee, veu que la questiō est douteuse. On dit (dit-il) que les morts ont apparu q̄lquesfois aux viuās, & qu'ils ont enseigné à aucuns les lieux où leurs corps estoient cachez, à fin de les pourueoir de sepulture. Si nous disons que ces choses soient faulles ou fabuleuses, nous contredirons impudēment à plusieurs escrits de beaucoup de fideles, lesquels mesmes les ont apprehendez par leurs sens. Mais il faut (dit-il) respondre à ces choses, que combien qu'ils ayēt apparu, si ne s'ensuit-il pas pour cela que les morts qui apparoissent en sçachēt ou en sentēt rien. Ne voyons nous pas quelquesfois des hōmes viuans apparoistre à aucuns en veillant ou en dormant, & neantmoins qu'on leur demāde s'ils ont apparu, ils respondront qu'ils n'en sçauent rien, & qu'ils n'en ont aucune cognoissance? Ces visions doncques se font (dit-il) par l'operation des Anges, auxquels il est permis du Seigneur, ou commandé de ce faire. Voila le texte que j'ay traduit, au plus pres, selon qu'il est contenu au Latin. Je n'ignore pas neantmoins que quelquesfois ces visiōs ne se facent autrement, combien que sainct Augustin ne l'ayt pas exprimé en ce lieu, qui est matiere propre pour les Ecclesiastiques, auxquels ie m'en reporte du tout, me submettant en toutes ces choses, au iugemēt de l'Eglise Catholique, auquel ie veux persister immuable, iusques au dernier soupir de ma vie. Quelquesfois aussi nous sommes deceus par les illusions des esprits malings, comme sainct Augustin enseigne, liure troisieme, *De Trinitate*, chapitre vnzieme, où il exprime, avec

vn merueilleux artifice, la puissance de Satan & de ses complices, disant ainsi: Il est facile aux maligns esprits avec leurs corps etherez, faire beaucoup de choses merueilleuses & espouuantables, lesquelles nous ne pouuons comprendre par noz sens, aggrauiez & enseuelis en ce corps terrestre. Si nous sômes (dit-il) ravis quelquesfois en admiration de veoir aux theatres & spectacles quelques hommes terrestres représenter des choses miraculeuses, mesmes lesquelles nous ne croyrions pas si elles nous auoient esté racontées par d'autres, tant elles excedent la capacité de l'entendement humain, pourquoy deuons nous trouuer estrange, que les diables & ses anges (avec leurs corps elementaires) abusent nostre chair, deçoiuent noz sens, & nous representent quelquesfois des fantômes, des images, idoles & figures, en veillât ou en dormant, à fin de nous faire trefbucher? Leurs fonctions (dit-il) sont diuerses: les vns perturbent noz pensees, les autres offensent noz corps, les autres se messent en nostre sang, en nostre cœur, & nous suggerent vne infinité de folies & visions: les autres engendrēt des maladies en noz corps, comme celuy duquel il est faict mention en saint Luc, qui auoit tellement per-

Luc 13.


secuté de maladie la fille que Iesus Christ guarit, que par l'espace de dix-huict ans elle estoit demouree si courbée, qu'elle ne pouuoit regarder le ciel: Puis il adioust en son liure de la diuination des Demons, l'antiquité des diables, la noblesse de leur creation, car ils sont Anges de nature, leur longue experiēce apprise depuis qu'ils

HISTOIRES

ont esté creéz, le continuel conflict qu'ils ont avec les Anges, qui les aguerrist: l'agilité de leurs corps etherez, par lesquels ils surpassent la viuacité des bestes & des oyseaux: l'acrimonie de leur sens, la cognoissance de toutes disciplines tant diuines qu'humaines: vne parfaicte cognoissance de la propriété des plantes, pierres, metaux, avec plusieurs autres choses semblables, sont comme les instrumens, avec lesquels ils forgēt & trament les illusions & machines qu'ils desployēt à toute heures cōtre nous, & sont les lasons, amorces, & gluaux avec lesquels ils taschent à tous les momens & minutes du iour d'enuelopper noz pauvres ames: & par ce moyen (dit-il) ils predisent quelquesfois les choses futures, ils font quelques saints miracles, par lesquels ils deçoient & trōpent ceux qui adioustent foy a leurs prestiges & menfonges, comme ces pauvres femmes lesquelles seduictes par les illusions fantastiques de Satan, se persuadent qu'elles vont toute la nuit à cheual, adorent les diables, lesquels se transfigurent en Anges de lumiere, pour mieux iouer leur roolle: les autresfois en autres diuerses especes & figures de personnes. Quelquesfois ils leurs representent des choses ioyeuses, ores des tristes, les autresfois ils leurs representēt des personnes cogneuës, autresfois d'incogneuës. Ces choses sont estranges, & seront trouuees de difficile digestion, à ceux qui mesurent les œuures de Dieu, selon la capacité de leur entendement grossier: mais encore me semble-il plus esmerueillable & estrange, ce que Sainct Augustin raconte

au xviii. liure de la cité de Dieu, quand il se plongea en ceste profonde contemplation de la puissance admirable des esprits malings, où il faict mention de certaines femmes, qui regnoient en Italie de son temps, instruiçtes és ars magiques, lesquelles donnoient quelque poison aux passans, meslee en du fourmage: & soudain qu'ils l'auoient mangée, il estoient cōuertis en luments, & portoient les choses qui leur estoient necessaires. Et apres auoir accompli leur voyage, & ce qui leur estoit enchargé, ils retournoient en leur premier estat. Ce qui aduint mesme au pere de Prestantius, lequel porta les bleds & viures de certains cheualiers, estant deuenu cheual: laquelle chose fut trouuee auoir esté ainsi faicte, comme il auoit racōte, non pas (dit saint Augustin) que ie croye que le corps ou la pensee en l'homme puisse estre par illusion diabolique conuertie en beste, ny prendre leurs corps, & leurs membres: mais bien que la fantasie, ou les sens des hommes eussent peu estre tellement deceus par les diables, qu'ils pensoient estre faicts semblables aux bestes. Puis il conclud. Et quant aux fardeaux, c'estoient (peut estre) les diables qui les portoient eux mesmes, à fin de mieux entretenir les miserables creatures en erreur: mais à fin que nous ne pēsons que telles illusions des esprits malings ayent seulement regné du temps de saint Augustin ou des autres anciens, ie veux maintenant produire des choses qui ne sembleront pas moins esmerueillables, que nous auons experimenté de noz ans. Gesparus Pucerus en ses commentaires *De Diuinatione*,

apres auoir par plusieurs raisons disputé de l'ar-
 tifice des diables, raconte vne histoire aduenue de
 nostre siecle, qui n'est pas moins admirable qu'es-
 pouuentable. Il y a eu (dit-il) de noz ans vne cer-
 taine vierge Batelereffe à Boulongne, laquelle
 pour l'excellence de son art, estoit fort renom-
 mee par toute l'Italie, neantmoins elle ne sceut
 avec toutes ses sciences si bien prolonger sa vie,
 qu'en fin surprinse de maladie elle ne mourust.
 Quelque autre magicié qui l'auoit tousiours ac-
 compagnee, scachant le proufit qu'elle tiroit de
 son art durât sa vie, luy mist par l'ayde & secours
 des esprits malings quelque charme, ou poison
 sous les aisselles, de sorte qu'il sembloit qu'elle
 eust vie, & commença aussi bien à se retourner
 aux assemblees publiques, iouant de la harpe, chā-
 tant, faultant, & dāfant comme elle auoit accou-
 stumé: se sorte qu'elle ne differoit en rien du vif,
 que de la couleur, laquelle estoit excessiue-
 ment palle. Quelques iours apres il se trouua de fortune
 à Boulongne vn autre magicien, lequel aduer-
 ty de l'excellence de l'art de ceste fille, la voulut
 aller veoir iouer comme les autres: mais soudain
 qu'il eut quelque peu assisté à ce spectacle, il s'es-
 cria tout haut. Que faictes vous icy messieurs?
 celle que vo⁹ voyez icy deuāt voz yeux, qui faict
 ces beaux soubrefauts, n'est autre qu'une orde &
 vile charongne morte. Et à peine auoit-il ache-
 ué son propos, qu'elle tomba morte à terre: au
 moyen dequoy le prestige du diable & de l'en-
 chanteur fut descouuert. Encores y a-il eu vne
 autre femme enchanteresse à Paue, qui a regné



Pour-
traict
de la
femme
enchan-
teresse
qui tom-
ba morte.

du temps de Leonicensus, qui n'estoit pas moins es-
merueilleable que la precedente: mais elle auoit l'a-
uantage en vne chose, qu'il ne se pouuoit rien faire
de mal à Paue si secretement, que par son artifice il

HISTOIRES

ne fust incontinent descouuert, de sorte que tous les plus renommez Philosophes de l'Italie excitez de la renommee des merueilles qu'elle faisoit par l'art des diables, la venoient veoir. Or y auoit il de ce temps là à Pauie vn professeur public & Philosophe, homme de sainte vie, lequel pour priere ou requeste qu'on luy sceust faire, n'auoit peu estre persuadé d'aller veoir ceste femme, iusques à la fin que vaincu par l'importunité de quelques magistrats de la ville, il s'accorda d'y aller: & lors quil fut arriué deuant ceste organe de Satan, à fin de ne demeurer muet, & pour la bien sonder au vif, il la pria (entre autres choses) de luy dire à son aduis lequel estoit le meilleur de tous les carmes que Virgile eust iamais faict. La vieille sans refuer, ou y penser d'auantage luy respondit à l'instant mesme.

Discite iustitiam moniti, & non spernere diuos:

*Virgil. lib.
6. Aeneid.*

Voyla (dit elle) le meilleur, & le plus digne carme que le Poëte Virgile feist oncques: va ten, & ne retourne plus icy pour me tenter. Ce pauvre Philosophe, & ceux qui l'accompagnoient s'en retournerent, sans autre repliche, & ne furent en leur vie plus estonnez d'une tant docte respõse, attendu qu'ils scauoient tous qu'elle n'auoit en sa vie apris, ny à lire, ny à escrire. Hierosme Cardã, lequel merite d'estre mis au premier rang de tous les plus celebres philosophes de nostre temps, raconte presque vne semblable histoire de ces esprits malings, de laquelle l'experience se voit encores pour le iourd'huy à Milan de tous les citoyens, avec grand merueille. Il y a (dit il enco-

res pour le iourd'huy vne femme viuante, nom-
mee Marguerite, femme d'un peintre, qui est resi-
dente ordinairement à Milan, laquelle n'a point
de honte de publier par tout qu'elle a vn diable,
ou certain esprit familier, qui la fuyt & l'accôpa-
gne par tout, hors mis qu'il s'absente d'elle quel-
que deux ou trois moys l'annee. Ceste femme ne
se nourrist ou maintiét d'autre gaing que de l'ex-
perience, & plaisir qu'elle dône de cest esprit, car
elle est souuent appelée en beaucoup de bonnes
maisons, & incontinent qu'on luy a faict cōman-
dement d'euoquer son esprit, elle courbe sa teste
en son sein, ou l'enveloppe de son tablier, & cō-
mence à l'appeller & adiurer en sa lāgue Italiēne:
Il se represente soudai à elle, & respōd à son euo-
cation: mais la voix de cest esprit ne s'entend pas
aupres d'elle, mais loing, comme si la voix sortoit
de quelque trou de muraille, & si quelqu'un se
veut approcher du lieu où la voix de cest esprit
resonne, il est estonné qu'il ne l'entend plus en ce
lieu: mais il l'entēd en quelque autre coing de la
maison. Quāt à sa voix, elle n'est point articulee,
ny autremēt formee qu'on la puisse entēdre: mais
elle est gresle & foible. de sorte qu'elle se peut di-
re plus proprement murmure ou son, que voix.
Et apres que cest esprit a ainsi sifflé, & murmuré,
ceste vieille luy sert de truchemēt, & faict enten-
dre aux autres ce qu'il a resonné. Elle a demouré
en quelques maisons, où il y a des femmes qui
ont obserué ses façons de faire, qui disent qu'elle
enferme quelquesfois cest esprit en vn linceul,
& qu'il a de coustume de luy mordre la bou-

che, mesme qu'elle a presque tousiours les leures
 vlcerées. Ceste miserable femme est en si grand
 horreur à tout le monde, à cause de cest esprit,
 qu'elle ne trouue personne qui la vueille loger,
 ou frequenter avec elle. Ceste histoire me remet
 en memoire ce que les anciēns ont creu de l'esprit
 de Socrates, ce qui ne me semble fabuleux, par-
 ce que Socrates a tousiours esté trouué veritable,
 que pour mourir il n'eust voulu dire vne menson-
 ge: mesmes que les Platoniciēns ont tousiours re-
 ceu Socrates pour vn certain oracle de verité: &
 neantmoins Socrates a confessé & escrit de luy-
 mesme qu'il en auoit vn, comme il est tesmoigné
 au Theage en Platon, où il est introduict, disans
 ainsi: Il m'a esté concedé par quelques sort diuin,
 d'auoir eu vn Demon dès mon enfance, lequel
 m'a tousiours suiuy, lequel est vne voix qui me
 dissuade lors que ie veux faire quelque chose qui
 m'est contraire: mais il ne me suade iamais ce que
 ie dois faire. Puis il adioust: Thimarcus me fera
 tesmoing de cecy, lequel se voulant leuer d'un
 banquet où nous estions, aduertiy par mon De-
 mon de son desastre, ie le cuiday retenir deux
 fois: toutesfois ie ne sceu tant faire qu'il ne se des-
 robes de moy, & qu'il n'allast tuer Nicias, fils de
 Hiroscamandre, lequel apres qu'il eut esté con-
 damné pour ce meffaiet, il dict à son frere, qu'il
 mourroit par deffault d'auoir creu le conseil de
 Socrates, qui luy auoit dissuadé de ne sortir point
 à telle heure. Franciscus Picus Mirādulanus Phi-
 losophe excellent & noble, qui a regné de nostre
 temps, a asseuré en ses œuures qu'il auoit cogneu

vn

vn prestre, aagé de soixante & quinze ans, lequel par l'espace de quarante ans assidus, auoit eu vn esprit familier en sa compagnie, lequel beuuoit, mangeoit, couchoit, parloit avec luy, & l'accompagnoit en toutes ses actions: de sorte que le vulgaire ne pouuant comprendre le mystere de ces choses, se persuadoit qu'il fust fol. Et ce prestre nōmoit son esprit Hermelina. Je n'ignore point semblablement qu'il n'y en ait plusieurs qui ont asseuré par leurs escrits qu'il y auoit des esprits familiers, qui cōuersoient avec les hommes: ce que Cardan atteste de son pere Facius Cardanus, lequel par l'espace de vingt & huit ou trente ans s'est aidé de certain esprit familier. Pausanias en ses nuiçts Attiques, recite que le hennissement des cheuaux, & la course des combatāns estoient ouïs au cāp de Marathon, où Miltiades ia quarante ans passez auoit faict mourir 10000. des Persiens, & cecy estoit plus esmerueillable, que ce cry & tumulte n'estoit point entendu de ceux qui alloient expressement pour l'entendre, mais seulement de ceux qui fortuitement se retrouuoient en ce lieu. Plutarque escrit en la vie de Cymō, qu'apres que Damon fut tué en trahison dans les estuues, qu'il fut lōguement, qu'en ce lieu apparoiſsoient des esprits, & que lon y entēdoit des gemissements & souspirs, de sorte qu'on feist condamner & muer la porte de l'estuue, & qu'ēcores auourd'huy ceux qui se trouuent là aupres, afferment qu'il y voyent des visions, & y entēdent des voix & cris espouuātables. Il y a encores quelques autres visions des Demons ou malings esprits, qui sont

Q

HISTOIRES

apparus de nostre temps, & apparoiſſent encores pour le iourd'huy aux mines metalliques du grãd Turc qui ſont en Sidero capſa, ils ſe ſont quelque fois representez en forme de cheures dedans les mines à ceux qui tiroient les metaux de la mine. Il y en a vne certaine eſpece qui ne faiſt aucun mal aux ouuriers, mais il y en a eu d'autres qui les ont tant tormentez, qu'ils ont eſté contraincts d'abandonner les mines qui eſtoient de grand reuenue, Georgius Agricola philoſophe excellent, qui a eu la charge des mines de l'Empereur, aſſeure qu'il s'eſt trouué des eſprits malings tant cruels en quelques mines d'Allemagne, que les ouuriers ont eſté contraincts les abandonner, & entre autres il eſcrit qu'à la mine d'Anneberg vn eſprit metallique tua douze artiſans, qui fut cauſe que la mine fut delaiſſee, combien qu'elle fuſt fort riche & opulente en argent. Il y auoit de ſemblables eſprits malings, du temps que Ieſus Chriſt eſtoit ſur terre, qui habitoient és ſepulchres des morts, leſquels eſtoient ſi cruels & terribles que aucun n'oſoit paſſer par ceſte voye là, comme il eſt eſcrit en ſainct Matthieu 8. chap. en ſainct Luc huitieſme chapitre. Je ſçay que Porphirius, Pſellus, Plotinus, Proclus, Iamblicus, meſmes quelques autres modernes ont aſſeuré par leurs eſcrits que la ſupreme region de l'air eſt auſſi peuplee d'eſprits, que nous appellons en Grec *Damones*, comme noſtre air eſt d'oyſeaux: ce qui les a induit à croire ces choſes, c'eſt que l'air & l'æther où ſont les quintes eſſences, ſont tant grands & ſont regions tant plaines d'amenité & de plai-

fir, & que nous voyons la terre auoir ses matieres
 viuantes, les metaux, pierres, plantes, & que nous
 voyons l'eau auoir ses poissons, & que nous
 voyons l'air infirme d'icy bas auoir ses animaux
 qui respirent & vivent: puis (disent-ils) que cecy
 est obserué de nature és autres elements, mesmes
 au ciel, il faut doncques croire que toute ceste
 grande machine de l'air superieure, est pleine de
 ces esprits, qui doivent estre d'autant plus excel-
 lens que les animaux inferieurs, d'autant que les
 regions y sont plus claires, plus pures, que ceste
 interieure: mais par- ce que toutes ces choses nous
 semblent indignes de nostre Philosophie Chre-
 stienne, nous le passerons sous silence. Et à fin
 qu'aucuns ne pensent que nous vueillons lascher
 la bride si longue aux diables, & malings esprits,
 qu'ils puissent ainsi abuser des creatures de Dieu,
 lesquels par le sang precieux de son fils, ont esté
 si cheremēt rachetees, il nous est besoing d'affai-
 sonner ces choses, & les borner par tel tempera-
 ment, que nous mōstrons qu'il ne leur est pas loi-
 sible de faire de nous comme vn fol de sa marote,
 où cōme les bastleurs de leurs marmousets: car
 s'il estoit ainsi q̄ leur puissance ne fust bornee par
 la main forte de Dieu, ils ont en si grande haine le
 gēre humain, auq̄l le simulachre & caractere de
 Dieu est imprimé, que lōg tēps a par leurs cruau-
 tez, prestiges & tyrānies ils l'eussent du tout exter-
 miné & esteinct: mais s'ils n'ont pas eu seulement
 puissance d'étrier au vêtre des pourceaux, sans de-
 mander congé, comme l'escriture enseigne, de

Qij

HISTOIRES

combien deuons nous estre plus asseurez qu'ils ne nous peuuent nuire, sans la permission de Dieu, qui sommes rachetez de son sang, sommes son domicile, & qui portons sa marque, simulachre & caractere? Mais quel pl^e grād tesmoignage voulōs nous de la debilité, & petite puissance du diable, que ce qu'il en atteste de luy-mesme en Iob premier? où demādāt cōgé de persecuter ce prophete Iob, il ne luy dit pas, permets moy de luy nuire: mais mesme il luy dit, *Mitte manum.* & *tange carnem eius*: Enuoye (dit-il) ta main, & touche sa chair: comme s'il eust voulu dire, qu'il n'estoit que l'organe pour executer la volonté de Dieu, appellant sa permission, sa main. Nous en auons encore vn semblable tesmoignage en saint Luc xxij. ou le Sauueur Iesus Christ dit à Simon. Simon Satan a demandé congé de vous tourmenter, & vaner comme le blé, mais i'ay prié pour toy, à fin que ta foy ne defaille point. Voila vn merueilleux tesmoignage, que le diable ne nous peut nuire sans congé, veu qu'il n'osa s'adresser à l'Apostre sans demāder son sauf-conduit à Dieu. Ce grand oracle de Dieu, saint Augustin, lequel auoit tant de milliōs de fois esprouué les furieux assauts de Satan, nous donne vne consolatiō merueilleuse, liure xij. chapitre xiiij. sur Genese, lors qu'il dit: Que le diable te forge de iour & de nuict tant d'illusions qu'il voudra, qu'il te represente en vision des corps qui ne sont point corps, que peut nuire cela à ton ame, moyennāt que ne consentes point à la vision? Vis donc asseuré, car il ne te peut nuire sans congé, & toutesfois la permis-

Augusti.
in Euange.
Ioan. tra-
ctatu. 7.

sion qui luy est donnee, n'est point pour te damner ou meffaire, mais pour te chastier de ton peché, ou faire prouue de ta fidelité. Saint Paul nous seruira de tesmoing irreprochable en cecy, lequel au deuxiesme des Corinthes, chap. xij. atteste luy mesme, que le Seigneur permist à Satan de le souffleter, de peur qu'il ne fust esleué outre mesure, pour l'excellence de ses visions. Encore a il bien fait d'auantage, cōme luy-mesme tesmoigne en l'Epistre premiere à Timothee, chap. premier, où il fait entendre Timothee qu'il a baillé Hymence & Alexandre à Satan, à fin qu'ils apprennent à ne plus blasphemer. Voila donc comme le Seigneur vse quelques fois des malins esprits comme des bons, à nostre salut: lesquels se transfigurent quequesfois en diuerses formes & figures de nuict & de iour, pour nous oppugner & tirer au combat: mais celuy ne sera point couronné, qui n'aura virilement combatu. Apprenons doncques desormais avec l'Apostre, à vestir les armes de Dieu, car nous n'auons pas seulement (comme il escrit aux Ephesiens) la guerre contre le sang & la chair, ains contre les principautez, contre les puissances, contre les recteurs du monde, & des tenebres de ce siecle. Tenons nous doncques sur noz gardes de peur d'estre circonuenus de ce faux enchanteur & trompeur: ne voyons-nous pas comme il est effronté, & cōme il dresse ses cornes? Quel plus grand tesmoignage de sa rage & fureur, que ce qui est escrit au prophete Michee? où il le voit deuant Dieu criant & huyant. Je sortiray, & seray menteur deuant la

3. Reg

Q iij

HISTOIRES

face de tous les prophetes d'Achab. Et en Zacharie, comme il est tousiours à la dextre du grand prestre pour empescher qu'il ne descende quelque benediction sur Ierusalem. Ce qu'estant viuentement apprehendé par ce grād Euesque d'Hippouense S. Augustin, il crie apres le seigneur, disant: Deliure nous Seigneur, de nostre aduersaire ordinaire, lequel soit en richesse, en pauureté, en ioye ou tristesse, en parole ou en silence, en dormant, veillant, beuuant, mangeant, ou en toutes noz autres humaines actions il nous espie, nous suit, nous talonne, & presse, il dresse ses rets, darde ses fleches, ordonne ses machines, lassons & gluyaux pour surprendre nostre pauvre ame. Puis il conclud avec le Psalmiste: Deliure nous dōc Seigneur des laqs des veneurs. Puis que nous sommes doncques outre nostre esperance ancrez si auant en ce profond abyssine de visions, auant hausser noz voiles, encores no⁹ faut-il mettre fin au dernier membre qui en depend. Il y a encores d'autres especes de visions, lesquelles ne se font ne par illusion diabolique, ny par aucun secret ne ministere des anges, ny autrement: mais elles s'engendrent par corruption d'humeurs, ou par indispositiō de l'imaginatiue, ou par quelque autre infirmité de nature, de sorte que nous pensons veoir les choses qui ne sont point, & telles especes d'imaginatiōs tourmentent & vexent le plus souuent les melancholiques, comme Galien enseigne de celuy qui se pensoit estre transformé en Coq, frequentoit avec eux, imitoit leurs chāts quand il les entendoit chanter, mesmes se battoit


quelquefois des bres ainsi qu'ils font des aïfles: comme en semblable il y en a d'autres qui se persuadoient estre transformez en vaisseaux de terre, de sorte qu'ils ne bougent des plaines & campagnes, & n'osent approcher des arbres ou maisons, de peur de se heurter, & mettre en pieces. Il y a eu certaine damoiselle de laquelle Alexander Tralianus liure premier chapitre vingt escrit l'histoire, laquelle par quelque corruption de l'imaginatiue se persuadoit auoir deuoré vn serpent en dormant, & ne peut oncques estre deliuree de ceste maladie, iusques à tant que luy ayant ordonné vn vomitoire, on luy supposa vn serpent vif au bassin, par le moyen duquel elle fut deliuree de son mal: car elle se persuadoit aysemēt qu'elle l'auoit vomy. Il y a encores quelques visions qui procedent d'auoir imaginé quelques venins ou poisons, comme Pline & Edouardus enseignent de ceux qui mangent la ceruelle des Ours, laquelle deuoree, faict penser qu'on est transformé en Ours. Ce qui est aduenü à vn gētilhomme Espagnol de nostre temps, à qui on en fist manger, & il alloit errant par les deserts & montagnes, pensans estre transmué en Ours. Encores y a il d'autres visions, lesquelles selon les Phisiciens se peuvent faire par causes naturelles, comme quand quelqu'un est occis & enterré, non pas trop profondement en la terre, il sort (comme ils disent) du corps mort des exhallations & vapeurs, lesquelles esleuees en l'air, nous representent l'effigie, & idee de celuy qui est en terre. Encores y a il plusieurs autres choses qui deçoient

Q iij

HISTOIRES

noz sens sous couleur d'illusions, comme quand l'air est agité de vêts contraires, par leur agitation ils engendrent vn bruit & murmure qui ressemble proprement au muglemēt des bestes, ou à des plainctes des femmes & petis enfans. Quelquefois aussi l'air penetre dedans les souspiraux & concautez des rochers, & vieilles murailles, puis quand il est repercuté, il resonance si distinctemēt, qu'il semble que ce soit quelque voix articulée: comme nous experimentons souuent en ce que nous appellons Echo, laquelle prononce quelquefois cinq ou six paroles, avec si grād' merueille, que ceux qui ignorēt les causes d'icelle se persuadent (la nuit principalemēt) que soient quelques esprits ou Demōs. Ce qui est aduenü de nostre temps à vn cōseiller & secretaire d'un prince, lequel par defect d'auoir bien obserué la cause de l'Echo, faillit à se noyer, cōme vous entendrez par la memorable histoire que Hierosme Cardan medecin Millannois raconte en ses liures des merueilleuses inuentiōs. Ledit Cardan escrit qu'Augustinus Lauisarius conseiller & secretaire d'un prince, estoit quelque iour aux champs, foruoyé de son chemin, & pressé de la nuit, sans sçauoir à qui auoit recours. Estant en ceste peine, il se trouua merueilleusement troublé, car il cheuauchoit le long d'un petit fleuve, & ne sçauoit s'il deuoit passer de l'autre costé ou non, & tourmenté ainsi en son cœur, il commença à dire: Oh! qui est vne plaincte commune aux Italiens, quand ils ont quelque ennuy. L'echo, qui estoit en quelque rocher là aupres, luy respond

incōtinent, Oh! Lauisarius bien aysé, en pensant que
e fust quelque homme luy demande en sa langue,



*Vnde debo passa? L'Echo respond passa: puis le pauvre
homme estant encores en plus grande peine, luy de-*

HISTOIRES

manda *chi*? qui signifie en nostre langue icy: L'Echo luy respondit: *chi*: n'estant point encore bien asseuré, il luy demande de rechef, *debo passa chi*? l'Echo respond, *passa chi*. Ce pauvre homme pësant auoir certaines nouuelles de son chemin, se mist en l'eau, cuidant trauffer le fleuve, mais il fut estonné que son cheual commença à perdre le fond de l'eau & à nager, toutesfois le cheual qui estoit puissant & adroict, apres auoir longuement gasouillé en ce fleuve, tira son maistre à bord, lequel n'eut en sa vie si belles affres, & fut contrainct monsieur le conseiller de passer la nuit en prieres & oraisons, trempé comme vne esponge sur le bord de ce fleuve. Quelques iours apres arriué à Milan, il fist ses complainctes à Cardan (son intime amy) de ce qu'il auoit trouué quelque esprit maling qu'il auoit cuidé faire noyer dans vn fleuve. Et quand ledict Cardan l'eut interrogé du lieu, il cogneut incontinent l'ignorance de monsieur le Conseiller: car il scauoit qu'il y auoit vn Echo admirable en ce lieu, qui rendoit les voix si bien formées & articulées, qu'il sembloit que ce fust quelque creature qui parlast. Et pour luy en donner certain tesmoignage, il le mena au lieu mesme où ils trouuerent en fin que son *passa*, n'estoit autre chose que la reuerberation de l'Echo. Voila doncques cōme nous sommes quelquefois deceus és visiõs, mesme en l'Echo, qui n'est rien: mais puis que nous sommes enfournez si auant au traict de l'Echo, ie ne veux mettre en oubly, que pendant que ie composois ce liure, i'en ay

obserué vne au bourg de Chalenton pres Paris, laquelle ne cede en rien à celle que décrit Cardan: car elle rend les paroles toutes entieres, distinctes, & articulees, sept fois l'une apres l'autre cōme l'Echo septuplex des anciens, tant celebree de Pline: & me suis souuent estonné comme ceux qui ont escrit les antiquitez & choses memorables de Paris, n'en ont faict aucune memoire en leurs escrits: car ie ne me recorde d'auoir oncques obserué la semblable en diuers voyages que i'ay faicts par les hauts alpes d'Italie & d'Allemagne, & qui ne voudra adiouster foy à noz escrits: l'experience en est assez aisee: car le lieu est pres de ceste cité. Il ne reste plus, pour mettre le dernier seau à toutes especes de visiō, que de traicter des visiōs artificieles, lesquelles ordonnees, & basties par certains secrets & mysteres des hommes, engendrēt grāde terreur à ceux qui les cōtemplent, cōme celle de laquelle fait mention Hector Boetius en ses Histoires d'Ecosse, laquelle combien qu'il y eust de l'artifice, si est ce que son effect fut merueilleux & estrange, & cause de la cōseruatiō d'un Royaume, cōme vo⁹ entēdrez cy apres. Ces Pictes ont tousiours esté (comme lon trouue aux histoires) ennemis capitaux des escossois, de forte qu'apres plusieurs escarmouches & batailles, ils tuerent en fin le premier Roy d'Ecosse, & deffirent presque la pluspart de la noblesse du païs. Cenethus second Roy d'Ecosse, & fils de celuy qu'auoient meurtry les Pictes, desirant de venger la mort de son pere, exhortoit

HISTOIRES

souuent la seigneurie du païs de reprendre les armes, & de courir sus aux Pictes: mais par ce qu'il auoiēt esté si mal-heureux aux precedētes batailles, & que la pluspart des plus grands Princes du païs auoient esté tuez, il n'y eut ordre par moyen aucun de les inciter à reprendre les armes. Cene-
 thus se ressentant du meurtre de son pere, voyā qu'il ne pouuoit les induire à vengeance pour aucune suasion ou priere, il eut refuge à l'art: & feignant de vouloir consulter des negoces du païs, il manda ce qui restoit des Princes pour assister au conseil. Les ayant retenus quelques iours avec luy, il les feit tous loger en certain chasteau où il estoit logé, puis s'aduise de gagner quatre ou cinq hommes, auxquels il se fioit le plus, & les feit mettre en quelque autre lieu secret, aux chābres deputees pour les Princes, les ayant premierement accoustrez de quelques vestemens horribles, faicts de grandes peaux de loups marins, desquels il y en a en abondance en leurs païs, à cause de la mer: encore n'estoit-ce pas tout, car ils auoient chacun vn baston en la main de ce vieil bois qui reluit la nuit, & si auoiēt encores en leurs mains dextres chacun vne grande corne de bœuf, percee par le bout, & se tenoient ainsi reclus iusques à ce que les Princes furent enseuelis de leur premier sommeil, & lors ils commencerent à se produire auetques leurs bastons qui esclairoient, & resonnoit aussi certaine voix hideuse par leurs cornes de bœufs, laquelle contenoit qu'ils estoient enuoyez de Dieu, leur denoncer la guer-

contre les Pictes, & que la victoire leur estoit
 donnée au ciel. Ainsi ces fantosmes, aydez de
 faueur de la nuict, qui est mere nourrice de ces
 visions, iouerent si bien leur roolle, qu'ils eua-
 rent ay sement sans estre descouverts. Ces pau-
 res Princes ainsi intimidez passerent le reste de
 nuict en prieres, puis le matin vindrent trou-
 uer le Roy, auquel chacun comunica sa vision.
 Mais ce bon Roy Genethon, qui estoit bien gua-
 y du sot: leur dit aussi, que semblable vision luy
 estoit apparue: mais qu'il n'osoit publier les se-
 crets de Dieu iusques à ce qu'il en eust plus cer-
 tain aduertissement. Ces pauvres Princes enflam-
 mez à la guerre, comme s'ils eussent eu Iesus
 Christ pour leur chef, assaillirent les Pictes si vi-
 uement qu'ils ne les deffirent pas seulement en
 bataille, mais ils en exterminerent si bien la me-
 moire, qu'oncques puis on n'en ouyt parler. On
 list plusieurs semblables exemples de ces visions
 artificieles aux historiens, mais par ce que ceste-
 ey m'a semblé la plus memorable que i'aye ia-
 mais leuë & qui a mieux succedé, i'en ay voulu
 faire mention en ce lieu. Il s'en est encore trou-
 ué de noz ans, qui ont mis des chádelles allumees
 dedans des testes de morts, pour espouuenter le
 peuple, & autres qui ont attaché de petites chan-
 delles de cire allumee, sur des coques des Tor-
 tues & Limaces, puis les mettoient dedans les cy-
 metieres la nuict, à fin que le vulgaire voyât ces
 animaux se mouuoir de loing avec leurs flam-
 mes, fust induit à croire que c'estoient esprits de

HISTOIRES

morts, qui retournoient demander quelque chose en ce monde, & par tel moyen on a tiré l'argēt subtilement du populaire simple, mais ces larrons infames rēdront conte vn iour, au Seigneur des pauvres brebis de Iesus christ, qu'ils ont ainsi escorchees & tyrannisees, sous le pretexte de vision. Il y a encore d'autres visions diaboliques, qui se sont faictes de noz ans avec certaines chandelles composees de suif humain, & pēdant qu'elles estoient allumees, de nuict, les pauvres gens demouroient si bien charmez qu'on desfroboit leur bien deuant eux, sans qu'ils se sceussent mouvoir de leurs lits, ce qui a esté practiqué en Italie de nostre temps. Mais nostre Dieu qui ne laisse rien impuny, à permis que les auteurs de telles vanitez fussent apprehendez, comme le larron sur le faict, lesquels conuaincus, ont depuis terminé leurs vies miserablement au gibet. Il y a encore quelques autres visions artificielles, qu'ils font avec vne huile ou liqueur, extraicte de ces vers qui esclairent la nuict, mais par-ce que ces choses ne sont dignes d'estre referees entre nous Chrestiens, ie m'en tairay pour le present, mesmes me suis esmerueillé, comme quelques hommes doctes & les ont osé inserer en leurs escrits, veu que nous sommes assez prompts à inuenter le mal, sans adiouster encore l'huile à la meche. Prends donc en gré, lecteur, ce traicté de visions, lequel i'ay dilaté vn peu plus copieusement que ie n'auois promis au commencement, mais par-ce que ceste matiere est rare, & que ie n'ay encore trou-

de aucun auteur Grec ou Latin, qui ait compris
toutes les especes de visions, j'ay bien osé l'en-
treprendre, & croy que si tu n'es ingrat, ou cen-
sur trop critique, tu approuveras mon labeur.

Fin de la vingt sixiesme histoire.

HISTOIRES
HISTOIRE PRODIGIEUSE
d'un Monstre veu par Celsus
Rhodiginus.

Chap. XXVII.



Afin



Fin de nous desgouter
de ces visions prodigieu-
ses (lesquelles peult estre
auoient par trop ennuyé
le Lecteur) il m'a semblé
bon, de mōster icy le
pourtraict dedeux admi-
rables Monstres lvn ma-
lle l'autre femelle, veuz

en diuerses prouinces par deux excellens Philo-
sophes qui ont regné de nostre aage. Le premier
qui est malle, fut veu par Ludouicus Celius Rho-
diginus, comme il escriu au troisieme chapitre
du 24. liure de ses antiques leçons comme il s'é-
suint: Il fut, dit-il, produit vn Mōstre à Sarzare
en Italie, l'ā de grace, 1540. le dixneuuesme iour
de Mars, digne destre considéré pour beaucoup
de causes: l'vne, par-ce qu'il sortit au monde du
temps que l'Italie estoit agitée de diuerses tēpe-
stes de guerres domestiques & que cest enfant
monstreux estoit comme vn certain herault qui
denōçoit ces maux, les autre causes pour lesquel-
les il merite d'estre diligemment obserué, sont
pour les estranges & meueilleux effects que na-
ture exhiba en ce petit subiect, car en premier
lieu, lors que sa mere l'enfanta, il estoit aussi grād
& bien formé que s'il eust eu quatre moys accō-
plis, qui est chose monstreuse en sa nature. Secon-
dement il auoit deux belles testes accomplies de
toutes leurs parties & deux faces ioignantes l'v-
ne à l'autre & entées sur la tige du col avec vne
proportion merueilleuse en chacune de ses par-

R

ties: Il auoit les cheveux vn peu lōguets & noirs & être les deux testes, auoit vne troisieme main qui n'excedoit pas la longueur d'vne oreille. Quand au reste du corps, il estoit si bien faict & proportionné de tout ce qui est requis qu'il sembloit que nature se fust delectée à le faire & à le former si beau. Apres auoir seiourné quelque temps en ce miserable monde, il mourut: Et par-ce qu'il en fut faict vn present à vn lieutenant du roy d'Espagne, qui commandoit en ceste terre, il fut besoing, de peur qu'il se corrompist, de luy ouurir le ventre, & tirer les entrailles, mais apres l'auoir ouuert il se representa à la veuë des spectateurs, vne chose qui n'est pas moins esmerueillable que les precedentes. C'est qu'il auoit deux foyes, deux rates, & n'auoit qu'vn cœur. Voila la description que fait Celsus de ce Monstre. Ce second Monstre de la femme à deux testes, que tu vois figuré auecques l'autre, est plus admirable que le premier en vne chose, par-ce qu'il a vescu plusieurs ans, qui est cōtre le naturel des Monstres, lesquels ordinairement ne viuent gueres, car l'abondance de l'humour melancholique qui redonde en eux, pour se veoir ainsi en opprobre de tout le monde, les desseche & consume si bien, que leur vie est briefue, ce qui n'est aduenü en ceste fille que tu vois icy figurée, car lors que Cōradus Licosthenes la veit au Duché de Bauiere, mil cinq cens quarante & vn, elle estoit aagée de vint & six ans. Ce docte Philosophe Licosthenes escrit vne chose merueilleuse de ce Monstre, car reserué la

plication de la teste, nature n'y auoit rien ob-
 is. Ces deux testes (ain si comme il escrit) a-
 oient mesmes desir de boire, de manger, de dor-
 air, & auoient la parole semblable comme aussi
 toient toutes leurs affections. Ceste fille alloit
 huys en huys chercher sa vie, & on luy donnoit
 blontiers pour la nouueauté d'un si estrange &
 nouveau spectacle, neantmoins qu'elle fut chas-
 e à la lōgue de la Duché de Bauiere, parce qu'el-
 e gastoit le fruct des femmes grosses, pour l'ap-
 rehension qui demouroit en l'imaginatiue de
 la figure de ceste femme monstrueuse.

Fin de la vintseptiesme hictoire.

R ii

HISTOIRES
MONSTRE VIF, DVQUEL LES
intestins & autres parties intrinseques, se voyent
nues & descouvertes.

Chapitre XXVIII.



de descou
partie polle
des prodige
vous enco
mains ont
tholes, au
ge par ce
contre l'u
chapi. 10
neus me
rians de
corps har
corps de
millent e
ment, la
ne & ce
ne de fa
corps
nature
figu
les
trous



V temps que Seruius Galba & M. Scaurus estoient Confuls vne femme noble & genereuse à Nursine enfanta vn fils vif, qui auoit la partie superieure du ventre tellement ouuerte, qu'on luy voyoit tous les intestins nuds & descouverts, & si estoit solide, & entier en la partie posterieure, & croy que si vous lisez tous les prodiges auteurs Grecs ou Latins, qui ont escrit des prodiges de nature, à peine en trouuerez vous eucore vn semblable. Et ainsi que les Romains ont tousiours esté superstitieux en toutes choses, aussi eurent-ils quelque augure & presage par ce monstre, de la victoire qu'ils eurent contre Iugurtha, come Iules Obsequent escrit, chapi. 100. des prodiges Romains. Et si les anciens medecins Grecs & Arabes qui estoient si frians de rechercher les secrets de la fabrique du corps humain, qu'ils demandoient aux Roys les corps des condamnez, pour les ouurir tous vifs eussent eu ce petit monstre à leur commandement, ils n'eussent exercé telle boucherie, tyrannie & cruauté à l'endroit des creatures viues, come ils faisoient. Car iectans l'œil seulement sur le corps du ce petitt monstre, sans faire autre ouerture, la substance, la magnitude, le nombre, la figure, la situation, l'vtilité, & l'action de toutes les principales parties du corps humain, les esprits estans dedans: ce qui n'est pas de petite consideration en nature, attendu que par l'igno

R iii

rance des choses, s'il aduient qu'un nerf, ou un muscle soit incisé, le plus souvent le sentiment s'en perd, aucunes fois le mouvement, & souuentefois, l'un & l'autre, & quelques fois la mort s'ensuit. C'est pourquoy les anciens Roys & Princes comme Marc Antoine, Flavius & Boetius, comme Galien tesmoigne, ont pris si grand plaisir aux anatomies & dissections des corps, qu'eux mesmes en ont exercé l'art, lequel pour n'auoir pas esté bien curieusement observé, a fait errer les plus renommés Philosophes du temps passé, comme Aristote liure premier & troisieme de l'histoire des animaux, Cha. 7. ou il escrit que les sutures de la teste, par lesquelles les matieres fuligineuses du cerueau s'euaorent, sont dissémbles, & differentes es hommes & femmes. Et toutes fois nous voyons par experience ordinaire, le contraire. Le mesme auteur aussi a esté deceu en ce qu'il a escrit, que les testes des chiens n'auoient aucunes sutures, & toutes fois en les anatomisant nous y trouuons des sutures come en la teste des hommes. Cornelius Celsus semblablement, l'un des plus excellens qui ait escrit la medecine en Latin, s'est tropé en ceste mesme matiere des sutures, liure. 8. cha. 1. ou il escrit que les testes qui n'ont aucunes sutures sont les plus saines & moins subiectes à maladie, & toute fois cela est appertement faux, par le tesmoignage d'Hipocrates, libr. 1. *De homine*. où il escrit que les testes qui ont plus grand nombre de sutures, sont les plus saines. Et comme iay produit l'inaduertence de ces deux en matiere des dissections des corps,

aussi en pourrois-je descouurir vne infinité d'autres erreurs qui se treuvent en Mundinus, Carous & autres, lesquels en leurs écrits se sont souuent trompez en la dissection de la fabrique du corps humain: mais par ce que nostre subiect est des prodiges, nous ferons fin à ceste matiere, sans mettre plus auant la faulx en la moisson des medecins.


Fin de la vint huitième histoire.

R. iiii

HISTOIRES
HISTOIRE PRODIGIEUSE D'VN
Chien Monstreux, engendré d'vn Ours, & d'une
Dogue d'Angleterre, observé par l'auteur, à
Londres, avec plusieurs autres discours
memorables sur le naturel de
cest animal.

Chapitre

XXIX.





Ar ce (lecteur) que ce fut en Angleterre, en la fameuse cité de Londres, que i'obseruay premier le naturel & la figure de cest animal, lequel tu vois icy depint i'ay bien voulu, auant qu'en faire plus ample description (pour n'estre accusé d'ingratitude) celebrer la memoire de ceux desquels i'ay receu quelque faueur . Au premier rang desquels ie doy à iuste droict mettre la maiesté de la Royne Elizabeth, laquelle, combien qu'elle fust mal disposée lors que i'arrinay, & qu'elle eust occasion de ne se redre conuenable à personne de si petite qualité comme ie suis, si est ce qu'elle me fist tant d'honneur de me faire appeller deuant sa maiesté, ou en presence de plusieurs grands seigneurs & dames, elle comença à discourir de plusieurs choses hautes & ardues: Et non contente de tant de faueurs & tesmoignage d'humanité, pour ne laisser rien en arriere de ce qui appartenoit à sa generosité & grâdeur , encores me fit-elle vn present si honorable, qu'un grand seigneur eust eu bonne occasion de s'en contenter. Le ne puis semblablement passer sous silence, les courtoisies & honnestetez que i'ay receues de monsieur lAdmiral d'Angleterre, monsieur Sicile, premier Secretaire de la Royne: & entre autres de monsieur le Côte d'arfor, lequel oultre le gracieux acueil & autres faueurs particulieres que ie receu de luy, encores me fit-il vn present si honeste, qu'il merite bié d'estre publié en ce lieu. Le metiterois

HISTOIRES.

d'estre mis au premier rang de tous les plus extremes ingratz du monde : si ie raisois semblablement la liberalité de mōseigneur le Comte de Chandalle, de monseigneur le Marquis de Trans, & de monseigneur le marquis de Nelle, qui estoient pour lors en ostage en Angleterre, lesquels non contens de m'auoir receu a leurs maisons comme leurs propres personnes, encores ny eust il celuy d'entr'eux lequel a mon departement ne me fist present digne de n'estre iamais supprimé.

Et parce que ie ne puis en tout le cours de ma vie, auoir moyen de m'en reuencher, ny satisfaire à tant d'honnestes obligations, ie ne puis moins faire, ce me semble, que les magnifier, en donner attestation à la posterité, par mes escrits. Mais à fin que nous reprenons les erreurs de nostre matiere, cest animal monstreux, que tu vois figuré au commencement de ce chapitre, est engendré d'un Dogue d'Angleterre & d'un Ours, de sorte qu'il participe de l'un & de l'autre nature. Ce qui ne semblera estrange à ceux qui ont obserué à Londres, comme les Dogues & les Ours sont logez en de petis cachots, les uns aupres de autres: & quand ils sont en leurs chaleurs, ceux qui sont deputés pour les gouverner, enfermēt vne Ourse & vn dogue ensemble, de sorte que pressez de leurs fureurs naturelles, ils cōuertissēt leur cruauté en amour & de telles cōiunctions, nayssēt quelq̃sfois des animaux semblables à cestuy, encore que soit bien rarement: entre lesquels i'en ay obserué deux, qu'on auoit donné à mōseigneur le Marquis de Trans: l'un

duquel il fist present à monsieur le Comté d'Alphestā, ambassadeur de l'Empereur: l'autre qu'il a fait amener en Frāce, sur lequel i'ay fait retirer cestuy au naturel, sans que le peintre y ait rien obmis. Et par ce que nous auons fait mentiō cy dessus, que ce chiē que tu as veu icy figuré, estoit engendré d'un Ours & d'un chien, & que peut estre telles conionctions te sembleroient estrāges, il m'a semblé bon te prouuer que cecy ne'st point nouveau, par attestation de quelques fameux auteurs. Les animaux, dit Aristote, qui sont de diuers gēres, peuuent coyr, & se ioindre ensemble, mais que leur nature ne soit pas beaucoup differente, comme sont les chiēs, les loups & les renards. Puis en vn autre lieu il escrit que les chiens des Indes sont engendrez d'un Tigre & d'un chien, & que les Indiens attachent aux desers leurs chiennes, quād elles sont chauldes, à quelque arbre, afin d'estre couuettes des Tigres Polux & Plinē escriuēt le semblable. Patrice de Senes, liure troisiēme de sa Republique, tesmoigne que non seulemēt les Indiens ont fait couurir leurs chiens à quelque animaux d'autre genre, mais mesmes que les anciens François, faisoient couurir les leurs aux loups, à fin que le fruit qui sortoit de telles mixtions de semences, fust plus furieux. August. Nyphus escrit vne histoire conforme à cecy, laquelle il n'a point leue aux auteurs, mais luy mesmes la obseruée. Ainsi dict-il que le Seigneur Federic de Montforce & moy retourinions de la chasse nous egarāmes

HISTOIRES

de fortune l'un de noz chiens, lequel nous ne
pensmes rappeler, ny par le cry du cornet: ny par
la clameur des veneurs: & apres l'auoir longue-
mēt cherché, nous le trouuâmes en fin ioinct a-
uec vne Louue au coing d'un bois, estât sa cruau-
té vaincue par le plaisir. Hierosme Cardā mede-
cin Milānois, assure auoir veu vn renard engen-
dré d'une chiēne & d'un renard. Mais à fin de re-
tourner à la descriptiō de nostre animal, duquel
tu vois la figure si monstreuse, qui ressemblē à vn
Ours racour sy, aussi auoit-il les gestes, le mugle-
ment, & toutes ses autres façons de faire pl^{us} ap-
prochâtes de l'Ours, que du chiē: mais ie te puis
asseurer que cest l'une des plus furieuses bestes
que l'on puisse regarder, car il n'y a espee d'ani-
mal auquel il ne s'attache, soit Ours, Lyon, Tau-
reau & autres semblables & si est si ardent en ses
combats, que depuis qu'il a mis la dent sur quel-
que beste, il se feroit plustost demēbrer que lais-
ser prendre, comme i'ay veu par experience à
Lôdres, quād on le fist cōbatre cōtre l'Ours. Ce
qui me remet en memoire ce que les historiens
escriuent d'un chien qui fut donné à Alexandre
aux Indes, lequel (cōme aucuns assurent) estoiet
engendré d'un tigre & d'une Chienne. Et par-
ce que ceste histoire est racontée diuersement
par Eliā, Diodore Sicule, Strabo, Plutarque, Pa-
trice & plusieurs autres, i'en racōteray seulemēt
ce qui est plus vraysemblable. Ainsi qu'Alexan-
dre le grād voyageoit par les Indes, vn grand sei-
gneur pour luy gratifier, luy donna vn chien en-
gendré d'un Tygre, de mōstreuse corpulence:

Alexandre desirant d'experimenter si le cœur de cest animal respondoit à la forme, luy fist presenter vn Ours pour le cōbatre. Le chié qui estoit couché, ne se daigna oncques leuer: Alexandre commāda de rechef, qu'on luy presentast le Taurau, puis le sanglier. Le chien nom plus esmeu de l'un que de l'autre, ne se voulut leuer, ne faire aucun semblant d'estre irrité de leur presence, encores qu'on le prouocast par tous moyēs au cōbat. Alexandre indigné outre mesure, dequoy nature auoit si mal employé vne si grāde masse de chair en vn animal si timide, cōmanda qu'on le tuast, dequoy le seigneur qui en auoit fait le present à Alexandre, aduertty, se presenta incontinent deuant la maiesté de l'Empereur, & le supplia auant qu'on executast ce qu'il auoit cōmandé, qu'on fist presenter le Lion. ou l'Elephant à son chien, Ce qui fut faict promptemēt. Et lors le Chien avec vne furie merueilleuse commēce à s'eslancer sur ce Lion, & le carasser si viuemēt à grands coups que la ou il imprimoit ses dents on n'en pouuoit effacer le caractere, & si estoit si acharné sur cest animal, qu'ō ne luy sceust oncque faire lascher prise. Dequoy l'Indien contenté, à fin de donner encores plus grand plaisir à l'Empereur cōmāda qu'on luy coupa la queue, ce qui fut faict mais le chien sans estre aucunement esmeu de ce tourment, persista immuable en son entreprise, nō content de cela luy fist couper les quatre iambes l'une apres l'autre, & le fist presque du tout desmenbrer: mais tout en vain, car ce pauvre chien demeura tousiours cō

stant, & a heurté cōme le loyal ouurier sur sa rasche: mais parce qu'Alexandre se courrouçoit, voyant vn chien si genereux ainsi mutilé, l'Indiē luy dict, i'en ay encores deux autres semblables, desquels ie vous fais present, avec la charge, que si vous en voulez auoir plaisir, il les faut experimenter cōtre les Lyons ou Elephans, car ils contemnent coustumierement tous les autres animaux, estimant la victoire honteuse qu'ils pourroiet remporter sur les autres. C'est chote eimerueillable des louanges que les auciens ont donē à ces animaux, & cōme ils ont celebré leur fidelité par leurs escrits. Les anciēs seuls entre les bestes irraisonnables, dit Elian & Columele, cognoissent leurs maistres, entendent leurs sifflets, les flatent, cherissent, en sont ialoux, les accompagnent par tout le monde, sont si fideles gardiēs de leurs biens, que pour mourir ils ne voudroiet souffrir qu'on les desrobaist. Plutarque au dialogue où il dispute si les bestes ont raison, confirmant les choses precedētes, raconte vne histoire de la fidelité d'un chien si estrange, qu'à peine y pourroit-on adiouster foy, sans l'autorité de ce luy qui la décrit, Les Atheniens, dit-il, auoient vn temple appelé le temple d'Aesculapius, garny de thresors & richesses, pour la garde duquel ils nourrissoient vn chien excellent, nommé Caparus: ce chiē ne peut estre si loyal gardiē, que quel que larron de nuict n'entraist au temple, & qu'il ne desrobaist les plus excellens ioyaux. Ce chien voyant que les procureurs & secretains ne faisoient conte de ses hurlemens & abbays, sort

du tēple quasi furieux & enragé, poursuit ce larron & sacrilege qui s'enfuyoit, & pour pierres que le larron luy sceust iecter, il ne se desista point, Or quand le iour fut apparu le chien s'arrestoit par tout ou le larron s'arretoit sans s'approcher toutesfois de luy, de peur que le larron luy mesfist. Le larron considerant l'artifice du chien, luy offrit du pain, auquel ne voulut oncq's toucher, mais il abbaioit, & le poursuivait sans cesse, lesquelles choses cogneues par quelques-vns de ceux qui alloient & venoient, qui furent cause q' les Atheniens enuoyerent en diligence apres ce larron, lequel fut apprehendé à Cromian, & remené à Athenes: mais le plaisir estoit de voir sauter le chien deuant le larron se resiouissant, & quasi estimant que ce larron & sacrilege fust sa prise & sa proye: & lors les Atheniens ordonnerent que le chien fust nourry aux despens de la ville: & que les prestres eussent le soing toute leur vie. Tous les historiens presque, qui ont escrit de la nature des animaux, racontent vne semblable histoire, de la fidelité d'un chien, que le Roy Pyrrhus cheminant avec son armée, rencontra de fortune, gardant le corps de son maistre, mort sur un grand chemin, & apres auoir contéplé par quelque espace de tēps ce piteux spectacle, il fut encore plus estonné, quand quelques paisans l'aduerterent qu'il y auoit trois iours que ce chien ne auoit bougé de ce lieu, sans auoir beu ny mangé, ny abandonné le corps mort de son maistre. Le Roy passionné oultre mesure, commanda que ceste charogne fust entermée, & que le chien pour sa

HISTOIRES

fidelité fut nourry & entretenu & qu'on fist vne
 prôpte enqueste du meurtre:& toutesfois quel
 que diligence qu'on y employast, on ne peut rié
 descouurir du forfait. Aduit que quelque iour
 apres, les gédarmes du Roy Pyrrhus firent leurs
 môstres, & le Roy en personne y voulut assister
 pour voir leur equippage, & ordonna qu'ils pas
 sassent tous deuant luy. Le chien duquel nous a
 uons faict mention, auoit tousiours accôpagné
 le Roy, & s'estoit tenu coy & muet, iusques à ce
 que ceux qui auoient tué son maistre passerent:
 Lors d'une impetuosité & furie merueilleuse il
 se ruë cōtre eux se mettāt en effort de les desmē
 brer & dechirer: puis avec certains gestes, & pi
 reux hurlemēs tournoit ça & là, regardant quel
 ques fois le Roy Pyrrhus intentiuemēt, semblāt
 quasi luy demander iustice, qui fut cause que le
 Roy & tous les assistans soupçonnerent inconti
 nent le meurtre auoir esté commis par iceux: tel
 lemēt que par ces coniectures furēt examinez,
 gehennez, conuaincus & punis du delict (chose
 certainemēt, miraculeuse) se môstrāt nostre Dieu
 estre si iuste en ses iugemens, & qu'il a en si grā
 de abomination les meurtriers & prodigues du
 sang humain, qu'il permet mesme que les bestes
 brutes soiēt les bourreaux & ministres de leurs
 iniquitez: comme i'ay plus amplement monsté
 au premier liure de mon Theatre du monde, fai
 sant mesme mētion de ceste histoire: mais parce
 que mon subiect est des prodiges, elle ne m'a s'é
 blé indigne d'estre repetée en ce lieu. Plutar. Eli
 am, & mesmes Tzetzes, Chiliade. 3. chapitre. 131,
 escri-

muët qu'apres que Darius dernier Roy de Perse fut vaincu par Alexandre, & blessé de plusieurs playes par Bessus, & Nabarzane, il demeura abandonné de tout le monde, & son corps mort destitué de tout humain secours, fors que d'un chien qu'il auoit nourry ieune, lequel n'abandonna oncques la charogne de son maistre, ains luy fist cōpagnie apres sa mort, cōme il luy auoit esté fidele en la vie. Tous ceux qui ont escrit les gestes memorables des Romains font sōuuent mention en leurs escrits de la fidelité du chien de Titus Fabius, lequel aps qu'il eust esté cōdāné à mort par iustice luy & sa famille, & que le corps de ces pauvres cōdānez fussent respandus sur la terre, le chien n'abandonna iamais le corps de son maistre, & abayoit & heurloit si piteusement, qu'il esmouuoit tous les assistants à pitié, faisant cognoistre par ses gestes, qu'il auoit quelque sentimēt du desastre de son maistre. Et incontinent qu'on luy eut offert du pain, pour le penser appaiser, il le print, & en presence de tout le peuple, avec les pates il ouuroit la bouche à son maistre mort & luy enfournoit le pain là dedās, pansant soulager son mal. Et apres que ce corps mort eut esté ietté dedās le Tybre, le chien se lance soudainement, & se precipite dedās le fleuve, & ne cessa de nager, tant qu'il eust attainct le corps, lequel en presence de tout le peuple, il traia au bort de l'eau, pensant par ce moyen l'auoir deliuré du peril. Voy lacōment nous experimentons vne plus grāde fidelité & amitié en ces bestes brutes, que

S

HISTOIRES

aux creatures raisonnables, lesquelles fōt le pl^r souuēt cōme l'Arrōdelle, ils s'enfuyent dēs que l'hyuer viēt, car dēs qu'ils sentent que nous som mes cōbarus des traictz de la fortune aduerse, ils s'ēfuiēt, & nous abandonnent. Cest pourquoy Masinissa ce grand Roy de Numidie ne voulut oncques se fier la nuit aux hōmes pour la garde desō corps, mais il faisoit mourir huit ou dix mutes de grāds chiēs, lesquels il faisoit coucher en sa chambre, pour la tuition & defēse de son corps: ce qui est encores pour le iour d'huy pratiqué en vne ville de Bretagne, close de mer, appelée S. Malo, en laquelle vn grād nōbre de dogues d'Angleterre & autres chiēs, fōt le guet & la sentinelle si dextremēt, qu'ils se confiēt & commettent la garde & protectiō de leur ville en la fidelité de ces animaux, autant qu'ils feroient à quelques soldats des vielles bādes de Piedmōt & si ne leur faut point de gages ny armures: ains ils se cōtentent seulemēt de la vie, laquelle leur est ordonnée du public, en certaines caues tene breuses, esquelles ils ne peuvent voir clarté aucune, à fin qu'ils soient plus furieux la nuit au cōbar: mais encores est-ce chose pl^r digne d'admiration, que ces animaux ne recognoissēt aucun, que ceux qui en ont le soing, & qui sōt deputez de la ville pour les nourrir & garder, de sorte q̄ il est force au soir quād on les tire de leurs caues & cachots, de sonner les trōpettes, fiffres & tabours, à fin q̄ le peuple se retire: car ces animaux sōt si duiēt à cela, que depuis que la retraicte est

sonnée, il n'y a homme si effronté qui s'ose présenter deuant eux, s'il ne se veult mettre au hazard d'estre incōtinēt laceré & mis en pieces. Les Ecclesiastiques font mention d'une histoire memorable de ces animaux. Ils escriuēt q̃ l'Empereur Aureliā voulāt cōtraindre Benignus martyr, d'adorer les idoles, fist ieusner quatre ou cinq iours de grās chiēs accoustumez de paistres de chair des Chrestiens, puis leur fist exposer le corps du martyr, lié cōtre terre, mais ces animaux qui ne voulurent estre les ministres du peché du tyrā ne firent que le lēcher & sentir le corps sans luy faire aucune lesion ou blessure, qui me remet en memoire vne histoire qu'Appi⁹, Grec, & Aulugele Latin, Iouianus Pōtanus, lib. 1. Amorum, & Antoine de Gueuare Euesque de Monodemo racōtēt, laquelle combien qu'elle traicte d'un autre animal que du chien, si est-ce que d'autāt qu'elle est p̃digieuse & bien conforme aux histoires precedētes, ie tiendray le temps pour biē employé, q̃ i'auray mis à la descrire. Le discours de ceste histoire en tel, que selō, que les dessudits autheurs la racontent. L'Empereur Titus fils de Vespasien, à son retour de la guerre d'Allemagne, determina (comme aussi les grands seigneurs auoient de coustume) de solenniser à Rome la feste du iour de sa natiuité. Estant venu le iour de la feste de la natiuité de Tite, il ordonna qu'on fist de grand triumphes au Senat, & qu'on donnast de grands tresors aux Romains: l'Empereur commanda puis apres qu'on feist prouision de plusieurs Lyons, Ours, Cerfs, Onces,

HISTOIRES

Rhinocérons, Taureaux, Sâgliers, Loups, Chameaux, Elephans, & autres innombrables especes d'animaux sauvages, fiers & cruels, desquels la pl^e grâde par se trouuēt es desers d'Egipte, & en la vallée du mônt de Caucase. Long temps au parauant l'Empereur auoit commandé que tous les larons, brigands, homicides, faux tesmoings, traistres & rebelles, ne fussent executez, mais fussent reseruez, pour estre ce iour la deschirez & punis par ces animaux, a fin qu'ils ne fussent pas seulement bourreaux des malefices de ces malheureux, mais mesme que le cōbat qu'ils auroient les vns cōtre les autres apportast quelque plaisir aux spectateurs. L'ordre qui s'obseruoit en cōcy estoit, qu'ō mettoit ces hōmes les vns apres les autres, en vn lieu qui est pour le iourd'huy encores en essence à rome, nommé le Collisée: puis on laissoit sortir quelqu'un de ces animaux à la veuë de tout le peuple, & si de fortune la beste mettoit l'hōme en pieces, cela luy seruoit pour la punitiō de son delict: & si l'hōme aussi la mettoit à mort, il estoit absous du crime & peché qu'il auoit cōmis, sâs que la iustice l'eust peu chastier, ou apprehēder la par apres. Et si est à noter, qu'ils affamoient quelque espace de tēps au parauan ces bestes cruelles, à fin de les rēdre encores plus aspres & furieuses au combat. Entre les autres bestes qui furent amenées à ce combat, ils voulurēt auoir le plaisir d'un Lyon qui auoit esté prins aux desers d'Egipte lequel estoit grand de corps, horrible de regard, en ses hurlemēs espouuētable & aux cōbats desesperement cruel

lequel auoit desia mis en pieces cinq ou six hommes, lesq̃ls toutesfois on ne luy auoit voulu laisser mager, de peur qu'estât rassasié, il n'eust, peut estre, point prins de plaisir au cōbat. L'épereur ennuyé, commanda qu'on luy mist deuant luy quelque esclau, & que s'il aduēnoit que le Lyō fust victorieux, qu'ō luy laissast deuorer, par ce qu'on le laissoit par trop en la place sans mager: les gardes obeissāns au cōmādemēt de l'Empereur, mirēt en ieu vn pauvre esclau, tāt maigre, & attenné de prison, qu'il ne desiroit pour son repos que quelq̃ prōpte & soudaine mort. Ce fier Lyō rugissant ia ayāt faiēt deux tours à l'entour du Collisēe sēbloit se preparer pour se paistre de ce miserable esclau, mais cest chose merueilleuse à ouir, & fort estrange à voir qu'incōtinent qu'il se fut approché de l'esclau, & qu'il l'eut intentiuelement regardé entre les deux yeux tant s'en fault qu'il eust volūté de luy faire aucun mal, que mesme s'approchant de luy il comença à luy lecher les mains, & se prosternāt deuant luy en terre, luy mōstroit signe de le reconnoistre: & de luy estre redenable. Alors ce pauvre esclau voyant ce Lyō ainsi appriuoisé, comēça à se rasseurer, & chasser la froide peur qui le tenoit alsiegé, & afin de ne demeurer ingrat de sō costé, il caressoit & cherissoit ce lyō cōme s'il l'eust autresfois veu. L'épereur Tite, & le peuple Romain estonnez d'vne chose si esmerueillable, laq̃lle iamais n'auoit esté veuë, ny leuë cōmēcerent à cōiecturer que cest esclau estoit Necromācien, & qu'il auoit enforcellé & en

HISTOIRYS

chanté ce Lyon, & lors l'Empereur ennuyé de leurs caresses, s'escrie tout hault, dy-moy esclau qui es-tu d'où-es-tu? quel est ton nom? qu'as-tu fait? pourquoy as-tu esté icy amené & liuré à ces bestes? Quoy? as-tu nourry ce Lyon? t'es-tu trouué à sa prise? l'as-tu deliuré de quelque mortel dāger? Ou bien si tu es quelque enchanteur, ie te cōmāde, à peine d'estre desmēbrer tout vif, de nous dire verité, car tō affaire me semble si admirable, que peut estre depuis que Rome est fondée, elle n'a veu le semblable. L'esclau obeissant au cōmandement de L'empereur Tite, estant le Lyō couché a ses pieds, avec vn cœur asseuré respon- dit à l'Empereur ce qui s'esuyt. Serenissime Em- pereur, écores que tu me voyes maintenāt esclau, & mō pauvre corps en si piteux estat qui tiēt pl^s du mort que du vif, si est-ce q̃ tel que tu me vois ie suis cheualier du pais d'Esclauonie, de la lignée des Androniques, autant celebrée en mon pays, cōme celle de Quintus Fabius, & de Marcus Marcellus est à Rome. La cité dōt ie suis, est appelée Mantuca, laquelle s'estant reuoltée cōtre l'obeissāce des Romains, tous ceux de la ville qui furēt prins, furent mis en seruitude, & ré- dus esclaves, dont (infortuné que ie suis) le des-astre me fut si grand, que i'en estois l'un d'iceux, mais' punis qu'il plaist à vostre maiesté que ie vo^s racōte la Tragedie de ma miserable vie, il y a vingt & six ās que ie fus pris prisonnier en mō pais, & autant de temps que ie fus amené en ce ste cité, & vendu au chap de Mars, à vn seieur de bois, lequel me voyant mal conuenable à ce

meftier, me vedit au Cōsul Dacus, qui est encor
pour le iourd'huy viuant, lequel combien qu'il
fust hōme prudēt, & bié experimēté, si est-ce q
il auoit pour cōtrepoix de les vertus vn vice fa
milier, qui obscurcissoit presque tout ce qu'il y
auoit de bō en luy: car il estoit si confict en aua
rice, qu'il me laissoit presque mourir de faim, &
si me faisoit tāt trauailler iour & nuict, que mō
pauure corps estoit tout fondu, & miné à sō ser
uice, de sorte, que i'enduray vnzecōtinuelles an
nées ceste miserable vie, au bout desquelles ie
le suppliay tres affectueusemēt de me vēdre à q̄l
que autre, ou de mettre fin à ma miserable vie.
Voyāt dōc mō maistre ne fleschir pour aucune
requeste que ie luy fisse: ains augmēter de iour
en iour sa cruauté en mō endroict, sētāt d'autre
costé la vieillesse me menacer, & ma vigueur s'a
foiblir, quasi desesperé, ie deliberay de m'enfuir
aux solitaires desers de l'Egypte, dequoy la for
tune m'apresta vne bien prompte occasion: car
le Consul mon maistre, partit bien tost apres de
Rome, pour aller visiter vn pais, qui est appellé
Tamutha, situé entre les confins de l'Egypte &
d'Afrique. Et vne nuict le voiāt couché & édor
my, ie prins vn peu de raisins dessechez, & vne
bouteillée d'eau, & m'exposay en tel estat à la
misericorde de la nuict, & de la fortūe, & ayant
cheminé toute la nuict, sētāt le iour s'approcher
estāt asseuré qu'ō me faisoit chercher, pressé de
sommeil, & labeur, craignant d'estre surpris, ie
me mis dās vne cauerne, que ie trouuē de fortu
ne en quelque lieu desert & mōtueux, & apres

HISTOIRES

auoir reposé là dedās trois ou quatre heures, ie fus estonné que i'apperceus vn Liō fort hideux qui entroit en ma loge, lequel auoit la gueule & les pieds ensanglantez. Et voyāt cest animal couché à l'entrée de ceste cauerne, & considerāt que ie n'auois aucun moyen de fuyr, n'y force pour luy resister, ie cōmençay d'aprehender la mort, & cognoistre au plus pres que mō corps deuoit estre en sepulture dans les entrailles de cest animal. Et apres q̄ ce Lyon eut vn peu seiourné à la porte de ceste cauerne, il s'aduīsa d'ētrr dedās, trainant l'vn de ses pieds apres les autres, & se doulāt grandement, & s'approchāt de moy, qui estois tombé en terre, de peur, il mist sō pied malade dessus mes mains, comme feroit vn hōme sage qui descouure son mal à vn autre: qui fut cause que ie commēçay à prendre coeur, voyāt ce superbe animal si bien apriuoisé, & demander secours pour estre guiry. La maladie de ce pauvre Liō, estoit vne grosse espine qu'il auoit dans le pied, tellement que son pied estoit enflé, & prest à redre matiere: lors avec la poincte de mō cousteau ie donnay vent à l'apostume, & fis sortir la boue, & luy tiray l'espine, puis luy lie le pied avec vne bande de ma chemise: apres luy auoir vsé de ceste charité, ce pauvre animal, avec vne extreme patiēce, demeura aupres moy tout ce iour & la nuict, & quand le iour commēça à elclarcir, & que nous veīsmes la clarté entrer quelque peu dedās la cauerne, ie cōmençay encore de rabiller sa playe cōme i'auois faict le iour precedēt, & deux heures apres ce pauvre

Liō assailly de la faï, s'é alla par le desert, chercher quelque chose pour manger, & voyāt mō hoste departy ie me sauue prōptemēt à la fuitte: mais par ce que mon maistre auoit donné aduertisse mēt de moy par tous les passages, ie fus prins au premier village, & mené deuāt mō maistre, qui me fist lier & garrotter, puis m'enuoya à Rome, avec grand nombre d'autres prisonniers, où i'ay de fortune rencontré ce Lion, qui est celuy auquel i'ostay l'espine (Partant Cesar) puis que les dieux ont permis que nous ayōs recogneu l'vn l'autre en ce lieu, ie supplie tres humblement ta maiesté, no' laisser la vie sauue, Andronique ayāt faict cest estrāge discours à Tite, il esmeut tellement les spectateurs à pitié & compassion, qu'il n'y eut celuy qui ne commēça à crier à haulte voix apres l'Empereur, qu'il luy pleust le mettre en liberté, & ne tuer point le Liō: ce qu'il leur accorda volontiers, & dés l'heure mesme, le Liō & Andronique s'en allerent par les rues de Rome, lequel tout le peuple regardoit, & prénoit vn merueilleux plaisir de voir ce Lion, avec vn bast sāglé, lequel portoit de grādes besaces pleines de pain, de ce qu'ō luy donoit par les maïsons & quelquesfois souffroit que les enfans montassent dessus, pour auoir de l'argent. Et les estrangers qui venoiēt à Rome, estōnez de ce nouueau spectacle demandoiēt avec grāde curiosité q'c'estoit, & pour leur satisfaire, on escriuit vn billet qu'ō attacha à la poictrine du Liō, où estoïēt escrits les mots, *Hic leo est hospes huius homini.* Et en la poictrine de l'homme estoïēt escrits ceux

HISTOIRES

cy: *Hic est medicus huius leonis*, c'est a dire, ce Lion est hôte de cest homme, & cest homme est medecin du Lion. Voila doncques vn merueilleux exemple de charité en vn animal stupide, & grossier cōme le Liō. Ce n'est dōcques sās cause qu'un philosophe Indien nōmé Dephile, auoit accoustumé de dire, que ceste grande ouuriere nature auoit graué certaines loix aux animaux, qui deuoient estre comme exemplaires, & formulaires aux hommes, pour leur aider à conduire, l'estat de leur vie: car si nous voulons cōsiderer & contēpler les façons de faire des bestes brutes, nous trouuerons qu'elles surpassent les hōmes en beaucoup de choses, & semble qu'elles ayent quelque vertu naturelle en chacune affection de courage, en prudence, force, couardise, clemence, vigueur, discipline, erudition: elles cōgnoissent les vnes les autres, discernēt entr'elles appetent les choses qui leur sōt viles, fuyent le mal, euitent le peril, trompent souuent & deçoient l'homme, pouruoient à l'aduenir, amassent ce qui leur est necessaire pour viure. Ce qu'estāt cōsideré, par plusieurs anciens philosophes, n'ot point eu de honte de disputer ou reuoyer en doute, si les bestes brutes estoient participātes de raison: mesmes le sage Salomō nous enuoye quelquesfois à leurs escoles. Et Esaie reprochāt aux Israelites leur ingratitude enuers Dieu, leur propose pour exemple le bœuf & l'asne qui recognoissent leur maistre, mais Israel a mescongneu son Seigneur.

Fin de la vint vniēme histoire.

HISTOIRES PRODIGIEUSES DE

certaines femmes, qui ont enfanté grand nombre
d'enfans, & d'autres qui ont porté leur fruit
cinq ans mort dans leur ventre.

Chapitre XXX.



HISTOIRES



E grand oracle de Philo-
sophe Aristote, a creu &
asseuré en ses escripts que la
femme ne pouuoit enfan-
ter en vn coup pl^r de cinq
enfãs, encores biẽ raremẽt
Toutesfois (dit-il) cela est
quesfois aduenü à la ser-
uãte d'Auguste Cesar, laquelle d'vne portée ac-
coucha de cinq enfãs, lesquels non plus que la
mere, ne vesquirent que bien peu de temps. En
memoire dequoy l'Empereur Auguste luy feist
faire vn monument, & feist escrire dessus le n^o-
bre des enfãs, desquels elle auoit accouché,
Combien qu'Aristote ayt creu la femme ne pou-
voir exceder en vn coup le nombre de cinq en-
fãs, si est-ce que le contraire a souuent esté ex-
perimenté en plusieurs, mesmes qu'il y a beau-
coup d'auteurs graues qui l'ont arresté par leurs
escrits. Entres autres, ce docte Prince Picus Mi-
radulanus en ses Cõmentaires sur l'hymne secõ-
de, assure qu'vne Allemande (appellée Doro-
thée) accoucha en Italie par deux diuerses fois
de vingt enfãs, l'vne fois d'vnze, l'autre fois de
neuf: Laquelle pendant qu'elle estoit grosse, a-
uoit le ventre si grãd qu'elle estoit contraincte
pour la pesanteur du faix, de tenir vne seruiette
en sa main, liée à l'entour du ventre pour la sou-
lager de sa charge. Il n'y a celuy de ceux qui ont
leu les Annalles, & histories de Lombardie qui
ne sçache cõme du tẽps qu'Algemon premier

L'a. 1554.
à Berne en
souisse la
femme de
Iean Gisl
ger do-
cteur en
fanta de
vne por-
tée cing
fãs trois
masles &
deux filles

Roy des
public
coup, la
precept
ion con
moire de
mõd de
ue ou t
avec la
& apa
instit
cõfau
pẽtẽ
Alger
me
des
Mar
de Pe
me d
tes
ces
d'ẽ
lu-
pou
au
fer
d'ẽ
fem
le a
con
ra
na

Roy des Lōbards regnoit, vne certaine femme publique accoucha de sept enfans masles, d'un coup, laquelle pour l'erreur de son peché, les precipita tous en l'eau. Mais le seigneur, qui par son conseil admirable voulut eterniser la memoire de ce meffaiçt, permit que le Roy Algemōd de fortune se pourmenast ioignant le fleuve où elle les auoit iectez q̃ en retira vn de l'eau avec la hāpe d'un espieu qu'il tenoit en sa main, & aperceuant qu'il auoit vie, il le feit nourrir & instruire aux disciplines & vertu. Et croissāt cest enfant d'aage, creut & s'augmenta tellement en perfections & dons de graces, qu'il fut Roy aps Algemond, & est celuy duquel les histoires font mention, qui se nommoit Lanitius second Roy des Lombards. Et si tu veux lire l'histoire de Martin^e Cromer^e, liure 6. des faits memorables de Poloigne, tu trouueras vne histoire de la femme du Côte. Virbolla^e qui surpassa encores toutes les precedētes en multitude d'ēfans. Toutes ces histoires sont admirables de si grand nōbre d'ēfans enfantez en vn coup, mais encores ne se lit-il point aux historiens qui les descriuent, que pour la multitude d'enfans qu'ils ont eu, il les ait falu ouurir, briser, anatomiser, ou mettre le fer en leur corps pour en tirer leurs fruiçts: mais c'est vne chose estrāge voire pdigieuse, qu'une femme pour vn seul enfāt ait esté ouuerte, & qu'elle ait porté cinq ans sō fruiçt mort en son corps, comme tu entēdras par le discours de la memorable histoire qui s'ensuit, laquelle Mathias Cornax docteur & excellēt Physicien de Vienne, a

HISTOIRES

escriit en vn œuure Latin qu'il enuoya p miracle à Ferdinād, qui est pour le iourd'huy Empereur. Et combien qu'il dilare l'histoire assez prolixement, si est-ce que ie la descriiray le plus succinctemēt qu'il me sera possible. Il escriit dōc à l'Empereur Ferdinand que l'an mil cinq cens quarāte & cinq, il y auoit à viēne en Autriche vne certaine fēme nommée Marguērite, femme d'un citoyen de la ville appellé Georges Vvolczer, la quelle estant grosse, sentit son enfant mouuoir biē fort depuis la S. Barthelemy, iusque à la sainte Luce, mais quelque peu apres que le terme de ses couches fut venu, elle cōmēça à sentir les furieuses & aspres douleurs qu'ont accoustumē de souffrir les femmes aux angoisses de leurs enfans: & partant elle feit appeller sa mere & quelques sages femmes pour la soulager: mais quand ce vint à ce grād conflict de nature, lors que l'enfant veut rompre les penicules pour sortir, ils entendirent vn bruit & tintamarre, comme vn esclat dedans la ventre de ceste pauvre martyre, lequel leur feit penser, ou que l'enfāt estoit mort ou qu'il y auoit quelque grand effort & bataille en nature: mais ce bruit appaisé, ils ne sentirent plus aucū mouuement de vie en l'enfāt, qui fust cause qu'apres auoir desployé tout leur art en vain, pensans tirer cest enfāt hors du corps de la mere, ils furent en fin contraincts de l'abandonner: & laisser pour vn tēps en la misericorde de Dieu. Quelques iours apres sentāt ses douleurs se renoueler: elle eut son refuge aux plus excellens & experimentez medecins, nō seulement

de la prou
la memo
nous leur
potants
loy d'ice
Propriet
pauvre
qu'elle
ce, elle
filla
avec v
celle d
ne an
re de
dient
de le
re de
tion
de le
En l
de P
il n'y
trair
carr
en l
ne d
noir
en
na


de sa prouince, mais de 10^e les autres, desquels la memoire estoit plus celebrée: lesquels avec tous leurs pharmaques resolutifs, attractifs, supputatifs, ne la sceurent deliurer de sa misere, ne luy dire autre chose que ce que l'Ange dit au Prophete, *Dispone domui tuae, quia morieris*. Ceste pauvre creature, voyant que toute l'esperance qu'elle pouuoit auoir aux hommes estoit esteinte, elle se delibera de laisser faire à nature, & persista si constamment en ce martyre, qu'elle porta avec vne extreme douleur l'espace de quatre ans ceste charongne morte en son ventre. Les quatre ans expirez, la cinquiesme annce venue, elle resolut en elle mesme que c'estoit le plus expedient de s'exposer à quelque prôpte mort, que de se laisser ainsi lôguement miner, par la cruauté de ce tourment. Et arrestée en ceste deliberation, elle fist appeller les chirurgiés & medecins desquels elle impetra aysémēt d'estre ouuerte. En l'ã mil cinq cēs cinquāte, le douziesme iour de Nouembre, ils luy ouurirēt le vêtre, duquel ils tirerent l'enfant à demy pourry, qu'elle auoit trainé cinq ans. Et apres l'auoir purgée & medicamētée, ils la rendirent par l'ayde du sauueur en tel estat, qu'elle est encore ce iourd'huy pleine de vie, & si saine qu'elle peut encores cōceuoirenfans, cōme il est plus amplement cōrenu en l'œuure Latin ennoyé à l'Empereur Ferdinand.

Fin de la trentiesme histoire.

HISTOIRES
HISTOIRE PRODIGIEVSE
d'un enfant Monstreux, qui nasquit le iour
que les Genevois & Venitiens
furent reconciliez.

Chapitre

XXXI



Combien



Ombien que nature (ainsi que Galien tesmoigne, liure quatorziesme. De l'usage & vtilité des parties, eust souverainement desiré que son ouvrage eust esté immortel s'il se sceust peu faire, mais pour-ce qu'il ne luy estoit loisible par la matiere corruptible des elements, & de l'esprit etheré, elle s'est faict frabriqué vn subside & supplément pour l'immortalité: car elle a trouué vn moyen admirable, pour au lieu de l'animal qui doit mourir d'en substituer, & remettre vn autre en sa place: & pour ceste cause nature a donné à tous animaux conuenables instruments pour concevoir & engendrer. Or est-il qu'en ces instruments ainsi ordonnez par nature, combien qu'elle ayt rattaché à les rendre parfaicts, il s'y trouue du vice, & du deffault, duquel l'animal qui est formé se ressent par apres: Comme Hypocrates enseigne au liure *De genitura*, ou il móstre par la similitude des arbres comme les enfans sortent du ventre de leur mere monstueux & difformes, disant ainsi: Il est necessaire que le corps qui se meut en lieu estroict deuienne mutilé & manque, pource qu'ainsi que les arbres deuant qu'ils yssent hors de terre, s'ils n'ont libre espace pour sortir, & qu'ils soyent retenus par quelque empeschement, ils nayssent tortus, gros en vne partie & gresles en l'autre: Ainsi est-il de l'enfant, si au ventre de la mere il a les parties les vnes retraiçtes & contrainctes en lieu plus estroit que les autres: & ce vice, dit-il, prouient de l'angustie du lieu trop

T

HISTOIRES

estroit en la matrice. Puis vn peu au dessus philosophât sur ceste mesme matiere, il assigne d'autres raisons, par lesquelles les enfans sont rendus monstueux & difformes, comme par les maladies hereditaires des parens: car si les quatre especes d'humeurs, dont se faict la semence, ne cōtribuent entieremēt à la geniture, il y aura quelque partie mutilée. Puis adiouste eucore, d'autres raisons des enfantemens monstueux comme quand la mere reçoit quelque contusion, ou blessure, ou que l'enfant devient malade au ventre de sa mere, ou que le nourrissement, dont il deuoit accroistre soit escoulé hors de la matrice, toutes ces choses le peuuent rēdre hideux, mutilé ou difforme. Et si no^s voulōs considerer tresexactement ceste philosophie d'Hypocrate sur la generation des Monstres nous trouuerons infalliblement que celui duquel tu vois le pourtrait est engendré ainsi difforme par l'vne des causes qu'il assigne. Il sçauoit pour l'angustie du lieu, car nature en voulant créer deux, a trouué la matrice par trop estroite, qui est cause qu'elle s'est trouuée mālquée, ou si forte que la matrice cōtraincte, s'est coagulée & amassée en vn, dont s'est formée ceste superfluité de membres, que tu vois figurez en ce petit monstre masse, qui a quatre bras & quatre têtes, & n'a qu'vne teste, avec la proportiō gado en tout le reste du corps, lequel fut engendré en Italie le premier iour que les Venitiés & les Geneuois (apres auoir respandu tant de sang d'vne cité & d'autre) confermerent leur paix, & furent reconciliez ensemble: lequel fut babtizé, & vint

uit quelque temps apres, comme escrit Iobus,
ancelius en son liure *De miraculis post renatum*
angelum. Et en l'an mesme Leopold de Duc d'Au-
riche, vaincu des Suisses, mourut, Et Galeat fur
teé Vicomte de Milan, apres la mort de Barna-
ouc.

Fin de la trente-vniesme histoire.

T ij

HISTOIRES
SERPENT MONSTREUX ACHETE
par les Venitiens en Afrique, puis enuoyé en Fran-
ce embasné, comme aucuns moder-
nes ont escrit.

Chapitre

XXXII.





Onradus Licostenes en son
docte traicté latin de pro-
dige, duquel i'ai emprun-
té le pourtraict de cest
horrible serpent à sept
testes, escrit que cest a-
nimal mostreux fust ap-
porté de Turquie aux
venitiens embañné, duquel au par-
ties ils en firent present au feu de bon-
ne memoire Roy de France François de Va-
lois. Puis il adioust que pour sa rarité, il fut
apprécié six mille Ducats: mais combien que ie
sois fois enquis assez curieusement: si le trouuoit
point vn serpent semblable à cestuy, au cabinet
du dessusdict Roy deffunct, si est-ce que ie n'e-
uy encores rien peu descouurir de certain. Si la
chose est veritable, comme il est vray semblable
de l'esgard à l'autorité de celuy qui l'a descrit, ie
crooy que nature n'ait rien produict de plus es-
merueillable entre tous les Monstres de la terre
car outre la figure monstrueuse & espouventable
de ce serpent, encores y a-il ie ne sçay quoy di-
gne d'estre considéré en ses faces lesquelles res-
presentent mieux la figure humaine que la bru-
talle. En ce qui cōcerne la multitude des testes
il me semble qu'il n'est non plus estrange de trou-
uer des serpens à deux ou trois testes que de
trouuer des hommes & femmes qui en ayent deux
comme nous auons cy dessus raconté, mesmes
que les modernes qui ont voyagé aux Indes at-
tent par leurs escrits en auoir veu. Comme en

semblable Pierre Belô tesmoigne auoir veu de ces bestes
 corps tous entiers, embasmez de certains serpens
 aillez qui ont pieds, qu'on dict voler de la partie
 d'Arabie en Egypte, desquels il t'en a môstré vn
 pourtraict, qui ne'st gueres moins esmerueillable
 que cestuy. Ludouicus Vertomanus en son liure
 des peregrinatiōs des Indes escrit qu'il a veu en
 Calicut ville Indique, des serpens à quatre pied
 naissans dans certains marefcages, qui sont de la
 hauteur & du corps d'vn gros pourceau, ayans la
 teste plus grosse, plus laide & difforme, & ont
 quatre braces de long. Puis il en faict mentiō en
 cores d'autres especes, qui sont si venimeux, q̄ de
 puis qu'ils ont atouché l'homme iusques au sâg
 il tōbe tout incontînēt mort à terre. Il escrit sem
 blablement que si le Roy peut descouurir où est
 l'habitation de ces serpens, il leur fait bastir de pe
 tites loges pour se retirer, lors que les eanēs croi
 sent, ou par pluye, ou par inondatiō: ioinct que si
 quelqu'ū en auoit tué vn, le Roy le feroit mourir
 tout à l'heure, comme s'il auoit mis vn homme à
 mort. Car les habitâs de ce pays ont vne folle &
 superstitieuse opinion que ces serpens soiēt quel
 ques esprits de Dieu Et que s'ils n'estoiēt tels, par
 leur seule morsure ne pourroïēt tuer, ny mettre
 vn hōme si promptemēt à mort: de sorte que ces
 bestes se pourmenēt par la ville sans aucun peril,
 cōbē q̄ pour vne nuict l'vn de ces animaux estāt
 entré en vne maison, mordit neuf personnes que
 l'ō trouua le matin mortes & enflées, & nō obstāt
 cela, ils ne laissent de les auoir en admiratiō, telle
 mēt q̄ si en allâs en quelque voyage, ils rencōtrēt

de ces bestes, ils reputent cela à bon heur, es-
 sans que leurs affaires & entreprises en suc-
 eront mieux, tant ce pauvre peuple est aveu-
 & enseuely en son erreur & superstition. Iam-
 ancien marchand Grec, en ses peregrina-
 des Indes, escrit qu'il se trouue en ces régiôs
 certains serpens volans long de deux brassées
 ec ailles mambraneuses en forme de Chauue
 ris, lesquels volent de nuict & sont si mortel-
 ment veneneux, que s'ils laissent seulement di-
 ler vne goutte de leur vrine, ils tuent prom-
 ptement l'animal sur lequel cest vrine tombe.
 Quelques ambassadeurs de portugal ont appor-
 de noz ans à leur prince l'vn de ces serpens
 mbasmé qui estoit si effroyable, que les fem-
 es & les enfans n'en osoient approcher, com-
 en qu'il fust mort. Les anciennes histoires sont
 rutes pleines du serpent monstrueux & admira-
 e qui apparut en Affrique à Atilius Regulus, le
 uel fist mourir grand partie de ses gens, auant
 u'il peust estre vaincu, & fās les dards, machines
 & autres tourmens de guerre qu'ils dardoient
 incessamment sur luy, il eust rôpu & mis en pie-
 es tous ses gens. Tous les historiens s'accordent
 que la peau du dessusdict serpent auoit six vingts
 ieds de longueur, duquel aussi les machoueres
 lemeurerēt pendues & exposées en lieu public,
 usques au temps de la guerre de Numāce. Dio-
 dore Sicilien liure troiesme, escrit vne histoire
 d'un serpent qui fut mené vif en Alexandrie au
 Roy Ptolomeé Philadelphe, non moins admi-
 rable que veritable, laquelle ie descriray par or-

dre selon qu'elle est contenue au texte, parce que elle est bien conforme à nostre suiet. Voyant (dit-il) la liberté & magnificence de laquelle v-
 soit le Roy Ptolomée a ceux qui luy apportoiēt quelques bestes monstreuses & estranges, cer-
 tains veneurs delibererent de luy presenter de-
 dans. Alexandrie vn serpent vif, & combien que
 l'entreprise fust difficile, toutesfois fortune fauo-
 risa à leur dessein: car quelques iours après, ain-
 si qu'ils espioiēt s'ils pourroient trouuer quelque
 animal, ils apperceurēt vn grand serpēt aupres
 des eaues, long de sept toises & demie, lequel e-
 stât ployé & couché en cercle, ainsi que les autres
 animaux alloient à l'abreuoir il se leuoit sou-
 dainemēt, & en engloutissoit & deuoroit aucū s:
 il les entortilloit avec sa queue, puis s'en repais-
 soit au par-apres. Ces chasseurs ayans regardé &
 contemplé à loisir les gestes & façons de faire de
 ce serpent, le voyans lourd & stupide, s'adresse-
 rent hardimēt à luy, pensans l'arrester avec quel-
 ques cordes & chaines, mais quand ils commē-
 cerēt à s'approcher de plus pres: & qu'ils veirēt
 ses yeux enflambez comme feu, & ses dents grā-
 des que la durescé de ses escailles rédoit vn mer-
 ueilleux bruit quand il se remuoit, ou qu'il se le-
 choit de tous costez, & que le surplus de sa teste
 estoit si espouventable, ils commencerēt à chan-
 ger couleur, & estre grandement intimidéz: &
 neantmoins combatus de ceste craincte, ils iecte-
 rent leurs cordes, & lacs sur la queue de cest ani-
 mal, lequel se sentant ainsi touché, se lança furieu-
 sement contre eux avec grands sifflements, & en-

gloutir tout vif celuy qui se presenta le premier
deuant luy: Et ayant semblablement attiré de sa
queue celuy qui le secundoit, il le rua & mist en
pieces: ce qui donna si grand estonnement aux au-
tres qu'ils se sauuerent à la fuitte, sans toutesfois
perdre le soing & le desir d'y retourner quelques
autres fois, surmontant l'esperance du gaing &
profit, la peur, & le danger auquel ils estoient
par tant ils delibererent de se fortifier & assaillir
encore cest animal, pl^{us} par art & astuce, que par
force: qui fust cause qu'ils firent vn filé de grosses
cordes cōcaues comme vne nasse ou poche pro-
fōde, assez pour contenir iceluy serpent dedans,
& puis apres auoit regardé de loing le lieu de sa
retraicte, ayant semblablement noté le temps de
ses allées & venues, si tost qu'il fut sorty pour al-
ler deuorer quelque beste pour sō repas, ils bou-
cherent l'entrée de sa cauerne avec les pierres &
de la terre, puis cauerent soudainemēt vn certain
endroit de la terre pres du lieu, ou ils tendirent le
filé. Ce serpent s'estant repeu & vian dé, cuidāt
retourner au lieu de son repos, fut estonné qu'il
entendit vne grande clameur de trompette, de
cheuaux, de chiens & d'hommes, qui faisoient re-
tentir l'air aupres de luy: Et se cuidant retirer en
sa cauerne, il se trouua enuelpé de ceste poche
ou il fut en fin accablé de coups, nonobstāt ses ef-
fors. L'ayant ainsi dompté ils luy arracherent les
dents, puis le menerēt en Alexandrie, enclos en
son filé, & en firēt vn present au Roy, qui ne fut
oncques plus estonné de veoir vn si estrange spe-
ctacle, lequel cōmāda que de là en auant on luy

HISTOIRES

diminuast son manger, à fin d'affoiblir ses forces ce qui fut fait avec telle dexterité, que ce serpent horrible, par succession de temps fut si bien domestique & réduit priué, que le Roy Ptolomée le faisoit monstrier par miracle aux estrangers qui venoient à sa cour. Ceux qui ont escrit les gestes de Alexandre, font mention qu'après que ce grand monarque eut pénétré en l'Inde & qu'il poursuivoit Porus Roy des Indes, qui fuioit sa fureur, que passant par les deserts, & sables ardens, il se trouua plusieurs serpents, nommez Cerastes, & autres qui faisoient retentir l'air de leurs siffemens, & auoient les yeux tous étincellans de venin, lesquels assaillirent les soldats de telle furie, que nonobstant leur effort & résistance, ils occirerent bien vingt hommes de guerre, & bien trente seruiteurs. On trouue encores es lieux ardens, vne autre sorte de serpens que les vns appellent Dipsas, les autres les nomment Prestes, lequel est bien court, blanc en couleur, & a deux rayes noires en la queue. Celuy qui en est mordu, est si fort alteré, & est si pressé d'une soif ardente, que iamais ne peut estre rassasié de boire: & combien qu'il boiue incessamment, il retombe en aussi grand soif, comme s'il n'eust oncques beu. Et partant (dit Dioscoride) que les anciens medecins, trouuans les morsures de ces serpens de si grande malignité, & si mortifères, n'y pouuans trouuer remède, les laissoient du tout incurrables. Il y a vne espece de serpent duquel les historiens font mention, qui se nome Boza qui se paist le plus coutumierement de lait de vache, qui croist en si demesurée grandeur que

du temps de Claudius Cesar il en fut prins & occis vn auquel il fust trouué vn enfât tout entier dans son ventre. Plutarque auther graue escrit, que tout ainsi que les mouches à miel s'engendrent des bœufs, les freslons des cheuaux, & les crabrons des asnes ainsi s'engédret-ils certaines especes de serpens de la moelle & charogne des hommes : mesmes qu'il s'en trouue souuent dedans les sepulchres des mors, qui se sont engendrez de ceste corruption. Ce qui est aduenu du temps de mes estudes en auignon, où vn certain artisan, ouurant le cercueil de plomb d'vn mort, fut mordu d'vn serpent qui estoit enclos là dedans: la morsure duquel estoit si venimeuse, que s'il n'eust esté promptement secouru, il eust terminé sa vie par ce genre de tourment. Conradus Lycosthenes escrit en ses Prodiges que l'an 1494 au mois de Septembre, vne certaine femme en Cracouie, vne place qu'on nomme le saint Esprit, enfanta vn enfant mort, qui auoit vn serpent vif attaché à son dos, qui rongoit & deuoroit la charogne de ceste miserable creature morte. Encores n'est-il pas moins esmerueillable ce que Batiste Leon escrit, que du temps du pape Martin cinquiesme, il fut trouué en vne pierriere vn serpent vif en vne grande pierre solide si bien enclos, qu'il n'y auoit aucune apparoissance, ou vestige par lequel il eust peu respirer & les sages qui furent cōgregez en ce lieu, pour rendre raisō de la naissāce, & de la vie de cest animal, dirēt biē qu'il estoit engédre de la substāce humide de la pierre, laq̃lle purifiée auoit produict cest animal

Crabrones.

mais quand il falloit rendre les causes de sa respiration, ils furent bien empeschez: car la pierre estoit solide, & si n'auoit aucuns meats ou conduicts, par lesquels l'air se fust peu euaporer, nō plus que celuy qui fust trouuē au sepulchre: duquel i'ay faict mention cy dessus, qui estoit si biē cimenté, & plombé par tout, que l'air n'y eust sceu penetrer. Combien que nous ayons icy mis en auant grand nombre d'histoires, qui fōt mention de plusieurs serpens cruels & venimeux, si est-ce que la terre ne produict rien de plus esmerueillable que le Basilic, qui a tousiours d'antiquité esté apellé Roy des serpens. Le Basilic dōc est vne espece de serpent, qui porte vne tache blanche en la teste, quiluy sert comme de couronne. Sa teste est fort ague, la gueule rouge, les yeux & sa couleur tirent sur le noir, il chasse de son sifflement (comme Pline escriit) tous les autres serpens, il faict mourir les arbes de son alaine, il brusle les herbes, rompt les pierres, infecte l'air ou il demeure, tellement qu'aucun oyseau n'y scauroit passer sans peril. Il tue les hommes de son seul regard ainsi que la fēme souillée infecte & tache le miroir: combien que cest animal n'ait pas plus d'un pied de longueur, si est-ce qu'il est si veneneux, qu'il esteinct & suffoque mesme les autres serpens de son haleine. Brief il est si confict en venin, quil infecte de sa seule haleine les citez & prouinces situées pres du lieu ou il faict sa demeure. Les historiens prophanes ne font pas seulement mention du Basilic, comme Dioscoride, Pline, Elian, Lucain, Isidore & plusieurs autres,

mais mesmes les Ecclesiastiques. Hierosme Cardan en ses liures des diuerses histoires, faisant mention de cest animal, raconte vne chose admirable, aduenue de nostre tēps, laquelle il décrit ainsi qu'il s'ensuit. Du temps que ie composois mes liures des diuerses histoires, le xxiii. iour de Iuillet, aduint vne chose digne d'admiration, à laquelle, i'assistay & fus present. Depuis vn mois en ça, Iacques Philippe Cernuse fist faire sous terre vn esgout & cloaque, & le fist vouter. La voute acheuée, à fin qu'elle se consolidast mieux il la fist clorre & boucher. Quelqs dixhuiet ou vingt iours apres, il commanda qu'on l'ouurist pour tirer les arches de bois: quelque vn des ouuriers obeissant à son commandement, descend avec vne eschelle, lequel parueni au meillieu de l'eschelle, tōba mort: ce maistre de l'œuure voyāt que son hōme ne retournoit point, y voulut lui-mesme descendre: mais si tost qu'il fut parueni au lieu ou l'autre estoit tombé, il tōba semblablement mort cōme le precedēt. Ceux qui estoient là presens ennuyez du retour de ces deux, en reuoyerent vn tiers, puis vn quart. Brief ils moururent tous d'une mesme sorte. Les autres voyans qu'aucun ne retournoit de ceux qu'ils y auoient enuoyez, commencerent à soupçonner quelque chose mauuaise, & s'aduiferent d'y enuoyer vn gros homme robuste, qui estoit presque en reputation de fol. Ce cinquiesme descēd iusques au lieu où les autres estoient descenduz, & ne tomba point, & avec vn crochet de fer il tira l'un de ceux qui estoient morts, voyans qu'il auoit retiré

HISTOIRES

cestuy, le courage luy crut & y voulut retourner encores vne fois : mais si tost qu'il commença d'auācer sa teste soubs la voulte il tōba, ils trouuerent moyē de le retirer & avec forces remedes propres ils le firent reuenir de pasmoison, mais si ne-pent-il recouurer la parole iusques au iour sequent. Quand i'aperceu (dit Cardan) qu'il commençoit à parler ie l'interrogay, mais il ne se recordoit de chose qu'ileust faicte oudicte, sinon qu'il auoit souuenāce d'auoir descendu. De puis on descendit encores vn chien, mais il estoit demy mort quand il en fut tiré. Plusieurs ne pouuās cōprendre la cause de cecy, ont pensé qu'il y eust vn Basilic en ceste cauerne lequel on appelle autrement serpent .Royal. Nous auons doncques (ce me semble) assez suffisamment traicté cy dessus des especes de serpens mōstreux & estranges qui se retrouuent en diuerses. prouinces, reste maintenāt rechercher les choses singulieres qui se retrouuent en particulier. Ceux qui ont traicté de la nature des serpens ont obserué q̄ leur excrement sent bō, car la bonne odeur prouient de siccité. Or les serpens sont de nature seichē, puis leur excrement est bien cuit pour l'angustie de leurs entrailles mesme qu'on a escrit quil y a aucuns serpens qui ont l'haleine si odoriferant qu'il semble que soit musc. Il y a quelques serpens qui gardent & retiennēt leur venin apres leur mort, comme les viperes. car autrement leur chair ne profiteroit à la cōpositiō du Theriaque si du tout elles estoient sans venin mesme d'ou viendrait l'excoriation en la lepre pour les auoir

mangées, si elles ne retenoient quelque venin en
 soy: ioinct qu'il est aduenü de nostre temps, que *Cruel gen-*
 ceux qui escorchoiēt les bœufs occis par la mor- *re de mala-*
 sure des viperes, sont mors de semblable mala- *die, que la*
 die. Dioscoride en son sixiesme liure, où il traiçt *lepre, ou les*
 des poisons & venins, dit: qu'apres que la vipere *malades sōt*
 a mordu quelqu'un, la morsure se'fle & se seche, *cō trains de*
 & deuient de couleur blanchastre: il sort au com *se paist redes*
 mencement de la morsure vn marc igneux, tout *serpens.*
 tainct de sang, & naissent à l'entour aucunes vel-
 lies, semblables à celles de bruslures du feu, puis
 il se cause de la morsure prediçte vne vlcération
 oultre cela les genciues saignent, & s'enflambēt
 les parties qui sont à l'entour du foye, & se font
 vomissemēts choleriques, trenchées, profōd sō-
 meil, tremblemens, passiōs d'vrine, & sueur froi-
 de. Quelques medecins modernes ont escrit que
 la vipere des anciens n'est autre chose que le ser-
 pent que nous appellons en Frāce l'Aspic. On a
 obserué que la vipere a en horreur l'homme nud
 & le craint beaucoup plus que vestu: ce qui est
 aussi propre presque à tous serpens. Les Physici *Celius Rho-*
 ens escriuent que si les yeux sont frottez tous les *diginus.*
 matīs de la peau & despouille de la vipere que la
 veue n'est iamais hebetée ny blessée de suffusion.
 Encores adioutent-ils d'auantage, que si ceste
 vielle peau est bruslée quand la Lune est pleine
 en la premiere partie du signe d'Aries, & que la
 cendre amassée soit aspergée sur lateste, elle exci-
 te des sōges terribles. Plines & Isidore escriuēt
 que la terre ne reçoit iamais en ses entrailles le
 serpent, depuis qu'il a mordu l'homme, cōme si

HISTOIRES

p certaine benignité elle auoit en horreur celuy qui offence les Roy, chef & Prince de to^{us} les animaux. Plin eſcrit, que la ſaline de l'homme, ſpeſcialement de celuy qui eſt à ieun, eſt veneneuſe au ſerpent, de ſorte que ſ'il en gouſte tāt peu que ce ſoit, il meurt. & ſi on crache ſeulement ſur luy il eſt auſſi griefuement offeſé, que ſi on luy. ieſtoit deſſus, de leue bouillante. On a obſerué que les ſerpens veneneux n'habitēt iamais ny ſe cachent au trefles: par-ce que ceſte herbe leur eſt mortifere. Ceux qui veulent manier les ſerpens avec les mains ſans dāger, qu'ils ſe lauent premier la main de ius & ſuc de raues: Car ils ont la rauce ſi grād horreur qu'ils mourroient plutost que mordre le lieu frotté de raues, meſmes l'odeur ſeulement de la rauce les fait mourir, & demourer ſans force. Cardan au dixhuiſtième liure, *De ſubtilitate*, au chapitre ou il traicte des inuentions merueilleuſes, dit: que le concombre ſauage, l'Elebore noir, la grande Serpentine, dictē *Dracontium maius*, le Refott, ſont de ſi grande efficace contre les ſerpēs que ceux qui ſont ioingts & frottez de leur ſuc, n'en ſont iamais bleſſez ny offecez. l'ad iouſteray vne hiſtoire conforme à ce propos, laquelle ie n'ay leue ny entendue, mais j'en ay veu l'experience deuaut moy, du tēps du Pape Iules dernier mort. Ceux qui ont ſtequētē l'Italie ſcauent qu'il y a certains Charlateurs, qui ſe diſent enchanteurs de ſerpens qui ont de grandes boettes pleines de ſerpens viſs, deſquels ils enuironnent leur col, & ſoubs ce pretexte viuent, & vendent quelques huilles, qu'ils diſent guerir de mor-

morsures de chiés enragez, & de serpens. Entre ceux icy i'en obseruay vn à Rome, qui auoit plusieurs de ces animaux, mais entre autres il en auoit en la main vn de pied & demy de l'ogueur auquel en presence de plus de mille personnes, il se fist mordre sa langue, laquelle commença à s'entler grosse comme le poing, & outre la tumeur, elle deuint toute noire & scabieuse de sorte qu'on iugeoit aisemēt qu'elle estoit infectée de venin. Incontinēt apres il commença à frotter sa langue de certaine huile, qu'il appelloit huile Ballamin, laquelle soudain apres ce linimēt & frictiō, deuint aussi belle qu'elle auoitōcques esté, & sous couleur de ce miracle, il vendoit ses drogues ce qu'il vouloit. Je fus fort attentif à regarder s'il vsoit point d'art, mais ie ne sceu oncques descouurir qu'il y eust fraude, ny mesme aucun de ceux qui assisterent à cest estrange spectacle. Mōsieur Paludanus medecin celebre, s'il y en a aucun en Italie, & duquel nous attendōs tous les iours ses escrits, m'a raconté & attesté par serment, vne histoire semblable à la précédēte, à laquelle i'adioute foy, comme si i'y auois esté present pour la fidelité de celuy qui m'e a faict recit, qui en a veu l'experience, & qui est homme ayant le sens si bon, qu'il n'est pas aysé à deceuoir, mesmes aux choses qui concernent son art. Il disoit que l'an mil cinq cens trente trois, il y auoit en vne ville fameuse d'Italie nommée Bresse, (seigneurie auourd'huy par les venitiēs) deux de ces Charlatans & enchâteurs de serpens, qui vendoiēt leurs huiles,

& pharmas en mesme rue, & pour mieux authoriser leur traffique, ils monstroient au peuple grand nombre de serpents vifs, & tiroient ainsi les deniers du vulgaire. L'un de ceux icy qui estoit natif de Verone, jaloux du profit de son compagnon, va publier par tout, que ce n'estoit qu'un affronteur, & que les huiles & pharmacies qu'il vendoit au peuple ne valaient rien, ce qu'il montreroit par effect, si les magistrats de Bresse luy en vouloient donner permission: ce qu'ils accorderent aisement, tant pour en auoir plaisir, que pour manifester leur fraude au peuple qui y couroit comme au feu. Ce Veronois au iour assigné fist eriger un petit theatre, a fin que les assistans peussent veoir l'experience de ce qu'il leur auoit promis, si tost qu'il fut monté sur cest echaffaut, il appelle l'autre qui estoit Padouan, lequel se retrouua promptement au mesme lieu comme l'autre. Puis il luy dit: Padouan: si tu as du vray huile de baume, comme tu te vante pour deceuoir le peuple, & voler leur argent, donne-m'en maintenant quelque experience. Et lors il commença à ouurer une boiste de laquelle il tira avec la main nue un gros crapaut vif, enflé de venin: puis en la main senestre il tenoit quelque racine: & luy dit. Es-tu maintenant celuy que tu aymes mieux deuorer de ces deux, ou la racine, ou le crapaut, car ie ne faudray à l'instant mesme que tu en auras prins l'un, de manger l'autre, & on cognoistra promptement qui se sçaura mieux garantir,

Le Padouan quelq peu estonné, print la racine & la mægea: Le Veronnois à l'instant mesmes deschira ce crapaut avec les dens, & le mit en son corps: ayās acheué leur chef d'œuvre, ils eurent incontinent refuge à leurs drogues, & se munirent d'antidotes: mais si ne peurent-ils si bié iouer leurs roolles, qu'il n'y en demeurast vn pour espie, car enuiron deux ou trois heures apres le Padouan commença à changer couleur & affoiblir si bien, qu'il le faillit emporter pafmé du theatre, & quelque remede qu'o y sceut appliquer, il mourut dedās vingt & quatre heures, enflé cōme vn hydropique. Celuy qui auoit mangé le crapaut, ayant entédu l'issue de la tragedie de son compagnon, se sauua à la fuitte, si est-ce qu'on la veu encores plus de deux ans apres en Italie, vendāt son tyriaque, & ses autres drogues, comme on auoit accoustumé. Aucuns que les Grecs ont nommé Ophirgenes, du seul attouchemēt guerriſſoiēt picqueures & morsures des serpens: & mettans la main sur vn corps blessé de ces animaux, ils en tiroient le venin, cōme aussi font les Psilles, & Marciens, peuple d'Afrique: l'Ambassadeur desquels nommé Exagon, estant venu annoncer quelque chose aux Romains, fut mis nud en vn tōneau plein de serpēt s, viperes, aspics, & autres bestes venimeuses pour experimenter si leur dire estoit veritable: mais incontinēt qu'il se fut precipité dedās, au lieu de l'offēser, ils cōmencerent à le cherir, flatter & lescher, Constantin Cesar en ses liures de l'Agriculture escrit, q̃ si on veut cōgreger tous

HISTOIRES

les serpens d'un chāp, il fault faire vne fosse en terre, & y mettre vn pot ou vaisseau où il y ait eu des confitures, & les serpens de tous lieux circonuoisins avecques grands merueilles se viendront rendre en ce lieu.

Fin de la trenteduxiesme histoire.

PRODIGIEUSES.
FAMINES PRO-
digieuses.

155

Chapitre XXXIII



V III



E me recorde d'auoir
traicté au troisieme li-
ure de mon Theatre du
monde, comme la fami-
ne est l'un des bourre-
aux & ministres de la Ju-
stice de Dieu, cōme luy
mesme tesmoigne sou-
uēt par les Prophetes &

Leuit . 26.

Apostres quelquesfois menaçant les pecheurs
de leur dōner vn ciel d'airā, & vne terre de fer
c'est à dire qui ne produira rien, neantmoins ie
ne l'aisscray en celieu de faire mention de deux
memorables famines recēsees par les Ecclesiasti-
ques, à fin que puisāt les histoires aux viues sour-
ces des lettres sainctes, cela nō esmoue d'auā-
tage, & touche de plus pres au morceau de no-
stre cōscience. Il est faict mention au 4. liure des
Roys, cha. 6. d'une famine qui aduint en Sama-
rie du tēps d'Elisée, qui fut si extreme que la te-
ste d'un Asne se vendoit quatre-vignt piēces d'ar-
gent, & la 4. partie d'une mesure de fient de cou-
lo, cinq piēces. Encore ce qui est pl^e esloigné de
toute humanité, apres que to^{us} leurs viures furent
cōsōmez, les meres mangeoient leurs enfans:
de sorte qu'une pauvre fēme citoyēne de la vil-
le forma sa cōplaincte au Roy d'Israel, le voyā
sur la muraille, de ce que sa voisine ne vouloit
garder vn pact & accord faict entre elles, qui es-
toit tel: qu'elles māgeassent ensēble sō enfāt &
qu'incontinent qu'il seroit failly, ils māgeroient
celuy de la voisine, ce que i'ay (dit elle au Roy)

faißt & accomply: car nous auons cuit & mangé mō fils & maintenāt elle cache & mussē le sien, de peur de me substāter. Et quand le roy eut entēdu ce que ceste fēme luy auoit dit, le cœur luy cuida fēdre & creuer de dueil, & cōmença à deschirer ses vestemēs, & courir sa chair d'un sac, disāt: Dieu me face ainsi, & ce qui s'esuit au texte. Iosephe auteur Hebreu liure septiesme, chap. troiesme de la guerre des Iuifs, racōte vne histoire presque cōforme à la precedēte, mais executée d'une plus estrāge & furieuse façō: il escrit qu'il y auoit vne fēme noble & riche, lors que Ierusalē fut assiēgē, qui auoit assemblē quel que reste de biēs qu'elle auoit en certaine maisō de la ville, & viuoit frugalement de ce peu qui luy restoit: mais les soldats & gēsdarmes en peu d'heure luy raurēt tout, de sorte q̄lle fut cōtraīcte de mandier: mais la misere estoit, qu'incontinēt qu'on luy auoit donnē quelque chose pour se substāter & alimēter: les soldats luy rauissoiēt tout, tellemēt qu'ē fin, se sentāt pressēe de faim: despourueuē de viures & de cōseil, elle cōmēça à s'armer cōtre le loix de nature, & regardāt d'un œil piteux vn petit enfant sien, qu'elle allaictoit & tenoit entre ses bras, elle s'escrie: O malheureux enfant, & moy plus malheureuse mere, qui t'ay porté en mes flancs: q̄pourray- ie faire désormais de toy, estās les choses desplorées cōme elles sont? Car combien que i'eusse volontē de te sauuer la vie, tu demeureras en la ppetuelle seruitude des Romains. Viē dōcques mō enfāt, vien sers d'alimēt, & de nourriture à ta pauvre mere

affamée, fers de terreur aux gens d'armes qui ne m'ont rien l'aissé, & aux siècles aduenir de memoire & de pieté. Et apres qu'elle eut prononcé ce triste arrest de mort contre son enfant, elle efflâce ses cruelles mains dessus s^{on} tédre corps, elle le tue, le mist en la broche, le rostit & en māgea la moytié, & incontīnēt apres qu'elle eut ioué ceste piteuse tragédie, voicy de rechef les soldats venus, lesquels sentans l'odeur de la viā de rostie commēcerent à la menacer de mort, si elle ne leur enseignoit la viāde, mais elle resolute en sa rage, & qui ne cherchoit que les moyēs d'acōpagner son fils mort, sans s'estonner aucunement, leur dist. Taisez-vous soldats, ie suis plus loyalle que ne pēsez, car ie vous ay gardé vostre part. Et acheuant ces propos, elle produict le reste de l'enfant sur la table, dequoy les soldats estonnez, espouuantez & confus, se sentirent si pressez en leur ame d'un remords de consciēce que demeurās muets ils n'eurent le cœur de pouuoir respōdre vn seul mot: mais elle au contraire, effrayée comme le Tygre qui a perdu s^{on} fruit, avec vn regard furibond, & vne cōtenance truculēte & seuerē, leur dit: Quoy mes amis? c'est mon fruit que vous voyez: c'est mon enfant: c'est mon sang: c'est ma chair: sont mes os: ie m'en suis repue la premiere: estes vous plus scrupuleux ou delicats, que la triste mere qui l'a engendré? Desdaignez vous les viādes desquelles elle a vsé deuāt vous: & en fera encores tout maintenant l'essay en vos presēces? mais les soldats qui ne pouuoiet souffrir vn spectacle si pi-

teux deuant eux, s'enfuirēt & la laisserent seule, avec l'une des parties de sō enfant, qui estoit en somme, le reste de ce qu'ils luy auoient laissé de ses biens. Voila le propre texte de Iosephe, lequel i'ay traduit au plus pres, selon qu'il est cōtenu en la lettre. Cecy me remet en memoire vne autre histoire que i'ay leuë en Auenzonar medecin Arabe, d'une si cruelle famine qui affligea le lieu de sa natiuité, qu'apres que le vulgaire & pauures gens eurent farcis leurs corps de toutes viandes ordes & sales, qu'ils peurent trouuer, comme chiës, cheuaux, rats, souris, herbes, plâtes & autres choses semblables, ne trouuans plus rien que manger, ils furent tellemēt pressez de faim, qu'ils furent contraincts de faire la guerre aux morts & se paistre de leurs charōgnes. Car incontinct qu'on auoit enterré quelque corps mort, ils se leuoient la nuit, ouuroient ses sepulchres, & amortissoient leur faim de chair humaine : de sorte qu'on estoit contrainct de mettre des gardes à l'étour des sepulchres, pour reprimer la fureur de ce pauvre peuple enragé.

Fin de la trente troisieme histoire.

HISTOIRE PRODIGIEUSE

d'un oiseau qui n'a aucuns pieds, & vis

en l'air, & n'est trouué que mort

en la terre, ou en la mer.

Chapitre XXX IIII.





Est oyseau que tu vois icy depinct
est tant mōstreux & esmerueillable,
qu'il a appresté assez de matiere à to^s les Philosophes du mō
de pour les empescher. Et qui
voudra considerer les grands prodiges de natu
requi e trouuent en ce petit animal, il confesse
ra aysement que l'air, auquel il faiēt sa continu
elle demeure, ne soustient rien de plus estrange,
ny de plus digne de contemplation. Car en pre
mier lieu, oncques homme ne le mania vif: il
ne vit que de rosée, & si n'a aucuns pieds qui
est contre le tesmoignage expres d'Aristote, qui
escriit que nul oyseau n'est sans pieds, mais par
ce que ie n'en oncques cest heur de le voir, le
descriray fidelemēt ce que i'ay leu aux autheurs
Latins modernes, qui l'ont veu, manié & des
crit. Gesner^s en son histoire Latine des oyseaux
(duquel i'ay emprunté ce pourtrait) escriit ce
qui s'ensuit. Cest oyseau, duquel tu vois icy
la figures appelle Oyseau de Paradis, ou *Apis In
dica*, la figure m'a esté communiquée par tresno
ble, & tresdocte personnage Conradus Pent
gerus, lequel tesmoignoit en auoir veu vn mort
semblable. Depuis quelque tēps on a imprimé
vne Carte à Norembert, avec la figure de cest
oyseau semblable à cestuy que tu vois icy de
peinct, laquelle Carte no^s a esté enuoyée avec
ces mots. L'oyseau de paradis, autrement nōmé
Apis Indica, ou Martinet des Indes, est de la grā
deur d'une graine, mais d'une legereté, & celerité
si admirable, qu'il n'y a nauire poulcée des plus

impetueux vés qu'il ne deuâce en la mer. Il est garny d'aïlles lōgues & tendres, transparētes & lucides. D'auantage il a de grandes plumes longues (si plumes se doiuent appeller plutoſt que poil) elles ſont longues & eſtroictes, approchātes de la durté de la corne. Ceſt oyſeau n'a aucūns pieds, & volle touſiours, & iamais ne ſe re-poſe, ſinō à quelq̃ arbre ou rameau, où il ſe pēd & attache p̃ l'vn de ſes lōgs poils. Il eſt de grād pris, à cauſe de ſa rarité: les grands ſeigneurs de Leuant, ornēt du poil ou plume de ceſt oyſeau, les creſtes de leurs armets: il eſt mōſtré à Norēberg, chez Icā Cromere, Les Allemans en leur langue nomment ceſt oyſeau Luſtuogel, qui ſi gniſie oyſeau d'air ou bien pour raiſon qu'il vit en l'air ou qu'ō eſtime qu'il vit d'iceluy. Quelques-vns eſtimēt que la femelle a vn receptacle & retraict ſoubs les aïlles, où elle couue & étreuiés ſes œufs. Les Roys de Marmin aux iſles des Moluques n'aguères ont eſté pſuadez, de croire les ames eſtre immortelles, par la cōſideratiō de ceſt oyſeau, n'eſtās eſmewz d'autre argumēt, ſinō qu'ils obſeruoient vn petit oyſeau de beauté extreme, qui n'atouchoit iamais à la terre: mais quelquesfois tōboit mort du hault du ciel en bas. Et cōme les Mahometiques trafiquoiēt avec eux, ils leur moſtrèrent ceſt oyſeau, & leur perſuaderent qu'il venoit de paradis, & q̃ paradis eſtoit vn lieu de delices, & le repos des ames deſſūctes, Par tāt ce peuple groſſier & barbare, adiouſtant foy à ce que les Turcs leur auoient dict, ils cōmencerent à ſ'enqueſter bien

uricusement de leur loy, & en fin se rendent Mahomethistes, & suivent pour le iourd'huy la loy de Mahomet, & pource, ils nommēt cest oyseau Manucodiata, cest à dire oyseau de Dieu lequel oyseau ils ont en telle reuerence & honneur, que les Roys ayans cest oyseau sur eux, se tiennent assurez de tout peril & danger en la guerre. Les Roys de ces isles dessusdites euoyrent à Charles cinquiesme Empereur, cinq de ces petits oyseaux morts, car cōme no^r auōs dit aucū ne les peut apprehender vifs. Maximilianus Trāssylvanus Gesnerus poursuyuāt l'histoire de cest oyseau adioustē encores ce qui s'ēsuit l'auois (dit-il) acheuē d'escire ces choses, quād les lettres de Melchior Guillaudin Beruce, hōme de grande science & doctrine, me furent apportées de Padoue, par lesquelles il décrit l'oyseau de paradis, comme il s'ensuit: Ceux qui ont laissé par escrit les nauigations des Espagnols aux estrāges pais assurent & affirment qu'il s'ēgendre, & naist vn petit oyseau aux isles des Moluq̃s fort elegāt, & de beauté singuliere, duquel le corps est petit en grādeur, neant moins il se monstre fort grand pour la magnitudē de ses plumes, qui sont grandes & prolives, disposées en rondeau, de sorte qu'elles representēt le circuit d'vn cercle. Ce petit oyseau appche en grādeur & forme à la caille, & estant ornē & circuit de ses plumes de diuerses couleurs fort elegantes, belles, & qui contentent merueilleusement la veue de ceux qui contemplent. La teste est proportionnée au corps, vn peu pl^r gros-

se que celle de l'Arôdelle, des plumes qui decor-
rent le sômet d'icelle, depuis la partie superieu-
re du dos de l'eschigne iusques au trôc du bec,
sont courtes, grosses, dures, espoisses, & de cou-
leur iaune, & reluisantes comme l'or trespur, &
ainsi resplandissantes comme les rayons du So-
leil: les autres qui couurent le menton sont plus
delicates, plus tendres, & semble qu'elles soient
de couleur perse, tirant sur leverd, & non beau-
coup dissemblables à celles que nous voyôs sur
les testes des Canards estans directement oppo-
sée au Soleil. Cest oyseau n'a aucûs pieds, & est
fort semblable au Heron, touchant les plumes
des aisles: sinôn qu'elles sôt plus tédres & plus lô-
gues, teintes de couleur brune, participâte du
roux & du noir. Le masle de cest oyseau a vne
cauité sur l'eschine du dos, où la femelle pond
ses œufs, & les couue: & ne sont substanztez d'au-
tres viâdes que de la rosée du ciel, qui leur sert
de breuuage & alimêt. Et si tu visites l'interieur
de cest oyseau, tu le trouueras farcy & replet de
grosse continuelle, desquelles choses ie puis as-
seurément parler, car i'en ay veu deux, lesquels
n'auoient aucûs pieds, qui est contre ce qu'A-
ristote a escrit, que nul oyseau est sans pieds: il
demeure assiduement en l'air. Je me suis icy
voulu amuser à te descrire entieremêt la forme
de cest oyseau par ses particules, cômme Gesne-
rus le descriit, selon le tesmoignage des dessus-
dicts autheurs, mais si tu es curieux d'ẽ voir vne
plus ample description, lis ce qu'en escrit ledict
Gesnerus, au chapitre ou traicté, *De Aue paradi-*

se a, au liure *De animalium natura*. Hierosme Cardan
en ses liures *De subtilitate*, au lieu où il traicte des
bestes parfaictes, escrit semblablement ce qui
s'ensuit. Aux isles dictes des Moluques, on trou-
ue sur la terre ou en la mer, vn oyseau mort ap-
pellé Manucodiata qui vaut autant à dire en lā
gue Indique comme oyseau de Dieu, ou oyseau
de Paradis, lequel on ne voit point vif, pource
qu'il n'a aucūs pieds. I'ay desia veu cest oyseau
par trois fois, lequel seul en tout le monde est
sans pieds. Il habite en l'air haut, loing, sō corps
& sō bec est semblable à l'Arōdelle en magni-
tude & en forme, les pennes des aisles & de la
queuē sont presque aussi grandes que celle de
l'Aigle quand il les estend. Les pennes de cest
oyseau sont menues: & semblables (fors la te-
nuité) aux plumes de la femelle du Paon, non à
celle du masse, pource qu'elles n'ont les yeux
tels que nous voyons en la queuē du masse. Le
doz du masse de cest oyseau est creux, & la rai-
sō mōstre que la femelle faict ses œufs en ceste
cauité, veu que la femelle mesme a le ventre
creux: en sorte que par l'vne & l'autre cauité,
elle peut couuer ses œufs. En la queuē du masse
se tient vn fil plus long que trois paulmes, de
couleur noire, moyē entre quarré & rond, ne
gros ne menu, presque semblable à celuy dont
les cordōniers cousēt leurs pātoufles & souliers
I'estime que la femelle est liée & ioïcte au mas-
le pl^r fermement par ce fil, quād elle couue ses
œufs Il habite tousiours en l'air, il est certai qu'il
se soustient de soy-mesme quand ses aisles &

HISTOIRES

la queuë sont estendues en rotondité, & s'il a quelque lassitude, le chāgemēt la luy peut oster. le pēse qu'il n'ait autre viande que la rosée du ciel, qui luy est le māger & le boire: & ainsi, nature semble auoir pourueu diligemment à tant grād miracle, à fin que cest'oyseau peut habiter en l'air. Il n'est vray semblable, qu'il soit nourry d'air pur, pource que cest air est trop subtil, & n'est vray semblable qu'il soit nourry de petites bestioles, parce que la matiere pour engendrer ces petites bestes, n'est engendrée en l'air, mesmes qu'on ne trouue aucunes de ces bestes au ventre de cest oyseau, comme on faict en celuy des Arōdelles. Cest oyseau n'est poit aussi nourry de vapeur qui abonde cy bas: car on verroit l'oyseau quand il descendroit: mesme la vapeur est aucunes fois pernitiue, & cest oyseau n'est iamais cōsōmé q̄ par la seule vieillesse. Il est dōcques vray-semblable qu'il est nourry de rosée, durāt la nuit. Voila ce quen escrit Cardā & les autres modernes. Il ne sera (ce me sēble) aliene de mettre en ce chapitre vne autre histoire prodigieuse des oyseaux. Les historiēs, & entre autres, Hector Boëtius, & Saxo, escriuēt qu'ō trouue certains arbres en Escosse, qui produisent le fruit enuveloppé dedans les fueilles, lequel quād il est tōbé en l'eau en temps cōuenable, il prēd vie, & se tourne en vn oyseau viuāt, qu'ils appellēt vn oysō d'arbre. Cest arbre croist en l'isle de Pomōe, qui n'est pas loing d'Escosse, vers Aquilō. Eneas Syluius neant moins, escriuāt de c'est arbre, dit ce qui s'ensuit: Nous auons autrefois entendu

entendu qu'il y auoit vn arbre en Escosse, lequel
estât creu sur le riuage d'une riuere, produisoit
des fruiets qui auoient la forme de cânes, & que
estans prests de meurir, ils toboient deux-mes-
mes, les vns en terre, les autres en leau, & que
ceux qui toboient en terre pourrissoient, ceux
qui tomboient en l'eau, prenoient vie, & na-
geoient sur les eaux, & s'en alloient avecques
aïles en l'air. De laquelle chose nous estans en
Escosse, nous enquerans vers Iacques Roy, hō-
me bien quarré & chargé de gresse, nous appris-
mes que cest arbre tant renommé ne se trouue
pas en Escosse, mais aux isles Orchades.

Fin de la trentequatriesme histoire.

X



HISTOIRES
HISTOIRE PRODIGIEUSE DE
deux filles jumelles, liées & conioinctes par les
parties posterieures, deues en diuers lieux,
l'une à Rome, l'autre à Veronne.

Chapitre XXXV.





Es Indiës & Brachmanes anciē-
nement se sont mōstrez fort ce-
remonieux en l'observatiō des na-
tiuitez de leurs enfās. Car. deux
mois apres le iour de leur nais-
sance ils les faisoient produire en public & contē-
ploient fort intentiuement s'ils estoient beaux
ou difformes, s'ils estoient cōuenables à la paix ou
à la guerre. Et aps les auoir ainsi religieusement
observerez, s'ils cognoissoient qu'apres l'educatiō,
ils peussēt servir au public, ils les faisoient instrui-
re & nourrir aux arts & sciences plus propres à
leur naturel. Si au cōtraire ils les trouuoient mō-
streux, difformes, ou mutillez de quelque mē-
bre, quasi en cōtumellie de nature, ils les faisoient
incontinent meurtrir, & tuer. Les Spartins en
Grece, par l'ordonāce des loix de Licurgue, fai-
soient eriger & nourrir les enfans bien formez
accōp lis de leurs membres: mais si nature auoit
faict quelque ecclipse, ou qu'ils fussēt autrement
monstreux ou corrompus, ils les faisoient por-
ter és regions estranges, en quelques isles & de-
serts, & les exposoient à la misericorde de la
fortune. Les Atheniēs, incōtinēt qu'il se trouuoit
quelque enfant mōstreux en leur cité, ils le fai-
soient precipiter en la mer, & faisoient purifier
leur ville à quelque nōbre de vierges qui alloient
chantās des hymnes & carmes par leur ville, &
faisoient des sacrifices à Iuno. Les anciēs Ro-
mains suyuant l'ordonance de Romul^o, iettoient
le fruit mōstreux au Tybre, ou brusloient les
corps, & en vendoient les cendres. L'empereur

Plutarque.

*Alexāder
ab Alexā
dro libr. 2
cap. 25.*

HISTOIRES

Maurice (cōbien qu'il fust Chrestie) ensuyuoit en cecy les lois des anciēs, le quel soudain qu'on luy eut monstré vn ieune enfant mostreux il le fit tuer, puis baïsa le conteau avec lequel auoit esté executé ce charnage. I'ay biē voulu memorer tout cecy, pour ces deux filles iumelles, desquelles tu vois le pourtraict: parce que si elles eussent esté produictes sur terre du tēps des anciens Indiens ou Bracmanes, ou des Spartins & Lacedemoniēs, ou du temps des Romains ou du regne de l'Empereur Maurice, leur histoire & figure eust esté enseuelie avec leurs corps, & n'eussent esté veus de rāt de milliers de personnes comme elles ont. L'an de grace 1475. ces deux filles que tu vois ainsi conioinctes par les reins, depuis les espaulles iusques aux testicles, furent engendrées en Italie, en la fameuse cité de Verōne. Et parce que les parēns estoient pauvres, elles furēt portées viues par plusieurs villes d'Italie, pour amasser argēt du peuple qui estoit fort ardent de voir ce nouveau spectacle & prodige de nature. Aucuns ont escrit que ce mōstre, les monstres, selon quel est dit à *monstrando*, monstra & predict de aucuns anmerueilles mutations par les provinces. Car noncēt quel en l'an mesme qu'il fut engendré, Charles Duc que chose à de Bourgōgne occupa la Lorraine, Ferdinād le aduenir. grād Roy d'Espaigne deuīsa le Royanme avec Alphonse Roy de Portugal, Mathias & Vladislaus Rois, firent la paix entre les Hōgres & les Bohemes. Edouard Roy d'Angleterre, appellé en Frāce, par le Duc de Bourgōgne, fut reconcilié avec le Roy Loys. L'ā de grace mil 4. cens

quatre vingt & treize vn semblable monstre à
cestuy fut engendré à Rome, avec grãde mer-
ueille de tout le peuple, du temps du Pape Ale-
xandre vj. lequel (comme Polydore escrit) pro-
nostiquoit les maux, playes & miseres, qui sur-
uindrent du temps de son pontificat.

Fin de la trentècinquiesme histoire.

X iii



HISTOIRES
HISTOIRES PRODIGIEU-
ses, de cruauté.

Chapitre

xxxvi.





Plusieurs se sont estōnez de vne infinité de prodigieux exēples de cruautéz, qui ont regné nō seulement entre les Ethniques, mais mesmes (cqui est plus à plaindre) entre nō^r Chresttiēs, qui sōmes tous yssus d'une mesme souche, sōmes tous cōposez de semblables elements, sommes incorporez en vne eglise, nous auons vn mesme chef Iesus Christ, sommes tous enfās d'un pere celeste, sommes viuifiez d'un mesme esprit, sommes rachetez d'un sang, regenerez d'un baptesme, nourris de pareils sacremēs, participōs d'un mesme calice, & bataillōs tous sous la croix & banniere de Iesus Christ, auōs vn cōmun ennemy satā, sommes tous appelez à pareil heritage: & neātmōins nous n'auōs point de honte de nō^r desmembrer & deschirer l'un l'autre, avec telle horreur & confusion, qu'il semble que nous voulōs combatre contre nature, & espui ser la terre de sang humain, & la laisser desormais deserte. Mais qui ne s'esmerueillera de ce q̄ les historiēs escriuent de la grande effusiō de sang qui fut respādū en la bataille d'Edouart le quart roy d'Angleterre, cōtre les Escossois, où il y eut de tuez & meurtris de la part des Escossois seulement iusques au nōbre de soixāte mille hommes? Mais quel plus horrible spectacle en nature, q̄ celuy que descrit Sabellique de Charles Martel Roy de France, & d'Abidaran, où en vn seul conflict, il fut tué & meurtry trois cens cinquante

mille hommes. Mais quelle boucherie & carnage y eut-il des pauvres brebis de Iesus-Christ en la bataille qu'eut Ladisla^e Roy de Paonie contre Amurat Empereur des Turcs? veu que de la part mesme des Turcs qui furent victorieux, il s'en trouua quatre cés mille morts, cōme Sabellique tesmoigne: mais quel prodige ou horreur en nature se peult trouuer semblable à celle que décrit Iosephe en la guerre des Iuifs, où il y mourut vnze cens mille personnes? Ce grād boucher Alexādre, en la sanglāte bataille qu'il eut cōtre Darius, fit mourir vn milliō d'hommes. Cyrus Roy des Perses fut si infortuné en la bataille que il eut contre les Scytes, que de deux cens mille hommes qu'il auoit en sō armée, il ne s'en sauua pas vn seul pour rapporter les nouuelles de leur perte. Or lis maintenant aux historiens ceux q̄ Silla tua des Mariens, ceux que tua Pōpée des soldats de Mytridates, ceux q̄ Ptolomée tua de Demetrius, ceux que Cesar tua en dix ans qu'il mist à expugner les Gaules, ceux que Lucullus tua en la guerre qu'il eut cōtre les Armeniens, ceux que tua Artilla, ceux que tua Milciades, ceux que tuerēt Marcus Claudius & Corneli^e, avec vne infinité de semblables boucheries, qui se retrouuēt par les historiēs Grecs & latins, & tu trouueras que si tu les veux to^e mettre en cōte, il te fant inuēter vne Arithemetique nouuelle, & croy que si on auoit faict vn roolle de to^e les bœufs, moutons, veaux, cheureaux, & autres quadrupedes qui ont esté tuez depuis mil ās en toutes les boucheries de l'Europe, il ne se troue-

roit point tāt de bestes mortes que d'hommes,
Encores est- ce peu de faire ainsi mourir l'hōme
en bataille par fer, il a fallu cerher des moyens
nouveaux & inusitez pour les meurtrir, cōme
Eusebe enseigne en son histoire Ecclesiastique,
de ce bourreau infame de Diocletiā Empereur
lequel voyant que les Chrestiens qui regnoient
de son tēps ne vouloient pas renoncer le nom
de dieu, & adorer ses idoles, ne fut pas content
de leur faire couper le nez, les oreilles, leur
mettre des ecclies de bois dedās lesvngles, & de
leur mettre du plōb & de l'estai fō du sur les p-
ties hôteuses: mais mesmes il faisoit abbaisser à
grand force quatre arbres, esquels faisoit attacher
les pieds, & les mains de ces pauvres crea-
tures, puis les laissoit ainsi iusques à ce que par
la violence & effort des arbres ils fussēt desmē-
brées & rompuēs cōme tu vois pourtraict en la
figure cy dessus: le quel tourment a ainsi esté pra-
ctiqué en Piedmont de nostre temps cōtre cer-
tain soldat qui auoit voulu trahir vne ville, cō-
me le seigneur de Lāgé escrit en son art militai-
re. Astiages ce grād Roy des Medes n'a pas seu-
lemēt surpassē le precedēt en cruauté, mais mes-
mes il a executé ce que vous auriez horreur nō
seulement de lire, mais mesme de l'apprehēder,
ou conceuoir en vos cœurs. Ce grād patriarche
dōcques de tyrannie, ayant sōgé de nuict quel-
que chose touchant vn sien petit enfāt qui luy
sēbloit difficile à digerer, & craignant qu'il ne
sortit vn iour son effect, il voulut preuenir son
desastre & à fin de mieux executer sō entreprise,

*Grandes
persecutiōs
pour souste-
nir le nō de
Dieu.*

*La figure
de ce tour-
ment est fi-
gurée cy des-
sus au com-
mencement
du chapitre*

il fit appeller Arpal^o l'un de ces plus fauoris & principaux de s^o Royaume, auquel il dit en secret qu'il eust à faire mourir pr^optement vn sien petit fils, s^os le s^oeu d'aucun, pour certaines causes qu'il luy feroit entendre plus à loysir. Arpal^o l'ay^ont entendu ce triste c^omandement d'un pere enuers son enfant, commen^oa à sentir vn fureux combat en s^o ame: car si la piti^oe & l'innocence de l'enfant le tiroit d'un costé, l'obeissance & le commandement de son maistre le tormentoit de l'autre: raison & remords de conscience gaigner^ont tant sur luy, que la victoire demeura du costé de la piti^oe: de sorte qu'il resolut non seulement de sauuer la vie à l'enfant, mais aussi de le faire nourrir en lieu secret, s^os le s^oeu de s^o maistre: toutes fois il ne peut si bien iouer son roolle, q^u quelques iours apres, le Roy Astiages ne descouurit sa fraude, & c^ome outre s^o gr^ode vie estoit demeurée sauue à s^o fils: ce qu'il dissimula pour vn t^ops avec assez b^o visage, de sorte que ce pauvre Arpalus p^osoit estre exempt de soup^oon: & viuant en ceste liberté d'esprit, il fust est^oné que son maistre le fist appeller pour luy faire c^opagnie à disner, ay^ont au par-auant fait tuer vn des enfans d'Arpal^o qu'il auoit fait assaisonner, & si bien desguiser à ses cuisiniers, qu'il estoit difficile à discerner quelle vi^ode c'estoit. Puis il la fist seruir sur table sans qu'il eust aucune cognoiss^once: A raison de quoy le pauvre Arpalus n'y p^osant point en m^ogea volontiers: mais ce tyr^o infect Astiages insatiable en ses cruaut^otez ne fut content de luy auoir fait m^oger.

*l'ay fait
mention de
cecy en m^o
Chelidoni^o.*

la chair de son propre enfant, si d'abondant pour le dessert, il ne faisoit mettre dedans des plats, la teste, les pieds & les mains de ce



petit innocent, à fin que le pere, reconneust que cestoit sa chair, son sang & ses os qu'il

auoit mangé, puis sa rage & cruauté estant vn peu adoucie, il luy demanda en plaisant, & par maniere de mocquerie si ces viâdes ainsi assaisonnées luy sembloient bônes, auquel le pauvre Arpalus, saisy d'une extreme compassiô en son ame, craignâr d'auoir pis, luy respôdit modestement: que tout estoit bon à la table d'un Roy. Ces cruautez sont grâdes, mais celles desquelles vsa Maximian Empereur des Romains, ne leur cedent en rien. Car il ne fut pas contêr de tuer vne infinité de personnes par la fureur des quatre elements, comme brullant les vns, noyant les autres, enterrant les autres tous vifs, faisant estouffer les autres: mais encores cherchait il vn prodige en nature plus grâd, car il voulut q le mort tuast le vif, il faisoit lier les corps des hômes tous vifs, avec les corps des morts face à face, bouche à bouche, & les laissoit ainsi, iusq à ce que le mort par sa putrefaction eust tué le vif. Passerôs-nous sous silence ce bourreau de Sarâ l'Empereur Tybere, lequel me semble auoir surpassé en cruauté to^r ceux desquels les historiens firent oncques mention, car il defendoit sur peîe de mort (ce qui ne se liêt d'autre q luy) de ne lamenter, plorer, soupirer, ou faire autre sêblable dueil d'une infinité d'hômes qu'il faisoit mourir innocemment, & auoit des satrapes & ministres expressement deputés par toutes les cruautez qu'il exécutoit, qui n'auoiêt autre charge, que d'espier & regarder intentiuemēt ça & là, s'il decouloit quelque larme de face de quelqu'un, ou s'il sortoit quelque soupir

de son cœur, ou s'il donnoit quelque autre tes-
moignage de tristesse ou d'oléace, à fin que tout
soudain il fut conduit au supplice pour estre pu-
ny de pareille peine que celuy duquel il lamen-
toit l'innocence. Toutes ces cruantez & tyrannies
cy dessus mentionnées sont extremes: mais les se-
quentes plus brutales, & executées d'une façõ
plus estrange, car aux premières on ne s'attachoit
qu'aux creatures viues, mais en celles qui suiuent
on faisoit guerre aux morts. Cambises Roy des
Perfes ne fut pas rassasié d'auoir fait cruellemēt
mourir Plamenite Roy d'Egipte, & plusieurs
autres: mais encore estāt au Caire, il fist tirer du
sepulchre la charogne de Damasus, la fit igno-
minieusement fouetter, picquer d'aiguillõs: cõ-
me si elle eust eu quelque sentimēt de vie: fina-
lement la fist brasser, cõme Herodote tesmoi-
gne. Ce qui ne s'est pas seulement experimenté
à l'endroit des hõmes, mais mesmes des fẽmes,
ausquelles les loix de pitié sont volontiers plus
familieres. Car apres que Cyr^o Roy des Perfes
eut tué en la bataille le fils de Thomiris Roynē
de Scithie, estāt fortifiée de nouveaux soldats, el-
le poursuiuit le Roy de telle fureur, qu'elle mit
en route ou en pieces ce qui se rencontra, & le
Roy Cyr^o mesme y laissa la vie: mais pour tout
cela, ceste rage enflāmée ne fut en rien adoucie:
car se resentāt encore de la mort de son fils, elle
fist separer la teste d'aucc le corps mort de Cy-
rus, la lança soudain en vne cruche pleine de
sang humain puis la contempla d'un regard fu-
rieux, luy dit: Cyr^o tu as quelquefois espuisé le

*Cruauté des
femmes.*

*Herodotus
libr.*

HISTOIRES

sang de mon fils, tu as eu soif du mien, maintenant
 rassasie toy de sang. Tulie fille de Targuiniug
 Roy des Romains a encore surpassé la précédé
 te en cruauté, car elle fist tuer son pere, pour heri-
 riter à s^{on} Royaume, & plaire à son rufié, voyant
 le corps de son pere mort en terre, estant mon-
 tée sur son chariot, elle passa par dessus, & com-
 bien que les cheuaux (espouuantez de la pers^{on}
 ne morte) refusassent de passer, & que le char-
 tier qui les cōduisoit, sentant l'aiguillon de pi-
 tié, les voulust faire tourner ailleurs, à fin que le
 corps du Roy ne fust point deschiré. Ceste par-
 ricide infame, surpassât en cruauté les cheuaux
 elle les contraignit à force, passer sur la charon-
 gne de celuy qui l'auoit engendré.

Fin de la trentesixiesme histoire.

HISTOIRE PRODIGIEUSE D'VN

Monstre produit vis sur terre, lequel depuis le
nombril en hault estoit de figure humaine.

& le reste de chien.

Chapitre XXXVII.





Esâciés Ethniques ont eu
en si grâd horreur les adul-
terres & fornicateurs, q̄ il
ne y a eu presque peuple,
natiō ou puince qui ne les
ait chastiez par quelque se-
uer loy. Strabo, liu. 16. e-
crit que les Arabes punis-

*Diodorus
Siculus.*

Valere.

*Cruel sup-
plice.*

*Julius Capi-
tonius.*

soient de peine de mort les adulteres, comme
aussi faisoient les Lombards. Les Egiptiens fai-
soient fouetter le paillard par la cité, & coup-
poient le nez à la femme, à fin qu'elle fust de-
figurée en la partie de la face, qui la rendoit
plus difforme, Iustin escrit que les Parthes en-
tre tous les vices, punissoient plus seuerement
l'adultere. Les Locréses arrachotent les yeux à
ceux qui estoient deprehendez en ce vice: mes-
mes que leur Roy Zealuc^o, (qui estoit autheur
de ceste loy) ordōna par decret, que sō fils qui y
auoit esté surprins, eust vn œil arraché. Les an-
ciēs Allemās (ainsi que Tacite escrit) couppoient
les cheueux à leurs femmes adulteres, puis les
faisoient fouetter p̄ les rues. Les Romains per-
mettoient au mary de sa propre autorité de
tuer le paillard & sa fême, s'il les apprehendoit
en ce forfait. Macrin dixneufiesme Empereur
aisoit brusler to^o vifs ceux qui estoient deprehē-
dez en adultere: & ayāt esté informé que quel-
ques soldats auoient violé la chābriere de leur
hotesse, il fit ouurir le ventre de deux grands
bœufs vifs: & fit coudre, & éclorre là dedās les
soldats, reserué la teste qui apparoissoit dehors

à fin

à fin qu'on les peust voir, & qu'ils parlassent les
vns avec les autres. Aurelle vingtnueufiesme Em
pereur, ayāt sceu q̄ l'un de ses gēsdarmes, auoit
violé la fēme de son hoste, voulut inuenter vn
nouueau supplice pour le faire mourir pl^{us} cru-
ellemēt : car il fist abaisser & ployer deux grāds
arbres par force, puis y fit atacher le soldat, à fin
que les arbres retournās à leur lieu le deschiras-
sēt & missent en pieces. Or penetrōs plus auāt,
& voyōs maintenant si les adulteres ont receu
meilleur traictement. Dés les histoires sacrées
par la loy de Moysē ils estoiet lapidez, assōmez
& meurtris. S. Paul aux Hebrieux 13. dit q̄ Dieu
condānera les fornicateurs & adulteres puis en
la premiere des Cor. 6. il s'escrie. Ne vous trom-
pez poīt, les fornicateurs ny les idolatres, ny les
adulteres ne possederont point le royaume de
Dieu. Entre les principales causes du deluge,
le Seigneur fist plouuoir son ire sur la terre, les
paillardises sōt nombrées. Cinq fameuses citez
comme il escrit aux liures de moysē, furent rui-
nées pour leurs dissolutiōs & vilennies. Au liure
des Nōbres douze princes furent pendus pour
leurs paillardises, & 24000. hommes tuez. Il est
escrit au Leuitique vingthuietisme chapitre q̄
les Cananéens ont esté deffaicts pour leurs pail-
lardises. Au 39. des Iuges, presque toute la lignée
de Benjamin fut defaict par le forfait cōmis
en la fēme du Leuite. Au liure des Rois griefues
peines sōt enuoyées à dauid pour son adultere.
Pour la mesme cause Salomō idolatra & fut dô-
né en sēs reprouuē: mesme le Prophete Ieremie

Vopiscus.

Genes. 5.

Rois. II.

12.

Y

racôte souuēt entre les causes de la ruine de Ierusalē, les adulteres: Plusieurs royaumes ont receu mutatiō & changement, & leur administratiō transportée à d'autres par ce mesme vice. Troye la superbe fut ruinée pour le raiſsemēt d'Heleine. Thebes la populeuse, pour le rapt de Cryſippe, & pour l'inceſte d'Edipe a eſté deffai cte. Les Roys furēt bānis, & leur nō exterminé de Rome, pour lerauiſſement de Lucreſſe. Ariſtote au cinquieme de ſes Politiques, aſſigne entre les pſicipales causes de la ruine & mutatiō des royaumes, les paillardises & adultaires. Pausanias ce Prince tant renommé Licaonien, pour auoir premieremēt ſupré, puis apres rué vne fille à Cōſtātinople, fut aduertty par vne ſtatue de ſa fin, & mort prochaïne: choſe prodigieuſe, que les mallings eſprits meſme à leur cōfuſiō aduertiffēt les paillards des peines qui leur ſōt preparées ce qui l'eſprouua eſtre veritable: car les Ephores le contraignirent apres, mourir de faim. Or ſi les hſtoires ſacrées & prophanes ſōt toutes réplies de griefues peines, cruels ſuppllices, ires & maledictiōs qui ſōt éuoyées de Dieu couſtumièremēt ſur les paillards, que doiuent eſperer les Sodomites & autres qui ſe ioignent en l'ignominie de Dieu & de nature, avec les beſtes brutes? cōme il nous eſt euidemmēt mōſtré en la hôteuſe hſtoire, de laquelle tu as veu le pourtraict au commencement de ce chapitre d'un enfant qui fut conceu & engendré d'une femme & d'un chié, ayant depuis le nombril en haut, la forme & le ſimulacre de la mere bien

accomply sans que nature y eust rien obmis, & depuis le nôbril en bas il auoit la forme & figure de l'animal qui estoit le pere, lequel (ainsi que Volateranus escrit) fut enuoyé au Pape qui regnoit en ce tēps-là, à fin qu'il fust expié & purgé. Cōradus Licothēnes escrit vne sēblable histoire en ses Prodiges, d'vne fēme qui enfanta du tēps de l'Empereur Lothaire vn enfāt & vn chien, ioincts & collez, ensēble par les parties posterieures, depuis l'espine du dos, iusques aux fesses. Celi^o Rhodiginus lib. 25. cap. 32. de ses antiques leçons, escrit qu'un pasteur nommé Crathin en Cibare ayāt exercé avec l'une de ses cheures son desir brutal, la cheure enfanta quelque temps apres vn cheureau, qui auoit la teste de figure humaine, & sēblable au pasteur qui estoit le pere, mais le reste du corps ressembloit à la cheure. C'est ce q̄ S. Paul dit au 4. chap. des Ephes. que la peine des paillards, c'est de tomber en aueuglemēt, & deuenir enragez, apres qu'ils sōt delaissez de Dieu, & ne voyent point, & ne peuvent escouter bons conseils, & prouoquent l'ire de Dieu contre eux.

Fin de la trenteseptiesme histoire.

Y ii

HISTOIRES
COMPLAINCTE NOTABLE QUE
fist vn homme Monstreux au Senat de Rome, con-
tre les tyrannies d'vn Censeur, qui escorchoit le
pauvre peuple du riuage du Danube, par
exactions rigoureuses.

Chapitre

XXXVIII.





Egrand Monarque Marc
Aurèle, nō moins Philoso
phe qu'Empereur, s'estāt
retiré aux chāps avec grād
nōbre d'hōmes sages, tant
pour quelques ennuy-
euses parties de l'an que
pour moderer l'ardeur

d'vne fieure qui l'auoit vexé par plusieurs iours
à fin de ne demeurer oisif, ils commencerent à
instituer diuers ppos entr'eux, de la corruptiō
des Princes, de la mutatiō des republicques, &
generalement du desordre vniuersel qui se re-
trouuoit presque entre tous les estats du mōde.
Et apres que chascun en particulier eut deduit
ce qu'il luy en sēbloit, ce bon Empereur voulut
estre de la partie, & continuant le propos, leur
dit: Mes amis combien que chacun de vous ait
bien dignement philosophé sur la questiō pro-
posée de la corruption des Princes, & des Re-
pupliques, si est-ce que l'origine de ce cōragi-
eux mal ne me sēble proceder d'ailleurs, que de
flateurs qui seruent aux affectiōs des Princes,
& les entretiennēt en leurs delices, sans leur o-
fer dire verité. Ils leur huilent la teste de bene-
dictiōs, leur mettent le carreau sous le coude:
les endorment en l'harmonieux chant de leurs
faulses louanges, & s'engressēt de leurs pechez
de sorte que i'en cognois au iourd'huy, desque
les iambes ny les piedz ne les peuent plus por-
ter, ny les forces du corps soustenir de bout, ny

Y iii

HISTOIRES

les mains leur seruir à escrire, la veuë à lire, les
dents à prononcer, les machoires à manger, les
oreilles à ouyr, ne la memoire à negocier: auſſi
quels toutefois la lāgue ne defaut à requerrir des
Princes presēs, graces & faueurs pour eux, ou pour
les leurs, de sorte que ces pources miserables se
trouēt rāt auuglez en leur auarice & cōuoitise
qu'ils ne cognoissent & ne sentēt point que tout
ainsi que leur auarice va tousiours en agmentati
tiō & multiplicatiō, auſſi de mesme leur vie s'en
court en diminution & decadence. Voila dōc
ques en sōme (mes amis) la cause de l'ētiere co
ruptiō des Princes & republiques. Et pour vous
faire entendre la difference de l'anciēne libertē
de parler aux Princes, & de l'auare seruitude, &
pusilanimité qui regne auiourd'huy entre ceux
qui assistent, ie vous veux raconter vne histoire,
laquelle ie n'ay entendue d'aucun, ny lūē au li
ure des anciēs, mais i'en ay veu l'effēt par pre
ſēce. La premiere année qu'ō me feit l'hōneur
de me créer Cōsul, il vint à Rome vn pauvre vi
lain du riuage du Danube, demāder iustice au
Senat contre vn Cēseu, rqui tourmētoit le peu
ple de subſides & exactions tyrāniques lequel
fut si hardy & disert à former sa complaincte, q
le pl^r asseuré capitaine du mōde, ou le pl^r elo
quēt orateur n'eust sceu mieux dire. Ce vilain
auoit le visage petit, les leures grosses, les yeux
pfonds, la couleur aduste, les cheueux herissēz,
la teste descouuerte, les souliers de cuir de porc
espic, le saye de poil de cheure, la ceiture de iōcs
marins, la barbe longue & espoisse, les sourcils

qui luy couroient les yeux, l'estomach & le col
couuert de poil cōme vn Ours, & vn baston en
la main: & estant en cest equipage quand nous
le vismes entrer au Senat, nous pensios que ce
fust quelque animal, ayant figure d'hōme: mais
apres que nous eusmes entēdu la grauité de ses
propos & maiesté de ses sentences, nous iugeas
mes que c'estoit quelque deité. Car si sa figure
estoit monstreuse, ses propos estoient prodigi-
eux. Ce vilain ayant quelque peu respiré, &
tourné ça là ses yeux furibonds, nous dit: Peres
Conscrits, & peuple heureux, moy rustique &
malheureux, habitant és citez, qui sont près le
Danube, Saluē v vous autres Senateurs de Ro-
me, qui estes icy assēblez, prie aux dieux immor-
tels qu'ils vous inspirēt à biē gouverner la repu-
blique, à laquelle vous persistez, & qu'ils reiglēt
auourd'huy ma langue, afin que ie die ce qui
est necessaire pour mō pais, les tristes destinées
le permetrans, & noz dieux courroucez nous
delaisans. Nostre terre de germanie fut subiug-
uée par vous Romains: mais si vostre gloire
est maintenant grande, aussi sera vostre infamie
és siecles futurs extreme pour les cruautēz &
tyrannies que vous y auez exercées. Et veux
que vous sçachiez, si ne l'auēz sceu auāt ces heu-
res, que lors que les malheureux se font condui-
re en leurs chariots de triomphe, & crier de-
uant eux, viue Rome. D'autrepart les pauures
captifs pleurans gouttes de sang en leurs cœurs,
crient apres les dieux, iustice, iustice. Romains,
Romains, vostre cōuoitise est si grande de raurir

les biens de voz voisins, & vostre arrogance si desmesurée à commander aux terres estranges, que la mer ne vo^s peut profiter en ses abismes, n'y la terre asseurer en ses champs, mais tenez vous asseurez que tout ainsi que vous autres sâs raison, iettez les autres hors de leurs maisons, terres & possessions, autres viendront qui avec raison vous chasseront de Rome & d'Italie car la loy est infalible, que l'homme qui prend par force le bien d'autrui, perd le droit qu'il tient au sien propre. Et di& d'auantage, que tout ce que les mauuais accumulent avec tyrannie en plusieurs iours, les dieux iustes leur osterôt tout en vn iour: & au contraire tout ce que les bons perdrons en diuers ans, les dieux leur rendront en vne heure: & si vous esperez en la iusser l'usage à voz enfans, vous estes grandement deceus: car le prouerbe ancien a tousiours esté veritaque de l'iniuste gain des peres vient en apres la iuste perdition des enfans. Accumulez doncques tout ce que voudrez, & que lon face tout ce que commanderez, & vous cognoistrez que p&sans vous faire seigneurs des prouinces estrâges, vous vous trouuerez en fin estre faicts esclaves de voz propres richesses, & larôs des sueurs, du ropos & labeur d'autrui. Mais ie vous demâde (Romains) quelle action auiez vous, estâs nourris aupres du Tybre de vouloir planter & dilater voz bornes iusques à la riuere du Danube? Auions nous presté quelque faueur à voz ennemis? Auions nous cōquesté voz terres? Auez vous trouuâé quelque loy antique, qui die q la

generouse Germanie deust de necessité estre su-
 iette à Rome la superbe? Estiōs nous point voi-
 sins? Et qu'il y eust quelq̃ chose à departir entre
 nous, qui ait suscitē ceste querelle: non certaine-
 mēt, cōme vous mesmes estes loyaux tesmoings
 Ne pensez dōcques (Romains) que si vous estes
 faits seigneurs de la Germanie, que ç'ayt esté par
 aucune industrie de guerre: car vous n'estes pas
 plus belliqueux que no^r, ny plus courageux, ny
 plus hardis, ny plus vaillans: mais cōme no^r au-
 tres auōs offensē noz dieux, ils ordonnerent en
 leurs secrets iugemēs q̃ pour chastier noz des-
 ordōnez vices, vous fussiez les cruels bourreaux.
 Si dōcques nous auōs esté ruinez, nō pour estre
 couards, craītifs, ou debilles, mais seulemēt pour
 estre mauuais, & n'auoir eu les dieux propices,
 qu'esperez-vous q̃ sera de vo^r autres Romains,
 estans comme vous estes vicieux, & tenans cō-
 me vous tenez les dieux courroucez? Et si ie ne
 me trompe, nous auōs enduré assez de misere,
 pour appaiser les dieux: mais voz cruantez sōt si
 grādes & extremes, que la vie de vo^r & de voz
 enfā ne peut satisfaire à vox fautes. Ce n'estoit
 pas assez (Romains) de nous auoir tolly nostre
 anciēne liberte, & de nous accabler d'insuporta-
 bles exactiōs & subsidez, si pour nous cōfire en-
 cores du tout en toutes especes de miseres, vo^r
 ne nous enuoyez des iuges par deçā si bestiaux
 & ignorāz, que ie vous iure par les dieux immor-
 tels, qu'ils ne scauēt ny nous declarer voz loix,
 ny beaucoup moins entendre les nostres: & qui
 pis est, ils prennent tout ce qu'on leur presente

en public, & tirét tout ce qu'ils peuuent en secret
 & sous couleur qu'ils sôt de Rome, ils ne ont
 aucune crainte de rober toute la terre. Qu'est-
 cecy (Romains) iamaïs n'aura fin vostre orgueil
 à cōmander? ny vostre cōuoitise à deterrer vo-
 stre prochain? Si nous sommes desobeissans, &
 que noz seruices ne vous contentent, cōmādez
 qu'ō nous oste la vie: car pour vous dire verité,
 le cousteau ne sera tāt cruel en nos gorges, com-
 me sont vos tyrannies en nos cœurs. Si vous le
 faictes pour nos enfāns, chargez les de faix, & les
 prenez pour esclaves, & vous ne les chargerez
 pas plus qu'ils en pourront porter: mais de cō-
 mandemens & de tribus, vous nous en dōnez
 plus que n'e pouuōs porter n'y souffrir. Sçauēz
 vous à quelle extremité vostre tyrānie & cruau-
 té nous a redigez, Romains? c'est q̄ tous ceux de
 nostre miserable rayauue, auons iuré ensemble
 de iamaïs n'habiter avec noz femmes, & de tuer
 noz propres enfāns, pour ne les laisser tōber es
 mains de si cruelz & iniques tyrans cōme vous
 estes: car nous desirōs plus qu'ils meurēt avec li-
 berté, que nō qu'il viuēt avec seruitude & capti-
 uité: partant cōme desespererez nous auōs resolu
 d'endurer desormais les furieux mouuemēs &
 assaux de la chair, & nō sequestrer d'avec noz
 fēmes, à celle fin qu'elles deuiēnt sterilles: ay-
 mās beaucoup mieux nō cōtenir vīgt ou trēte
 ās, que de laisser noz enfāns esclaves perpetuels
 car s'ils sōt à souffrir ce que leurs pauvres tristes
 peres ont souffert, nō seulement il est bō de ne
 les laisser viure, mais il leur seroit beaucoup pl⁹.

profitable de ne les laisser naistre, pour experimenter tât de maux en leur vie. Voulez vous entendre (Romains) cōme voz officiers se gouuernent par deçà? Si le pauvre vient leur demâder iustice, & qu'il n'ayt argent que bailler, ny vin que preséter, ny huile que promettre, ny pourpre qu'offrir, ny faueur pour s'ayder, ny réuenu pour se secourir, au cōmécemēt on trouue moyen de luy faire despédre le peu qu'il a, le nourrissant d'une vaine esperance de gagner son proces: puis quand il y est vn peu enfourné, ils luy font cōsōmer par dilations le meilleur de sa vie chascun luy promettât faueur: & apres tous ensemble le perdent, ruinent & destruisent: la plus grād part d'entreux l'asseurent qu'il a bō droit, & apres tous ensēble prononcent cōtre luy sa sentence: de maniere que ce pauvre miserable, qui est venu à se complādre d'un, s'ē retourne en son pais se cōmplaignant de tous, maudissāt sa triste fortūe, & reclamant les Dieux iustes & pitoyables. Je ne veux pas encore faire fin, Romains: mais auāt passer outre, ie veux conter ma vie, & l'entendāns vous cognoistrez quelles sōt les delices de ceux de mō pays: le vy d'amasser du glād en esté, aucunesfois ie pesche, tant par necessité comme par passe-temps: de maniere que ie consomme le miserable cours de ma vie seul aux champs, ou en la mōtaigne, & si vous desirez sçauoir pourquoy? entendez, & ie le vous diray. Je voy tant de tirānies en voz Censeurs, tant de voleries & larcins qui se font es pauvres miserables, tant de dissentiōs en nostre Royau-

me, tant de playes & miseres en nostre Republique, que ie me determine (comme malheureux) me banir de ma propre maisō, & ma douce cōpagnie, à fin que ie ne voye de mes yeux choses si lamentables, ayment trop mieux vaguer seul par les chāps, que d'entendre à toute heure les tristes plaîctes & souspirs & sâglors de mes voyfins: car estât cōfiné aux chāps, les bestes cruelles ne m'offensent si ie ne les assaux, mais les hōmes maudicts en ma republique, écores que ie les serue, m'énuyent & tourmentent. Romains cruelz, Romains, n'aurez vous aucun sentiment des choses q̄ ie mets en auāt, puis que seulemēt les reduisant en memoire, mes yeux s'en auenglent, ma langue s'engrossist, mes membres se desioingnent, mon cœur s'euanoüist, mes entrailles se rompent, ma chair se cōsomme? mais de combien est-il plus grief de les voir en mon pais avec mes yeux, les ouir avec mes oreilles, les toucher avec mes doigts, & les experimenter avec mes sens? Voyla les iniquitez de voz Iuges Romains, & la misere & desolation de nostre pauvre Royaume. L'une des deux choses deueroit estre faicte, ou me chastier si ie ments, ou vous priuer vous autres de voz offices, si ie dy vray: & si ma lāgue vous offence, ayant respādu la poisō de mō cœur, ie mestés en ce lieu afin q̄ me couppiez la teste, desirāt plus gaigner l'honneur de m'offrir à la mort, q̄ vo' gaigner vo' autres avec moy en m'ostāt la vie. Icy donna fin le rustique à son propos. Incontinent apres l'Empercur Marc Aurelle s'escria: Que vous semble

mes amis? Quel noyau de la noix, quel or de la mine, quel grain de la paille, quelle rose des épines, quelle mouëlle de os, quelles raisons tant hautes, quelles parolles si bien ordonnées, quelles sentences tant bien dictes, quelles veritez tant veritables, quelles malices couuertes tant bien descouuertes? Je vous inre, dit Marc Aurelle, que no^r demeurassmes tous si espouuentez, que le plus hardy ne luy eust osé respôdre vne seule parolle: mais seulement determinassmes le iour iuyuât de pouruoir de iuges nouueaux au riuage du Danube, & de faire chastier ceux q auoiēt ainsi corrompu leur republique, & cōmandassmes qu'il nous donnast par escrit sa harangue, à fin qu'elle fust mise au liure des bōs dictz des estrangers qui estoïēt au Senat & le rustique pour recopense fut faict Patrice, & fut substantié du thresor public. Voyez Chrestieſ quelle sactimonie, quels oracles souz l'escorce des paroles d'un Ethnique? mais q n'auōs nous aujourd'huy de tels rustiques pour reformer noz republiques Chrestieſnes, & pour descouurir les ruses, finesſes, cautelles, corruptions & iniquitez des Iuges mercenaires qui se retrouuēt par les prouinces? car qui voudroit descrire fidelement les trôperies, finesſes, euenemens, & dangereuses fins de proces, ce nē seroit vn subiect qui se deust escrire avec encre noire, ains plustost de vif & pur sang: par-ce que si chascun qui plaide souffroit autant pour la saincte foy Chrestienne, cōme il endure à la poursuite de ses proces, il y auroit a itât de martyrs par les Cours, Châceleries, Pa

lais & iustices des Princes comme il en y eut iadis à Rome du temps des persecutions des anciens Empereurs : de sorte que de chercher ou cōmencer proces aujourd'huy, n'est autre chose fors que dōner à sō cœur matiere de soupirer, à ses yeux occasiōs de pleurer, à ses pieds & iambes de trotter, à sa lāgue de se plaindre, à ses maīs de s'enterrer à toutes heures en vne bourse aux amis de prier, aux varlets de courrir, & à tout le reste du corps de se pener & trauailler : ioinct que qui ne sçait que cest que de proces, il faut qu'il apprene & entende que les effects & conditions d'iceux ne sont autres, que de riche, deuenir pauure, de ioyeux triste : & melācholique, d'homme libre seruiteur, de magnanime couard, de liberal auare, de pacifique & bening, collere & chagri : d'aymé hay, & de terrible desesperé : de sorte que si nous lisōs les Egyptiēs auoir esté iadis battus & flagellez de dix playes par les mains de Dieu, nous pouuōs dire à bon droit les miserables plaideurs estre tous les iours tourmētez de dix mille : & la differēce de leurs tourmēts & playes, n'est autre, si nō que celles des Egyptiens leur furent causées de la prouidēce diuine : mais celles des plaideurs ont esté inuentées par la malice des hommes. Et si les playes des Egyptiens furent faictes par morsures de bestes, riuieres de sang, grenouilles, mouches guespes, tempestes, laderies, sauterelles, brouillarts : aussi celles de plaideurs sont seruir aux Presidents, payer Notaires, Greffiers caresser leurs clecrs, leurs oignant tousiours


les mains de quelque teston, cōtenter les aduocats, faire la court au iuge & rapporteur, prier les huissiers, chercher argent à prester, trotter, de maison en maison, solliciter les procureurs, sans mettre en conte qu'il faut former accusation, dōner delays à la partie, bailler sa demāde d'un costé, les defences & exceptions de l'autre, faire enqueste, examiner tesmoings, reproches, inuētoriser, instruire le proces, apres le mettre en rapport, noter, breueter le tout iusques aux exploicts & parfois dilayer & reculer la vuidange, pour ne l'auoir encore biē instruiet de sa part, & à ces fins recuser le iuge, pour faire languir sa partie aduerse, bailler requeste, & le supplier d'écōres le receuoir, & le remettre au cōseil. Et à la fin appeller de sa sentence, leuer le proces, pour le porter aux superieurs, avec vne infinité de copies & doubles, qui luy cōuiēdra tirer pour euitter la perte des pieces, & autres surprinses, lesquelles depuis qu'on les a cogneuës essayées, elles sont suffisantes de persuader à l'homme sage de se contenter de perdre plustost vne partie, de sō bien, que d'en acquerir d'autre nouueau, par tant de tourments & penibles moyēs. C'est pourquoy ce docte Esuesque de Monodeme Antoine de Guevara escriuoit à bon droict en quelque siēne œuure, que les sept plaideurs sōt vrays saincts & martyrs, car de tous les sept pechez mortels on ne le peut accuser que de trois seulemēt. Et quād aux autres quatre, cōbiē qu'ils les voulussent commettre, ils n'en auroient ny le moyē ny le loysir: car cōment seroit il possible

que les plaideurs fussent orgueilleux: car il leur conuiēt à toute heure aller le bonnet au poing, en grāde humilité solliciter de maison en maison, maintenant monsieur le iuge refrongné rātoſt les critiques procureurs, & ſeueres aduocats, & greffiers. Et comme pourroient-ils auſſi commettre le peché d'auarice, veu qu'à toutes heures il leur conuient mettre la main à la bourse, pour retirer leurs lettres multipliées, pour uoir à leurs affaires, offrir preſens à monsieur, à madame, de ſorte que le plus ouuent il ne leur reſte vn liard, pour retourner à leur maiſon? Quant au peché de pareſſe, ils n'en peuuent ſemblablement eſtre entachez, veu que le plus ſouuent ils paſſent les nuiets ſans dormir, & ne ceſſent de ſe doloir, & ſouſpirer & plaindre, & le iour de trotter, negotier, ſolliciter, tātōſt chez l'ũ, tantōſt chez l'autre. Encores moins du peché de gloutonnie: car il ne leur faut ny entrée ny iſſue de table, pour les mettre en apetit, & leur conuient le plus ſouuent diſner de bout, à gros morceaux mal maſchez & digerez, pour ſe trouuer aux entrées & iſſues du palais, pour ne failir à ſaluer monsieur le conſeiller, tirer mōſieur l'aduocat par la manche, faire ſigne au clerc qu'il ait ſon affaire pour recommandée. Puis il conclud finalement, que proces eſt vne ſi dāgereuſe beſte, & ſerpent ſi venimeux, que qui voudra ſouhaitter vn grād mal & fortune à ſon ennemy, qu'il ne luy deſire ny ſouhaitte point de le voir pauvre miſerable, hayneux, mal voulu d'autrui, bāny de ſon pays, malade, ny mort mais qu'il


qu'il prie seulement Dieu de luy dōner quelque meschant proces : car on ne pourroit au monde prendre plus grande vengeance de son ennemy que de l'engouffrer en proces, à la suite d'une cour ou d'une Chancellerie.

Fin de la trentehuitiesme histoire.

Z



HISTOIRES
HISTOIRE PRODIGIEUSE D'A-
uarice, avec plusieurs exemples memora-
bles sur ce mesme subiect.
Chapitre XXXIX.





Iogene Laërce escrit ,
qu'un Rhodien se gau-
dissant un iour avec le
Philosophe Eschines, luy
dit: Je te iure par les dieux
immortels (Eschines) que
j'ay grand pitié & compassion
de te voir pauvre come tu

es. Lequel soudain luy respondit: Et par les mes-
mes dieux je te iure que j'ay encores plus gran-
de compassion de toy, te voyant ainsi riche com-
me je te voy, puis que les richesses ne donnent
que peine & tourment à les acquerir, soing &
solicitude à les conseruer, encores plus grand
desplaisir à les despêdre, peril à les garder, & oc-
casion de grands inconueniens & dangers à les
defendre. Et ce qui me semble encores plus
grief & mauuais, c'est q' tousiours la part où tu
tiens tes tresors cachez, tu y laisses premier tō
cœur enseuely. Herodote escrit que les habitās
des isles Baleares defendirent qu'on ne laissast
iamais entrer ne porter dans leur pais & terres
aucun or, argent, soye ny pierres precieuses. Ce
qui leur succeda si bien qu'en quatre cens ans
que durerent les guerres cruelles entre les Ro-
mains & Cartaginois, & entre les François &
Espagnols, iamais aucune desdictes natiōs ne
s'esmeut pour leur courir sus en leurs terres,
parce qu'ils n'y eussēt trouuē ny or, ny argēt, ny
autre chose de pris ou valeur pour desrober &
piller. Je veux ēcores adiouster vne autre chose

plus prodigieuse: c'est que Phalaris Agrigent-
 tin, Dionyse Syracusan, Catiline Romain, & Lu-
 gurthe Numidien, tous ces quatre fameux ty-
 rans ne maintindrent jamais leurs estats & roy-
 aumes par aucunes vertus qu'ils eussent, ains seu-
 lement par les grans dons & presens qu'ils fai-
 soient à leurs adherans. Je voudrois donc que
 tous les fauoris des princes notassent bien ce-
 ste parolle, c'est qu'il est impossible qu'une grā-
 de faueur, ioincte & accompagnée d'une gran-
 de auarice, durent longuement ensemble. Je ne
 suis point hors de propos d'auoir mis toutes
 ces histoires en auant: car nostre siecle est si cor-
 rompu, que nous n'entendons aujourd'huy par
 nos republicques parler d'autre chose, que d'une
 ne brûlante auarice qui regne en tous les estats
 du monde, nōmément entre les Ecclesiastiques
 ce qui ne se peut prononcer sans larmes, atten-
 du qu'ils ne sont que dispensateurs des biens
 du Seigneur. & toutes-fois nous les voyons se
 ardens & affectionnez à thesauriser, qu'il sem-
 ble qu'ils doiuent enterrer leurs biens avec leurs
 corps, ou espuiser toute la terre de thesors. J'en
 ay traité en quelques autres miens escrits plus
 amplement, faisant mention du Cardinal Ange-
 lot, partant ie retourne à mes prodiges, car de-
 puis que ce pestilent venin d'auarice a respā-
 sa poison par le monde, la plus part des prouin-
 ces en sont si bien demeurées infectées, qu'on
 ne pardonne pas mesme aux corps humains
 qu'on ne mete en vāte pour tirer argent, Cælius
 Rhodiginus en ses antiques leçons liure tre-

ze, chap. cinquantesix est tesmoing de cecy, qui raconte que de son temps quelques meschans vendoient la chair d'homme si bien assaisonnée, qu'il sembloit que ce fust de la chair de pourceau, & continuerent en leur meschanceté iusques à ce que Dieu permist qu'on trouuast quelque doigt d'homme meslé parmy leurs viandes, qui fust cause qu'ils furēt prins & cruellement punis. Ce qui ne semblera estrange ou fabuleux à ceux qui ont leu en Galien liure troisieme des alimēts, que la chair humaine a telle similitude avec celle du pourceau, & aproche si biē du goust & saueur d'icelle, qu'aucuns en ont mengé pensans que ce fust chair de porc. L'histoire de Celijs Rhodiginus est estrange, & montre apertement que l'auarice a si bien aueuglé l'homme, & rangé à si haut degré dy niquité, que on n'y peult plus rien adiouter: mais Conradus Licosthenes raconte encore vne autre histoire prodigieuse d'auarice qui n'est en rien inferieure à la precedere. Il escrit qu'au Duché de Vvirtemberg vn malheureux hoste presenta à soupper à quelques vns qui estoient logez en sa maison, de la chair d'vn porc qui auoit esté mordu d'vn chien enragé, laquelle estoit si bien infectée du venin de cest animal, que tous ceux qui en mangerent en ragerent: & estans ainsi pressez de la fureur de leur mal, se mangeoient & deschiroient les vns les autres.

Tu as le
pourrait
de ceste hi-
stoire au co-
mencement
de ce chapi.

Fin de la trenteneufiesme histoire.

Z iii

HISTOIRES
MONSTRE ENGENDRE A R A-
uennes du temps du Pape Iules second, & du Roy
Loys douzeisme.

Chap. XL.





Esteur, ce Monstre que tu vois icy depeinct, est si brutal & esloigné de l'humanité, que i'ay peur de n'estre pas cren, de ce que i'en escriptay cy apres: neantmoins, si tu le conferes avec celuy qui a les

faces de chiens, & cinqes, duquel ie t'ay descrit l'histoire cy dessus, tu trouueras l'autre beaucoup plus monstrueux.

Jacques Rueff, en ses liures, *De conceptu & generatione hominis*, duquel i'ay emprunté ceste figure, Conradus Licosthenes en son traicté des prodiges, Ioannes Multiuallis & Gasparus Hedio qu'il cite, escriuent que l'an mil cinq cés douze du temps que le Pape Iules second suscita tât de sanglantes tragedies en Italie, & qu'il eut la guerre avec le Roy Loys, à la iournée de Rauenne, il fut engendré à Rauenne mesme (qui est l'une des plus anciennes citez de l'Italie) vn Monstre ayât vne corne en la teste, deux ailles & vn pied semblable à celuy d'un oyseau rauissant, & avec vn œil au genoil: il estoit double, quant au sexe participant de l'homme & de la femme, il auoit en l'estomach la figure d'un ypsilon, & la figure d'une croix, & si n'auoit aucuns bras. Ce Mōstre fut produict sur terre du tēps que toute l'Italie estoit enflâmée des guerres, nō toutesfois sās apporter grande terreur au peuple: de sorte que de toutes les prouinces de l'Italie & de la Grece ils venoiēt veoir ceste miser able creature. chacū ē

Z iiii

parloit diuersemēt être autres, il s'y trouua quel-
ques hommes doctes & celebres, qui commēcē-
rent à phisopher sur la misere de cest enfant, &
sur la figure monstrueuse, lesquels disoient que par
par la corne, estoit figuré l'orgueil & l'ambition;
par les ailles, la legereté & inconstāce, par le defaut
fault des bras, le deffault des bōnes œuures, par
le pied rauissāt, rapine, vsure & auarice: par l'œil
qui estoit au genoil, l'affection des choses terre-
stres: par les deux sexes, la Sodomie: & que pou-
tois ces pechez qui regnoiēt de ce temps en Ita-
lie, elle estoit ainsi affligée de guerre, mais quan-
à Pyp silon & à la croix, c'estoient deux signes sa-
lutaires: car l'ypsilon signifioit vertu & puis la
croix qui denotoit que s'ils vouloient se cōuer-
tir à Iesus Christ, & songer à sa croix, c'estoit le
vray remede de recouurer la paix, & de moderer
l'ire du Seigneur, qui estoit enflammé
contre leurs pechez.

*Fin de la quarentiesme & derniere histoire
prodigieuse.*

VN MERVEILLEUX ET EFFROYABLE

saisissement du corps d'une femme par le ma-
ling esprit aduenu au pais de Laonnois
l'an 1565.

Chapitre

XL I.



Aa

HISTOIRES



Comme les choses sont plus rares en la nature & les succez d'icelle aduenans le moins souuēt, plus aussi y a-il de consideration à faire discours sur icelles, veu que la raison humaine y māquant, il y a de la difficulté tresgrande à en chercher les causes. Ce qui eust esté l'occasion que ie me fusse passé de rechercher & esplucher vn suiet sur lequel plusieurs grands & notables personnages ont diuersement discours, & faict de grandes considerations sur l'aduenement de chose de nostre temps aduenue non en cachette, ou en quelque lieu escarté & solitaire mais à la veuë, & en presence de plusieurs milliers de personnes: ie me fusse (dis-je) passé de discourir sur ce suiet, n'estoit q̄ voulant reciter quelques prodiges aduenus, ou iadis, ou de nostre tēps, pour nostre doctrine, & pour seruir d'aduertissement, cestuy m'a semblé admirable, & le suiet, le temps les occurrences d'yceluy si à propos, que les moins cler-voyantz cognoistront par ce recit & par le faisissement que Sathan feit du corps d'une pauvre & simple famette, combien Dieu s'ayde de toute ses creatures pour annoncer sa gloire, faire luyre sa iustice, & magnifier ses œuures en la face de tout le monde. Et afin de faire voir de combien les hommes sont aueuglez en leurs desirs, aheurtez en leur corruption, & pernicieusement ingrats, ne recognoissant la main de dieu, & ne tenans compte des choses mesmes, l'effect desquelles nous

apparoist contre le cours propre de la Nature. Car s'il est ainsi (cōme veritablement il est) que noz membres soyent l'organe de l'ame, qui est toute spirituelle & que les actions exterieures soyēt guidées des interieures, & par cest esprit resident en nous: qui ne s'estonnera de voir que la partie cōsacrée à Dieu, reçoive plus sensiblement que par l'aprehension vne chose du tout contraire, & laquelle ne tend qu'à la poursuite de nostre ruine? Et qui ne s'esbaira que contre toute raison humaine cōtre le naturel des mesmes suiets cy proposez, on voye vne chose incorporelle. Former, ou faindre en soy vn corps & se transformer, de sorte, & que l'ame, & que la veue aye peu tesmoyner de la diuersité de telles figures. Mais à qui ne sēblera merueilleux s'il n'est du tout Atheiste, & sans autre raison que celle qui est guidée d'un orgueil, & presōptiō toute samblable à celle du pere de temerité que le corps d'un hōme fanatique soit regy d'autre que de l'esprit, ce qui luy dōne vie & q son ame metne en soit tellement saisie, qu'il die, & p̄fere, nō ce qu'il desire mais ainsi qu'il semble bō au fantosme demy incorporé qui le detiēt, le tourmente, & priue des fonctions qui au parauant luy estoient & propres & libres? Qui ne sera estonné d'ouyr vne simple femmelle, sans nulle cognoissance de lettres, sçauoir, en discernement de langues, parler diuersement, disputer de grādes choses, & traiter des poincts les plus difficiles qui se puissent mettre en auant entre les hommes? Le sçay bien qu'on me pro-

HISTOIRES

posera les sibylles qui ont discoursu de grandes choses, mais elles auoient estudié & si estoieent poussées de l'esperit de pphetie. Et ôcques ne parlera des prebstresses d'Apollô, ou autres Dieux fabuleux, lesquelles sans mentir estoient possédées par le malin esperit, qui se seruoit de tels suiets pour attirer le peuple superstitieux à son seruice. Aussi voyez vo^r en virgile la prestresse d'Enée, qui est qualifiée de meisme façon que celui qui est possédé du diable lors que le poëte parle ainsi.

*A l'entrée soudain elle change de visage
La couleur luy blesmit, puis rougit & de rage
Les cheueux herissez, elle va pancheant,
Et de fureur son ame est le corps esmotuant
Et alterant le cœur.*

Voulez vous des signes plus manifestes d'un faulx esprit du malin esperit que ces esmotiôs violentes, les cheueux esparts, le changement de couleur, le panthelement, l'alteration des parties tant du corps de l'ame, & en fin que ceste prestresse Apolline ne disoit autre cas sinon ce que l'esprit qui la poussoit luy donnoit à entendre, tout ainsi qu'il en aduiet aux demoniacles, lesquels ne parlent (comme i'ay dit) & ne discourent, sinon ainsi qu'il plaist à celui qui les esment. Je fais cest auât discours, pource que ie sçay qu'il y en a plusieurs trop subtilement curieux, si remeraies, ou plustost possédez de telle sorte du pere de mensonge, qu'ils reuoquent la puissance de Dieu en doubte, & veulent limiter l'effort, & reigles de sa iustice, impossibilitas

par raisons naturelles, ce qui ne tōbe sās le sens humain, & qui surpasse toute cognoissāce philosophique, & qui neātmoins a esté veu & sēty par effect, la verité en estant decouuerte a la veue de tout le monde. Ces naturalistes (dis-ic) reuoquent en doubte que les corps des hōmes puissent estre possēdez du Diable, & qu'il y aye d'autres demoniacles que ceux qui melancoliques plus que de raison s'esgarent quelques fois en leurs façōs de faire, maistrisēs de q̄lque humeur melācoliq̄, & d'icelle passionēs, ils souffrēt des desuoyemēs de sens, & faute de toute cognoissāce, & iugemēt naturel de l'hōme. Mais lors q̄ faisās par trop du philosophe ils tiēnent ces propos, qu'est ce qu'ils declarēt autre cas q̄ leurs impietēs, & atheïsmes, accusās l'escriture de mēlōge, & le fils de Dieu mesme de trōperie & imposture? Le ne veux entrer en cōtestatiō avec les medecins. qui donnēt si grand effort à celle passion melancolique de l'homme qu'ils appellent Bilim atram, qu'il semble qu'il n'y ayt autre malin esprit tourmentant les hommes que ceste maladie, tout ainsi qu'on iuge de ceux qui sont transportez de leur sens, ou pour trop aymer, ou pour auoir perdu quelque chose chere, ou saisis de trop de tristesse mais ne veux aussi receuoir ceux qui sont si mal de leur esprit qui ne recognoissent ce q̄ le malin opere (Dieu le permettāt) sur les hommes pour leurs pechez. Et ne veulēt cōfesser le faïssēmēt qu'ils font de leurs corps, puis que l'Euangile l'atteste & que les cētils mesmes ont confessé &

opinio des

natural-

les, indiq

Les gētils

confessens

que les dia-

bles estoiet

es corps hu-

mans.

*Porphire
liv. des mi-
steres.*

*Esquelz en-
tre le plu-
tost le dia-
ble.*

en ont mis en auant l'experience. Je laisse à part la diuision des espritz faite par les platoniques quoy que cela peut seruir quelques peu à nostre propos, me suffisant de mōstrer s'il est possible que le Diable puisse s'insinuer es corps humains, & les tourmenter & les priver de leurs fonctions ordinaires. Veu que cela se face, oyez comme est ce que Porphire en parle. A ceste cause le ieusne & la chasteté sont à louer grandement, non que par iceux Dieu soit rédu plus apaisé (c'est mal parlé à cest imposteur Porphire) ains affin que soient reiectez les espritz qui se plaisantz au sang & en la vilennie, pour iouyr de ces choses, entrēt es hōmes, & se saisissent de leurs corps. Puis aiouste que la marque de ceux cy est le chien testu des trois enfers apellé Cerbere, celuy c'est a sçauoir qui se tient en leau, en l'air, & en la terre, qui est vn demon trespernicieux, voyez que cest ethnique confesse que les Diables saisissent les corps des hommes, & que le ieusne, & la chasteté valent cōtre ce saisissement. Je sçay bien que le malin esprit cōme il est tousiours en aguet, ne regarde que les saietz qui luy sont propres pour y iouer ses ieux. Et de là aduient que ceux qui sont affligés d'vne colere impatiente, & qui par trop douloureux perdent le boire & manger & le sommeil, de sorte que leur ame est toute employée & rauie en l'imagination de son tourment & facherie, sont aussi le plus souuent que tous autres saisis du Diable estant leur vaisseau facilement enuahy par luy, qu'il le veit prest à receuoir

es impressions furieuses, & telles qu'ô les voit
estre aux moniacles. Je ne veux icy me brouil-
ler en la distinction des platoniques touchant la
differéce des demons qui se saisissent ainsi des
corps humains, entant que pour le present ie
n'ay affaire s'ils sont terriés ou aquées, ou sou-
terrains, puis qu'il appert que ce sont espritz
ennemys de l'homme en ce qu'ils le priuent de
l'usage de raison, qui est la marque principale
de l'excelléce de l'homme. Aquoy que les sus-
dits Philosophes dient, que si l'esprit du saisi se
haulse & qu'il viue de la seule contemplation
intellectuelle, que lors il est inspiré des de-
mons plus sublimes & hautains; si est-ce que
desia ceste façon de transport ne peut, & ne
doibt estre attribuée aux malins esprits, ains
ce sont inspirations diuines, & visions angeli-
ques, ne transportans le sens ny la raison, & n'in-
duisant point l'homme aux desirs d'offencer le
tout puissant, voire ne sont communiquées ces
graces qu'aux vertueux, là où les saisissementz
faitz par les Demons se font pour le plus sur les
personnes mal viuant, ou pour la punition de
leurs parens, veu que le Diable ne peut rié que
Dieu luy souffrant & permettant, & Dieu ne
souffrant choses qu'avec iustice & equité &
pour sa gloire & encore pour le bien des affli-
gez s'il y a espoir de leur couuersion, & repen-
tence. Au reste c'est grand cas que l'eschole des
Theologiés maintiét que les Diabes (soyent ils
corporels, ou incorporels) se ruét, & s'insinuét
es corps des hommes substantiellement, & se

*Difference
des demons*

*Comme le
diable se
saisit des
corps.*

1047. 13.

*Actes des
apostres .5.*

faisissēt de leurs ames, y exercātz les effectz de
leur malice (tāt qu'il plaist à Dieu leur souffrir)
les affligeāt, & biē souuēt les faisāt tōber en pe
ché. Neāmoins ce mot substātiellemēt ne faus
q̄ soit pris si estroitemēt, qu'ō y cōprēne l'oper
tiō, ains seulemēt l'oppression, & saisie de celui
qui vse de telle violēce, lequel n'estāt qu'esprit
viēt ausi s'epādre par les mēbres du corps occu
pé & offusquāt les puissāces de l'ame se rēd cō
me le maistre de la maison qu'il a ainsi surpris.
Au reste autre cas est estre possédé actuellemēt
du Diable, & autre estre saisi d'iceluy cōme
substāce: veu qu'il est escrit q̄ le Diable esto
entré au corps de Iudas iusqu'à le forcer de vé
dre nostre Seigneur Iesuschrist: & que Satha
emplit le cœur d'Ananie, lors qu'il defrauda l
pris de la vête de sō heritage posé aux pieds de
SS. Apostres: car en cest endroit ce saisissēmen
du diable n'éporte q̄ la tētatiō d'iceluy & l'execu
tiō des deux surnōmées aux cōseils q̄ le Diable
leur auoit suggerer, ausq̄ls ils auoiet deia donn
cōsentemēt: là où la possēssiō des demoniacles
est plus de la permissiō d'ēhault q̄ d'ailieur, dieu
se seruāt de ses creatures pour sa gloire ainsi qu
es demoniacles, desq̄ls on voit l'histoire ē l'Eua
gile & de ces phitonisses desq̄lles est parlé au li
ure des actes des Apostres. Et affin q̄ ie ne sorte
d'vne si belle & large carriere, sans courrir aux
exēples anciēs, ie n'iray plus loing qu'à la me
moire toute freche de ce qui est adueni nō du
tēps de nos peres, mais du nostre mēme, & nō
l'ayās veu ie dis vne infinité de ceux q̄ sōt enco
re à presēt en vie: ie n'iray rechercher ailleur qu'ē

grâce la preuue de ce q' i'ay dit q', dieu se sert de
toutes les creatures pour la gloire, & pour l'au-
cemēt de sō Eglise. Nul ignore q' depuis le tēps
q' la chrestienté a esté plātée sur le fōdemēt apo-
stolique, & bastie sur la pierre angulaire Iesus-
christ nostre seigneur, il ne fut onc tēps auquel
on ayt reuoqué tant en doubte les principaux
articles de nostre salut que lō a fait de nostre a-
age: & sur tout se sōt les heretiques attaquéz au
sacre-sainct, & effroyable mistere du corps &
sāg de nostre sauueur, q' les pl' endiablés hereti-
ques du passé reueroient, sans faire doubte sur
la verité des parolles p' Iesus christ prononcées. Et
ce pēdāt de nostre tēps se sōt esleués des fana-
tiques & endiablés, lesquels ne scachās cōme cō-
duire le peuple de dieu à route debauche, & des-
reglemēt, s'ils ne s'armoyēt cōtre la chose la pl'
p'cieusemēt reuerée p' les plus simples, & vertu-
eux, & deuotieux d'entre les catholiqs, ils se sōt
pris aussi cōtre la verité du S. sacremēt de l'au-
tel & ont reuoqué en doubte la presence reelle,
corporelle & sacramentale du corps precieux
de Iesuchrist au S. sacrifice de la messe: assurez
q' ce ioyau osté, il leur seroit aisé de peruerbir le
reste du christianisme. Il ont cōbatu du bec &
de griffes pour venir a bout de leur pretente, le
diable leur dōnāt de grans moyens pour se pre-
ualoir de ses ruses: mais comme vn fol prend vn
couteau pour sa p'pre ruine, le diable aussi pen-
sant abolir le sacré-mistere qui luy nuisoit, a e-
sté contraint de seruir de suiet pour la gloi-
re de Dieu, & pour la magnificence, ve-
rité, effect & vigueur du Sainct & admirable

sacrement. Le vous ay fait tout cest auant propos non sans cause, ains afin que chascun voye & nostre pretente, & dequoy Dieu se sert du malin mesme, ainsi qu'il est apparut en Iob, tourmenté par le mesme ennemy de l'humain lignage: & pource il est temps desormais de venir au faict & de poursuiure nostre histoire prodigieuse: car telle la pouuons nous appeller eu esgard à la rareté & à ce qui est aduenue d'extraordinaire, & cōtre tout l'aduīs des sages de ce monde & des raisons philosophiques, desquelles se sont vouluz ayder & tarquer les caluinistes, pour inualider la foy adroustée au S. Sacremēt de L'autel cōtre lequel tant ils abboyēt. En l'ā de nostre salut donc milcinq cens foixāte cinq l'ā que la guerre cōmençee en France pour le faict dela religion auoit quelque relache, chascū viuāt en telle liberté de conscience que peut porter vn temps calamiteux. Aduint qu'au terroir & diocese de Laō, en vne petite ville nōmée Vreuin, il y eut vne fēme apelée Nicole aagée d'environ seize ans. & mariée au moys de Iuliet à vn sien cōcitoyē, tous deux de professiō catholique & yssuz de parens, gēs de biē & suiuañs la purité d'vne religiō mesme. De ce siple vaisseau & esprit sās malice vouloit Sathā abuser pour pratiquer les ruses, mais en iceluy mesme il se veit surmonté, & recogneut que Dieu est plus fort q̄ luy, & que sa main est de grāde estéduē: & entēdez quelle fut l'astuce de l'ennemy de Nature. Vous sçauēz la pieté de laquelle vsent les catholiques tous les ans,

*Histoire de
la femme
demoniacle
de Vreuin.*

seigneur par l'ordonnance de l'esglise, à l'édroit
es pauvres deffunctz decedez en la foy de no-
tre seigneur, & cecy le second de Nouem-
bre celebrans la solemnité des morts, & n'igno-
râ pas l'opiniõ recenë parmy les simples de l'ap-
arition des esprits des trespassez, de laquelle ie
suis si mal apris que de condamner, ayant &
raison, & experience faisans pour ceste cause,
lesquelles deux occuréces ie mets en ieu pour
bonne occasion & pource qu'elles servent grã-
lement à ceste matiere. Ce iour donc facië à la
memoire des mortz, comme ceste ieune fême
Nicole cy dessus nomée fut allée de bon matin
selon la coustume en l'Eglise parochiale
pour faire oraison pour le repos des decedez,
voicy qu'elle estant à genoux sur le tombeau
de ces ancestres, ne scay les causes precedentes,
ou s'il y auoit de l'aprehension ou de la tristesse
excessiue, elle voit sortir de dessous terre vn
fantosme reneust d'un drap tout ainsi qu'on a
le coustume d'enseuelir les morts: & non seule-
ment le veid elle la, mais de la en auant quelq
part qu'elle fut, tousiours ceste illusiõ, & fantosme
le luy représentoit. L'effroy de telle, & si furieuse
visiõ causoit des douleurs, & de teste & d'esto-
mach à ceste pauvre ieune fême & la chageoit
en vne autre habitude, la rendant passe, effroy-
ée, triste & comme ne scachant en quoy se
resouldre. En fin l'esprit mensonger qui la luy
presentoit luy parla sans estre requis & luy dist
qu'il estoit l'ame de Ioachim Guillet son ayeul
detenue es peines de purgatoire, mais q en trois

*Apparitiõ
de sathan
à Nicole et
en quelle
forme.*

ans il y auoit moyen de l'en deliurer, pourue
qu'elle feist dire certain nombre de messes, &
si elle faisoit quelques voyages & pelerinage
en diuers lieux pour sa deliurance. Ce fonde-
ment sembloit seruir à ceux qui se moquent
des suffrages ditz pour les mortz, puis que pa-
iceux le diable se fortifioit, & que d'iceux il se
couuroit en ses impostures: ce qui n'est rien de
nouueau que Sathan se tranfigure en Ange de
lumiere, ioint que plusieurs excellentz theologi-
ens tiennent qu'és entours des sepulchres des
hommes meschans, les anges malins assistent, &
causent des illusions nocturnes. Dequoy nous
laissions le discours à ceux qui sont mieux ver-
sez en la sainte escriture, lesquels vous diront
si c'est vray ou faux, veu que les textes ne vous
en donnent point de resolution certaine: ioint
que nous scauons que cest vne opinion Plato-
nique, discourant de l'erreur & course vaga-
bonde des esprits, le lóg de leurs tombeaux, &
notamment de ceux qui meurent sans sepultu-
re, suyuant ce qui est escrit en Virgile. Lors que
la Sybille parle à Enée en ceste sorte.

*Ceste troupe que vois, est pauvre, & laquelle erre
Pour n'estre encor leur corps caché desoubz la terre.
Permis ne leur est point ce riuage approcher,
Ni oultre ce grand fleuve au parauant passer
Que leurs ossementz mis soient en sepulture
Ils vaguent par set ans & tout leur soing, & cure
Est d'aller voletant autour de ces orées
Attendant la saison pour estre outrepassees
Ainsi ie laisse ces courses & erreurs vagabondes*

sur l'escole, afin de ne causer quelque super-
 stition plus grande en l'esprit des simples: loint
 de noz magiciens ne s'aydēt q̄ par trop de ceste
 doctrine platoniq̄. Car i'en cognoy tel qui m'a
 confessé auoir fait esueiller l'esprit d'un moy-
 ne de saint Iaqués du haut pas, mais plustost vn
 malin esprit se disant estre ce moyne, & la figu-
 re peinte sur le robeau, duquel il representoit à vn
 enfant qui le voyoit: lequel malin esprit (car autre-
 ment le peux-je appeller) a suiuy & adextré cōme
 ombre suit le corps, ce pauvre enfant fort long
 tēps, iusqu'à ce que iamais iceluy estat perdu, on
 n'eust sçeu auoir ny vêt ny nouvelle. Et ainsi pre-
 tendoit faire le diable à ceste pauvre fēme ôbra-
 zée & Lunatique: veu q̄ cōme toutes les prieres
 aidēs pour les morts ne profitassēt riē pour sō al-
 legemēt & que de iour à autre elle alloit en em-
 pirāt, ainsi que l'esprit se saisissoit d'elle, les parēs
 luy demādas cōme elle se portoit elle dit, qu'il
 estoit impossible qu'elle guerit s'ils n'enuoyent
 quelqu'un à saint Iaqués en Galice au nō de sō
 pere grād tourmētē en Purgatoire, ou si en def-
 fault de cecy elle n'estoit pour quelques mois se-
 parée de la cōpagnie des hōmes, pour là viure sās
 vser d'autre sorte de viāde q̄ du paī, ayāt la seule
 eau pour sō breuage: ne te fasche lyseur si ie m'es-
 tēs vn peu en ce discours veu les merueilles qui
 y sōt encloses, cōme de la tu vois deux ou trois
 coups de maistre, & tels que ceux q̄ Sathā sçait
 pratiquer entant que ne pouuant attirer ceste
 fēme à desesperoir, ou la faire mourir par quelque
 pēcipice, ainsi qu'il en vse à ceux desquels il peut

iouir à gré, il vouloit que sans pretexte de sainteté & de ieusne elle fut separée: mais Dieu inspira ses parens, lesquels voyans l'inconstance des parolles de ceste femme, & qu'en sa conuenance il y auoit vn merueilleux changement, ils resolurent aussi tost que ce n'estoit plus l'esprit de leur pere qui la suyuoit, ains quelque illusion diabolique. Pource comme l'honneur iust qu'alors leur eut clos la bouche, n'osans publier l'accident du transport aduenu à ceste ieune femme, ils n'en feirent plus conscience, craignant qu'il n'en aduint quelque cas des plus pernicieux. Ainsi il s'adresse à l'Abbé de Fuscigny, qui est conseigneur de Vreuin, homme de grande maison, yssu du Seigneur de Concy & vray defendeur de la religion Catholique luy recitent l'accident de leur fille & le prient d'y faire regarder & coniurer cest esprit qui ne la laissoit nuiet n'y iour, & lequel leur sémbloit qui parloit par la bouche d'icelle: Voicy desia vn trait faisant contre ceux qui nient les saisiffementz faictz par le diable, mais continuant nostre histoire nous en verrons de plus poignans, & admirables. Ceste femme est conduite à vn Cōuent de Iacobīs, & l'esperit adiuré, lequel persiste en son dire qu'il estoit l'ayeul maternel de Nicole, mais pressé pl^{us} outre pour autant q^{ue} les bons esprits ne possèdent point les corps, il n'ya aussi qu'il possedast celuy de ceste femme mais interrogué pourquoy il parloit par la bouche de ceste femme, il dit q^{ue} cestoit par la permission de Dieu, & qu'il se seruoit d'elle

me d'orgueil ppre. Tout ce discours declare
 lez que non plus la manie ou les humeurs me
 coliques faisoient parler ceste fême, ains que
 estoit le demon qui la possedoit, & qui vsoit
 elle cōme d'instrumēt corporel, Sathan estāt
 sans corps, sans lāgue & sans parolle quoy pl?
 a forbe fut du tout descouverte au moys de
 Decembre, entans que cest esprit coniuré au
 nō redoutable de Iesuschrist nostre Seigneur
 confesse qu'il se nōmoit Belzebutz, que les E-
 gyptiens ont appellé Serapis & les Grecs Plu-
 ton, prince des demons, ainsi qu'il est aussi nō-
 mé en l'euāgile: neātmoins pour celle fois quel
 que admiratiō qu'on luy sceut faire, il ne vou-
 lut sortir de sō vsurpé domicile. Je n'auroy ia-
 mais fait si ie vouloy vous deduire tous les
 tourmens que ce maudit Belzebutz donna à
 ceste ieune femme, comme de la serrer sous les
 lietz ē des recoings trefestroit, de la trainer par
 les iardins, & en despit qu'elle en eut, la mon-
 ter iusqu'aux plus haultz estages de la maison
 de son pere, de sorte que la miserable nicole ne
 ressembloit plus celle qu'elle fut au parauant
 comme ayant perdu sa premiere beauté, & es-
 tant toute difforme, & hideuse. Et dautant que
 les calonniateurs de ce qui depuis est ensuiuy
 ont tousiours nié que ceste femme fut possedée
 du Diable, qu'ils me dient avec quelle raison
 naturelle ils scauroyēt prouuer qu'vne person-
 ne fanatique ou affligée seulemēt de Manie ou
 phrenesie puisse dire ce qui se fait loing d'el-
 le & decouure les crimes plus secretz commis

par quelque homme & s'ils ne peuvent satisfaire a cecy, (comme ie suis asseuré que il n'est point en leur puissance) qu'ils glorifient Dieu, & confessent la verité avec les fidelles & catholiques. Or se ventoit ce maudit Diable que iacoit qu'il fut au corps de ceste femme, si est-ce qu'il se pourmenoit ça & la, & sollicitoit les hommes a faire de grâdes meschancerez, desquelles il en recira quelques vnes, l'effect desquelles fut tout aussi tost descouvert. D'où vient ie vous prie, que lors que ceste miserable possédée fut conduite à Lyesse, le chariot sur lequel elle estoit portée, quand il sembla bon à l'ennemi de moura immobile sans qu'il fut possible au chartr ny aux cheuaux de le remuer, iusqu'à tant qu'il alla passer par où il pleut a ce Diable hoste du corps de Nicole. Sont-ce choses naturelles, ou qui peuuent estre deffendues par les raisons de nos naturalistes? D'où vient que d'un grand nōbre de Diables qui estoient en ce corps, lors ious en sortirent, sauf trois qui tindrent compagnie a Belzebutz, que le sapin du thesorier de l'Eglise de Laſ fut arraché & desraciné de terre & que les ardoises & le plomb de l'Eglise furent emportées, sinon que ces galantz vouloient donner certain & asseuré tesmoignage de leur depart? Le ne m'arreste sur les noms des espritz, cela ne faisant guere à mon propos, & ne me souciant que bien peu de sçauoir quels noms ils s'attribuēt, & qu'ils ont enseignez a ceux qui se meslent des sciences obscures: me contentant que ce que dirons cy apres est de tant plus
autorisé,

autorisé, comme le nombre du peuple a esté in-
 miny, lequel a assisté à l'expulsion des malins es-
 pritz sortans du corps de Nicole, & par l'admi-
 ration de l'Euesque de Laon, & par la presen-
 ce du corps precieux de Iesuschrist nostre Sei-
 gneur au saint sacrement de l'autel, pour la re-
 uerence duquel ie suis ioyeux de discourir plus
 au long & amplement ceste histoire, à cause que
 par le cours d'icelle on voit que Dieu a voulu
 faire voir & sentir aux Huguenotz le contraire
 de ce qu'ils croyent en cest ineffable & diuin
 mystere de la sainte Messe. C'est merueille que
 le malin esprit qui detenoit ceste femme se mo-
 quât des aspersions d'eau benite faites sur la pos-
 sedée & faisant mine & semblant de ne point
 craindre les exorcismes & admirations ordon-
 nées en tel cas par l'Eglise, si est-ce qu'encor la
 prononciation du seul nom Iesus, & l'impres-
 sion de la croix faite sur la patiente luy causoiēt
 des horreurs & fremissemets, le Diable ne pou-
 uant souffrir ce signe viuisant, & duquel tous
 les anciens se sont aydez en tout ce qu'au nom
 de Dieu ils ont fait d'admirable, & des effectz
 duquel se moquent nos heretiques, comme en-
 nemys des passions, & ialoux de la gloire qu'a
 acquis ceste insigne marque, qui fait trembler
 les puissances infernales. Le scay bien qu'il y a
 vn philosophe qui a escrit vn liure de L'impo-
 sture des Diabes, qu'il deut auoir inscrit ses
 propres impostures, veu que là dedans ayant
 faict le recit de certaine histoire d'vne Fille
 possedée par Sathā, il dit que on ne luy pouoit

Liure. 3.
 chap. 3.

B b

HISTOIRES

ouurir ny les yeux ny la bouche, sans le signe de la croix, mais que luy y approchant, & la touchant il luy feit ouurir sans vser aucunement de ce signe, duquel comme heretique il est aduersaire. Mais se courrant d'une faine pieté il aiouste ces parolles, non que ie vueille en rien diminuer de l'honneur deu à la croix de nostre Seigneur, car la parolle de la croix est la puissance de Dieu à ceux qui obtiennent salut, mais ceste puissance ne gist point au signe, ains en l'imitation de Iesuchrist crucifié: puis aiouste, le Diable ne craint point le signe de la croix ains la croix mesme, ou le tourment souffert en icelle.

Voila comme il en parle pour abolir ce signe tant necessaire, & l'usage duquel est receu entre les Chrestiens dès l'Eglise primitive. Et c'est pourquoy Tertullian nous exhorte qu'en tout commencement d'affaire & en la fin d'iceluy nous vestans, nous chaussantz, allantz aux champs, nous mestans à table, soit que nous seons ou couchons, ou en quelque sorte d'exercice que venions nous occuper nous soyons soigneux d'armer nostre front du signe de la Croix. Et l'histoire ecclesiastique nous enseigne que saint Marcel Euesque D'Apannée chassa le Diable du temple de Inpiter avec l'impression du signe de la Croix en l'eau de laquelle il arrousa ce temple.

Hist. tri-partit. liu. 9. cha. 34.

Saint Hierosme à Demetrius.

Et saint Ierosme admoneste aussi les chrestiens de souuent l'armer le front du signe de la Croix affin que l'exterminateur d'Egy-

pte ne trouue la place sans marque, & qu'il ne nous ruine avec ceux qui sont signifiées par les Egyptiens. Tout cecy seruant contre cest imposteur, & auteur des impostures, qui fignant d'admirer la vertu de la Croix, est pire que le Diable entant que sous ce masque de pieté, il en veut abolir l'vsage là où le Diable faisant semblant de n'en tenir compte, voire de s'en moquer, si est-ce qu'il se monstroir si effroyé par iceluy que les contenancez exterieures de la pauvre possedée declaroyent la fraieur de celuy qui la forçoit au dedans.

Car la pauvre femme grinçoit des dentz, souffloit de grand vehemence pour souffler les cierges benitz & crachoit contre l'eau beniste, au signe de la Croix elle fremissoit, & estoit toute tremblente & esmeuë.

Mais cecy n'est rien au pris de ce que le malin esprit faisoit faire à ce pauvre corps lors que le bon Euesque de Laon vint l'adiurer avec le saint sacrement de l'autel: car ce fut lors que Sathan monstra qu'il recognoissoit la presence de son maistre, la main puissante duquel il redoubroit si bien qu'il tourmenta la femme pis que iamais, la faisant tordre d'un costé & d'autre & de pieds & de mains, & luy faisoit faire des saut & mouuemens si agiles & legiers que ie ne fache bateleur qui y sceut dōner atteinte. Au r e toutes les fois que le venerable prelat apchoit avec le corps precieux de nostre repreneur, & qu'il le presentoit à ceste femme estoit chose hideuse que de voir nicole qui em-

B b ii c'e-

HISTOIRES

douce, benigne & d'un visage riant de soy-mesme, & catholique au possible, c'estoit hideur (dis-je) que de voir ses yeux furieux, estincellants & qui aduisoient de trauers & sa langue qu'elle tiroit hors la bouche iusqu'au dessus du menton, par là monstrant que ce n'estoit elle, ains le malin qui la possedoit, qui faisait ces horribles grimaces, comme aussi il luy eut esté impossible, estant la plus saine que iamais elle fut, de faire les sobrefaulx q̃ ce maudit Beelzebuth son hoste execrable luy faisoit faire. Au reste ces esprits la laissant quelquesfois, on la veoit si assoupie & tellement abbatue de ne scay quel sommeil, qu'elle ressembloit saisie d'une lethargie & priuation de tous sens, n'estant possible de la remettre en son premier estat, que par la presence de la sainte Eucharistie: & afin que les ennemys ne dient que c'estoient ruses faites & dressées par les ecclesiastiques, cela se faisoit en public, & elle estoit assistée tousiours de gens non guere fauorables n'y aux gens d'Eglise n'y aux catholiques, lesquels ne scauroient dire (sans mentir impudemment) que ceste femme fut instruite par autre que celui, qui ne demande dès le commencement du monde que la ruine des hommes.

Ainsi ceste pauvre femme couchée sur son dos & pesée sans nul sentiment, des que on la touchoit avec la presente maiesté du fils de Dieu au saint sacrement, soudain elle ouuroit les yeux, mouuoit le bras, qui iusqu'alors auoit esté enroidy & sans force, & se souleuoit sur le cou-

de, se iettoit aux piedz de l'Euesque, & faisoit sur son front le signe de la croix. Cecy donna quelque soupçon aux Caluiniens, comme ils ne peuuent rien trouuer de bõ de ce qui est de la vraye Eglise de quelque forbe, & que les ecclesiastiques eussent dressé ceste partie, mais les medecins des deux religions appelez affin de voir ce que pouuoit causer les transportz de ceste femme, ils ne trouuerent aucun signe en ce corps qui monstrest alteration quelconque naturelle de sa santé. Aussi n'auoit-elle senty onc maladie qui se ressentit de quelque humeur grossiere & sang corrompu, ains estoit ioyeuse, grassette, gaye de face, & qui disoit le mot honnestement entre ses compagnes. Les medecins pensoient que ce fut vne espece de sommeil lethargique, mais au vray c'estoit Sathan qui luy debilitoit tellemēt les forces, que la pauuette demouroit sans sentiment aucun iusques à tant q'on la ramenoit deuant le grād medecin, à sçauoir le corps precieux de nostre seigneur, contenu vrayemēt sans les especes de pain & de vin au saint sacremēt de l'autel.

Or affin que ie ne sois trop long en ceste narration, d'un grand nombre de diables qui affligeoient ce corps, Astaroth fut chassé hors aps legion par l'Euesque: surquoy est à consideré q le Diable se donne tels noms que bon luy semble pour mieux enforceller les esprits de ceux qu'il attire à soy: & souuent il reçoit ceux q l'opiniõ a receu, se plaissant d'abuser ainsi les hommes

sous l'aspreté & rudesse de ces noms Barbares. Vn cas est à remarquer en cest endroit, que comme ce diable fut enquis par les adiurateurs pourquoy est ce qu'il auoit assally ceste simple femme & icelle Catholique & que plustost il ne s'estoit rué sus quelq̃ heretiq̃? il respōdit tout aussi tost, & bien à propos, si tu auois vn seruiteur, qui feist selon ta volonté, ne serois tu pas iniuste, si tu vsois enuers luy de quelq̃ rigueur? donnant par là à entendre que les Calvinistes estoient, & sont les messagers, & qu'il n'a affaire de les assallir les ayant desia sous sa puissance.

Or si ces parolles eussent esté dictes en secret, on pourroit calomnier les catholiques de les auoir inuentées, mais elles furent prononcées en pleiue assemblée, & sur le plus grād tourment de la possedée, lors qu'elle iouissoit le moins de son sens, & q̃ le diable se seruoit des membres d'icelle comme d'organes pour respondre (forcé) aux grands adiurations qui luy estoient faictes. Je laisse à part les impostures des heretiqs pour obscurcir la gloire de dieu, les assaulx & tourments qu'ils donnerent à ceste pauvre femme, deuant & apres sa guerison afin de venir au dernier acte de ce mistere, qui est aussi le plus remarquable.

Legiō, & Astaroth colonnelz sathaniques estās sortis, restoient les grands Capitaines Cerbere, & Belzebut̃h à quiter la place & lesquelz tenoiēt encor bon contre les adiurations, tel estant le vouloir du tout puissant, afin de plus

plus manifester la gloire. Car si des le premier iour ils eussent esté chassés hors, ceust esté donner argument aux calomniateurs d'asseurer ce qu'ils tenoient pour tout assuré : & lesquels voyans comme l'on procedoit aux ceremonies, les ieusnes, oraisons, aumosnes, & autres exercices Chrestiens des gens ecclesiastiques, & que tousiours la possédée estoit assistée & des Catholiques & huguenotz : ne scauoient aussi comme calomnier le faict, & sur tout oians que ceste femme simple & idiote, & sans nulle cognoissance des lettres, si elle ne scauoit lyre ses heures, parloit neantmoins diuerses langues, & discouroit sur les sciences plus obscures, qui estoit vne preuue manifeste que d'autre que son propre esperit la gardoit & par autre elle estoit gouvernée. Or ne pouuoit elle estre agitée par vn bon ange, veu les effects de l'agitation qui ne se raportoient point à la louange de dieu, & par ainsi faillloit que ce fat Sathan qui la possédast, en esgard & aux grimaces & contenance, & aux parolles qui ne ressenoient rien de bon, rien de saint, n'y de Chrestien : ioinct que les bōs Anges n'entrent point és corps, & ne tourmentēt les esprits n'estans que pour le profit humain & ne se plaisans aucunement en nostre ruine. Aussi ne se lyt il point que iamais homme ayt esté par eux possédé, ny ombragé que par vision tendant à bōne fin & sans cōtinuel effroy, ainsi que sōt les ōbiagemēs du diable : estāt pour tout resolu entre les chrestiens q̄ les aparitiōs des esprits sōt en

*Les Anges
n'entrent és
corps des hō-
mes.*

Bb iiij

*Juges ch 13**Luc. 1.*

cecy differétes, que les bons quoy que d'entrées effrayent, si est-ce qu'à la fin ils laissent les hommes tout consolez, ainsi que de l'ange qui apparut à la mere de Sanson, lequel elle dit auoir eu la face terrible, & fort effroyable, & neantmoins apres cela il parla courtoisement, & luy fit la promesse de la lignée future: Et en l'Evangile vous lisez que l'Ange Gabriel se presentant à la glorieuse vierge Marie, elle fut effrayée, & à la fin consolée pour la promesse de l'enfantement de celuy qui deuoit sauuer le monde.

Mais les apparitions de Sathan sont tousiours pleines de trouble n'aportent que effroy perperuel & vne peur cōtinuelle à ceux qui en sont ombragez, & comme il se liēt en diuerses histoires, il ne se represente en lieu quelconque, qu'à l'issue il ne dōne signe de sa malice, & qu'il ne laisse la place infaiete, puante & empunaisie de l'odeur detestable de la corruption ainsi qu'il en aduint de tous le demons chassez du corps de ceste pauvre possédée de Vreuin. Pour conuaincre encor ceux qui disoient que ceste femme n'estoit point saisie du diable, il est manifeste par le tesmoignage d'un infinité de personnes, que lors que ceste possédée auoit quelque repos, le diable son hoste, alloit ayant reuestu quelque figure, en fantosme tel que bō luy sembloit & que Dieu luy permettoit par les champs, puis quand on alloit visiter la patiente, il disoit à chascun de ceux qui venoient là de loing, tout ce qu'ils auoient fait & dict le

ing du voyage iusques à leur remarquer son
abit & figure tandis qu'il estoit en leur com-
pagnie. Ce n'est pas tout, car cela est chose trait-
sée à cest esprit inuenteur de toute ruse &
eschanceté, si encor des pechez plus secretz
commis, il n'en fait declaration publique au
rand desplaisir de plusieurs qui alloient avec
curiosité visiter ce prodige en la nature, de for-
ce qu'ils s'en reuenoyent tous scandalisez &
ôfus se voyans diffamez, en face de tout le mô-
le. Le vous demande si ceste femme n'eut e-
té saisie que de frenesie, ou simple manie, s'il
eust esté possible (ne cognoissant vn homme, &
ne l'ayant oncques veu) de luy dire les crimes
qu'il celoioit à tout le monde & qu'il eut voulu
tenir secret presque à sa propre conscience? Il est
hors de la puissance de l'homme de ce faire, si
ce n'est par rapport d'autrui, en luy mesme l'ayāt
veu, mais Sathan sçait ce qui est passé & pre-
sent, & comme il est plus cauteleux de tou-
tes les creatures, & ayant pour son antiquité
l'experience de plusieurs choses, de là il tire
le iugement & coniecture de ce qui est à
venir. Vn cas merueilleux est icy à noter,
& duquel ie sçay que se moquēt les heretiques,
& toutesfoys il y en a de leur secte qui en ont
veu l'experience: c'est que le Diable sçachant
ainsi les crimes tant secretement soient-ils
commis, comme en estant la cause, & le solici-
teur, si est-ce que des que quelcun auoit des-
couuert en confession au ministre de l'Egli-
se, ses fautes, & en en auoit receu l'absolution

Le malin esprit n'y sçauoit que dire, ains estoit
 tel que s'il en eut perdu la memoire chose qu'il
 ne nia point en presence de tout le peuple.
 Mais comment en auroit memoire le diable,
 les pechez estants effacez, veu que Dieu à qui
 le pecheur deffaillant faict iniure, & offence,
 dict que si le pecheur se repent, s'il confesse
 son peché, s'il gemit, & s'amende il n'aura plus
 souuenance de quelle que ce soit de ses iniqui-
 tez. Rien de tout cecy n'est hors de propos,
 puis que les choses sont aduenues & puis que
 ie ne dis chose qui soit contre ce que le Dia-
 ble peut, auquel ie n'attribue point le se-
 cret des cœurs, qui appartient à Dieu seul, quoy
 que celuy qui a faict le liure de l'impostu-
 re des diables amene quelques exemples qui
 monstrent le Diable auoir declaré les pensées
 de ceux qui luy parloient, ce qu'il ne faisoit
 que par coniecture, nō plus qu'au mesme iuge-
 mēt de cōiectures & verisimilitudes ou par sou-
 pçon, comme souuent le hommes les plus sa-
 ges font des iugemens de pareille cōsequēce.
 Je laisse à part les motz leus de mocquerie que
 Belzebuth disoit cōtre les ceremonies sacrées
 q̄ fōt les Chrestiens à la feste de la Chādeleur, ou
 purificatiō de la vierge Marie, par les parolles
 duquel on cognoissoit que tout ce que les Hu-
 guenots gazouillēt cōtre nos sainctes façōs de
 seruir Dieu & ses saincts, n'a origine d'ailleur q̄
 de ce pere de vanité, mensōge, moquerie, here-
 sie & idolatrie. Je ne veux aussi deduire cōme
 il fut commandé au bon Euesque de Laon de

plus coniurer la demoniacle deuant le peuple, le Diable estant ialoux de l'honneur de Dieu, & se voyant forcer de sortir, sollicita les iudez d'obscurcir ce miracle affin que puis apres plus aisement il calomniait ce fait & ostast l'honneur de son expulsion au saint sacrement de l'Autel.

Mais Dieu donna cœur & constance au bon prelat de poursuiure sa pointe, & de tenir bon, ioint que tout le corps de la Iustice tant ecclesiastique que seculiere assistoit en l'Eglise Cathedralle de Laon, à cause que le Diable auoit cotesté de ne point sortir que tous les Magistrats n'y fussent assemblez: mais c'estoit vne de ces ruses & méteries, sçachât bié qu'il y en auoit de si opiniaistrement heretiques esquels pour en ne si trouueroyent, affin de ne voir la gloire & triomphe du saint & ineffable sacrement, contre lequel ils s'aigrissét avec telle furie que pour ne voir ny participer en iceluy ils fuyét aussi les lieux saints, & fôt cōsciēce d'étrer es Eglises. Et ce fut lors q le S. Euesque cōmēça adiurer Sathā & luy cōmander par toute puissance de ceuy qui ayāt souffert mort en la croix, estoit caché sous l'espece du pain là proposée, qu'il eut à laisser le corps de ceste miserable creature. Et fut icy l'horreur & grand effroy de chascun voyant comme le Diable forçoit Nicole, destournant sa face en arriere affin que le saint sacrement ne la touchast en la bouche: ce fut icy que le peuple se mit en prieres que toute l'assemblée inuoqua Dieu tandis que Sathan

se tenant coy, faisoit que la possédée ainsi languissante regardoit chacun d'un œil de trauer & furieuse contenance: & de rechef ce maudit demon cōme s'il eut repris nouvelle force cōmēça de tellement affliger, tormēter, & tor dre ce pauvre corps que tous les assistans pen soyēt que ce seroit lors qu'elle y perdrait la vie leur semblāt impossible que ces membres tendres, & ia affoiblis des secousses precedētes, ne pouuoient supporter ceste lutte & la dernière & la plus furieuse & horrible de toutes les autres: pource tous les catholiques estoient cōfitz en larmes, crioient en leur cœur misericorde à Dieu, & le prioient pour le salut de l'ame de ceste pauvre ainsi affligée. Ce fut aussi lors que Belzebuth, ce Demon mouschier, fut contraint de quitter le logis, où par si long temps il auoit fait demeure, mais non sans donner vn manifeste argument de son depart, veu que on ouyt vn grand esclat comme de tonnerre & qu'on veit toute la voultre de l'Eglise couuerte d'une tref-epaisse, & caligineuse fumée: voire ceux qui estoient aux champs, veirent sur le clocher de icelle Eglise à l'heure mesme de ceste deliurance vne pareille fumee & parmy des flammes viues & estincellantes. Nicole ainsi deliurée, commença aussi tost haucer ores l'un bras, tantost l'autre embrassant la croix à elle présentée de telle affection, qu'on ne luy pouuoit oster, tant elle se plaisoit au signe que naguere elle detestoit non de son gré, mais forcée par celuy qui se logeoit en son corps.

Je laisse la ioye des catholiques, voyans
 gloire de Dieu manifestée visiblement en son
 glise & le dueil & creuecœur des Huguenots
 en siderans que par la vertu du saint sacre-
 ment, où est le corps precieux de nostre Sei-
 gneur Dieu & homme, ce miracle si grand a-
 voit esté fait en face de tant de milliers de per-
 sonnes: me suffisant vous auoir dit & recité so-
 lemnement le sujet de l'histoire le plus admira-
 ble de nostre siecle, & en laquelle n'est homme
 au monde tant soit il peruers ou faulxaire qui
 cache trouuer que redire ny calombier: com-
 me ainsi soit que la chose a esté faite si publi-
 quement & deuant tant de personnes qu'il est
 impossible de plus doubter: ioint que des Cal-
 uinistes mesmes ont & deuant & apres le mira-
 cle eu en leurs mains celle qui auoit esté posse-
 dée, & laquelle fut vn lōg temps sentant des es-
 uanouissemens semblables à ceux qui l'affli-
 geoyent lors qu'elle estoit affligée, desquels el-
 le estoit soulagée par la presence du corps de
 nostre Seigneur: le discours desquelles choses
 ie laisse à ceux qui au long en ont descrit l'hi-
 stoire: & me suffit de conclure mon dire par ce
 mot que i'ajoit que les hommes puissent fain-
 dre en diuerses maladies & que la folie monia-
 cle puisse estre simulee sans que bien aisement
 on la puisse descouurir: si est-ce que ces saisisse-
 mens ne sont aisez à imiter, & qu'il y a du dan-
 ger que l'effect ne suiui la figure ou imitation.
 Je dis cecy à cause d'aucuns, lesquels estans plus
 simples & meilleurs que ceux, qui nient tout a

HISTOIRES

plat que le diable faiffisse les corps, sçachant que
& les sains espritz, & les histoires en rendent
tesmoignage, si est-ce que de ce miracle ils
doubtent, & le rapportent à faintise, laquelle si
estoit possible ie la laisse à iuger aux liseurs qui
esplucheront de pres toutes les occurences de
ceste histoire: eu esgard à ceux qui ont veu ce
qui s'y est passé & qui ne demādoiyēt pas mieux
que de trouuer que mordre sur ce fait pour fai-
re recribler ce qui est de reste de sain au corps
Ecclesiastique de la France.

Fin de la quarante & vnième histoire.

DES MONTS QUI VOMISSENT
Flammes tel q'uest Etna, ou Mongibel en Sicile &
plusieurs autres considerations sur ce propos
& si cela doit estre mis entre
les prodi

ges.

Chapitre

XLII.



HISTOIRES



*D'où vien-
nent les nōs
de Portēte,
Monstre et
ostente.*

*Rien n'est
en nature
contre-na-
turel.*

I'en ne se fait guere de grand en la nature des choses, qui ne merite le nom & de prodige & de Monstre & d'ostēte non pas suyuant que le vulgaire prend ces vocables, ains selon leur propre significatiō, veu qu'ils sont ditz ain- si à cause qu'ils signifient, monstrent & decla- rent que les Latins dient *Eo quod portendunt, mō- strant, & ostendunt*: ce qui est cause qu'avec Sainct Augustin, ie reiecte l'opinion de ceux qui mettent & les prodiges & les monstres en- tre ce qui est contre nature, comme ainsi soit que rien ne se fait hors d'elle, que les miracles les plus merueilleux de dieu lesquels encor pre- nent leur suiet es corps de la nature: & par ain- si tout ce qui aduiet outre le cōmun cours, ne faut que soit appelé contre-naturel, sinō en tēps que l'opiniō le reçoit & que les choses n'aduiē- nent pas selon le cours naturel, quey qu'elles soyent eu la nature, mais ou avec excez, ou avec default, lesquels accidentz sont cause qu'on s'en esmerueille: ainsi que nous dirons cy apres. Or es choses mesmes qui sont ordinaires en la na- ture il y aduiet des excez qui sont legitime- mēt appelez & prodiges, & portētes, tout ainsi que es corps des animaux sont considerez les monstres: veu qu'il n'y a homme qui me nie que les elementz auoyent vne commune liai- son ensemble, quoy que leurs qualitez soyent diuerses, il faut que les moins-parfaitz soyent surpportez par la pefection des autres: d'oū ad- uient

siēt q̄ la terre estant aride & seche de soy est rē-
 uē seconde par l'eau, & reçoit sa force viuifi-
 ante p̄ le feu tellement que ce seul corps viuifi-
 é par l'air, soustenu du feu, & par iceluy ani-
 mé, semble estre le receptacle de tous les corps *Comme la*
 substantiaux, quoy qu'il n'en soit qu'une partie *terre est en*
 & par consequent il a en soy & l'eau, & le feu *retenue.*
 & l'air, tous seruants, pour son bien & soustien
 ou ils sont bien departis, & s'il y a de l'exces,
 c'est alors ce q̄ nous auons dit, estre appelé por-
 te: autant que la nature ne sent guere en soy
 quelque violence, laquelle ne soit messagere &
 auancoureuse de quelque malheur & qui ne si-
 gnifie quelque desastre, duquel Dieu menace
 les hōmes pour leurs offences. Entre toutes les
 considerations prises sur ce faict, bien qu'il y
 en ayt vn nombre infiny, i'ay voulu choisir, non
 quelque cas du tout si caché qu'il faille aller re-
 chercher les tesmoignages és plus secretz cachots
 des liures nō fueilletez que par les hommes les
 plus sçauantz, ains ce qui est chanté par tous
 les auteurs & fait comme la fable du vulgaire.
 I'ay, dis-ie, choisy le mont d'Ethne (à present
 Mōgibel) assis au pays, & isle de Sicile pour ce
 qui est adueni de rare en iceluy, & pour les e-
 uaporations flammantes qui en sont sorties à
 diuerses fois, & comme à boufées, & cecy non
 iamais sans suyte de quelque grand cas, quoy q̄
 ces exhalations soiēt au vray, & cōmunes & ai-
 sées à prouuer estre naturelles. Ceste mōtaigne
 est si cogneue par les poētes anciens, qu'il n'y a
 Grec n'y Latin qu'i n'en aye faict quelque men-

Cc

tion & le grand Mâtonam en a faict vn tre sdo-
cte opusculc duquel faudra que cy apres nous
aidons discourant sur les causes des feux perpe-
tuels de ce mont, & du sômet d'iceluy lesquels
sôt redoubtez estrangemêt par les citoyens de
Catane ainsi que ledict Lucaïn parlant ainsi.

*Liv. 6. de la
guerre ciui.*

*Tant ne sont redoubtans les souspirs d'Encelade
Le vent tourbillonnant & luy & sa brigade
Les voisins Ethneens lors que le feu s'espard
Du sommet de ce mont & brusle toute part
Les champs & les valons, & les terres voisines,
Vomit par les secrets des grottes montagnines.*

Et non seulement les poetes'ains les Geogra-
phes & les historiens se sont grandement are-
stez sur ce su iect & en ont faict de beaux di-
scours, l'estimant digne duquel ils parlassent
& en laissassent la memoire à la posterité. Ceste
montaigne comme elle est des plus renommee
de l'Europe, aussi est-elle la plus grâde du pays
Sicilien soit en hauteur, ou largeur ou circuiet
seule & à part soy sâs se ioindre à môt quelque
ce soit: ce qui n'est guere dict d'autre môtaigne,
veu que les autres môts biē q̄ soient differents
en nôs selō les cōtrees si est-ce qu'ils sôt liez &
vnis les vns avec les autres, ainsi qu'ō peut iuger
des Alpes & des Pyrenees. Or mets-ie en auâr
le môt Ethne à cause de ce feu ppetuel qui est
regorgé p le fourneau & bouche d'iceluy, le q̄l
combien que ne vomisse pas touiours apparē-
ment les flammes, si est-ce que ceux qui en ap-
prochent sçauent bien sil y faict seur, & si les
uens causez par le feu qui est en cest abisme les
souffre y estre longuement, veu ses fraieurs

& les vapeurs qu'il met hors, & le bouillonnement de la matiere de laquelle procedēt ces exhalations. Et de cecy parle Appian en ceste sorte faisant mention des soldats de Cesar: Les puāteurs horribles (dit-il) du mont Ethne, & les effroyables mugissementz d'iceluy & les foudres & esclairs que l'arme se voyoit auoir dessus luy donnoit de grans effroiz: tellement que les germains estimerent que ce qu'on leur auoit dit de ce mont, n'estoit a reputer fabuleux, tant ils furent estonnez des merueilles qu'ils y aperceurent: Or nous fault il vn peu discourir & sur les merueilles & sur les causes de ces feux auant que de dire s'il y a quelque prodige, ou signifiāce au vomissement & euaporation de ces flammes. Quand à la descriptiō du lieu, ceste montagne est habitée du costé de midy & d'occident & peuplée de fort beaux & riches villages, qu'on apelle les vignes de Catane, bien est vray q̄ le terroir est tout pierreux d'une espèce de pierre resēblāt des tuileaux cuitz, denotās l'ardeur du lieu & les anciens vomissements de ceste mōtagne, neārmōis, (ce qui est chose merueilleuse) de ces pierres ainsi cintes, & q̄ le tēps p̄ sa lōgueur a rōpuēs, on tire des cēdres tout aīnī q̄ du bois bruslé, lesquelles cēdres sōt tresgras ses & rēdent la terre des entourz tresfertille & meilleure q̄ si lō y mectoit ou de la marne, ou autre amendement, ou fumier tresproufitable. En sōme il n'y a fruit ny semence qui ne croissent es enuiron de ce mōt, & les pastures y abōdēt tellement q̄ le bestail qui y est nourry, s'il n'est signé souuent)

*Appian li.
5. des guer.
civiles.*

*Description
du mont
Ethne.*

*Fertilité du
Mongibel.*

Cc ij

HISTOIRES

par les oreilles, y meurt, & est suffoqué de trop de greffe. C'en est assés si encor' pour davan- tage considerer les miracles de la nature on ne voioit sourgeonner de ce mont flamme-vomif- sant des ruisseaux & belles fontaines, quoy que le feu ayt tary plusieurs sources de riuieres des- quelles encor paroissent les vestiges & les mar- ques. Mais si vous montez vn peu plus haut du costé de l'Abbaie de saint Nicolas de Renes, bastie & fondée par Symon Conte de Policastre, petit fils de Roger, Conte de Sicile, vous voies le pays en partie boscageux, & partie tout bruslé des l'an. 1537. que les flammes de labif- me qui est au hault du Mont s'espandirent par ceste region, & y consuma tout ce qu'elle y ren- contra: si bien que là es entours môtant le long de la voye qui conduit au sommet du Mont vous voyés plusieurs bouches, & ouuertures de terre toutes semblables aux gueules des four- neaux des forges a fer charbonnieres, ou des lieux ou lon faict la chaulx, ou le plastre: & iceux trous ayants la figure ronde desquels sou- uent on voit sortir des vapeurs flambantes & fumeuses, tesmoignans le feu couué sous terre. Apres ayant passé quelques boys tous cremez, & des canernes effroyables en des rochers bos- cageux on vient au somet du môt qui est & sans nul arbre & sans herbe quelconque, ou s'il y en a quelque vne elle est toute fanée, côme on voit es lieux bruslez des ardeurs du soleil, ou l'ô a fait & dressé quelq moule de boys, que le feu aura deuoré. Mais tout cecy n'est encores rien si vn

*Abbaie de
saint Ni-
colas au
Mongibel.*

*Bouches de
feu au Mô-
gibel.*

Autre miracle de la nature ne l'y manifestoit à
 auoir qu'en ce lieu où le feu est ainsi ionant
 es ieux, la froidure y est si excessiue qu'il est
 impossible d'y arrester sans grand preiudice de
 la santé, & bien souuēt de la vie & est cas mer-
 ueilleux que le sommet vomisse ainsi les flam-
 mes & que le feu y soit perpetuel, & ce pendār
 la nege & les glaces y sont continuelles, comme
 si le feu se couuoit, & nourrissoit par son con-
 traire. Oultre ce cy est la tour qu'on surnomme
 encor du Philosophe a cause qu'on tient q' Em-
 pedocle grand naturaliste la feist bastir, afin
 q' de la en auant il peut mieux a son aise contē-
 pler les merueilles de ce mont & en tirer les
 causes de ces feux continuels, & lequel en fin
 se precipita au gouffre d'ou les plus grandes
 flammes sortent de desespoir (peut estre) qu'il
 ne sceut ataindre a ce qu'il desiroit entendre
 sur les causes de ces feux, ainsi qu'on dit qu'Ari-
 stote en vse au destroit de Negropont ou bien
 (comme d'aucuns dient) afin que s'estant ainsi
 esuanouy, on l'estimast auoir esté rauy au Ciel,
 & que par ainsi il fut mis au roolle des Dieux &
 qu'on luy offrit sacrifices: car voicy comme de
 luy par le Horace.

*Horace en
 son art Poe-
 tique.*

*La mort ie vous diray du poëte de Sicile
 Lequel voulant auoir le nom (ô mal habile)
 D'un grand Dieu mortel, se lança froidureux,
 Au gouffre flamboyant de l'Ethne chalcureux.
 Mais la sotsise de cest eternal Philosophe fut
 manifestée par ses partins, qu'ô trouua au bord
 du gouffre, ou vase de cest abisme flamboyant, si*

Mort pi-
toyable de
Pline.

Fazel. De-
cad. 1. li. 2.

bien qu'en lieu de le reputer pour celeste, on le
mit au rât des fols, & des ambicieux sans raison
ny iugement quelconque. Si fol ne fut depuis
Pline secôd lequel estoit cōduit de trop grande
curiosité de sçauoir les secrets de nature, l'auan-
ça plus qu'il ne deuoit vers les cauerneuses ou-
uertes du môt de Somme & estant saisi de la
vapeur, & de la violēce des vêtz toutz pleins de
feu, ne peut s'en retirer, ains y perdit la vie & le
moien de descouurir les secretz que rât il vou-
loit entendre de la nature. Or ce n'est touiours
q̄ ce môt vomit ainsi ces flammes, ny en toute
saison, ce qui dōne assez à cōgnoistre d'où viēt
la cause de telles alterations, qui est celle rai-
son q̄ des le cōmencemēt i'ay alleguee sur l'al-
liance, & mutuelle amitié qui est entre les Ele-
ments, & le feu espars dedans le corps de la ter-
re leq̄l rât q̄ trouue matiere cōbustille ne cesse
d'agir en icelle & luy māquāt, il defaut tout aus-
si tost, & ne fait paroistre sa violence. Et affin
q̄ ie ne vous parle par cœur ie vous allegueray
vn qui se dit auoir veu le trou, & abisme qui est
au sōmet de ce môt: asçauoir Thomas Fazel
Sicilien en l'histoire de son pais leq̄l en parle en
cette maniere ayāt descrit le pais es entours de
cette fosse, & abisme: Ayāt avec plaisir pour q̄l-
que tēps resiouy nostre venue de la cōtēplation
du pais q̄ nous descouurirōs de dessus la croupe
de ce môt auāt, no^r no^r acheminasmes vers les
lieux, pour voir lesq̄ls nous auīōs pris vne peine
si estrāge. Premièrement on voit la vne plaine
route areneuse & pleine de creuaces, desquelles
sort quelque fumée legere: au milieu de laquel-

Le est vne tresgrande ouuerture & fente, ou fosse effroyable, que les anciens ont appellé Crater, ou vase, ayât peu l'enfaut de 4. mille pas de circuit & laquelle estât large par enhault, semble aller touiour en estressissant par le bas: Et de cest abisme sortoit si grande fumée & des vapeurs si espais, qu'elles nous empeschoyent de voir ce qui estoit au dedās. Mais ces exhalatiōs n'estāt point cōtinuelles, ains s'euaporās seulement par interualles, no^s prisms garde aux traitz de tēps qu'elles s'euanoissoyēt, & no^s trainās de vêtre iusques à la bouche de la fosse pour y voir iusqu' au fond s'il estoit possible: & neātmoins encore alors no^s ne veismes riē q̄ la forme effroyable de cest abisme, & les costés to^s mägez de ceste fosse, cōme paintz de diuers embraslemēts que le feu y auoit fait en passāt par dessus cōme aussi no^s y veismes des croustes de souphre reuestās le mur naturel de ceste cauerne ensoulphrée. Or le feu se rallumāt il no^s fut loisible de voir parmy la fumée des flammes ores grossieres, & obscures & tātost cleres & trāspārētes: mais de rechef la matiere defaillāt, & cessant l'obscurité fumeuse, & causée par telles vapeurs, no^s iectās plus ententiuemēt nostre veue & occupāmes l'ouye pour voir, & entendre ce qui estoit de rare en ceste cauerne, qu'aucū trop supstitieux ont estimé estre vne gueule d'enfer, nō que ie vueille reiecter la simplicité d'aucuns, & la grande saincteté ausquels dieu peut auoir déclaré en celieu des choses p̄ visiō q̄ sēblēt à no^s impossibles. Ayāt mis la tēte dedās no^s ouismes soudā vn bruit tel que d'une

HISTOIRES

chaudiere d'eau bouillante à gros bouillons, & comme des flammes menâtz vn son vehement & ne scay quelz gemissementz rerantissans par ces cauernes du son & du feu craquetant & de la matiere consumée: ce qui nous donna telle frayeur que soudain nous retirâmes arriere, cōme craignans que ces exhalations furieuses ne nous surprinsent, de sorte que nous detestions le desir & conseil trop curieux qui nous auoit incitez de faire ce voyage. Et d'autant que ie n'ay veu n'y leu auteur qui plus clerement descriue les miracles de ceste montagne que faict ce Fazelle Sicilien, cōme celuy qui parle par experience, ie passeray encor outre descriuant le reste de ce qu'il en dit, assésuré de ne faire rien qui en cest endroit doiue desplaire au lecteur: Or voicy ce qu'il poursuit encore: En celle trefhaute & superficie, & corrompuë de ce mont, ny en toute son estenduë, nous ne vismes aucune grosse pierre, ainsi que plus bas nous auions fait, à cause qu'elles ne peuent estre poussées si haut par la force de cest air & vent flāboyant à cause de la grieneté & pesāteur de ceste matiere laquelle au bas, on fait de nouvelles ouuertures ou biē sort des anciennes: mais du seul gouphre qui est au sommet, lequel est de grādeur inestimable, on en voit tousiours ou la fumée caligineuse, ou les flāmes, ou les cendres legeres voler: il est vray q̄ nō tousiours en grande quantité car la matiere n'estant plus, ceste vapeur & fumée cesse tout aussi tost, ainsi qu'il en aduint l'an de grace. 1554. Donc (dit le mesme auteur)

qu'aucun ne nous blasme point ou reprène, si
lisât cecy, il voit qu'è quelque chose & endroit
nous n'accordions avec Strabon ou avec Plin
& autres auteurs: qui ont escrit & parlé de ceste
môtagne, & merueilles d'icelle veu q̃ par le mes-
me tesmoignage de Strabon & la chose mes-
me en descourant la veue, la partie plus haulte
de ce mont reçoit souuent changement par le
feu & en est alterée: cōme ainsi soit q̃ plusieurs
fois le coupeau d'iceluy vomit des globes &
grumeaux de flammes, d'autres on en voit sor-
tir des ruisseaux espritz en feu, d'autres il met
hors des flammes, de la fumée & obscurité, q̃l-
quesfois des pierres ardentes, ores abaissant sa
fureur & soudain reprenant force.

D'où est aduenu que s'il y reste quelque cas
de ce qui y estoit iadis, si est-ce que la plus-part
en est chagée & qu'au lieu il y a des choses tou-
tes nouvelles: veu qu'en l'an 1537. le plus haut
coupeau de ce mont qui luy seruoit comme
de teste tomba dedans cest abisme qui l'églou-
tit, de sorte que le trou de la fosse en fut faict
beaucoup plus large & la montaigne renduë
plus basse. Quand aux merueilles aduenues de
ce mont auant à cause de ses confragations &
feux elācez és vallōs voisins voire & iusqu'aux
regions & lointaines & voisines, c'est cas mon-
streux que ce qui en est aduenu & iadis du tēps
de noz peres qui a esté cause que les poètes ont
faint qu'en cest endroit Vulcan avec ses forge-
rons faisoit & forgeoit les fouldres de Iuppiter
& que les Cyclopes marqueteurs y faisoient

Strabon

liure 6.

Plin. li. 2.

HISTOIRES

Virgile en leur demeure & que ce fut la que Iuppiter lia
son Ethne. & mit en cest abisme le geant Encelade pour
 le punir de sa temerité, de quoy lisez Virgile, Si-
Silie liure lie Italique, Lucrece & Claudian, afin que ie ne
 14. fois trop long a vous discourir leurs vers, opini-
 ons, & sentences. Aussi qui lyra ce qui se trouue
Lucrece par escrit és histoires de ceste montagne il aura
liure .6. de quoy s'esbayr, & de quoy dire qu'il y a des
De la natu- traits qui surpassent toute humaine capacité, cō-
re des cho- me d'ouyr ces retentissemens & voix gemissan-
ses. res desquelles auons parlé cy dessus, & des sons
 & murmures violents & to^r tels que sont ceux
Claudia li. des vagues & flortz de la mer durāt quelque fu-
 1 du rapt de rieuse tempeste: & puis apres de lyre és auteurs
Proserpine. les grādes ruines des villes aduenuēs par les ex-
 halations foudroyantes des feux vomis par ce-
 ste gueule d'abisme. Je laisse combien de fois ia-
 dis ce feu s'est espandu par les champs voisins a-
 uec le desgast d'iceux comme en l'an 350. apres
 la fondatiō de Rome, & en l'an 600. & 637. tel-
 lement que les Romains pour donner moyen
 à ceux de Catane de se remettre sus pour ce-
 ste ruine, leur quitterent le tribut pour dix
 ans. Durant les guerres ciuiles de Cesar & de
 Pompée, ce mont vomit aussi des feux en abon-
 dance, & lesquels endomagerent grandement
 le pays & enuiron: & sous l'Empereur Caligule
 il vſa de pareille furie: voire Pline racompte q̃
Appian de son temps le mont Ethne, ou Mongibel s'en-
 li. 5. des guer flamma de telle sorte qu'il iecta de son abisme
res ciuiles de gros monceaux de sablon à plusieurs milles
Sueto. en loĩg & iusque par del ala mer. Et depuis la mort
 la vie de
Caligule

de nostre Seigneur & apres sa glorieuse resur-
rection & triumpante Ascension, à sçauoir
en l'an de grace. 254. regnant sur l'Empire Ho-
tilian, & Volusian, & deux ans apres la mort &
passiō de la glorieuse vierge. S. Agathe, au mois
de Feurier, ce mont dōna de si grandes flam-
mes que ceux de Catane pensoyent estre per-
dus, tellemēt que tous gentils & idolatres qu'ils
estoyent, si eurent-ils recours au tombeau de la
vierge qu'ils auoyent martirisée, & prenans le
voile qui couuroit son corps l'opposierent con-
tre les flammes. Cas admirable à l'approche de
ce voile, le feu se retire, les flammes ne passent
plus oultre, & ceste violēce cessant, la fureur de
ces bouillons ardens se retira en son premier
vase, de sorte que les gentils se conuertissans, ce
voile a depuis seruy & sert encore pour tel vsa-
ge cōtre ce feu sās q̄ iamais on ayt veu q̄ le feu
ayt passé oultre depuis qu'ō luy a offert ce voile.
Or en ce trait d'histoires que l'experience met
hors de doubte, n'y ayāt Siciliē q̄lcōq̄ q̄ ne vo-
resmoigne de ce miracle, vo-^{us} voiez deux choses
de grāde cōsideratiō, l'vn en la nature & l'autre
en ce qui surpasse la capacite des hōmes. Ce qui
est admirable en la nature sōt ces feux cōtinu-
els, mais plus violēts vne saiso que l'autre: & ce
q̄ surpasse le cours naturel est l'effet du voile de
sainte Agathe empeschant le feu de passer ou-
tre, car il ny a si sçauant ny subtil philosophe
qui sceut amener vne seule raison tirée des
causes de la nature, par laquelle il prouuast
que le voile de foy eut l'efficace de faire ailleur

*Miracle du
voile de. S.
Agathe.*

HISTOIRES

*Horrible
feu du mōt
Ethne l'an
1164.*

destourner les flammes: seul y estant à conside-
rer l'effort du pere de misericorde qui eslargit
ses graces, où bon luy semble & lequel par sa
clemence, & en faueur de son humble ancelle
ceste vierge Agathe a voulu preseruer par mo-
iens du tout incroyables aux hommes le ter-
roir Catanois des inflammations sulphurées du
Mongibel. Or apres le feu de l'an 1154. mention-
né cy dessus, il en aduint vn autre plus furieux
l'an de nostre salut 1169. regnant Guillaume se-
cond du non en Sicile, ce feu ayant brulé plu-
sieurs rochers & vne grande partie des fina-
ges de la cité de Catane, il esmeut vn tel tere-
treble que la ville en estant esbranlée, l'E-
glise cathedrale fut demolie de ceste secousse,
ou furent accablez l'Euesque, son clergé, & la
plus-part du peuple, ce qui aduint au mois de
Feurier. Puis ayant cessé pour quelques années
sans vomir ce Mont ny feu ny fumée, aduint
qu'au mois de Iuillet de l'an 1329. regnant Fe-
deric 2. sur les Siciliens, & sur l'Empire de Ro-
me, le mont trembla & y aduint de grands ora-
ges & tonnerres, & ce qui est à admirer en v-
ne roche regardant l'Orient, laquelle se nom-
moit Musaria touiour, pour sa hauteur, char-
gée de neiges: se feit vne nouvelle ouuerture,
d'où lon veit sortit le feu, lequel consumant les
groses pierres & defracinant les entrailles du
mont, de sorte que celle alloit coulant le long
des Rochers comme vn ruisseau de feu, qui ga-
ste d'vne part & d'autre plusieurs edifices tant
sacrez que prophanes & engloutit vne infini-

*Autre feu
l'an 1329.*

de fontaines d'eau viue, & tousiour ruiffelan
 e, en somme ceste montaigne lors fut entre-ou
 erte par le feu enclos en icelle en quatre en
 roictz & iceluy pouffant les flammes de telle
 violence que des pierres reiectées du creux de
 es nouveaux trous, & abismes il se feit de hau
 es montagnes & collines és valons & forestz
 voisines : & qui plus est, on voyoit comme vn
 ruisseau de feu coulant tout tel que sont les
 ranaux és forges des metaux lors qu'on vient à
 es fondre. Et comme de trois ruisseaux flam
 moyans qui ainsi distilloient de ce mont, l'vn s'a
 dressant a la cité de Catane, assise non loing du
 Mongibel, on eut (ainsi que de coustume) re
 cours au saint voile sus-dit, & soudain le feu
 fut estaint: ce pendant au haut de la montaigne
 on oioit le bruit & hideux tōnerre & tintama
 re des rochers s'entre heurtans ainsi que les flā
 mes les iectoient en haut, & que par elles ils
 estoient repoussez en bas: de sorte qu'il tomba
 si grande quantité de cendres que les costaux
 & champs voisins en estoient tous couverts,
 & desquelles le vêt emporta iusques en l'isle de
 Malthe, qui fut toute abreuee d'vn odeur
 de malplaisance du souphre, car ainsi sentoient
 ces cendres voltigentes, & durant ce malheur
 il fut accablé vn nombre infiny d'hommes &
 de bestes au pays de Sicile voisin de ce mont.
 En l'an mil quatre cens quatre vingt quatre, ad
 uint vne autre esmotiō & rallumemēt de ce feu
 souterrain avec vn grād tremblement de la mō
 taigne, de maniere qu'il y eut de grādes & spaci

*Horrible feu
 du Mongi-
 bel l'an
 1444.*

HISTOIRES

*Rochers a-
batus par le
feu du Mô-
gibell'an
1536.*

eusës roches qui furët desracinées de leur place
& tóberët dedäs le grand abisme, d'où l'ensui-
uoit q̄ la bouche en fut faite pl^r large. Puis la
matiere defaillär au feu, ces effroyz cesserët q̄l-
ques années iusques en l'ã de grace. 1536. ce feu
se raluma de telle sorte qu'õ voioit les flammes
courir p le môt, & les matieres bitumineuses, &
sulphurées estre portées p la violéce du vêt tou-
tes ardêtes, & de mesmes couleur qu'est le fer
lors qu'õ le tire tout enflâmé de la forge. Or ia-
çoit que cecy soit admirable si est ce q̄ plus est
encor merueilleux ce q̄ aduint l'année aps, asca-
uoir 1537. le 1. iour de May. entät' q̄ par 12. iours
continuels il ne cessa de tóner par tout le pays
Sicilien, & oyoit on des esclatz toutz sembla-
bles aux pl^r horribles coups de canõ qu'hõme
sçauroit entendre, & apres ce au môt Erhne au
costau que ceux du pays nomment Sparue-
rio, se firent plusieurs fosses & ouuertes non
accoustumées de squelles sortit si grande quãti-
té de feu, qu'il gasta plus de cinq ou sis lieues de
pays, & le terre-tremble fut si violët que les ci-
toiens qui dtans les villes se tenoyër beaucoup
plus asseurez en pleine campagne: mais & ce
feu, & ces tónerres eürët fui, des aussi tost qu'on
eut recours au voile s̄ souuët nommé de sain-
cte Agathe: puis le hault du môt, où est le grãd
abisme vomit tant de cédres que toute l'isle en
fut couuerte & a plus de 15. milles en mer les
nauites qui y couroyent fortune du costé de
Menisse allantz ou venãtz de Venise en furent
toutz ensalis & empuantis du souffre: & ce fut

lors que le sommet principal de Mongibel fut
englouty dedans cest abisme, & que la monta-
gne deuint plus basse qu'elle n'estoit au com-
mencement. Et voila quand à l'histoire mer-
ueilleuse de ce môt: reste à voir les causes d'où
procède ce feu, & d'où peut estre occasionnée
vne telle violence que celles desquelles auons
parlé cy dessus. Ce qui rarement aduient en la
nature, faut aussi que soit appuyé sur plus d'une
raison, à cause que bien souuent, il y en a qui
sont sans auoir des causes certaines, comme ad-
uenantz plus par cas fortuit, & accidetairement
que par autre consideration, et d'autres choses
ont leurs raisons determinées, certaines, telles
que sont les defaultz, et eclipses des astres, les
exhalations du feu les terre-tremble, les brus-
lemens des môtagnes et autres choses de pa-
reille estoffe. Entant que le soleil espendant ses
rayons sur terre, cause des fumées humides, les-
quelles si vont en s'espaississant ce ne sont plus
fumées ains portent le nom de vapeurs, les-
quelles estants humides sont procréées les
nues, les pluyes, et les sources continuelles des
fontaines: mais si elles sont vn peu plus seches,
c'est exhalation, de laquelle procedent les cho-
ses arides, tels que sont les ventz. Or si ce-
ste exhalation s'escoule et espend hors les ou-
uertures, & cauernes de la terre, elle rechaf-
se l'air par sa violence & vient à engendrer les
ventz: si toute elle y est en serrée, sans en pou-
voir sortir, estaint tout le feu, elle cherche aus-
si son issue avec vn mouuement tresleger,

*Aristo. li.
2. de la
physique.*

HISTOIRES

& précipité, elle cause de tresgrands tremblements de terre, mais si toute ceste exhalation n'est ainsi enclose & emprisonnée sous terre, aussi n'occasionne, elle que de tremblements de terre moins violentz. Que si elle vient a s'eschoir en vne terre bitumineuse, & sulphurée, elle esmeut aussi tost des feux & brulens, lesquels poussant hors avec tresgrād effort, & vehemence fait creuacer la terre, & venir hors des flammes. Que si l'eau de la mer vient a estouper & clore par sa froidure & avec ses flots les trous & conduitz de la terre il aduient aussi que facilement ces exhalations s'alument, & son esprises en feu le long de la marine. Mais affin que n'allions tant autour du pot & que briuelement nous touchions à la matiere, nous dirons ce qui est le plus a voir & considerer en cecy, il fault scauoir, qu'estāt la terre toute poreuse & pleine de creuaces & ouuerturez (suyuant la sentence des philosophes & l'experience nous le faisāt asseſs cognoistre) celle aussi qui est voisine de la mer, & est batue par les ondoyants flots dicelle, a plus-grandes & amples concauitez & cauernes, a cause que la mer par ses flots ne cesse de la creuser & miner de iour a autre. Que si l'eau marine rencōtre quelque terre tendre & foiblette, c'est là qu'elle ioue ses ieux a cause de la facilité qu'elle trouue pour y entrer. de sorte qu'estant es concauitez & entrailles d'icelle, si par cas elle s'eschoit en quelques veines de soulfhre ou de bitume, sans grande difficulté elle cause des inflammations & vomissements

Dissemés de feux effroyables cōme ainsi soit q
 de souphre & le bitume sont matieres ayant
 a elles vne vigueur cachée naturellement
 qui leur faict concevoir le feu, & pource sont
 mises entre les plus combustibles. D'où aduiēt
 que l'exhalation y pouuant & vsant de sa force
 & les vens enclos n'espargians leur violence,
 ne fault s'estōner si par leur effort ils allument
 ce qui de soy est assez prompt à vomir feu, ou
 qui ainsi poussé faict les vapeurs flamboyantes
 qu'on voit en diuers lieux de la terre & sur tout
 en plusieurs montaignes, telles que sont le Ve-
 sienne au royaume de Naples, dit à ptesent mōt
 de Somme, & la montaigne ardente que les Pi-
 rates courants fortune en la mer Atlantique,
 descouurent aux isles Canaries & en autres plu-
 sieurs lieux de la terre qui seroient longs à racō-
 prer, & que le lecteur pourra recueillir lisant les
 liures de ceux qui ont fait la descriptiō du mōde
 Comme ainsi donc que le Mongibel soit du
 tout canerneux & creux & plein de grotesques,
 & au reste voisin de la mer, & que le pied
 d'iceluy est batu des flortz & ondes escumeuses
 de la mer, non seulement engendre-il des exha-
 lations en ses entrailles, ainsi que le tient Aristo-
 re, ains encor des ventz chaultz & ardans y
 poussez d'ailleur par l'effort desquels la matie-
 re y est enflammée.

*Aristo. li.
 2 des Meteo-
 res.*

Et cest pourquoy cy dessus i'ay dit que la
 matiere manquant au feu, ce mont cesse quel-
 que fois plusieurs années sans qu'on y voye ny
 feu ny fumée aumoins qui donne grande appa-

Dd

HISTOIRES

rence, quoy que iamais il ne soit sans que le grand abisme ne bouillonne, et qu'il ne desgorge quelque vapeur enflammée.

Et cecy à cause que ceste matiere ensoulphrée y est tresabondante et que la mer par ses ondes humectant sans cesse la terre, le soulfre et Bitume y renaissent aussi et sont esmeu par les vents et exhalations, d'où s'ensuyuent ces flammes et embrasements continuels, quoy qu'une fois plus violents que les autres, lesquelles flammes ainsi encloses, et les vents enserrés sous terre comme tous ensemble esmeu (desireux de sortir) les entrailles de ce mont ne fault s'estonner, s'ils esbranlent leurs matieres principales sur lesquelles ils agissent, & les pierres plus petites, veu que les grands rochers en sont dissipés & les cailloux sont fondez & anéantis en cendre comme si cestoit du bois le plus sec de la terre. Et quand à ce que d'aucuns mettent en avant les muglemens, bruits hideux, & sons representans des voix gemissantes, qu'on oyt en ces lieux souterrains, ne fault le rapporter du tout à la curieuse superstition de ceux qui dient que c'est vne gueule de fer (ainsi que les poëtes de iadis on fait qui là dedans estoit la marmite de Vulcan) veu que cela aduient pour l'entrée & bouche de l'abisme trop angost & estants poussées de grosses roches éminées par le feu, causent ce bruit & ainsi qu'elles tombent enostent de leur place, & les mesmes bas : comme vous voyez qu'en aduient é

quids plus profonds si par cas vous y iectez quelque pierre des plus massives.

Car ce rebat & retentissement joint avec la resistance de l'exhalation des ventz y cachez sont cause de ce grand bruit, lequel est de tant plus hideux que le vent repousse ces cartiers de roche, ces eschantillons de la mesme montaigne.

L'abisme ne vomit point ses feux, on entend aux bas ces comme gemissemens & voix hideuses à cela ie respons, qu'on se prenne garde au bruit que suit vn torrent lors que l'eau viét precipitée le long de quelque rocher raboteux, & si l'on ny comprend diuerses voix d'animaux, & hommes, ie quicte la partie, comme encor vous l'oyez mieux durant quelque grand effroy de vents où dedans les forest obscures & boscsages profonds, ou en quelques vallons ceints de tous costez de montaigne.

Vous esbayssiez v^o d'oc si en ces lieux souterrains où les issuës sont angoisseuses, & les vents enclos de feu violét, l'humeur bouillante & les matieres seches, combatans ensemble on oyt de ces murmures & s'il semble qu'on y discerne comme des gemissemens & vrlemens & d'hommes & de bestes brutes? Non pourtant veux-je deliurer cecy de quelque plus grande force, ny reiecter que les Demonts n'y vsent de leur fraude, puis que nous lysons cōbien ils fōt d'illusions à ceux qui traouillent és mines souterraines desquelles on tire l'or & largēt & en Alemaigne & és terres septentrionnales. Au reste

HISTOIRES

iamais le Mongibel ne vomit les flammes, que
premierement on n'oye ces bouillonnementz
& hideux murmure dedans les concauitez de la
terre: mais depuis que les conduits s'ont ouuerts
(la cause donc procede pource que le chemin
est clos au feu & aux vents) on voit les ruisseaux
flambantz, desquels auons parlé cy dessus, sor-
tir sans aucun bruit n'y t'onnerre. Et voila quād
au feu du Mongibel, accidents & cause d'ice-
luy & merueilles qui y aduenient: reste à voir
si ces exhalations & vomissemēts de feu auoiēt
iadis, ny ont encore quelque signifiāce, pour-
quoy illes faille mectre entre les prodiges,
car sans ce poinct & n'y ayant rien que la
pure consideration de nature, ce seroit mal à
propos que parler de ceste montaigne & mer-
ueilles d'icelle, entre les histoires prodigieuses.

Or ne suis-je point de l'aduis de ceux qui
voyans les causes de ces choses estre naturel-
les, n'y veulent aussi receuoir aucū prodige, veu
que telles occurēces n'aduindrēt onc sans suite
de quelque desastre: & vous sçauēz que les vêts,
les desbords des fleuues, les eclipses, & autres
cas semblables sont bastis sur les effectz natu-
rels, & toutesfois la pratique nous a fait voir,
que ce ne soit avec signe de malheur, Dieu nous
aduertissant par ce moyen, & nous apellant à
repentance voire nous menaçāt s'il n'y a point
de chastiment: car il s'ayde des corps natu-
rels pour signifier sa puissance surnaturelle
quand il y a del'exces il n'aduiēt guere. Je
ne veux vous aller recercher les sottises supersti-

Les payens appuiés sur les illusions de
Sathan pour establir son regne & se faire attri-
buer l'honneur qui est deu à vn seul Dieu: & ne
se soucie de ce que Pausane escrit en ses Laco-
niques, lors qu'il dit qu'és Vases, & goulphres
l'alphurez du môt Ethne, le bōheur, ou defastre
l'vn hōme estoit signifié en ceste sorte: on y ie-
loit des vaisseaux d'or & d'argent & autres in-
trumens de metal sēblable, d'esquelz on s'aidoit
és sacrifices: q̄ si le feu retenoit ces presēs, cestoit
bō signe pour celuy qui en faisoit l'offrāde: mais
si les flāmes les repoussioēt & vomissoiēt hors
de l'abisme cela dōnoit vne certaīe signifiāce de
ruine de celuy, qui auoit donné ce present:
mais nous laisserons cecy comme ceux de Sa-
than pour detenir les gentils en leur Idolatrie,
& lequel faisoit mille forbes pour les decēoir
ainsi qu'on lit de l'autre Trophanien, des ches-
nes de Dodone & des respōces dōnée au Tre-
pier de Delphe & autres telles ipostures lesq̄lles
ne manquoient au temple de Vulcan qui fut ia
dis sur ceste montaigne. Nous lairrons dis-ie
tout cecy pour venir aux significations & presā-
ges de malheur de ces exhalations d'Ethne, ad-
uenūes depuis que Iesus-christ vint au monde,
& de la memoire de nos peres, quoy que (com-
me nous auons dit) elles soyent naturelles.

Nous auons dit cy dessus qu'en l'an 1175.
le Mongibel fut tellement enflammé & par la
violence du feu & des vents ainsi esmeu & es-
branlé que de la secouisse plusieurs bastiments
& villages furent ruinez: q̄ s'ensuyuit - il apres

Dd iii

*Pausanie
liure 3. dit
les Laco-
niques.*

HISTOIRES

ce feu, & tremblement sinon la guerre furieuse
entre l'Emp. Federic premier, & les souuerains
Euesques de Romme, qu'un chisme pernicieux
en l'Eglise & depuis la ruine de tant d'hommes
qui si les Turcs eussent enuahy l'Italie ie ne scay
s'ils y eussent vsé de plus grâde cruauté & tiran-
nie. Et en la 1329. que ce môt vomit plus furieu-
sement que iamais les flammes, passa-il point sâs
donner aduertissement des malheurs que de
puis causerent le Mahometâs qui se ruerent sur
la coste d'Italie, & de la guerre qui fut entre les
Greks & Latins, & le schisme suscité en l'Eglise
par l'Empereur Alemant qui creu vn Antipape
à Rome & donna matiere de scandale à tou-
te la republique Chrestienne. Le feu du Mon-
gibel adueni l'an 156. & 37. que nous pouuoit
il signifier de plus ardent, violent & pernicieux
que les guerres qui peu apres furent esmeuës en
Alemaigne, & par les Anabaptistes & depuis
entre les Princes Alemants pour le fait de la re-
ligion & sur l'establissement de la doctrine dam-
nable de Martin Luther & de ses complices,
comme ainsi soit que ce temps fut plein de pro-
diges & autât accôpagné des signes presageâs,
que les miseres qui s'en ensuyrent furent &
grandes, & presque insupportables. Non que ie
vueille donner necessité à cecy, ny cōclure q ces
feux aduenans il faille que quelque desastre se
gna'e aduiēent aux hommes, trop biē dis- ie q
ce sont des aduertissements que Dieu nous dō-
ne & veut que sâchōs, & entendions le soing
qu'il a deno^r, puis que ne nous gaignant par la

ouueur, il nous veut attirer par menaces. Et puis
que nous en sommes sur ces feux naturels & ce
bédant monstreux, à cause de leur insolence, c'est
à dire pour n'estre ordinaires ny de coustume,
j'allégueray icy ce qui aduînt l'ã 1538. au pais Na-
politain, en celle regiõ voisine de Naples qui est
du terroir de Puzzol, & que les Modernes apel-
lent la solphaterie : a cause que la terre y est
presque toute ensoulphrée & pource les an-
ciens luy ont donné le nom d'Auerne & de
guenle défer, & fainct que ce fut la que le Troy-
en Enée guidé de la Sibyle descendit aux en-
fers.

*Pozzol vil-
le du pays
Napolitain
dicte en La-
tin Puteoli.*

Or en celle année, la terre estant esmeuë, la
mer se retira du bord d'icelle quelques 200. pas
& sur la fin de septembre ceste estenduë de terre
qui est entre la mer & le mont dit par ceux
du pays Mont Barbare sembla se haulcer, &
& représenter la figure d'une montaigne : *Mont Bar-
bare.*
mais ce mesme iour qu'elle se hauçoit ainsi,
qui fut le vingt neufiesme du moys sus-dit, ce
monceau & terre commença à s'ouurir, avec
vn grand bruit & fremissement, lequel fut ouy
bië loîg, & apres ce on vit le feu vomy effroya-
blement & avec telle violence que iectant
hors, & pierres, & cendres il en couurit les
edifices de Puzzol: & en gasta les herbes des en-
tours, abatan & röpant les arbres & brullant
à plus d'une lieuë loing routz les raisins qui
estoyent prestz à estre vendengez és vignes cir-
couuoisines: Et fut si vehemente ceste exhalatiõ
q'les oiseaux qui voloient en l'air par la dessus

Dd iiii

HISTOIRES

en estans suffoquez tomboient en terre morts & les animaux champestres sentirēt vne pareille ruine: & ce qui estoit miserable à voir, les pauvres citoyēs de Puzzol assaillis de ce feu, & craignans q̄ tout le pays es enuirōs ne fut englouty sentans la terre trembler sous leurs pieds, furēt contrainctz durant l'obscurté de la nuit de prendre leurs fēmes, & enfans, & s'enfuir avec pleurs, cris & gémissementz, emportans ce qu'ils pouvoient, en vne telle & si soudaine fuite, de leurs biens, & de se retirer en la cité de Naples. Les cendres de ceste fosse flambante furent poussées par l'effort de l'exhalatiō à plus de 15. lieues loig & ce qui est à contempler de rare & admirable en cecy est que celles qui s'arrestèrent pres de ce goulphe ardent & sulphuré, estoient aussi seches qu'on les voit estre en vn fourneau de forge mais celles qui estoient loing, on les voioit tōber humides, & comme de la bouë: mais ce qui encor est de plus admirable est qu'en vne seule nuit il se feit vne mōtagne de cēdres & pierres vomies de ce trou & goulphre haute de pl^s de mille pas, laquelle auoit plusieurs soupiraux, creuaces, & ouuertures, desquelles il n'en reste plus que deux, l'vne au milieu de ce mont cendreux, & l'autre pres le bōrt de la mer, du costé de l'Auerne, lequel fut aussi tout couuert de cendres & durerent ces feux, hideux & bruslement effroyable par quelques mois depuis ce grand ébrasement, mais quelque fois avec interuale. Au reste ces bains chauds de Puzzol tant louez & celebrez par les auteurs latins & lesquels iadis

seruoient de delices aux grands Princes, sei-
gneurs, & senateurs de Rome, & qui donnoient
santé & allegeance à infinis malades ataintz
de diuerses maladies furent lors accablez, &
gastez & gisent sous les grands tas, & mon-
ceaux de ces cendres ensouphrées. Tout cecy
est naturel, & procedant des mesmes causes
que les feux du Mongibel, à cause que toute
celle coste est pleine de mines sulphurées, &
que là sont champs que les anciens apellent
Phlegreens, & qui a present sont nommez la
Solphatarie pour ce que la mesme rousée qui
y tombe est comme vne semence blanche de
goust & saueur de soulfhre, laquelle ceux du
pays mangent le matin, & s'en trouuent mieux
que de drogue qu'ils puissent prendre pour se
purger. Tout cela (dis-ie) est naturel, eu esgard
a ce que dit est dessus, mais si est-ce que consi-
derât la violéce de la chose & icelle non acou-
stumée, & de laquelle ne se list rien de pareil,
ie ne scauroy me persuader autre cas sinon
que cela donnoit signifiante de quelque ma-
lheur plus grand que celuy que souffroient les
Puzzolans, & habitans des terres voisines: aus-
si lisés moy les histoires, & verrés que lors le feu
des guerres s'alluma par toute l'Europe, & que
le Turc prit Castronouo en Albanie ou Epire
sur l'Empereur Charles le quint y taillant en
pieces les espagnols qui estoient là en garni-
son, & affligea la coste de l'Esclauonie. Ce fut
lors aussi que le Turc ioua de sanglantes, &
cruelles tragedies aux pays d'Hongrie, &

Bains de
Puzzol
ruines par
le feu.

Champs
phlegreens
oues solpha-
tarie.

HISTOIRES

*Prodige ad
uenu en
Angleter-
re l'an
1571.*

Translitionie, & que les appretz des guerres
ciuiles d'Alemaigne commençoient à se bastir
d'où est venu l'exemple des miseres que nous
souffrons ores en Frâce. Et auant que sortir de
ces miracles montaigneux il fault que ie vous
recite vne histoire merueilleuse & estrange-
ment prodigieuse aduenue en Angleterre, le di-
scours de laquelle est tel que s'ensuit: en l'an de
nostre salut. 1571. le sixième iour de Feburier
a six heures apres midy, aduint au Conté de
Hetfort, en la parroisse nommée L'utile Marrylle
qu'on ouyt vn grand bruit, & son effroyable, tel
que coustumierement on oyt, durant quelque
terre-tremble & veit on aussi tost l'effect de ce
son, entant que la terre s'ouurant, il sortit du
creux & entraille d'icelle vn grand tas et ro-
cher de pierre, qui rompit le sein de la terre a-
uec vne effroyable violence: ce bruit estant
entendu a plus d'une grande lieue Angles-
que es enuirs. Ce ne fut pas tout, car ce roc
ainsi nai & la terre ouuerte on le veit se remu-
er, & passer oultre depuis les six heures du soir,
iusques aux sept du matin cheminant plus de
quarante pas loing du lieu ou il apparut pre-
mierement. Et ce qui est encor le plus admira-
ble est que en ce remuant & allant il emporta
grand nombre de gros arbres & massifz, &
quelques maisons assises en ce lieu ainsi esleué,
auquel demoura vne fosse ayant sa profondeur
admirable, eu esgard au mont tiré d'icelle, &
de large quelques 360 pieds, & de long. 80.
ou dauantage & pour affin que le presage fut

accoply, c'est horreur est presque chose incroia-
 ble que ce mont cheminant ainsi cōtre le cours
 de nature qui ne donne point ces mouuementz
 aux choses sans ames, il renuersoit tout ce
 qui luy estoit offert, abatant les terres sur les-
 quelles il passoit, & les maisons par luy rencon-
 trées & les arbres se trouuants sur son chemin:
 de sorte qu'il y auoit vne chappelle assés gran-
 de qui passa par le furieux rencontre de ceste
 montaigne mouuante laquelle aplanissant ce
 qui estoit bossu, & comme le lieu duquel elle
 fut prise fut herbu, & en pasturage, elle le ren-
 dit creux, & comme vn goulphre, & abisme,
 & le reste des chāps il eschāgeoit tellemēt que
 du cultiué il en faisoit pasturage, & des pastis
 il en faisoit terre a labourer, ou le laissoit en fri-
 che. Je ne scauroy dire a q̃lle fin luy peut tēdre
 ce prodige, lequel estant si merueilleux, il est im-
 possible que ne soit presage de quelque grande
 alteration, & changement en l'estat de quel-
 que prouince eu esgard a ce que par les montz
 sont signifiez les plus grands de la terre mais en
 cela ce seroit folie que de vouloir interposer
 son iugement, & pource nous en raportons au
 grand Dieu qui ordonne comme il luy plaist
 & de la terre, & de ce qui est nourri en icelle.

Fin de la quarantedeuxiesme histoire.

HISTOIRES
DV TREMBLEMENT EFFROYABLE
de terre aduenu en la cité de Ferrare & enuiron en
l'an 1570. & des considerations & cau
ses naturelles des terre-trembles.

CHAPITRE

XLIII.





Yant à discourir d'une terre-tremble le plus prodigieux de nostre siecle a cause de la longueur du temps qu'il a duré, & pour le grand dommage qu'il a porté en l'ancienne, & tresriche cité de Ferrare en l'an de nostre salut. 1570. il ne sera inconuenient de rechercher ce qui est à considerer icy dessus, tant pour les causes que pour autres occurences qui aduiennent ordinairement lors que ces prodiges assaillent les hommes. Or ce que nous appellons terre-tremble est ou vne rompture, ouuerture, ou creuace de la terre, ou vne esmotion, & tremblement d'icelle, aduenant toutes les foys que quelque exhalation est enclose es autres concautez, & entrailles de la terre, & que violemment elle tasche de sortir en liberté & par ainsi elle esmeut, & esbranle la terre. On tiét que ces choses sôt pour le pl^s souuēt excitées, & causées par les astres, & planetes de Iupiter, Mars, & Saturne, a cause que ces estoiles ont grande force à susciter des vapeurs, lesquelles a cause de leur legereté tendent en hault & lesquelles pour ce que la terre les tient encloses ne peuvent sortir librement, d'où aduient qu'elles s'efforçans par leur effort de rompre leur prison, la terre est esbranlée par le mouuement & agitation de ces exhalations ia eschaufées, de sorte que de cest esbranlement il s'en ensuit souuent que la terre s'esclate, & se rompt, a cause de la trop grande vehemence du vent enclos és entrailles, & concautez d'icelle.

*Que c'est
que Terre-
tremble*

*Quelles pla-
netes causent
les terre-
trembles.*

HISTOIRES

*D'où vient
le mot de
terre trem-
ble.*

*2. des Roys
22.*

*Diuerses
sortes et es-
peces de ter-
re-tremble.*

Le mot de terre-tremble monstre assez son e-
thimologie veu qu'il a source du tremblement
& concussion & de la secouffe & mouuement
de la terre: ce qui aduient lors que la terre est
esbranslée par des ventz secs enclos en elle les-
quels haucés & poussés en hault par leur force
& lors qu'ils cherchent issue, ne la trouuans
point, a cause des pores & conduitz de la terre
estoupez, ils sont conctrainrzs de reculer en ar-
riere, & de s'entre-guerroyer, & de ce leur de-
bat faut que la terre soit muë & esbranslée.
Au reste il ne fut iamais que la terre tremblant,
quelques raisons naturelles qu'on en sçache
rendre cela n'ayt esté signification de quelque
grande misere, & desastre sur les hommes, ain-
si que verrez cy apres, & que l'escripture le tel-
moigne disant ainsi. La terre a esté esmue & a
tremblé, & ses fondemens ont esté esbranslés,
a cause que Dieu estoit irrité contre eux: doù
vous recueillez, que bien que les causes soient
naturelles, si est-ce que l'auteur, & chef des cau-
ses est celuy qui se sert d'icelle, cōme de ses mi-
nistres, pout punir les hōmes, ainsi q̃ verrōs par
les exēples & histoires q̃ no^r mēstrōs cy apres.
Nous auōs dōc veu & qu'est ce q̃ terre-trēble,
& d'où est pris ce vocable, il fault voir aussi cō-
biē il y en a d'especes, affin q̃ par la no^r recueil-
lōs aussi quelle en est la cause efficiēte suyuant ce
que les philosophes en peuuēt ou dire, ou dis-
courir. il y en a qui n'ē establistēt q̃ deux sortes
l'vne se raporte au trēblemēt & l'autre au poux
& souffle du vent & exhalatiō clos au sein de la

terre: mais d'autres dient ainsi: la terre est di-
 uersément esbranlée, & en cest esbranlement
 sont effectuées diuerses operations, & effaits
 du vent: en d'aucuns lieux les murs, & edifices
 sont mis a bas, ailleurs y a de l'ouuerture, & cre-
 uaces en la terre, és autres des englotissementz
 pfonds, en d'autres vn reiallissement, & vomis-
 semēt hors des matieres souterraines, quelque-
 fois des riuieres & d'autre, des feux & flammes
 ainsi qu'auz veu cy dessus du tremblement de
 Mongibel en Sicile. La premiere espece donc
 de tremblement est la cheute ou ruine qui par
 ceste agitation cause que les murs, les maisons
 & edifices sont tellement secouez & esbranlés
 que necessairement il fault que s'en allent par
 terre, ainsi que ie vous diray tantost que peri-
 rent iadis plusieurs excellentes cités de l'Asie.
 Et ce genre est appellé inclination, a cause, que
 toute la violence du terre-tremble s'epand, &
 tourne d'un seul costé, comme il est aisé a voir
 qu'est aduenü a la cité de Ferrare ainsi que
 le pouurez facilement entendre par l'histoi-
 re qui sera en son lieu deduite. Et de telle es-
 pece de tremblement fut esbranlée la cité de
 Basle l'an de grace mil trois cens cinquāte qua-
 tre, au moys d'octobre & Tite Liue raconte de
 certaine guerre, que quoy qu'il y eut vn terre-
 trēble de ce genre d'inclination, qui auoit mis a
 bas plusieurs villes d'Italie, si est-ce que les
 armées estoient ainsi acharnées l'une contre
 l'autre, que iamais elles ne s'aperceurēt quoy
 que de la violence de ce trēblemēt les fleuues

*Premiere
 espece de
 terre-trem-
 ble.*

*Tite Liue. 3.
 Decad. li-
 ure. 2.*

HISTOIRES

allassent contre-mont, d'un cours contraire au naturel, & que la mer eut son flot plus violent beaucoup que de coustume, voire & que plusieurs montaignes eussent esté esbranlées, & mises a bas au ranc des plus basses valées. La seconde espece est nommée agitation, tremblement ou secousse, & Aristote l'appelle Poix, & cecy aduient lors que la terre s'esleue comme si elle engrossoit ou s'enfloit estant aussi haut esleuée par la force & violence des ventz: & de là aduient que les bastiments sont esbranlez, sans que pour cela ils s'en aillent par terre, ains quoy qu'esleuez, ils reuiénent en leur place premiere. De tel aduint l'an. 1509. à Fribourg ville des Suisses, y ayant eu deux tremblemens l'un de nuit, & l'autre en plein iour, celuy de nuit esleuoit les maisons & pays les remettoit en leur assiete sans autre mal que de la fraieur qu'auoyent ceux qui se sentoyent ainsi esmonnoir: & celuy de iour qui fut plustost vn vent, soufflé, & son horrible, q̄ mouuement ny secousse quelcōque: & il me souuient qu'en l'an. 1545. il en aduint deux tels, l'un au mois de Mars, & au mois d'Aoust presque de mesme façon, car celuy de Mars ressenoit plus vn mugissement & comme le son d'un esclat de canon qu'autre chose, là où celuy du mois d'Aoust qui aduint de nuit haüçoit, & rabaissoit les edifices sans que presque on s'en asperceut, sinon qu'on uoit remuer les meubles des maisons, et oioit-on craquer les poutres et trembler les verrieres et fenestres des maisons: et qu'est-ce que

seconde espece de terre-tremble.

Terre-tremble de l'an 1509.

Terre-tremble. l'an 1545.

ce

ce tremblement signifia, on le veit depuis en vne grande cherté de viure par toute la guienne. La troisieme espece est nommée ouuerture, & creuace faite en la terre lors qu'elle viét à s'en tr'ouuir, & qu'on y voit vne grande & profonde fosse, ressemblant vn abisme, a cause des vêts en grand troupe là amoncellez & enclos, & de ce genre de terre-treble, & hideuse secouffe aduiennent les ruines des citez, englouties quelquefois toutes entieres és creux & entrailles de la terre, non sans vn grād estōnemēt des hommes, ny sans vne effroyable & certaine vengeance de Dieu, puis que cela est tressoudain, & que presque il est impossible de se garder de cest assaut si dangereux.

*Troisieme
espece de
terre-tre-
ble.*

La quatriesme espece de terre-tremble est lors qu'on voit sortir de sous terre vn grand monceau fait ainsi qu'une montaigne, ou quand quelque piece de terre est elbranlée de son lieu, ou entrouuerte de laquelle sortent des fleuves, ou des feux flamboyans, ainsi que souuent il en aduint au Mongibel en Sicile & en la terre de labour au mont-Vesune, ores dit de Somme au royaume de Naples, à cause que l'une & l'autre de ces montaignes sont & cauerneuses & pleines de matieres bitumineuses, & sulphures. Et comme iadis ce mont fut ainsi elbranlé: & vomit ces feux, estincelles, & cendres, Plin l'ancien voulant voir de trop pres d'où en procedoit la cause il y perdit la vie. Et de tel genre de terre-tremble parle le Grec Agathie en son hïstoite

*Quatries-
me espece
de terre-
tremble.*

*Agathie
liure. 2. de
la guerre
gosh.*

Ee

HISTOIRES

*Horrible
terre-trem-
ble en l'isle
de Coos.*

des Goths disāt ainsi : en la mesme saison la pl^e grande partie de l'isle de Coos (c'est ores Languon) assise en la mer Egée, fut esbrāllée tellemēt d'un terre-trēble que bien peu d'icelle fut cōservuē de telle furie le reste estant accablē & ruinē, & tourmentē de tant de sorte de malheurs q̄ presque la chose en sembleroit estre incroiable: entant que la mer s'estant enflēe desmesurement, abisma & engloutit les edifices voisins de ses orées ruinant & les hommes, & leurs richesses & les flots bouillōnāt d'icelle ne pouuāt se reunir gastoient tout ce qui se leur mes-toiēt au deuāt, de sorte que les citoyēs qui s'estoiēt retirēs soit aux temples, ou maisōs, ou autres lieux furent sumergez s'en garentissans peu de ceste tēpeste puis aioustē. Or comme venāt d'Alexādrīe d'Egipthe i'eusse pris mō chemin vers Cōstātinople ie vins aborder en ceste isle, qui est sur le chemin, ou nous veismes ce miserable spectacle, car toute la citē estoit reduite en vn monceau, & tresgrād-tertre de terre esleuē par les exhalations, & les pierres des bastimētz gisans çā & la esparēs: & les poultries, foliues, & colōnes estoient de toutes parts rōpues & brisēes de la cheute violente: & au reste il y auoit si grāde obscuritē pour la poussiere esleuē des ruines qu'elle offusquoit l'air, & empeschoit qu'on ne pouuoit discernier ny les lieux publics, ny les rues, voyes, ou chemins par la ou lō deuoit passer, vous oyez icy vn trēblemēt estrāge, & leq̄l se rapporte a celui q̄ dirōs tātost de Ferrare voire estoit cestuy plus effroyable

mais nō tant prodigieux, entant qu'il ne dura q̄
peu de tēps & q̄ le Ferrarois a eu vn cours qui
surpasse l'ordinaire. Il y en a encor vne autre es-
pece, laq̄lle avec la secouffe, amene [quād & soy
ne sçay quel son & sifflement hideux, lequel est
des plus soudains & des plus dangereux: & vn
tel est descrit par l'auteur surnōmé Agathie par-
lāt en ceste sorte: peu au parauant que cecy ad-
uint, la terre trembla de rechef si effroyablemēt
à Constantinople que presque toute la cité fut
ruinée: & ce tremblemēt fut suiu y d'vn autre si
grand, & espouuētable que ie ne pense que ia-
mais il y en eust eu de pareil, a cause qu'il estoit
procedant des eaux qui bouillōnoyent, & ren-
fluoyent, & de la terre qui reiallissoit & estoit
poussée hors par ces eaux & cecy avec perseue-
rance: & ce qui rendoit ce tremblement plus
effroyable & que chascun estimoit plus peril-
leux est que de-ia on estoit hors de l'Autōne &
que l'hiuer approchoit, & le soleil couroit par
le Capricorne. Or sur le point de minuit com-
me les citoyens fussent espris d'vn p̄fond som-
meil, ce desastre les surprit soudainement sans
que personne p̄sast au malheur qui luy estoit
voisin: si bien que tout fut esbranlé des le fon-
dement: & bien que ce tertre-tremble fut vio-
lent des le commencement si est ce que tousiour
il alloit en accroissant. Et par ainsi tout le mon-
de esueillé, on n'eut ouy que cris, pleurs & ge-
missementz, chascun ayant refuge aux armes
coustumieres des affligez, a sçauoir aux orai-
sons, & prieres, affin d'apaiser l'ire diuine.

E e ij

*Agathie.
liure. 5. de
la guerre
Goth.*

*Tel estoit
aussi le ter-
re-tremble
de Ferrare.*

*C'estoit au
mois de
Decembre.*

HISTOIR ES

Car on oyoit des sons, fremissementz, & bruits en terre tout semblables à vn esclat de tonnerre lesquels cessans quelque peu, on oyoit les effroyables tourbillons des vêts, qui redou- bloient la fraieur, & crainte des pources citey- ens. Et ainsi il continue l'estat de ceste cité mi- serable, & secouée, lequel se rapporte de si pres à celuy de Ferrare que pour en voir la compa- raison, & conferéce il fault que nous vous pro- posions icy l'histoire de celuy de nostre temps, lequel a esté long, comme celuy de Constanti- nople, & causé de mesme, ainsi que dirons par- lantz des causes du tremblement, mais princi- palement en ce que le Cōstantinopolitain ces- soit quelque peu & puis recōmēçoit plus furieu- sement que jamais: surquoy ie diray vn mot en passant, qui servira à monstrier l'obstination, & dureté des hommes qui est que cōme ces per- secutiōs n'adviennent que pour nos pechez, si est ce que les Byzantains ayantz oublié les pre- miers assautz de ce defastre, reposoyent (com- me l'on dit) sur les deux oreilles, & banquetans & faillans grād chere (car telsles décrit Agathie) ils se vident surpris de ce second tremblement qui achemina de diffomer la grāde cité des Gre- geois: aussi à Ferrare ceste afflictio donāt quel- que relache tout soudain on la voyoit recomē- cer de plus belle, ainsi q̄ l'histoire le porte qui est en ceste maniere: le iour de S. Martin en l'an 1570. survint le trēblemēt leq̄l a gasté, & ruiné la pluspart de la ville de Ferrare lequel cōmē- ça sur les dix heures du soir, & le iour ensuyuāt,

Tremble-
ment de
terre à Fei-
rare l'an
1570.

& durât la nuit, ou ouyt diuers coups tels q̄ s̄or
les sons effroyables de quelques grosses pieces
d'artillerie, & apres ce s'enfuit vn horrible &
hideux tremblement. & depuis vne autre plus
terrible & ainsi allant la chose en continue, les
citoiens qui craignoyent ce qui aduint depuis,
cōmencerēt aussi à quitter la ville & sortir aux
chāps aymans mieux loger sur la terre dure &
sous des tates y portās leur biens & meubles, &
y cōduy sans leurs familles, que se voit accablez
par les ruines des edifices selon que deia ils s'en
voioiēt menacer par ces effroyables secousses.
Et quelque diligēce qu'on aye sceu faire, si est-
ce que plusieurs y ont esté empoignez estant
impossible que toutz ayent ou la prudence, ou
le moien de se sauuer de ceste furie en esgard à
ce q̄ les troys portes de ceste cité sont demolies
& qu'il n'y a maison tāt soit elle bien bastie, ou
fōdée, qui n'ayt eu sa part de ceste secousse: ven
q̄ les Eglises superbes & magnifiques, les palais
tāt du Duc, que seigneurs de la ville, les maisōs
des riches citoyēs sont ou par terre ou tellemēt
gastées qu'elles ne valent guere mieux q̄ si elle
auoyent senty la derniere main de leur ruine:
& en a esté la confusion si grande que la seule
souuenance doit dōner fraieur à la posterité,
& no^r faire sentir quelle est la puissāce de Dieu
& cōbien les hōmes se doiuent garder de l'of-
fēcer puis q̄ il a les moiens si proches pour no^r Terre- trē-
chastier de nos folies, trāsgressiōs & offense: Et bles sont s̄
biē q̄ ce ne soit nouueauté que de voir ces acci- gnificatifs.
dets, a cause que naturellemēt ils peuēt adue-

Ee iij

*Causes du
terre-trem-
ble.*

nir, si est ce q̄ iamaïs on ne les a veu assaillir vn pays sans quelque suite de misere fut ce peste, famine ou autre fleau de ceux q̄ Dieu enuoye sur terre pour la punition des hōmes. Ce grand terre-tremble a esté tel & de tāt plus a redoubter, & ayāt en soy du prodige & merueille, cōme il a esté long plus que de coustume des autres tels accidentz: ce que si peut aduenir naturellement, il le faut voir par les causes. Quand aux causes du trēblement elles sont diuerses scōlō aussi q̄ les philosophes les cōsiderēt: car si vo^y voyez & recerchez la matiere ou cause materielle pl^{us} proche du terre-trēble, c'est vne exhalation chaude, & seche cachée es cachotz, & concauitez de la terre ou y naissant de soy, ou y estant d'ailleur poussée: laquelle cerchant issuē par sa violence pour aller vers le lieu qui luy est naturel, elle rōpt la terre, & cause ceste secousse, & mouuemēt plein de vehemēce. Celle cause que les philosophes apellēt efficiente est la chaleur du soleil, & des Astres, & prīcipalemēt, ainfi q̄ dir a esté cy dess^{us} des Planetes, Iupiter, Mars, & Saturne: outre ce la cause est l'Esprit, en l'air enclos sous terre entāt q̄ cest air ou vapeur a melmes efferz en la terre, q̄ le vēt en l'air libre, et ne faut s'esbahir si les vêts enclos en terre causēt de tels esbrāslemēt puis qu'ō voit q̄ au corps mesme de l'hōme les ventz y retenuz, luy causēt de grāds tourmētz, esmoriōs, & trēchées. Il y en a d'autres qui estimēt que c'est l'eau de la mer, laq̄lle estāt enclose és cauernes de la terre dōne occasiō a ce mouuemēt & lecouffe, quoy q̄

Aristote soit d'opiniō cōtraire, donnant cest effect au vēt, ou vapeur serrée dedās les entrailles de la terre: & toutesfois la pl^r part sont d'aduis q̄ l'eau & la froidure sōt cōme accessiores a ceste cause efficiente du trēblemēt. Du premier aduis est Agathie lors qu'il parle en ceste sorte: En ce tēps mesmē en celle tresgrāde ville d'Alexādie, q̄ est assise sur le Nil, il y eut vn sentimēt, & brief & de peu d'effect de ce terre-trēble: ce que toutz les habitās & principalemēt les plus anciens, eūrēt pour vn grand prodige, & miracle, a cause que iamais on n'auoit sceu que s'est que trēblemēt en ces carties, de sorte que tous estōnez & effroyés s'asēbloyēt par les places, & ie fus aussi esmeu de quelq̄ peur qui pour lors estudioy là en loix, & autres sciences, & de tant plus estoy-ie espouuenté, que ie pēsoy en moy-mesme que les bastimētz d'Alexādie n'estoyēr poīt ny solides, ny amples, & q̄ pour peu qu'ils fussent esbranlés il faudroit q̄ s'en allassent par terre: laquelle crainte n'estoit point vaine, comme ainsi soit que les plus sçauātz estoient saisis de mesme fraieur, tant a cause des tremblemēts passez, que de celuy qu'ils craignoient pouuoir aduenir. D'autant qu'ils maintenoient qu'il y a certaines exhalations enflées, & seches, encloses és plus obscurs & secrez cachos de la terre lesquelles ne pouuantz facilement s'euaporer, & sortir, s'en retournent en arriere, & esbranlent tout ce qui les auoisine ne cessantz d'vser de ceste violence iusqu'a ce qu'elles ayēt trouué issue pour sortir de prison. Et quand a celle

*Agathie
liure 2. de
la guerre
gothique.*

Ec iiii

HISTOIRES

*Senèque li-
ure. 6. des
questions
naturelles.*

*Comme l'e-
au cause les
terre-trem-
bles.*

opinion que l'eau soit la cause efficiente du ter-
re-tremble, il semble que Senèque la reiecte di-
sant ainsi: Venons maintenant à ceux qui ont dit,
les choses que dessus estre la cause des tremble-
ments, ou qui en ont encor aduancé dauantage,
tel qu'a esté Democrite: lequel tiét que cest es-
brâlemēt se fait quelquefois par l'air enclos, &
d'autres par la violēce des eaux & quelquefois
par l'effort de l'un & de l'autre de ces deux: &
poursuit son discours en telle sorte: Il y a quel-
que partie de la terre qui est creuse & cauer-
neuse, en laquelle s'encloist grāde quātité d'eau,
de laquelle il y a quelque cas de plus foible &
liquide, q̄ estoit re poussé p̄ quelque cas de plus
grief & pesāt, fault que se rue contre la terre, &
qu'il l'esbranle: entāt que l'eau ne scauroit flo-
ter que par le rebat, & mouuement de la chose
contre laquelle elle vient a s'acheurter. Et tout
ainsi que n'aguere disions de l'esprit & vent en-
clos en la terre nous pouuōs dire des eaux, les-
quelles assemblées en vn lieu, & ne pouuans
plus y estre a cause de la trop grande abondan-
ce, quoy que elles soyent quelquefois vn peu
de temps coyes si est-ce que de leur pesanteur
elles se font premierement voye & puis elles
sortent par violence: car elles ne peuuent sor-
tir que par vn lieu penchant, & qui est en de-
scente & n'est en elles de sortir avec modera-
tion, ny sans secoussē des lieux où elles tom-
bent, ou par où il fault qu'elles passent.

Tout cecy dit Senèque pour dire que les
eaux peuuent causer le terre-tremble, mais en

fin il conclud que sans la force du vent les eaux
 sont suffisantes de faire cest esbranlement, veu
 que (dit-il) si tu ostes le vent aux eaux, elles
 sont du tout sans force ny effect quelconque: *Le vent est
 l'ame des
 eaux.*
 & que c'est ce vent & esprit qui fait de si grâds
 effays comme le plus puissant de ce qui est en
 la nature des choses: et ce souffle esmouuant les
 eaux il leur donne aussi la puissance de dissiper
 & gaster de grands espaces de terres, & de fai-
 re & surhaulcer des costaux d'icelle qui res-
 sembleront estre montaignes, voire & de
 faire sortir des isles en mer, lesquelles iamaïs au
 parauant on n'y aura veuës. Toutes ces raisons
 sembleroient donner quelque couleur à ce que
 le tremblemēt de Ferrare eut esté causé par l'ef-
 fort des eaux, entant que en premier lieu ceste
 cité est bastie pres la riuiera du Po, & en lieu
 où il y a assez d'ouuertures creuaces, & qui plus
 est, iadis il y a eu infinité, de marets qu'on a
 éplis pl^r (peut estre) supertificiellement qu'ainsi
 qu'il le failloit: mais ce qui me fait dire du con-
 traire est que quelque secousse que la terre aye
 receu, & quelque ouuerture qui y ait esté
 faite, si est-ce que iamaïs il n'en est rien sorry
 d'eau, ou liqueur, ains seulement des sons
 & esclats violentz & hideux tout semblables
 à ceux d'un Tonnerre, qui sembleroit que
 ce combat prouint de choses contraires, à sca-
 uoir du sec, & humide, & que la collision des
 deux eut ainsi esbranlé la terre, ainsi que di-
 sions du mont Ethne: mais de la collision ils n'é-
 sont point sorties flammes n'y estincelles de

HISTOIRES

la matiere seche, qui me faict dire, que c'est le vent enclos, y entré par les ouvertures cauerneuses voisines du fleuve, & qui ne pouuant sortir, à cause que l'humeur auoit estouppé les conduits, donna aussi ces grandes & effroyables secousses.

*Agathie li
ure 2 de la
guerre
gothique.*

Mais d'autre par quand ie considere le long que ce tremblement a duré, & que sans relâché il a continué non vn mois ny deux mais plusieurs, ie suis contraint de dire avec Agathie: Quand à moy ie me cōtenteray d'entrer si auât en cognoissance que ie confesse que tout est fait & ordonné par vn cōseil & ordōnance de la diuine prouidence: & que de vouloir esplucher & recercher detrop pres les principes & mouuemēts de la nature & vouloir sçauoir curieusement les causes des choses aĩsi qu'elles se passent quoy que i'estime que cela ne se feroit point sans quelque prouffit, si est-ce que de s'y aheurter, & tenir ces causes comme trescertaines, i'auroy peur que ce ne fut arrogance & temerité, & plus grossiere & rude deux fois que la mesme ignorance, entant que depuis qu'on voit que les choses naturelles excedent ce qui est de comun, il fault aussi dire qu'il y a quelque cas qui surpasse l'ordre comun, lequel bien que soit pris de la nature, si est-ce que presque il est contre-naturel, c'est à dire hors le cours ordinaire de nature: comme d'ouyr tonner en plein huiuer, de voir des glaces au plus chault de l'esté & autres cas sēblables, lesquels mōstrēt q̃ ce sōt oeures du doigt de Dieu, où ne peuuent

toucher les sages d'Egypte, c'est a dire, ou les rai-
 sons qui sont naturelles ne peuvent donner at-
 tention: qui est cause qu'on les met entre les
 portentes & prodiges d'autant que cela n'adviēt
 mais guere sans quelque signifiāce de malheur
 pour nous aduertir, afin que nous amēdāns
 nous eussions la punitiō, ou pour nous punir de
 nos offences. Voila quand aux causes du terre-
 tremble, voyōs ou est-ce q̄ le plus souuēt il a de
 coutume d'aduenir: no^r auōs pposé cy des^s q̄
 cōmune sērece de la cause de ces mouuemēts
 procede des exhalatiōs, ou vapeurs (q̄ Seneque
 appelle esprit) de la terre: or les lieux voisins de la
 mer sont plus suiects aux branilements a cause
 que plusieurs exhalations y peuvent estre receuz
 tant que d'ordinaire la terre proche de la mer
 est poreuse & limoneuse ou ayant infinité de
 grottesques & cauernes esquelles le vēt s'écloft,
 qui est cause qu'en plusieurs cōtrées de la Grece
 Hellespont & Sicile les tremblements sont
 assidus, a cause que les plages y sont hautes &
 creuacées pour estre les pais chauldz, de peu
 d'humeur: la ou en Egypte & es regions d'Eu-
 rope qui regardent le septentrion, cōme en Holā-
 de & Zelāde, la terre y estant basse, & touf-iour
 humide les vents ne peuuēt si enclorre & par cō-
 sequeut ne sont suiectes a telles alterations,
 d'autant que la raison naturelle y est apparēte,
 que tant plus la terre est solide & plus est su-
 iecte a ces mouuementz, la où elle estant
 sablonneuse & humide, elle est aussi sans ruptu-
 res n'y creuaces & parainfi non exposée à la

*Ou aduiē-
 nēt les ter-
 re trēbles.*

En quel temps adui-ent le terre-tremble. calamité des vens qui s'y pourroient enfermer. Outre ce que la terre-tremble de Ferrare me semble de tant plus admirable, & significatif, comme ie considere le téps auquel il est aduenu, qui est en yuer, cōme aīsi soit q̄ naturellemēt ces exhalatiōs prennent leur cours au Printéps & Autōne, plustost qu'en pas vne des autres faīsōs. & d'autre costé on pourroit dire q̄ le de tournemēt q̄ iadis on a fait des eaux q̄ couloiet le lōg du lieu où est Ferrare, a peu cauler cest effroy: mais il ya tant, & si long temps de cela que ou les eaux se fussēt taries, ou biē elles eussent de-ia pris leur cours ou par terre-tremble, ou par autre voye, qui me fait dire, que ce sont les vens, & ensemble q̄ c'est la main de Dieu q̄ a poussé ses fiēs ministres pour estre les executeurs de sa sentēce, ainsi q̄ ailleurs il s'est seruy du feu, en d'autres des eaux cōme verrōs cy ap̄s & en d'autres des brutes, pour corriger l'insolence des hōmes. Je laisse plusieurs diuers & admirables effets du terre-tremble, qui sōt discou-
Plin. li. 2. ch. 79. rurs par les āciēs auteurs & sur tout par Plin en sō histoire naturelle: mais la cause finale & but où tēd cest afflictio est la iustē vēgence de Dieu prise sur l'offence & murmure des hommes, entāt q̄ (cōme auons dit de-ia assez souuēt) ces secousses dōnés à la terre signifioiet les maux fa-
 rurs à venir, ainsi q̄ les curieux en l'histoire le pourront recueillir par la lecture des historiens tant sacrées que prophanes. Et quand a ce qui naturellement suyt les terre-trēbles ce sont les pestes & mortalitez, & eecy (comme dis

Senèque (non sans cause, veu que plusieurs cho- *Senèque li. 6. des que-*
 mortifieres & pestilêtes sont cachées és lieux *si-naturel-*
 ents. Entant que l'air estant comme croupi & *les.*
 si par la coulpe & paresse de la terre est mal
 in & grief à ceux qui le hument & reçoient
 a bien estant faiszy par le vice des feux eter-
 els comme il est eslançé loing, il a peu en soy
 e liqueur, & ainsi il souille & poluë & par-
 insi il cause des maladies à ceux qui hument
 n air non par eux accoustumé.

D'auantage on sçayt qu'és lieux obscurs & ca-
 chez, il y a ordinairement des eaux inutiles &
 pestilentes qui y sont enclôfées & croupissantes,
 côme celles qui ne sôt purifiées par vn air libre
 ny abatuës d'iceluy, ou exercées par l'usage
 d'en tirer, & puiser souuent. Et l'air meslé avec *Après ter-*
 icelles & qui git dedans les palais, lors qu'il sort *re-tremble*
 en lumiere espend aussi son venin, & ne fault *vient la pe-*
 d'occir les hommes. *ste.*

Ces raisons sont routes naturelles, mais de
 voir les guerres, dissensions, esbrâssements d'e-
 tats, ruines de peuple, & autres tels malheurs a-
 pres vn Terre-tremble, ce n'est plus y voir ce
 qui est causé par iceluy, ains seulement ce qu'il
 nous presage & signifie. Je laisse ce grand
 tremblement de terre du temps de la passion
 & resurrection de Iesu-christ, nostre seigneur,
 quoi qu'il fut la vraie signifiâce de l'abolissemēt
 du regne de Sathan, & de l'assuictissement
 des tyrans soubz la puissance de l'Eglise Chre-
 stienne: pour vous dire en somme que quel-
 que chose que sçachent dire toutz les philo-

Nul terre- sophes & naturalistes de l'univers, si est-ce que
tremble sans jamais ces esmotions n'auient sans suite
signifiante. & sans qu'ils n'annoncent quelque malheur
 ou qu'en fin on n'en voye les effects: & si ie dis
 vray ou nō ie n'en veux autre tesmoign que l'ex-
 perience. Les pronosticiz qui precedent vn ter-
 re-tremble sont assez aysez à iuger, & l'un des-
 quels est lors qu'on voit la mer esmeuë, sans
 qu'il y ayt tempeste, ou que les vêts ne l'esmeu-
 ent en sorte quelconque & qu'on voit l'air
 ayant en soy vne grande serenité, si le soleil est
 plus obscur que de coustume, si l'on oyt des si-
 flementz & comme bourdonnements des vêts
 sous, terre si les oyseaux n'osēt marcher sur ter-
 re, ains s'y reposans y sont comme estōnez, car
 ayantz le corps subtil, ils sentent aussi la moin-
 dre alteration que l'air puisse faire sous la terre:
 l'eau qui se trouble dedans les puids, est aussi vn
 signe euidēt de terre-trēble, ainsi que pourrez
 apprendre de Pline en son histoire naturelle. Je
 laisse plusieurs autres considerations sur ce pro-
 pos, me suffisant vous auoir deduit ce qui est de
 plus remarquable tant pour le fait de l'histoi-
 re du tremblement aduenū à Ferrare, que pour
 ce qui touche la cause, effects, & fin de ces ef-
 froyz que nous donnent les terre-trembles soit
 q̃ les eaux, les causes, ou les feux, ou les vens
 enclos sous terre, car nous auons dit que par
 tous ces moyens ils peuuent aduenir, soit que
 extraordinairement ils nous soient enuoyez,
 comme messagers de vengeance diuine.

Pline liure
2. ch. 8. &
Arist. li.
2. des Mete
or.

Fin de la quarantetroisiesme histoire.

DE L'EFFROYABLE ET MERVEIL-
leux desbord de la riuere du Rhosne dedans és en-
tours de la cité de Lion, & de la cause de cecy
& signifiante ou presage.

CHAPITRE

XLIIII.





omme rien ne puisse aduenir de plus grief & miserable à l'homme q̄ de passer son aage & toute la vie, s'as iamaïs gouster aucun trait de misere infortune & defastre: aussi ny ail chose tant malheureuse, ou qui plus nuise à nostre estat & presage nostre extreme infelicité, que de voir qu'après plusieurs defastres nous continuons à mal faire & semblons irriter tous les iours Dieu de plus belle affin que il darde sur nous les traits mortels de sa iuste, & rigoureuse vengeance. Car si Dieu ne nous enuoyoit point aucun mal & ne nous faisoit sentir quelque coup de ces verges, ce seroit aussi vn signe tout manifeste de nostre ruine, tout ainsi que du patient auquel le medecin permet tout & ne luy deffend l'usage de viande de quelque ce soit qui luy vienne au desir & fâtahe: veu que Dieu nous laissât ainsi es mains de nostre conseil, il ne le faict que pour voir nostre mal desploré, & nous si mechans, qu'il ny paroît rien plus qui donne quelque espoir de nostre correctiō. Et au reste l'homme qui ne sceut onc que vault l'aduersité, il ne scait point aussi qu'elle est sa propre force, n'y quelles les vertus de son ame, ne les ayant mises en pratique, comme ainsi soit que la vertu prend le parfaict de son accomplissement en l'infirmité, foiblesse & assauls dōnez es choses qui sont cy bas, & desquelles Dieu nous a eslargy l'usage & la iouissance.

Entât que c'est à l'homme constant, vertueux, & magnanime de mettre sous le pied toute frayeur

rayeur & de se glorifier en Dieu lors qu'il est affligé, pourueu que la conscience luy serue de fidelle tesmoing qu'il souffre sans coulpe, & que le mal luy aduenant, luy est plustost offert, pour exercice de sa vertu, que pour vne punition iuste de ses fautes: & que ces afflictions luy sont cōme des esguillons le poussans à mieux faire & a combattre par souffrance le mal, & l'accabler avec sa longue patience.

Mais ou l'affliction est enuoyée pour punition & le desastre pour chastimēt, ce n'est plus la gloire de celuy qui souffre, si ce n'est qu'il se chastie, ains sa plusgrande condamnation, si estant aduertty par telles remonstrances punissantes, il ne se chastie de ces vices affin que pis ne luy aduienne. I'ay dit tout cecy à cause que de tant de prodiges que nous auons icy recueillis il n'y en a pas vn qui ne soit ou la punition presente des pechez & forfaits precedés, ou la signifiante de quelque desastre aduenir, si l'on ne se chastie & fait penitēce de tant d'offences commises contre la maiesté diuine. Entre les prodiges ont eu des premiers dieux ceux qui sōt aduenuz és eaux & par le moiē d'icelle & desquels on peut alleguer vne infinité d'exemples, & histoires, q̄ nous deduirōs, ayāt vn peu discouru sur l'eau & ce qui est cōsiderable en la qualité & substance d'y celle, cecy estāt necessaire pour voir cōme les inondations se font & s'il y a en elles quelq̄ signifiante, ou occasion de s'y arrester, pour en tirer iugemēt & quelque necessaire cōsequēce

*Prodiges
sont aussi
contēplez
és eaux.*

Ff

HISTOIRES

*Choses à cō
siderer sur
les eaux.*

*Differences
qui sont es
eaux*

cōme de ce deluge de Lion pour lequel auons
dressé ce discours à cause qu'il est adueni
de nostre temps & que il semble faire grande-
ment à nostre matiere. Je ne veux m'arester sur
la diffinition de l'eau, ny sur la contemplation
elementaire, ny suis deliberé de poursuiure les
vertus, effects, & grandes merueilles des eaux
soit des fleuues, soit des fōtaines car il faudroit
faire vn gros volume sur ce propos: & au reste
les philosophes en ont assez amplement parlé,
& en ont illustré leurs liures par lesquels ils fōt
voir q̄ toutes eaux, ou elles sont coyees ou elles
coulent & ont course, ou elles s'assēblēt en vn
lieu, ou elles ont diuerses veies, & pour leurs di-
ferences, les vnes sont doulces, les autres ameres
d'autres idiferētes, & autres ayāts le goust salé:
puis ont encor d'autres differences, entant que
pour latouchemēt les aucunes sōt froides, les au-
tres chaudes: & pour le poids les vnes sōt pesā-
tes, les autres legeres, & quād à la couleur, les v-
nes sōt cleres, pures & trāsparātes, d'autres trou-
bles, & obscures les vnes blāchastres, les aucu-
nes azurées, & autres tirans sur la couleur d'vn
vermillon, les raisons desquelles impressiōns
nous ne pretendons vous discourir en cest en-
droit: cōme aūsi ne voulōs no^r amuser sur les ef-
fects d'icelles: y en ayant de saines, de mortel-
les & ēuenimees & autres q̄ se conuertissēt en
pierre: les vnes sōt grasses les autres sans effort,
les vnes engraisent & nourrissent, & d'autres
qu'on void que elles profitent aucunement,
et y en ayants qui causent fertilité & à la terre

& aux animaux viuants en icelle, qui sont les vertus, & efficaces que Dieu a departy à la nature des eaux, pour le proufit & vsage des hommes.

Et quand à ce qui touche la positiō & lit des lieux il cause que leau, ou elle coule, ou elle se tient coye: veu que celle qui est en pendant, il fault que elle coure & s'escoule là où celle qui en planure elles'espand comme vn estang & quelque fois poussée du vent elle reflue y estant conduite par force. Je ne veux discourir sur la cause originaire des fleuues, ny sur le doute q̄ plusieurs sages d'entre ceux, qui traitent les secrets de nature ont mis en auāt, à sçauoir comme la terre peut suffire à continuer le cours ordinaire des riuieres, et d'où est-ce que tant d'eaux peuuent auoir origine: & commēt *Donc procèdent les fleuues.* ce fait que quoy que tous les fleuues s'engoulphēt, & entrēt en la mer, si est-ce pourtant qu'elle n'en est point plus grande, ny ne s'engrossit, ou entle point dauantage: puis qu'il est ainsi, qu'on tient les eaux tant des fleuues, que des ruisseaux, & fontaines ayantz *Les eaux font vn cours ordinaire.* origine de la mer s'espandant par la terre par des porées & conduicts d'icelle ainsi que du cœur de l'homme le sang procede, & s'espand par les veines, & que retournants ces sources en la mer ce n'est qu'une reciprocation perpetuelle, qui cause que la terre n'a poit defaut d'humeur, & norriture, estāt humectée par l'Oceā, ainsi que tiennent les anciēs sages q̄ toutes choses sont nées par l'humeur & que

HISTOIRES

la mer ne se deborde point de ces limites.

*Miracle des
eaux diffi-
ciles à estre
espancheꝝ.* Le laisseray (dis-ie) toutes ces considerations pour venir non aux miracles des eaux & choses merueilleuses qui aduiennent en icelles, car ce seroit entreprendre chose, ou les plus experts philosophes ont perdu leur latin, & ont cōfessé n'y entēdre que le hault Alemāt, tesmoing le secret du fluz estrāge qui est audestroīt de Negro-pont, que iamais Aristote ne sceut comprendre, & autres miracles des eaux aussi obscurs, & difficiles lesquels se trouuent, & descouurent en plusieurs lieux de la terre. Je veux (dis-ie) laisser tout cecy pour venir a ce point que comme en la cōsideratiō des corps celestes il y aduient des choses qui presagēt quelques malheurs aduenir quoy que cela se face naturellement, ainsi q̄ l'experience l'a fait voir és eclipses du soleil, & de la Lune, & és Cometes q̄ Lucan appelle crin ou cheueu d'un astre effroyable, aussi les eaux ne sont sans auoir en elles de grande signifi-
*Les eaux ne
sont sans si-
gnifier.* gnifiance: veu que sous le nom d'icelles sont entendues les multitudes des natiōs en la sainte es- criture. Tellement q̄ les inondations n'auindrēt guere, i'ētēds celles ou qui ont esté soudaines, & sans guere grande raison apparante qui peut causer vn grād desbord, ou qui ōt esté vehemētes, rauissātes, & gastans tout, sās apporter qlque malheur, & sās psager quelq̄ ruine, ce q̄ par les exēples il no^r sera aisé de prouuer, de lesquels no^r deduirōs quelques vns, auāt q̄ toucher à ceste histoire du Rhosne qui no^r est proposée cōme la plus recente & auenuē de nostre temps & de

laquelle la memoire en est encore toute fresche *Deluge de*
 Je ne m'arrestera y à ce deluge vniuersel duquel *Noe.*
 fut sauué le seul Noé avec ses enfans pour estre le restaurateur de tout l'humain lignage,
 entant que ce desbord d'eaux apporta quand
 & soy & la signifiante & l'effect, abismant, &
 noyant tout ce qui se rencontra d'animaux &
 raisonnables & de Brutaux sur la terre sauf
 ceux qui estoient enclos dedans l'arche. Je laisse
 encor ce deluge particulier de Thessalie qui
 aduint seul au Deucalion duquel les poëtes ra-
 comptent plusieurs fables & luy donnent le re-
 nouuellement du genre humain que les saincts
 escrits attribuent veritablement à Noé, & a sa *Deluge de*
 famille: & aduint ce deluge Thessalien au mes- *Thessalien*
 me tēps que Pharaō Egiptiē affligoit le peuple *quel temps*
 d'israel, & bien peu d'années auant que Moysse *aduint.*
 fut le conducteur des Hebrieux pour les deli-
 urer de la captiuité en laquelle les Egiptiens les
 auoient par vn long tēps detenus. Je laisse (dis-
 ie) ce deluge, pour estre trop ancien, & lequel
 (sans faillir) a esté & aduint non seulement par
 pluies qui auoyēt duré rauageuses longuemēt,
 ains encore d'autāt que par vn tremblement de
 terre les secretz des montaignes ouurans leurs
 cachotz, vomirent si grande, & effroyable abō-
 dance d'eaux que tout les pays Thassalien
 & terres voisines en sentirent la rigueur, tout y
 estāt noyé, & abismé, qui est cause que les poe-
 tes dient que Deucalion & Pirrha sa fem-
 me restaurerent la race des hommes ainsi
 que pouuez lyre en la Metamorphole d'Ouide

HISTOIRES

*Voy Hero-
dote liure 2.*

*Voy Tite
Live.*

Rien ne nous seruiroit d'alleguer le deluge qui aduint sous vn Protée grand Pontife entre les Egyptiens qui estoit sous le Roy Egithien Thuoris quelques. 11802. ans auât l'incarnatiō de nostre seigneur Iesu-christ, & autres plusieurs desbords & de la mer & des fleuves, lesquels bien qu'ayent esté grands, si est-ce qu'on n'a point remarqué la suite des euementz, ou si on la faict, au moins nous n'en auons l'histoire. Mais en l'histoire Romaine les hommes ayants esté chercheurs (quelques fois trop curieux) de ce qui se passoit on veit qu'en l'an 200. auant que le Sauueur des hommes vint au monde, il aduint vne grande inondation du Thybre à Rome, laquelle fut suyvie de naufrage du Consul Appie avec son armée & de la mort de ce Fabie surnommé le grand qui fut de sō temps réputé vn autre conseruateur de Rome, & de tous ses citoyens.

Or combien ces anciens donnoient de foy à ces presages en est tesmoing assez euident que l'an auant la venuë du fils de Dieu au monde, comme le Tybre se fut desbordé par la cité, & autres prodiges fussent aduenus, on feit des sacrifices publicz par l'espace de neuf iours & la ville fust purgée par processions & prieres: qui est vn exemple qui deuroit apprendre aux Chrestiens de n'oublier poinct de se retourner à Dieu.

Durant ces aduertissemēts, puis que (comme dit est) ce sont signes ou de son ire, ou des

admonitions qu'il nous donne nous apellant à penitence. Mais venons aux temps des Roys & Empereurs Chrestiens, & voyons si en l'an de grace. 462. tenant l'Empire d'Orient Leon premier du nom, & successeur de Martian, ce deluge qui aduint en la petite Asie, & en la Prouince de Bithanie, fut sans signifiante, l'effort, & violéce duquel estoit si grande que elle esbranla les monts, & les precipita iusques aux valées, & abismayne i finité de gros bourgs & vilages: voyōs (dis-je) si ces grâdes pluyes, & effroyables desbords d'eaux ne signifiaerēt celle horrible persecution que le Roy Vvandale Hunrich suscita & esmeut contre les Chrestiens & Catholiques du pays Africain, pour l'establissement de l'opiniō des sectateurs de l'Arrianisme. Qu'on suyue le cours des histoires & on verra comme en l'an de grace 589. Maurice tenant l'Empire d'Orient, & Lothaire fils de Chilperic regnāt en France, lors q̄ les Lōbards assiegerēt la cité de Rome, il aduint de si grandes inondations d'eaux & desbords si effroyables de riuieres par toute Italie, & notamment à Rome que plusieurs milliers d'hommes, & nōbre infiny d'animaux passa sous le rauage de ces eaux: & soudain apres cecy aduint vne peste, la plus furieuse qu'ō eut senty encor en Italie, & de la violence de laquelle mourut le bon Pape Pelagie, auquel succeda le glorieux docteur saint Gregoire. Et pour voir que c'est lors que le couroux de Dieu se manifeste sur les hommes que ces violentes inondations nous

*Hunrich
roy Vvand
dal Arien
Lis Victor
Euesque de
Biserie.*

*Deluge en
Italie l'an
580 et 590*

Ff iiii

*Deluge ds
Venise &
Genes l'an
690.*

donnent dessus l'année apres le desbord sus-dic à sçauoir l'an 590. en aduint vn plus furieux & tel, que plusieurs pensoient que Dieu voulut encor vn coup ruiner le monde par eau, si grandes si horribles & de longue durée furent les pluies, & les desbords, & si calamiteuse la peste qui les ensuyuit. Lysons ce qui aduint au pays & region des Venitiens, & en la seigneurie de Genes & Prouïce de Ligurie l'ã. 690. & trouuerons que ces eaux ainsi sortans de leurs limites ne sont que les annonceuses de l'ire de Dieu, & comme les ministres de sa iuste vengeance sur les pechez des hommes entant que les histoires portent que depuis Noé on ne pense point que sur terre y ayt eu vn si estrange deluge, entant que les bourgs & villages estoïent couertis en lacs, & estangs, & les champs estoient couuertz des ondes de l'eau qui floitoit par dessus, engloutissant es edifices submergeant hommes & bestes & degastant les fruits, & emmenant les richesses des maisons de ceux qui perissoient, affin que les suruenans ne peussent s'en resiouyr: & ceux qui eschaperent de cestecalamité, furent soudain assaillis de peste.

Je n'ygnore point que ceux, qui attribuēt pl^r à la nature qu'ils ne doibuent, ne dient qu'il n'y a en tout cecy rié de prodigieux, & que les pluyes, tempestes, & desbors de fleuues sōt des ordinaires en la nature, comme encore ils ne maintiendrōt que la peste s'engendre aisemēt de la putrefaction causée tant pour le trop

d'humeur corrompant l'air, que par les corps
morts & suffoquez par ces deluges: A quoy ie
ne veux aussi resister, & scay que la nature est
en cela ayant ses effectz: mais il vous souvien-
dra que i'ay dit cy dessus, que biẽ que tout soit
consideré en la nature, si est-ce que Dieu fait
par les corps inferieurs des choses qui excedēt
le cours ordinaire de la nature cōme en ce de-
luge ou l'histoire porte les rauages auoir esté
tels qu'on estimoit que la fin du mode fut pro-
chaine, ce qui monstre assez qu'il y auoit avec
le cours naturel quelque cas d'extraordinaire,
& que la main de Dieu y ouuroit, se ser-
uant de ses creatures. En l'an. 791. le Tybre se
desborda de telle sorte que passant a Rome par
la porte Flaminie (ores dicte Popoli) elle raua-
gea tout, & noya plusieurs hommes & gasta
de grandes richesses: & ce fut lors que la fa-
mine affligea l'Italie & que les Grecs furent di-
uisez par dissensions ciuiles, & que la mere es-
tant trop cruelle enuers son filz, luy feit cre-
uer les yeux pour seule iouyr de l'empire.
Ce fut aussi en celle saison que les Huns re-
commencerent leurs courses, qu'ils eussent
continuées, si Charles le grand ne se fut op-
posé, & n'eut repoussé leurs furies. Mais quel-
le merueille est celle qui aduint en l'an. 991.
que le Rhin en lieu de desborder avec la vio-
lence de ses vndes, vomit des flammes de feu
si deuorantes qu'il gasta & brusta les villages,
& bourgades voisines de ses riuages? Dira
lon que naturellement cela puisse aduenir, &

*Peste engen-
dree pour
la corrup-
tiō de l'air
apres les
inonda-
tions.*

*Deluge a
Rome
l'an. 791.*

*Rhin vo-
mit des
feux l'an.
991.*

HISTOIRES

que ce soit l'eau qui de soy puisse produire tels bruslemens? Quand à moy ie n'en peux dire autre cas, sinon que cela signifioit les guerres qui depuis s'ensuiuirent & les conspirations qui affligerent quelques ans apres toutes les Prouinces de la Germanie.

*Desbord
d'eaux en
Angleter
re l'an
1091.*

Dira lon que le deluge qui aduint en Angleterre l'an 1091. fut sans presager quelque malheur, lors que les pluyes y ayantz esté exorbitantes que les riuieres se debordans cause-
rent la ruine des hommes, des animaux, & des edifices? Non pour vray car soudain apres s'emeurent les seigneurs du pays contre leur roy Guillaume le Roux, & en Normandie le peuple se mutina trop pressé de subsides, d'où s'ensuiuirent de grandes calamitez comme la cessation du labourage, & d'icelle la famine & apres ce vne horrible pestilence.

*Rhin des-
bordé l'an
1421.*

Qu'on lise les histoires & lon verra qu'en l'an mil quatre cens vint & vn, le Rhin se debordant emporta quelque pontz, & feit vn grand degast de biens, & noya grand nombre de personnes: & ce fut lors que les Hussites faisans vaguer par tout leur furie, furent assaillis par guerre, l'Empereur Sigismond secours des Suisses les assaillant d'où s'ensuiuirent de terribles & cruels massacres. Et l'année mesme la mer sortit de ses limites avec telle & si furieuse violence au moys de Nouembre qu'enle pays de Hollande & de Phrise il y eut plus de 700. paroisses englouties avec leurs temples, monasteres, hommes & femmes, & trou-

peaux, non sans grande & certaine apparence de l'air de Dieu, & presage de quelques malheurs qui depuis sont aduenus: comme aussi les années suyuantcs furent toutes signalees pour quelque grand presage, qui seruent d'aduertissements aux hommes sages de se retirer du peché & de voir que Dieu n'enuoye ces choses sans occasion, & qu'il ne veut nous punir sans premier nous semondre de faire penitence. Voyez comme en l'an mil quatre cens quarantefix au mois d'Auril la mer abisma plusieurs terres & sumergea plus de. 100000, personnes, & tout aussi tost aduint celle guerre memorable, qui par si long temps a duré entre les Suisses & maison d'Autriche, & laquelle a enuoyé infinis milliers d'hommes par l'effort du glaive en l'autre monde. En l'an mil cinq cens trente, on sçait quels maux feit la mer es pays de Flādre & de Holande, & quelle & combien grande multitude d'hommes elle noya & a Rome la mesme année le Tybre vīa de ses desbords accoustumez: & ce fut lors que la cité de Florence fut reduite sous la seruitude d'un seul Prince pour viure plus en paix, cōme ainsi soit qu' auparauant la liberte ne luy auoit causé que des occasions de guerres, & mutineries & celle année mesme le Turc passa avec forces en Germanie & bien qu'il en fut repoussé vaillamment, si est-ce que il ne se retira sans ruines de plusieurs terres & sans emmener plusieurs milliers d'hommes en vne miserable captiuité, & deplorable seruitude. Le

L'an 1446.
la mer desbordée.

L'an 1530
pays de Flandres
gasté par la mer.

Guerre entre les Danoys, & la cité de Lubec.

Anabaptistes en Germanie.

Desbord de Seine l'an. 1565.

vous pourroy alleguer plusieurs autres tels exemples suiuis de l'effect de leur signifiante s'il ne me sembloit que deia assez vo^r en auez l'experience par ce que dit est cy dessus, & par ce qui aduint l'an. 1534. en Dannemarch entre les Danoys, & ceux de Lubec, laquelle guerre fut presagée par vn desbord de riuieres aduenue cel le mesme année. Laquelle fut aussi remarquée pour les horribles diuisions & schismes aduenus en la chrestienté, & sortis de l'eschole de Luther, & de ses complices: car ce fut lors que la secte abominable des Anabaptistes espartit son venin par la Germanie, laquelle bien que les Lutheriens persecutassent, si est-ce qu'elle estoit sortie de la doctrine de Luther, & qu'elle tendoit à mesme fin que luy, ascauoir a la ruine de l'Eglise vraiment catholique, & trouble de toute la chrestienté. Celle année fut aussi memorable pour la reuolte du roy Henry d'Angleterre huitiesme du nom, se separant de l'vniou des fidelles & niant l'obeissance deuë, & iurée au saint siege apostolique d'ou s'est ensuiuie l'apostasie generale de toute l'isle saxe Angloise.

Mais affin qu'il ne semble que ie vueille seulement m'arrester sur ce qui est aduenue es pays estranges laissant les presages de France, cōme si nous estions plus gents de bien que les autres & si Dieu ne nous auoit, & menacez, & aduertis par ces signes pris en la mesme nature: on scait qu'en l'an. 1565. les desbords de Seine ont esté grands, & qu'ils ont causé plusieurs dom-

images : & bien que cela fut naturel, a cause des grandes, & presque plus qu'ordinaires que l'hiver auoit donné celle année, si est-ce que les guerres depuis aduenues le siege mis deuant celle cité, les effroyx, & autres malheurs nous ont fait cognoistre assés euidentmēt que dieu nous aduerssant, vouloit aussi nous attirer à conuersion, affin qu'il cessast de nous punir. Je laisse plusieurs autres pareilles occurences, cōme du ravage d'eaux aduenu a Protins vne des villes plus belles, & premieres du pays de Brie, & d'autres lieux pour venir a ce deluge preposé des l'entrée de ceste histoire, & pour l'esgard duquel nous auons fait tout ce discours, & le recit duquel est en telle sorte. En l'ā. 1570. Et le 2. iour de Decēbre sur les onze heures de nuit aduint a Lyō vn deluge des pl^e effroyable qu'ō veit onc, & pour estre soudain, & nō attēdu ny cogneu par signe pcedēt, & pour estre aduenu lors q̄ chascū estoit le plus assompi de someil. Or est Lyō arroufée de deux belles riuieres le Rhosne c'est asçauoir, & la Saone l'vn assez paisible, & l'autre violente, & furieuse s'il y en a d'autre en toute l'Europe: car la Saone coule doucemēt, & le Rhosne est tout rauageāt, enflé, & tourbilōneux, & n'estoit q̄ meslé avec sō voisin il apaise ses fureurs, il ne seroit si aisé qu'il est a nauiger, qu'oy qu'encor il y aye touiours du peril. Le Rhosne dōc ayāt sa source aux Alpes, & passant par le lac de Losanne s'escoule par la Sauoye vient a Lyon, & de la arrosant le Dauphiné, & Languedoc qu'il separe l'vn de l'autre

*Deluge ad
uenu a Lyō
l'an 1570.*

*Rhosne
fleuve &
sa source
& cours.*

HISTOIRES

*Rhosne
suiet à se
desborder
& quand.*

visite aussi la Prouence & de là se va iecter entre les bras de Neptune en la mer meterranée. Ce fleuve enflé par les neiges fondues es montz, & par les ventz ausquels il est subiet, si autre fleuve de gaule veint à se desborder si soudainement & avec telle impetuosité que non seulement celle partie de la cité de Lyon qui auoisine ce fleuve, ains encor la plus part du plat pais prochain en furent tellemēt assaillis, que de memoire d'homme, ny par aucun escrire, on ne lit point que pareil desbord fut aduenü à ceste riuier: & l'asseure lonq si la Saone eut aussi biē espādu furieusement ses ondes, que son voisin le Rhosne c'eut esté fait de la plus grande partie de ceste belle, & magnifique cité de Lyon, l'ornement de la France, & la gloire ancienne des Romains. Ceux du pays sçauent bien que les neiges se fondantz, les fleuves sourtans des montaignes sont suietz aussi a tels desbords, & esmotions: mais toutz confessent que iamais le Rhosne ne vint ny tant inopinément, ny avec telle fureur, & vistesse, qui feit penser aux plus consciencieux que biē que nature y besongnast si est-ce que la main surnaturelle du roy & fauteur de la nature y monstroït sa puissance & faisoit sentir sa grādeur, & sa maiesté. Aussi veit on bien que la chose n'estoit pas ordinaire lors que le plat pays estant ainsi surpris des eaux q les habitās n'eürēt presque le loisir de se sauuer a cause q depuis le samedi iusques au lūdy suiuant ce fleuve ne cessa de croistre. Cest ce qui estōna le peuple, lequel on voioit par la ville de

coutz costez espartz criās misericorde & ne sçachant où se retirer tant il se sentoît surpris, & si peu il esperoit de salut en ceste misere. Or fault il sçauoir que la cité de Lyon est partie montaigneuse & partie assise en vn vallon, ou pāte du mōt du costé mōrueux, elle regarde le pays de Forest, ayant la Saone qui l'arouse: & du costé du plat pays est le Rhosne q le separe du Dauphiné & ayant vn pont fort ample qui s'estand iusqu'à la Guillotiere. l'ay dit cecy pour vous faire voir que ce fut la basse ville du costé du plat pays, qui se ressentoit de ceste calamité, en tant que l'eau l'occupāt petit a petit, mais avec telle fureur que bien heureux ceux qui pouuoient garentir leur vie, & se sauuer de rue en rue, pour s'en aller vers la montaigne: car de se tenir en leurs maisons ç'eut esté se precipiter au peril certain de la mort.

Qu'iroy-je faire icy vn discours? C'estoit pitié de voir les maisons champestres abatues, les pources payfans & villageois s'en fuyr desnuez de toutz leurs biens & substance & voyans leurs maisons couuertes d'eau, leurs champs ensemencez noyez, leur esperance de raccolte future perdue, leur bestail esgaré, languissant, & la plus part englouty, & suffoqué par la violence de ce deluge lequel a ruiné plusieurs villages toutz étiers abatu, & desracinez plusieurs grands arbres, emporté grand nōbre de pontz, du bestail noyé sans nombre, & plusieurs hommes noyez dedans les ondes.

HISTOIRES

Dedans la ville ceste furieuse riuere s'espendât dissipoit & ruinoit tout ce qui luy estoit offert & vomissant ses gros bouillôs, & flotz furieux elle esbranloit de gros edifices, ou plusieurs personnes finirent leur vie. Et quoy que le pôrt qui est a Lyon basty sur ceste superbe riuere, soit fort & bien fondé, & basty de bonnes matieres, si estce que l'eau l'esbrâlla avec telle violence que quelques arches d'iceluy s'en allerent aual l'eau laquelle monstra combien est puissant celuy, par le commandement duquel elle s'estoit desbordée. car ie nepeux dire autre chose fors que s'estoit vn iugemēt de dieu pour les pechez commis en ceste cité trop adonnée aux mōdanitez, & ou Dieu n'est serui ainsi qu'il appartient: & pour plus grande preuue on sçait que ce Bourg de la Guillotiere beau, & riche à merueille a senty vne estrange secousse comme si l'eau y eut voulu purger les immōdices la esparses lors qu'il y estoit permis aux Caluinistes d'y prescher leur faulce doctrine. Voila quand aux choses presētes mais dequoy a esté presage ce desbort, les plus sages le peuuent iuger, voiāt les seditiōs, mutineries, carnages, reuoltes, meurtres, larcins & desbord de toutes choses qui se commettēt a present le lōg de ce fleuue, & es terres qu'il auersinēt: ou le grād dieu est offecé, sō eglise foulée au pied, le Roy desobey, le peuple mustiné, & destruit, & toute discipline aneantie, & en sōme tout y estāt desbordé autant ou plus, & avec esgalle cōfusiō que le Rhosne l'estoit durāt ce deluge.

Fin de la 44. histoire.

DE DIVERS PARTS MONSTREUX

aduenus de nostre temps, & nommément d'une fem-
me en la cité de Cracouit en Poloigne qui engen-
dra vn enfant qui auoit vn serpent en
l'Eschigne du dos, qui luy rongoit.

Chapitre

XLV.



Gg

HISTOIRES



Ource qu'e plusieurs endrois des histoires cy dessus escrites est faicte souuent mētiō des partz, & engeances, qu'on appelle monstreuses, ie ne m'arresterauy aussi à esplucher ne q̄ c'est q̄ mōstre, ny comme ces choses s'engēdrēt, ne s'ils sont a dire contre la nature: me suffisant de toucher ce mot (cōme en passant) q̄ le mot de mōstre n'est mis en auant pour autre esgard, q̄ pource qu'il demōstre & signifie qlque chose, & que ces partz & engeāces n'aduiēnēt onc sās p̄sager qlque cas de sinistre au pays, & terre où ils sōt p̄duits, & cecy pour autāt q̄ ce siecle a plus p̄duits de ces superfluitez de nature, ou deffault d'icelle qu'autre q̄ nous trouuōs guere par les histoires. Qui me font dire q̄ ces mōstrofitiez biē q̄ soient en la nature des choses & p̄duites naturellemēt si est. ce q̄ sortās oultre ce qui est d'ordinaire, sont en la forme & figure, soit en la quātité il semble que la nature y soit alterée, & par ainsi on les met̄ entre les prodiges, & dit on qu'a grand peine aduiennent elles sans signifiāce. Et si cela est vray ou non ie ne m'en raporte qu'aux effectz tant de nostre temps, que de celuy de nos peres, lesquels n'ont veu onc de ces partz, & naissances ayant de la monstrosité, que par la ils ne declarassent quelque signe de tristesse, comme cognoissans par la que Dieu estoit couroucé, & qu'il les menaçoit de punition, & vengeance s'ils ne venoyent à s'amender. Et de cecy en est mis vn bel exemple par Celie Rhodigin en ses antiques

Jecons, le chapitre duquel à cause de sa grande
rudition & rareté, ie suis content de met-
tre en nostre langue pour le plaisir & conten-
nement de ceux qui ignorent le Latin, car pour
les sçauants n'est besoing que ces liures soient
mis en auant. Or voicy comme cest auteur en
parle: Tandis q nous escriuiôs cecy, & que plus
ornement, & correctement nous agencions
ce que auparauant nous auïôs escrits à Padouë
il n'asquî au village de nostre naissance appel-
lé Sarzan vn monstre de grandeur non accou-
stumée. La chose m'a sèblé digne d'estre inserée
en ces liures, & de tant plus y ay-ie esté enclin
& prompt à ce faire, que cecy a sèblé cōme vn
prodige, eu esgard aux guerres bouillōnantes, &
discordes intestines & ciuiles qui affligēt l'Italie
& la tēpeste des cōbats tōnoit pl^r que iamais,
laquelle auoit de-ia dōné le degast à toute ceste
Prouïce. Or la cause du prodige fut que l'enfāt
nasquit ayant deux testes auquel se voyent
plusieurs choses dignes d'admiratiō: en premier
il nasquit aussi grand & mēbru que s'il eut eu
quatre mois, touts ses mēbres proportiōnez &
correspōdants à sa grādeur parfaicts & accōplis
en tout ce qui y estoit requis & necessaire: ses
deux faces se resèblās & raportās si biē qu'ō ny
eut sceu riē trouuer de dissimilitude, les che-
ueux des deux testes estoient longs & noirs
et-dis plus longs que l'aage de l'enfant ne le
portoit: & entre ces testes sur la ioincture
des espauls sortoit vne troisiēme main,
mais laquelle ne passoit point les oreilles, &

*Monstre a
Sarzan en
Italie.*

HISTOIRES

qui ne se voyoit toute étiere: & le reste du corps bien faict & formé, sans qu'il y eut ny vice, tache, ou deffault, qui fut a y reprendre.

Et n'asquit ce monstre l'onzième de Mars en l'an de nostre salut. 1514. lendemain il fut porté à Rhodige, & pource que la chose estoit merueilleuse, & digne d'estre veüe, on trouua bon de l'énouer au gouverneur de la pchaïne cité qui y estoit, pour & au nô du roy d'Espaigne. Et afin que cela se feist sans la corruption & putrefaction de ce corps (car ce monstre mourut en naissant) il fallut le desentrailer & c'est icy qu'apparoit vne autre merueille: car on n'y trouua qu'un cœur, ainsi qu'ont les autres hommes, là où le reste des parties estoient doubles comme les paulmons, la rate & le foye. Merueille (dit-il) estoit ce quoy que cy nous croyons Aristote, on a veu ce redoublement d'entrailles és animaux, & en ces môstrositez, on peut amener quelques raisons pleines de merueille quoy qu'elles, lesquelles sôt touchées par ceux qui sôt sçavans, & bié versez é la cognoissâce des causes qui sont en la nature. En d'autres môstres à peine en sçauroit on rédre la raison, comme ce qui est recité par Athenée, que quelquefois il a plu des poissôs & q̄ cela est adueni au Chenoneste, ceste pluye ainsi qu'auôs leu, y durant l'espace de troy s iours continuez sans cesse. Et (comme racôpte Eustatie) en Peonie & Dardanie il pleut des grenouilles en telle abondâce q̄ nô seulement les chemis, ais les maisons en estoient toutes pleines, sâs q̄ on sceut trouuer remede aucû qui

*Pluye de
poissôs.*

*Pluye de gre
nouilles.*

fut salutaire cōtre ce malheur, sauf que la suite, veu qu'on ne pouuoit vser ny des eaux, ny des viādes, tout estāt infecté de ceste vermine, ainsi q̄ le tesmoigne Diodore Siciliē au liure quatriēme de sa Biblioteque. Mais reuenans à propos de l'enfant sus-dit il faut sçauoir, si s'en estoit vn, ou plusieurs par vn acroist & coagulation vnīs ensemble qui produit vn animal ainsi monstrueux & cecy faut que soit iuge par, & suyuant la consideration de son principe. Car si le cœur est vne partie de ce corps & de cest animal, il s'ensuyt que ce qui n'a qu'un cœur ne peut aussi estre qu'un Animal, & ce qui en a deux, sont aussi necessairement deux animaux formez par la mixtion, & assēblement de ce qui ia estoit cōceu au ventre & matrice de la mere.

Nous lysons que Constant tenant l'Empire il n'asquit vn enfant qui auoit deux bouches, double ranc de dentz & barbe, quatre yeux, & non que deux oreilles, & icelles encor trefcourtes & trespetites. Lequel part (ainsi que dit Marcellin) signifioit apertement que la republique tomberoit en vn estat monstrueux & difforme: car iacōit que ce genre de monstres aduiennent & paroissent souuent, si est ce q̄ p̄sque touiours ils signifiet diuers euenements des affaires d'entre les hommes. Je laisse tout de propos deliberé le reste de ce que Celie Rhodigin met en auant touchant la cause de ces monstres rapportée par les Caldéens à ne sçay quels astres qu'ils mesurent par leurs nombres, car cōme ces iugemēs ne me pleurent onc, i'ē deteste

*Mōstre na
du temps
de l'Emp.
Constant fils
du grand
Constantin*

HISTOIRES

aussi la poursuite à cause de l'impieté de ceux
qui veulent nous lier à la nécessité des astres,
& de leur influence, comme si ces corps sans
raison ou usage d'icelles & inanimez, auoient en
eux quelque force diuine, & si cōme Dieux, ils
gouuernoyēt & les corps, & les espritz & actiōs
des hommes. Non que ie nie que pour les hu-
meurs & cōpositiō de nostre santé, les astres &
leurs influēces ne puissēt quelque chose, à cause
de celle correspōdāce & amitié qui est entre les
parties du mōde, & q̄ tout ce qui est créé, est fait
pour le seruice & pour le biē de l'hōme mais ie
ne peux receuoir q̄ no^r soyōs tellemēt enches-
nez aux cōplexiōs & qualitez q̄ les Astronomes
ou Astronomies attribuēt aux estoiles, qu'il faut
q̄ no^r passiōs par là, sās qu'il y ayt moien de s'en
deliurer, bien que pour couvrir leur impieté, &
pour n'estre detestez cōme Atheistes, ils fōt pa-
rade du nō de Dieu (qu'ils taschèt de despoil-
ler de cest honneur qu'il a de gouuerner le mō-
de) disāt qu'il est par dessus les astres: toutesfoi
concluēt ils tousiours que l'ordinaire cours de
pēd de ceste sole nécessité, qui est en la cōsidera-
tiō de leur vaine d'ōctrine. Mais laissōs ces res-
ueurs avec leurs planettes, & iugemēs selō le
cōstellatiōs & avec leurs fols prognostics sur l'
uenemēt des autres, ou ce pēdāt ils ne voyēt c
qui se fait en leurs maisōs à leur grāde confusiō
& honte: reuenons à nostre premier propo-
des monstres, lequel nous a faict tōber sur
celuy des Caldéens princes de la science syde-
rale, & lunatique, & disons que Dieu se seru

de ses creatures, ne souffre aucune alteration estre faite en la nature sans qu'en icelle ne soit caché quelque aduertissement seruant pour nous, soit qu'il se raporte à nous destourner du mal, ou qu'il nous menace de quelque prochaine misere. Ceux qui lysent les histoires des royaumes, & peuples de l'Europe, sçauent que tenât l'Empire d'Occident, Henry. 4. du nom enuiron l'an de grace 1104. on ne veit iamais tant de monstres naistre par l'Europe, & tout estoit tellement alteré que de ne sçay quel effroy incogneu aux hommes, on veit que les oyseaux domestiques, qu'ordinairement les hōmes tiennent & nourrissent en leurs maisons tels que sōt les Paōs, oyes, poules, & canards, s'enfuirēt des villes, bourgs, & villages, se retirèrent es boys, de prinez deuenans sauuages. On veit les loups courir par les lieux habitez & faire de cruels & horribles massacres d'hommes: on veit des enfans naistre les plus monstrueux du monde: de sorte qu'il sembloit que nature confondoit sō ordre, que la terre se feschast de nourrir ses enfans, & que Dieu detestast les hōmes à cause de leur meschaceté. Qu'aduīt il de tout cecy? quoy? vn estonnement de tous les gens de biē, qui se tenoiēt pour resolués que ce tēps la estoit la vraye saison du regne de l'Antecrist, que le diable estoit dechainé, & que Dieu vouloit ruiner la terre, son dernier iugement estant proche & sa iustice tombāi a sur les testes des habitans de la terre. Aussi tout ainsi q̄ ces choses estōnoier chascū, on voit des effaiets effroyables suiuyr

*Horrible
prodiges du
temps de
l'Empereur
Henri 4.*

HISTOIRES

ces insolences de succez en la nature: car il n'y
 eut coing de la terre qui ne fust affligé par guer-
 re les natiōs combatans les vnes contre les au-
 tres, les Orientaux ayans guerre avec les Occi-
 dentaux, & les Chrestiens l'entretuans cōme
 bestes, & sans nul respect de la religion qui les
 vnist ensēble, & laquelle est fōdée sur la charité,
 & sur la paix ānoncée par le sauueur du mōde.
 C'est lors que la cité de Ierusalem fut prise, &
 reprise que les hommes se veirēt affligez de ste-
 rilité, cherté, de viures, famine, pestilence, & au-
 tres fleaux avec lesquels Dieu a de coutume de
 punir les hommes. En l'an mil deux cēstrēte 3.
 en vne ville de Bauiere pres les Alpes, appelée
 Rathade nasquit vn enfāt cornu lequel on oyr
 crier & pleurer dedans le ventre de sa mere,
 quatorze iours auant qu'il sortit sur terre
 chose non oye, n'y accoustumée & de laquel-
 le ie ne scay quelle raison nous scauroyent
 alleguer les naturalistes: tant y a que cestoit
 vn signe euidēt de grandes calamitez, pour
 la signifiāce desquelles, ceste creature encor
 enuelopée es cachots de la matrice se mectoit
 à plourer comme se voyant forcée de sortir
 pour vser sa vie en telles si & grādes miseres. Et
 que pouuoit estre autre cas qu'vn mōstre, cest
 animal duquel faict mention Gesnere, lequel
 representoit presque du tout la figure d'vn
 homme auquel on aprit ā parler, & qui fut
 l'an mil deux cens quarante trouué par les
 veneurs es forests de Saxe es fins & limites
 de Dannemarth. Ie ne peux croire que ce

*Voy Anc
 Etin es An
 nales des
 Boies.*

ne fut l'engeance de quelqu'une qui l'auoit ain-
 si enuoyé es desertz affin que sa portée si hon-
 teuse ne luy causast infamie, ou bien s'il en est
 autrement ie croy que c'estoit vn rare part, &
 vn monstre enuoyé de dieu pour dōner aduer-
 tissement aux hommes de leur brutalité, lors la
 figure de ceste beste la face de laquelle auoit
 correspondance avec la nostre, tout ainsi que
 de ce Faune ou Satyre duquel est faite mentiō
 par saint Ierosme en la vie de saint Paul pre-
 mier hermite, & lequel mōstre apparut, & par-
 la au grand Abbé saint Antoine allant par les
 desertz d'Egipte pour visiter le susdit Paul her-
 mite, qui me n'ira que ces naissāces mōstrueu-
 ses ne soyent presageuses de grands malheurs
 puis qu'on sçait qu'é l'ā. 1274. & 75. on veit en
 Alemaigne vn enfant qui sortit du ventre de sa
 mere ayāt & piedz & mains toutz telz q̄ les pa-
 tes d'une oye, & sa teste effroyable: & qu'au ter-
 roir de la grande cité de Cracouie en Poloigne
 il y en naquit vn autre qui le mesme iour de sa
 naissance eut des dētz, & parla distinctemēt & *Enfant qui*
 des qu'il fut baptisé il perdit & dentz, & parol- *parla des*
 le? Ce n'est pas tout car en la mesme cité de *qui fut nai.*
 Cracouie & celle année mesme de l'an. 1275.
 il y eut vn enfant qui en l'aage de 6 moys parla
 & denonça la venue des Tattares en Poloigne *Prophetie*
 & qu'ils comparoyē: les testes aux Polonois: *d'un enfāt*
 & cōme on s'enquit de luy cōme il sçauoit cela *qui parla*
 il dit q̄ c'estoit par reuelatiō diuine & en outre *en l'aage de*
 q̄ ce malheur luy rōberoit aussi bien sur la teste *six moys.*
 qu'aux autres de ceste prouince. Ce desastre ne

leur aduint pas aussi tost, car (comme Plutarque dict) la vengeance de Dieu est tardive, & les dieux (ainsi que tiennent les anciens) ont les pieds de laine, à cause que lentement ils s'acheminent à la punition des hommes, ils eurent 12. ans d'espace à se couvrir, & à peser les mots de cest enfant seinestre: & faut bien dire que les hommes sont estrangement corrompus, puis qu'ils ne peuuent goustier ny apprehender ce miracle sçachans bien que il est impossible selon l'ordre naturel, qu'un enfant parle à un tel aage si nous regardons les raisons qui en sont rendues par les secretz contemplateurs de la nature. Tât y a que la prophetie de cest enfant eut lieu & les Tartares Mascouies, & Cuianiens vserent de toute telle cruauté, que ce prophete tretant leur auoit denoncé, ou de laquelle Dieu les auoit menacez parlant par la bouche de ceste innocente creature. Troys ans apres au pays des Suisses il y eut vne femme noble de sang laquelle enfanta non rien de semblable à l'homme ou ayant quelque cas de propre avec l'homme, ains la figure d'un animal des plus farouches, à sçauoir un Lyon cruel & sanguinaire & lequel ne se resioyt qu'à la proie. Vous qui disputez sur les apprehensions, & sur la force de l'imagination à en l'homme, & qui auez pour garant, & les saintz escrits (à cause des verges mouchetées de Iacob) & les plus excellents medecins, voyez si il est en nostre puissance de monstrer raison suffisante qui preuue que ceste femme peut concevoir & engendrer vne beste si cru-

*Femme en-
fantant*

Un Lyon.

elle, & effroyable. Je vous accorderay tāt q̄ voudrez, q̄ ceste force de l'imaginatiue de laquelle est parlé, a son effect tresgrand pour ressembler quad a' la couleur ou l'ineaments de face cōme celle qui pour auoir veu vn More en vn tableau lors que son mary le iouoit avec elle conceut vn enfant, lequel fut noir, & rapportant à ce More & celle qui pour pēser lors de sa cōceptiō en vn sauuage tout velu, porta aussi vn enfāt de pareille est offe: mais qu'il soit possible que du corps d'une femme puisse sortir naturellement vne beste telle que le Lyon il n'y a raison qui le sçache deffēdre, veu le peu qu'il y a de proportion de cest animal avec le naturel de l'homme, si ce n'est, (ce qui est du tout execrable) qu'une femme se supposast à vne beste & que de là, plustost que de l'imaginatiue tel monstre eut son origine. Mais quand au Lyon cela est hors de toute probabilité, pour le peu d'apriuoisement qu'on voit en cest animal: qui me fait penser, & dire que cela estoit vn iugement de Dieu, & vne signifiante de quelque grand malheur, & punitiō de Dieu sur la maison où estoit aduenue ce ste naissance. Aussi apres cela s'ensuiuit il vne fort cruelle & sanglante guerre en Alemagne entre Rodolphe empereur, & Othacare roy de Boēsme ce Lyon (ie ne sçay si c'estoit plustost fantosme que autre chose) signifiant ceste effusion de sang & guerre terrible en laquelle mourut le susdit roy Boēsme Othacare. Et quand à ce qui touche l'effort de l'imagination, au mesme temps &

L'imaginatiue en quoy a sa force.

Boēsmes vaincu par les Alemants.

*Monstre
nai à Ro-
me l'an
1282.*

en l'an de salut. 1282. seāt à Rome Martin 4. du nom, il y eut vne dame à Rome proche parente de sa sainteté, laquelle enfanta vn filz tout velu comme vn ours, & armé d'ogles pareilles à celles de ceste beste farouche: ce qui fut cause que le Pape feir raser, & effacer toutes les figures d'Ours qui estoient en sa maison, se tenāt pour assuré que l'imagination venue par ceste dame en conceuant auoit esté cause de ce monstre.

Plusieurs autres prodiges apparurent en ce temps, lesquels seruirent d'auancoueurs, & messages de la descente des Tartares qui se tenoyent le long du Tarnai, & de la mer Pontique sur l'Hongrie & pays voisins y rauageans tout: & signifient ces vespres & inhumaines brutales, & abominables que les Siciliēs sonnèrent le iour de Pasques sur les François, lors qu'ils les massacrèrent toutz en leur isle, eux n'y pensans aucunement: ce qui fut bon pour les traistres insulaires, & salutaire aux François lesquels s'en allerēt armés du sacré-sainct corps de nostre Seigneur, netz de pechez, & couronnez du chapeau glorieux de martyre. Je pourroy vous deduire plusieurs autres tels miracles, ou presages, & partz effroyables mais ce liure en estāt tout plein, & les histoires ne laissant aucun siecle sans nous en specifier quelcun, ie me cōtenteray d'vn seul qui me seruira de conclusion en cest endroit, qui est tel qu'en l'an de nostre seigneur. 1494. il aduint en la cité de Cracouie au pays de Poloigne vne fēme enfanta vn filz tout mort, & non sans cause

veu que ce poure enfant auoit vn serpent con- *Enfant tir-*
tre le dos qui luy rongeoit l'espine d'iceluy, & *du Ventre*
luy sucçoit tout ce qu'il auoit de substance. *de sa mere*
ne scauroy rendre raison de tel accident, veu *ayant vn*
que si des vers se creent en nos corps, & que *serpent qui*
souuent ils soyent cause de nostre mort, si est- *luy rongeait*
ce que le serpent qui est venimeux, & porte *le dos.*
quand & soy nostre ruine presente, n'eut sceu
estre longuement ainsi vis au corps d'une fem-
me sans la faire mourir, si ce n'est qu'on die q
ceste bestiole se nourrissoit de l'enfant mais en-
cor l'alteration de ceste creature eut causé la
deffaite de la mere puis qu'il est ainsi q le ser-
pent adheroit, & estoit vny inseparablement à
ce poure enfant. D'autre part ie ne scay cō-
me le serpent se fut engendré au corps de ceste
femme, veu que c'est vn exemple nouueau si el-
le n'estoit du tout composée de corruptiō aus-
si gastée que la plus sale de la terre: mais tou-
iours nous fault-il reuenir la, qu'il est impossi-
ble sans vne certaine prouidence diuine que le
serpent eut demouré en ce corps, sans interef-
ser & le fils, & la mere tout ensemble: si ce n'est
que ceste femme eut accoustumé le venin, ain-
si qu'on lyt de certain roy Barbare de nostre
temps, & que par ce moyen, l'enfant perissant,
elle ayt esté conseruée: ce que ie ne scay com-
me le deffendre, & qui me faut de tant plus e-
stimer ceste histoire prodigieuse. Car bien que
la nature de l'homme puisse imiter en soy tout
ce que l'air peut naturellemēt, & que la putre-
faction soit cause des engeances & des vers &

HISTOIRES

des serpentz, si est-ce que (comme i'ay dit) il ne se pouuoit faire que le serpent s'engendrant en ceste femme y vesquit lōguement, ou s'il y prenoit nourriture, & que elle, & que son fruit ne veinssent à mourir toutz ensemble : & ainsi ie cōclus qu'il y auoit quelque cas qui surpassoit le naturel & que ce secret excède la capacité, & sçauoir des pl^r habiles d'entre les philosophes. Je laisse les resueries de ceux qui pourroyēt defendre ceste histoire par ce que souuēt on l'uoit adue nir a ceux qui ayans mēgé du lait, l'endorment en quelque lieu ou les serpents frequenterent, d'autāt que ceste vermine allechée par l'odeur du lait qu'elle ayme grandement, ne faut de luy entrer en l'estomach, si elle trouue la bouche ouuerte: mais ce sont folies & au reste quand le serpent fut entré en l'estomach de ceste femme, il n'y eut sceu estre sans la faire mourir, auant que penetrer iusques au secret, ou son enfant estoit enclos en les entrailles. l'An mesme & en la mesme cité de Cracouie nasquit vn autre monstre, a sçauoir vn enfant qui en tout auoit la figure ordinaire des hommes, sauf que ses oreilles estoient faites tout ainsi que celles d'un lieure, comme aussi son col auoit vne semblable figure, & vn gros boyau luy occupant tout le ventre & qui estoit entre-ouuert, & respirant sans cesse.

Autre monstre en Cracouie l'an 1494

¶ Ce monstre n'est pas tant a admirer que l'autre veu que l'imagination peut auoir lieu en cestuy, d'autant qu'es festes peu Chrestiennes du Mardy gras que ie deueroys plustost appel-

et diaboliques, & Baccanales que autrement
 n se desguise en tant de sortes que souuent les
 hommes se font de ces oreilles de lieure ainsi
 que voyez les valetz, ou fols des confrairies en
 France lors que vont denoncer la feste de leur
 village au grand deshonneur du saint duquel
 on doibt tollenniser la gloire en l'imitant en
 sa bonne vie plustost que bateler, & yron-
 gner le iour de leur solennité. Telles figures
 sont de batelaige, ou mises en peinture pour-
 roient auoir causé le monstre susdit, la ou ce-
 luy du serpent excede toute consideration na-
 turelle, & parinsi ie le pose entre les plus mer-
 ueilleux prodiges.

Aussi celle année mesme la cité, ou nasqui-
 rent ces excrementz, ou superfluitez de natu- *Cracouie*
 re, fut estrangement affligée du feu, qui con- *presque bru-*
 somma la plus part des edifices d'icelle & ruina *sle.*
 les maisons & gasta les richesses des citoiens
 qui habitoient en elle. Ce n'est pas tout, car
 les Tartares qui sont ennemys iurez de Poloi- *Tartares ga-*
 gne entrèrent en la Podolie & Volynie, qu'ils *stent la Po-*
 despeuplerent, & rauagerent, s'en retournans *dolie.*
 en leur pays, apres auoir fait leur main, & ga-
 sté ces prouinces. Les Turks aussi coururent la *Turcs en la*
 valachie & pays voisins emmenās plusieurs cé- *Valachie.*
 taines d'ames en miserable seruitude, & don-
 nans de grands effroys à toute la Chrestien-
 té, & sur tout aux pays & royaumes de la Ger-
 manie. Ainsi vous voyez que ces monstres
 bien que soyent naturels, sont comme non
 acomptez entre les œuures parfaitz de nature

HISTOIRES

à cause ou de leur defaut, ou de leur trop, ou du changement, & difference qu'ils ont avec ce qui est ordinaire en la nature: & de cecy nous en pouuons aisé iuger, veu les malheurs qu'on a veu, & voit encor de iour à autre venir & renaistre en ce royaume de France, auquel on ne voit iamais germer tant de choses monstruenses qu'on fait à present: & cecy à cause que toutes nos façons de faire & actions de vie sont extraordinaires, & desreglez, & que Dieu ne laisse pas vne de ses creatures avec, & par laquelle il ne nous donne aduertissement du grand desplaisir qu'il prend en nostre mal uersation, & avec quel regret il prend les verges pour nous punir, puis que tous ces presages ne nous peuuent attirer à penitence. A laquelle tât s'en fault que nous soyons incitez par ces choses que plustost nous en dressons des risées & räschons de faire purement dependre de nature ce que Dieu y ouure par sa puissance absolue se seruant de ses creatures pour la punition des obstinez & des rebelles. Or ay-ie appellé ces monstres excrementz de nature, non qu'ils ne soyent des engeances propres & legitimes d'icelle, mais pour autant qu'ils signifient quelque cas de malheureux, & que les anciens iadis les ont eu en telle detestation, que a Rome aussi tost que vn monstre estoit né, on n'auoit garde de souffrir qu'il vesquit longuement. Leur semblant aduis que telles engeances n'auoyét garde de profiter entre les hommes, puis que les monstres naissent par la discord de

*Dieu se sert
de ses crea-
tures pour
nous cha-
stier ou ad-
uertir.*

corde qui est en la nature, & que leur imperfection causoit l'effroy des autres & dōnoit apprehension aux femmes pour en produire de sēblables. Tant y a, il ny eut guere nation qui n'ayt eu en horreur telles monstrosités soit de default ou superfluité en l'ordinaire, & commune composition de nature, & qui ne les ayt estimées & prodigieuses & malheureuses : comme ainsi soit que les Lacedemoniens ayans l'ordonnance de leur Legislatueur Lycargue pour sainte & inuiolable, suyuant l'establissement d'icelle ils faisoient mourir les enfans contrefaits, & qui auoiēt quelque default, ou monstrosité en leurs membres, & les precipitoient du hault d'une roche aspre & raboteuse. Plus courtois guere n'estoiēt les Romains, quoy qu'ils se donnēt la gloire d'estre les plus debōnaires & ciuils de la terre, d'autant que des la fondation sanguinolente de leur cité ils ont gardé vne loy, qui faisoit assés foy de leur cruauté & barbarie: en ce que par icelle estoit ordonné que si vne femme enfantoit quelque part qui fut mutilé, ou eut deffault de quelque mēbre, on iectoit, & suffoquoit ce fruit & creature innocente ou dedās la mer, ou dans le Tybre, leur sēblāt bien aduis q̄ par la mort de ces enfans mōstrueux il repurgéoit leur cité de tout vice, & la deliuroiēt du mal que ce mostre leur sembloit presager. Et les Atheniens qu'on a estimez les plus aduisez entre les sages-fols de ce siecle, ont vsé pareille douceur que les Romains, ou plustost c'est d'eux que les Latins ont appris ceste courtoisie: d'autāt

Hh

HISTOIRES

Loy des Atheniens sur les monstres.


Comme on purgeoit quelque monstre.

que s'il aduenoit que quelque animal monstrueux naquit en leur terre, ils l'ostoiēt de leur pŕsence, & on le faisoit porter en q̃lq̃ desert sauvage: pour l'exposer à la mercy des bestes farouches, ou sans nulle misericorde le iectoient en la mer ou le noyent en quelque riuere. Et ainsi en ont vsé les Romains aioustās à leur cruauté vne superstitieuse ceremonie, car aussi tost que l'office de la suffocation de ce part & fruit monstrueux estoit fait, on choisissoit troys nonnaines de filles pucelles, lesquelles alloient en procession par la ville, & chantoient certains hymnes à leurs dieux, par lesquels, ils estimoient expier, & purger la cité de la pollution y aduenüe par la naissance de ce monstre: & apres ce on alloit faire dons & sacrifices à la déesse Iunon tant le diable derenoit ces sages mondains amusez aux folies, & resueries qu'il leur auoit apris pour se faire adorer. Je ne veux pourtant nier que les monstres ne presagent quelque malheur, mais ie blasme & la trop grande cruaute de ceux qui les faisoient mourir, & leur superstition de ce qu'ils se pensoient garentir du mal merité, par l'effusion du sang innc. Et la où ils d'eussent plustost en porter la penitence. Ainsi bien que les parts & enfans monstrueux ayent quelque signifiante, si ne fault il pas que le Chrestien y aiouste telle foy, qu'il y lie necessité, & que il pèse que le defaut d'un particulier doine estre tourné en cōsequence pour vne punitiō publique quoy que souuent cela soit aduenü, car plusieurs fois Dieu

enuoye ces monstres pour chastier les maisons où ils naissent, ou pour esprouuer & tenter leur patience. E sounēt cela se faiēt sans autre consideration que celle que les philosophes amenerent parlans de la cause de la naissance des monstres.

Fin de la quarentecinquesme histoi re.

Hh ii



HISTOIRES
DIVERSES APPARITIONS D'ESPRITZ
aux hommes & si l'en doit croire que il soit
possible que les hommes voyent les

Chapitre

XLVI.





Le scay bien que plusieurs se sont aheurtez comme cōtrevne pierre de chopement contre l'opinion ia de lōg tēps receuē tant du vulgaire, q̄ des hōmes mesmes de bon esprit, & iugement, & ont nyé tout plat que les morts peussent apparoir ny se manifester depuis que l'ame est du corps separée:

Et surquoy il y a eu de bien grāde contention les vns tenans les apparitions pour veritables, les autres soutenant du contraire.

Et ceux cy ōt pris appuy pour leur aduis sur ce que Aristote tient, que le corps de l'hōme allant en corruption & pourriture, l'ame sort ie d'iceluy perd souuenance & amour, & n'est plus subiecte aux affectiōs du sens, que les Latins appellent patibiles qualirés, laquelle sentēce est fort esloignée de ce que tiēt & enseigne la Theologie, & que recueillons de la saincte escripture, lors qu'elle nous monstre le soing des bienheureux, & avecque affection ils prient pour les affaires des viuans en ce monde, & comme souffrans avec eux offrent leurs vœux deuant la maiesté diuine, ainsi qu'on lit d'Onias grand sacrificateur, priant pour le salut du peuple Iuif, & avec luy Ieremie le prophete, que Onie dit celuy qui estoit le vray amy du peuple de Dieu:

*Aristote
li.1. de l'ame.*

2. Macabees. 15.

Et en l'Apocalipse, saint Ieā declare qu'il veit soubz l'autel les ames de ceux qui auoient esté occis pour le nom de Dieu, qui demandoient 6.

Apocalip.

Hh iii

vengeance de ceux qui persecutoient l'Eglise.

Ie-dis cecy contre ceux qui veulent oster la memoire à l'ame, qui est la vraye garde d'icelle, & l'effort de laquelle les parties sensibles ont vigueur & le sens commun retient sa force: & qui la priuent de toute affection, la ou les saintz escrits monstrent, & declarent apertement le contraire de tout cecy, de telle sorte que vous voyez Onie & Ieremie qui prient pour leurs freres Iuifs, & les martyrs en l'Apocalipse qui demandent vengeance à dieu des torts que les tyrans faisoient aux fidesmes, & à ses bons seruiteurs lesquels deffendoient la verité de sa parolle. Et bien que sur cecy ie puisse bastir la preuue des apparitions des mors, si est-ce que i'en iurserray le discours, à cause qu'il en a esté parlé cy dessus assez amplement, affin de reuenir à l'autre opiniõ, qui est des platoniques, lesquels tiennent que bien que l'ame soit hors du corps & prison d'iceluy, si est-ce qu'encor il luy demeure quelque sentiment & affection & quelque soucy du monde: non qu'elle aye desir d'y retourner, ains c'est celle charité commune qui la pousse à bien vouloir à ceux qu'elle sçait que viuent affligés en ce monde. Ainsi vous voyez que l'escole des Plato

*Opinions
differentes
d'entre les
philosophes*

niens & Aristoteleens comme les docteurs ont esté differents en opinion, les disciples tachans de les ensuyure, ont espandu ceste varieté d'aduis & controuerse d'opinions iusques aux nostres, tellemēt q̄ deux gr̃s Theologiens sont

d'opinion contraire en cest endroit pource *Ces deux*
 que l'un suyuoit Platon, & l'autre embrassoit la *sont s. Tho*
 doctrine d'Aristote. Sainct Augustin (ainsi que *mas d'A-*
 ceux qui lysent ses escrits peuuent iuger faci- *quin & s.*
 lement) est platonique, & maintient que l'ame *Augustin.*
 sortant du corps par la vertu de l'imagination,
 & effort de la partie irascible & conuoitante *s. August*
 est affectioneer aussi & esmeue ou de plaisir ou *li. de l'Es-*
 douleur selon ses merites. Or ces choses e- *prit & de*
 stants de grande consequence & difficiles à *l'ame.*
 vuidier, nous en laisserons aussi le vuidange, &
 resolution aux Teologiens, nous arrestans en
 cecy, que non sans cause l'escriture propose le *Comme la*
 soig allegué cy dessus, que les morts ont, s'il n'y a *memoire est*
 uoit en eux quelque memoire comme par- *consideree*
 tie de l'intellect & laquelle n'est point de *en l'ame se*
 choses passées, ains plustost des presentes : car *paree du*
 autrement ce seroit en vain qu'il est dit en *corps.*
 saint Luc, que le mauuais riche soigneux de
 ses freres, prioit Abraham d'enuoyer le Lazare
 au monde pour les aduertir de ce corriger, *Luc. 17.*
 affin qu'ils ne vinsset en se lieu de peine & tour-
 ment où ce riche maudit estoit affligé.

Mais vous voyez iusques là où s'estend ceste
 memoire affin d'accorder ces deux grâs Theo-
 logiens, & d'entendre, comme ils defen-
 dent chascun leur party sans en rien alterer
 le sens de l'escriture sainte. Car de pren-
 dre nuëment les parolles d'Aristote & dire que
 les ames sont sans nulle apprehension, ce seroit
 desmentir l'escriture : & de rechef dire avec
 Platon, que les ames qui ont eu quelque

Hh iiii

HISTOIRES

familiarité en ce monde, estants separées des corps, s'entrecognoissent en l'autre & se font des caresses & s'entre-embrassent : ce seroit les laisser reuestuës de mesmes passions que la grosse matiere du corps, & le sens corrompu les offusquant, leur administroit en ce monde. Parainsi nous confessons avec l'Eglise que les morts ont tel soing de ceux qui viuent, comme les viuants l'ont des morts, à scauoir, sans qu'ils scachent ce que nous faisons, si ce n'est par reuelation, & volonté diuine, nō plus que nous sommes asseurez de l'estat de ceux qui decedent, s'il ne plaist à Dieu, de nous la faire cognoistre.

Et de là est venuë la dispute des esprits & apparitions d'iceux; surquoy faut vser d'une grande & fort soygneuse sagesse, afin qu'ō ne se laisse tromper à l'ennemy de nature, lequel se transforme en ange de lumiere, afin d'atirer és lieux obscurs, (sur lesquels il preside) ceux qu'il voit estre trop curieux, & moins sages qu'il ne fault en la croyance de ces choses, esquelles il est de besoing d'esprouuer les esprits s'ils sont de Dieu, ou non, ou si telles apparitions prouiennent de la force de la phantasie, & imagination ou si c'est Sathan qui les nous propose pour nous effrayer, ainsi qu'auetz ven en l'histoire de la femme de Veruin possedee du diable. Et biē que ie ne reiecte poinct les apparitions, scachāt qu'elles peuuent aduenir, & que l'experience nous la faict cognoistre, si est-ce que ie ne conseille chascun de n'y estre trop facile à croire, à

cause que depuis que l'opinion nous entre en teste, c'est merueille comme combien Satan se ioue de ces apprehensions & quels spectres il offre a l'imbecillité de nostre imaginative. Mais quand quelcun est aduertty de telles choses, sans nulle imagination precedente, & que par effect on voit ce qui est apparu, alors il y a quelque apparence sans que ie vueille resouldre qui est celuy qui apparoit: car ie laisse (comme iay dit) le secret de l'apparition des morts à la sainte escole de Theologe suffisant de vous faire icy recit de quelques fantosmes, & visions tant du passé que du present, affin de faire voir à ceux qui nient du tout les apparitions que la chose est vraye, & que si elle n'est fondée sur raisons philosophiques, & naturelles, à tout le moins l'experience nous a fait voir l'effect avec pl^s d'effort que la rais^{on} ne nous en scauroit dōner. Et si encor ils demeurent en leur premiere peau, & persistent en l'opinion que dessus, il faudra que ie leur die que tout ainsi qu'ils reiectent l'histoire il m'est l'oisible de ne tenir cōpte de leurs raisons ny autoritez philosophiques: comme ainsi soit que ie n'establis rien de nouueau, & que nous ne sommes sur l'establissement d'un article de foy, mais seulement sur chose indifferente, & la consequence de laquelle neantmoins traine apres soy vne queue qui n'est pas de petite importance. Car ostant la foy de la veritable apparition des morts ie laisse à discourir aux Theologiens (les lettres desquels ie n'ay si auant pe-

*Genres des
apparitions
des mrts.*

netrées que ie voudroy) ce que les ennemys de l'Eglise coucluroyent contre ses traditions, & contre ce que les docteurs dicelles en ont dit, & autorisé. Laisant (dis-je) toutes ces cōtraditions, ie viendray aux exemples, & tout ainsi que j'ay distribué les apparitions, en illusions diaboliques ou puissance de l'imagination, ou chose veritable, nous toucherons le tout avec l'histoire tant ancienne que moderne.

*Pausanie
livre. 6.
en Elia-
ques.*

Quand aux illusions diaboliques, c'est choses seure que Sathan s'est ioué estrange-
gement du genre humain sous couleur de ces apparitions, qui se faisoient ou par les maisons, ou sur les tombeaux, ou par les eaux ou ailleurs, & par le moien desquelles il induisoit le peuple à superstition & idolatrie. Et pour ne me fonder entrop long discours, ie vous en allegueray vne histoire prise de Pausanie auteur Grec, laquelle estant remarquable, & digne d'estre ouye ie vous reciteray suyuant les motz dudit auteur, parlant ainsi. Enthime estant de retour vers l'Italie il combattoit contre le Heroe: l'histoire duquel se porte en ceste façon. On dit que comme Vlysse poulsé par l'orage & furie des ventz, apres la ruine de Troie allast voguant, & errant sur mer, il vint en plusieurs citez d'Italie, & de Sicile, & entre autres il vint surgir à Temesse. La comme vn de ses soldatz, & nautoniers, chargé de vin eut forcé vne fille de la ville, soudain aussi les citoiens se vengeantz de l'iniure l'assommerent à coups

de pierres : Vlyffe sans se soucier de ce massacre fait sur son compagnon, passa outre & n'en fait outre instance ny poursuite. Mais l'ame ou genie de cest homme ainsi lapidé ne cessa de la en auant de tuer les habitans de Temesse, & de s'acharner sur toute sorte d'hommes qui abordoyent en ceste ville : iusqu'a tant que l'oracle Pythéen leur commanda de quicter ceste place, & d'apaiser ce Heroë Grec qu'ils auoyent ainsi massacré : & le moien de le faire tenir quoy, estoit qu'on luy eut à bastir vn temple dedans vn boys, & luy offrir tous les ans la plus belle fille vierge qui fut en la cité de Temesse.

*Ruse du
Diable
pour se faire
adorer.*

Les citoiens donc obeissans à ce mandement de leur Dieu ne failloit aussi que se doutassent aucunement de cest esprit ou malfaisant Genie : mais Enthime passant par cas fortuit par ceste ville, & lors mesmes qu'on faisoit le sacrifice ordonné pour ce Demon, desira d'entrer dedans le temple, & dy voir la fille qui y estoit offerte.

Il y entre-voit la fille, s'enamoure d'elle, & en fin sentre-dōnent la foy que s'il la deliuroit elle seroit son espouse. Ainsi Enthime attend la sortie du Genie, le combat, & le surmonte, & le contraint de quitter la place, de sorte que ce Demon, esprit ou Genie se lança dedans la mer, sans que iamais plus les Temesseens fussent assuiectis à ce sacrifice. Vous oyez la vne estrāge, abominable illusion: le diable se dit estre l'ame de nautonier, ou Heroë Grec occis pour

HISTOIRES

*Apulée li-
ure du
Dieu de
Socrate.*

*Alexandre
d'Alex.
liure 5. ch.
23. des
iours geni-
aux.*

sa lubricité, Dieu luy permeçt d'affliger ce peu-
ple, & en fin Apollon, ou l'autre diable parlant
en son idole, dit que il failloit adorer ceste
esprit Temestéen, & l'apaiser par le sang d'une
vierge, affin que comme pour vne fille rauie
ce Grec auoit esté occis, que par le sacrifice
aussi d'une sienne semblable on apaisast l'a-
me du deffunct. De ces espritz malfaisans par-
la Apulée en ceste sorte: l'esprit humain des-
pouillé, & estant en liberté, & ayant renoncé
aux gages de sa vie au corps, ie trouue qu'il
est apellé en Latin Lemure. Or de ces Lemures
celuy qui possède paisiblement sa maison, est
apellé lar familial: la ou ceux qui pour les de-
merites de leur vie, n'ont aucun siege asseuré,
ains vaguent sans nul arrest, comme punis par
exil, seruent d'effroy aux gents de bien, &
sont nuisibles aux meschants: & quelques vns
nomment cest esprit larue. Voila les mots d'A-
pulée, ausquels ie ne veux point m'arrester,
d'autât que à louyr dire il semble qu'il face vne
transformation des hommes ou des malins e-
spritz, & qu'il les face errer suyuant la doctri-
ne, & Platonique, & Pythagorique desquelles
il estoit sectateur. De ce mesme genre d'appari-
tions estime-ie que fut cest exemple duquel est
faite mention es iours Geniaux d'Alexandre
lors qu'il parle en ceste maniere. cest chose no-
toire, & diuulgée, qu'il y a des maisons en
Romme esquelles i'ay demouré, si infamées
des tresmanifestes apparitiōs, que il n'y a eu hō-
me qui osast s'y tenir, à cause q̄ toutes les nuits

on y est inquieté de diuerses illusions ombra-
geuses & figures hideuses, & espouuentables:
& outre le bruit que cela faisoit toutes les nuits
& les horribles fremissemens, pleurs, & vrle-
mentz qu'on y entendoit, il s'offroit encor la fi-
gure d'un hōme maigre, & haue en sa face, ay-
ant vne contenance farouche, & menaçante le
corps, & couleur noire & le regard effroyable
lequel nous oyons exprimāt son nom, & de-
mandant secours en son affliction. Apres cecy
il allegue les tesmoings qui avec luy veillerent
en ce logis, & eurent le passetemps mal plai-
sant de cest hideux fantosme, lequel fuyoit
deuant la clarté, & qui gemissant, & plou-
rant monstroit sentir quelque grande destres-
se: adiuste comme vne nuit ce fantosme en-
tra en sa chambre tout y estant clos, & se mit
sous son lit, & y estaignit la chandelle, faisant
vn grand rauage iusqu' a tant qu'on eut r'al-
lumé la chandelle car lors on le veit s'en al-
ler en figure d'un homme fort laid.

Qu'on estime que ce pouuoit estre, & si
c'estoit ou vn Diable qui se tenoit là pour y
effraier les hommes, ou si quelque autre cas,
veu que ie n'en veux donner resolution, quoy
que i'aye leu que de telles apparitions sont ad-
uenues ailleurs esquelles les fantosmes appa-
roissans demandoient secours, & se disoient
estre des hommes detenus en peine suyuant
que la sainte Eglise catholique tient & confes-
se qu'il y a des tourmens presens pour la pur-
gation des hōmes nō assez nettoyyés par lon-

*Alexan.
livre des
iours geni-
aux. 2. ch. 9*

gue penitence en ce monde. Il y a d'autres sortes d'aparitions qui se raportēt à l'amitié d'entre les hommes, comme d'un exemple que le mesme Alexandre racompte, de certains siens amys allans aux bains, l'un desquels tombant malade par les chemins rendit le tribut à nature, & un sien compagnon le feit enterrer honorablement: or quelques iours apres comme cestuy fut en sa chambre, il ne fut pas si tost couché, qu'il veit son amy deffunct avec la mesme contenance & passe couleur qu'il avoit lors qu'il mourut, dequoy il sentoit un grand & merueilleux effroy, neanmoins prenāt cœur il luy demanda qui il estoit: & soudain ceste figure laruale sans luy dire mot, se despouilla des habitz que sembloit porter & s'alla coucher tout ioignant cest homme: lequel saisi de fraieur, se retira à un coing du liēt, ce fentosme s'approchant de luy pour l'embrasser: mais l'autre le repoussant, ceste figure le regarda d'une contenance furieuse, & comme le menaçant par s'aruine, & tout aussi tost se leva du liēt, prit ses habitz, & disparut sans que jamais il en eut autre apparence: neanmoins ce viuant en devint si malade, que peu s'en fallut qu'il ne perdit la vie.

Ce que ie raporte au grand saisissement de son cœur pour la crainte & effroy qu'il eut voyant devant soy chose qu'il ne pensoit estre visible, ou croyant voir un esprit lequel ne peut estre obiecté à la veue corporelle que par imagination, si ce n'est par quelque per-

mission diuine : veu qu'on lyt en diuers exemples que les amys morts loing de leurs affectiōnez sont venus leur dire à Dieu sortans de ce monde : ce que ie peux dire comme tesmoin oculaire qui en ay eu , & veu l'experience non couché , ny e somcillant , ains estant de bout & aussi bien esueillé que ie suis à present que ie descrie ceste histoire : Car le propre iour que feu nostre pere mourut , comme ie ne sceusse rien de sa maladie , & moins de sa mort , le propre iour de la feste de nostre Dame de septembre , la nuit estant en vn iardin sur les onse heures de nuit avec mes compagnons , j'allay pour esbrancher vn poirier , ou ie ne fus pas si tost escarté seul , que ie voy deuant moy la propre figure de mon pere tout blant en couleur , mais d'une grandeur excedant la proportion naturelle laquelle representation s'approchant de moy pour m'embrasser , ie mescriay si hault , que mes compagnons soudain y accoururent , & la vision s'esuanouissant ie leur racompté ce qui m'estoit aduenue , & leur dis que pour vray c'estoit mō pere. Nostre pedagogue aduertty de ce fait l'asseura de la mort , laquelle pour vray aduint sur l'heure mesme que ceste figure m'apparut : qui me fait penser que celle secreete liaison d'amitié qui est es cœurs des vrayz amys , peut donner quelque espece de leur similitude à telles apparitiōs soit q ce soyent les âmes mesmes de nos parētz & amys soit des anges qui ont charge d'icelles , car ie ne me scauroy persuader que ce soyent des

HISTOIRES

malins espritz : veu que lors que saint Pierre estoit prisonnier, & que par lange il fut deliuré, comme il vint heurter à la porte du logis où estoient les apostres, on estima que ce ne fut pas luy, ains que c'estoit son bon ange : mais de tels secretz ie m'en raporte à la sainte escole de Teologie. l'ay encor d'autres histoires veritables sur mesme occurence, & sur l'argument de la simpathe des cœurs, laquelle a son effect es ames encor apres que elles sont dissoutes de la prison du corps, affin q nous maintenions & que le soing, & que la souuenance ne l'efface point en elles par la mort, suyuant ce qui a esté dit : mais ie me contenteray d'une seule aduenue en ceste ville de Paris, à gens dignes de foy, lesquels ne croient legerement telles visions, & qui m'ont asseuré leur estre aduenue : entre autres vn honorable citoyen (que pour ne luy faire desplaisir ie ne nomme point) qui m'asseura en bonne compagnie que lors que feu M. Maurice de la porte mourut en sa maison des Faubourgs saint Marcel, sur l'heure mesme de son trespas, il vint a luy ne sçay quelle figure, qu'il ne veit point, seulement ne sçay quel remuemēt autour de sa couche & vne voix rapportant à celle du susdit de la porte, qui luy dit, il est mort : dequoy il demoura effroyé au possible : & autant en aduint à vn autre auquel la mesme figure fut dire plus ouertement que Maurice de la porte estoit mort. On marque l'heure que cela estoit aduenue & trouue lon que fut lors que le susdit rendit l'ame,

l'ame, & que sortant du monde il fut dire à dieu à ses meilleurs amys. Que si on vouloit rapporter cecy à la vigueur, & effort de la fantasie, & imagination, il n'auroit lieu en cest endroit, veu qu'on ne se persuadoit point encor que cest homme fut pour mourir de ceste maladie ou que s'il en deuoit mourir on estimoit que la maladie en seroit plus longue: & dauantage, quand l'imagination auroit lieu, encor ne scauroit on deffendre ceste voix entendue, qui donnoit la signifiante, & portoit la nouvelle de la mort de ce gentil personnage. Au reste la troisieme espece d'apparition est celle qui depend de la vertu imaginative laquelle procede ou de foiblesse de cerueau ou de trop d'apprehension, ou de faulte de cœur, qui se paissant des figures en l'esprit telles qu'il luy semble, se les represente depuis deuant les yeux de sorte que la nuit il semble qu'on voye & diuers spectres & images & diuerses figures effroyables. Et de là sont procedées plusieurs fables qu'on recite sur les apparitions des morts, parmy lesquels deuoyementz de cerueau le diable vient se meller & nous propose encor de plus estranges figures, si bien qu'en fin de l'imagination prend estre l'illusion & de deux especes d'effroy n'en est faicte qu'une: & pource fault que l'homme s'arme de foy, & qu'il se rapporte à ce que l'Eglise croit: & s'il voit que ces effrois & apparitions continuent qu'il aye recours à Dieu, qu'il prie & ieusne, car si c'est Sathan, on sçait que cest avec ces armes que Iesus chuit

HISTOIRES


nous a appris de le chasser: & si c'est autre chose encor ces mesmes moyens valent pour en voir bonne issue, mais nier tout à fait que les esprits n'apparoissent, ie ne le veux accorder, comme aussi ie ne suis trop superstitieux à croire tout ce qu'on en racompte veu les maux & abutz qu'i en peuuent aduenir. Car de trop de credulité se crée la fantasie en nous & d'icelle les illusions, lesquelles si sont & mauuaises & dangereuses l'effait. la assez donné à cognoistre, sans qu'il en faille faire plus long discours. Si ie uouloy reciter au vray vne infinité d'apparitions que ie tiens de personages dignes de foy, ie n'auray iamais faict: & d'autre part si ie prendoy deduyre le nombre des maisons esquelles on oyt d'ordinaire ne scay quel bruit effroyable d'esprits soit bons, ou mauuais, & ou n'y a homme si hardy qui ose coucher seul, à cause du tourment que ces fantosmes luy donneroyent. il me faudroit faire vne narration treilongue & peux estre facheuse au liseur. Tant y a que ie scay vn Chasteau en Gascoigne nommé Lahas, duquel il faillut que le seigneur deslogeast & s'allast tenir en vne maison qu'il feist bastir en l'enclos du bourg (car tous, ou peu s'en fault, sont murez, & fossoyez) à cause du tourmēt q̃ certain esprit & fantosme donoit & des illusions qu'il offroit, voire en plein iour à tous les domestiques: de sorte que les plus hardis & asseurez, ne scachans comme se preualoir de ce Foller, ou butin, ne vouloyent aussi s'arrester en lieu si mal plaisant & agrea-

ble que ce Chasteau, lequel on dit auoir iadis esté vne maison de religieux ou prieuré saisi par les Seigneurs, & que c'est vne punition diuine: dequoy ie ne veux donner assurance, comme n'ayant preuue manifeste de telle opinion. Bien sçay vne autre maison affligée on plustost delaissee pour mesme cause & pareils effroys, & rauages qui y aduenoient de nuit; laquelle on dit auoir esté le temps passé aux freres du temple, depuis confisquée lors que tous les Templiers furent ruinez, & exterminiez par toute l'Europe. Je diray vne autre illusion qui m'aduint au chasteau de Fōtenibles pres de Toulouse: car estant couché en vne belle chambre pres de la grand sale & de la chapelle, qui respondoit sur le iardin dudit chasteau, ie n'eus si tost fait estaindre la Chandelle, que i'ouys ne sçay quel vent, comme d'un tourbillō & sans que ie veisse chose quelconque, quoy la Lune estant tresclere rendit la chambre lumineuse, ie sentis ouurir, & tirer tous les rideaux du liēt ou i'estoy couché, & par mesme moyen on me tira toute la co uerture de dessus, non sans que ie ne sentisse vn grand effroy pour chose non pensée, & de laquelle ie n'auoy tenu propos aucun, affin qu'on ne l'accōpte ē l'imaginatiō & force de la fantasie. Car ie veilloiy, & ne pensoy à rien moins qu'à ces illusions d'esq̃lles il faut q̃ ie cōfesse frāchemēt, q̃ pour lors ie ne tenoy grand compte, & n'eusse creu qu'à peine qu'il fut possible que ces apparitions, ou rauages aduinissent quelque raison qu'on n'eut

lieu amener. Et pour mettre fin à ce discours,
 j'ay ouy dire à vn gentilhomme Angloys que
 depuis six ou sept ans que la pretendue refor-
 matiō des sectaires a eu cours aux parties du
 Norts en l'isle Angloyse, comme vn certain
 Seigneur Angloys y allaist pour y estre gouver-
 neur au nom de la royne d'Angleraire, & se fut
 faisi d'vne Abbaye, de laquelle il faisoit son pa-
 lais, il fallut que quast la place, a cause que
 toutes les nuits & luy & les siens estoient ef-
 froyez & affligez d'vne infinité d'apparitions
 de moynes, qui venoyent en l'Eglise chanter
 matines à l'heure mesme que les religieux de
 l'Eglise catholique ont de coustume de se leuer
 pour Psalmodier. Et la peur, & le despit de
 voir ces fantosmes, ou plustost vrayz espritz de
 moynes celebrer le diuin office à la mode Ro-
 maine, contraignit ce seigneur Buceriste, ou
 du tout Calviniste, de quitter ce lieu, & d'al-
 ler loger ailleurs, Dieu par là luy voulant don-
 ner à entendre, tout ainsi que iadis à Helodo-
 re, que les lieux sacrez ne doiuent ainsi estre mis
 en vsages profanes. J'ay discoursu tout cecy non
 tant pour donner quelque fondement de su-
 perstitions aux lyseurs, que pour les inciter, à
 voir, & considerer les iugementz diuins, &
 penser que les viuantz, & les mortz i'entens
 les espritz des mortz sont les creatures, & que
 par tout ce qu'il a fait, & créé il veut manifester
 & sa gloire, & sa puissance, & sa iustice aux hō-
 mes. Et bien que en l'Evangile il soit dit, que
 si les hommes ne croyent Moysse, & les pro-


pheres, que à peine adiousteront-ils foy aux mortz quand bien ils resusciteroyent, ou qu'ils viendroyent à se monstrier: si est ce que Dieu permet ou pour nous chastier, ou pour nous accuser de nostre incredulité, & mesconnoissance, ou pour l'exercice de nostre foy, que telles illusions nous soient représentées.


Fin de la quarante sixiesme & derniere histoire.
Li iij.





PROLOGE
En ce lieu, que à peine adousseront les loys aux
mones quand bien les reueils de l'ordonnance de
victorieux: le monstret: hest ce que Dieu
permet ou pour nous habiter, ou pour nous
accuser de nossement de malice: que
lance, ou pour l'exercice de nossement, que
telles illusions nous soient faites.











f/2

